

宣統二年

九月分

奏設政治官報

文海出版社印行

宣統二年

九月分

奏設政治官報

文海出版社印行



原书缺页



原书缺页



政治官報九月分總目錄

宮門鈔

諭旨 交旨 吏部引見述旨 驗放單

事由單 吏部選單 優貢七品小京官分部單 優貢知縣掣籤分省單 法部第一次考試法官等第

名次分數單

電報奏咨類

摺奏類一總目

農工商部奏南洋士甲巫眉改設中華商會等摺

浙撫奏元年分富陽等縣報墾新漲沙地區科摺

又奏各級審判檢察廳俟工竣開庭等片

資政院奏召集情形並開院禮節摺

又奏咨調續調各員奏明立案摺

直督奏查明饒陽令徐永榮被參各款摺

度支部奏查明漕運一切用款實在情形摺

又奏添撥巡警經費片

東督奏奉省 大計撥案請展緩辦理摺

度支部會奏議覆甘督奏請鹽斤加價留支兵餉摺

學部奏請 簡大臣會考北洋大學堂學生摺

又奏試辦預算入不敷出擬撙節行政經費等摺

江撫奏遴選審判檢察兩廳丞長等摺 初四日

度支部奏違議閩督奏請暫禁隣土入境摺

湘撫奏統一財政設立公所開辦情形摺

又奏籌辦西路清鄉情形片 初一日

又奏酌擬資政院議員公費旅費規則等摺

又奏候選知府俞朝榮誤作余請更正片

御史路士桓奏知縣徐永榮釀盜殃民摺 初二日

豫撫奏併議御史趙炳麟等奏請定行政經費摺

又奏請派楊捷三爲洛潼路綫總稽查片

又奏酌定東省巡道府廳州縣公費等摺 初三日

禮部奏議覆魯撫奏故粵督毛鴻賓入祀鄉賢摺

陝撫奏第四屆籌備憲政成績摺

又奏近日禁烟實在情形片

稅務處會奏川省鐵路機料酌展免稅年限摺

學部奏續派江蘇學務公所議長摺

又奏醫學研究會准立案等片

京督奏籌備憲政第三年第一屆成績等摺

陝撫奏駐防中學堂畢業生請獎摺

黔撫奏法官考試日期並遵辦各情摺

學部奏議覆鄂督奏方言學堂畢業請獎等摺

又奉直隸師範學堂簡易科畢業請獎摺

蘇撫奏清理積案片

理藩部奏蒙古議員可否援照年班例支廩餼摺

民政部會奏酌擬巡警學堂教授等員獎勵辦法摺

學部奏湖北文普通中學堂二次畢業請獎摺

又奏署統制官何宗蓮等請從優鼓勵片

又奏陸軍正參領盧靜遠請宣換副都統銜片

學部奏會考進士館游學日本畢業學員摺

農工商部奏吉林設立農務總會請給關防摺

西陵守護大臣等奏試辦種植並籌經費等摺

又奏請以拉什尼瑪補右翼總管片

又奏請將藩司衙門主計科改名審計科片

度支部奏辦過三年第一屆並現辦第二屆情形摺

又奏小京官黃傳箴請註銷同副軍校片

又奏更正法政學堂畢業生楊自南等第分數片

修訂法律大臣會奏刊印現行刑律呈覽摺

皖撫奏故牧王懋勳政績請宣付史館立傳摺

又奏裁併憲政調查局等片

蘇撫奏通判唐惠勳煙癮未除革職等片初五日

又奏遵議皖撫奏高等學堂豫科畢業請獎摺

直督奏保薦孝廉方正王輝祖等摺

贛撫奏贛省財政支絀設法籌備片初六日

又奏陳明蒙古議員已到未到並請假各員摺

東督奏撥款修建興京府署片初七日

校閱陸軍大臣奏第一鎮著有成效擬獎各員摺

又奏第一鎮協統領官曹錕請以總兵記名片

護桂撫奏統稅局卡經費請實用實銷摺初八日

法部奏各省秋審後尾並覆奏歸法部承辦摺

甘督奏考試法官監臨入闈日期摺

蒙古副都統奏經辦兩翼牧羣并查看情形摺

浙撫奏酌定府廳州縣公費并釐定經費摺

伊犁將軍奏預算不敷請照撥額款摺初九日

陸軍部奏遵議科城屯田官兵獎勵變通辦理摺

又奏游學畢業生黃承恩等請給出身官階片

熱河都統奏奈曼旗鹽務升課按年呈交等片

又奏京商銷滯原停引目請再展限五年摺 初十日

又會奏廬吉士錢崇威等游學出洋期滿帶引摺

又奏派喻長霖充京師女子師範學堂總理摺

鄂督奏廬陳鄂省第四屆籌備憲政情形摺

署江北提督奏本年春季編造報告各冊片 十一日

豫撫奏三年預算續經增減表冊編竣摺

郵傳部奏開徐海清鐵路機料請暫免稅摺

又奏京官薪水漫無限制請定京俸章程片

度支部會奏議覆浙撫奏擬辦錢糧徵信冊摺

法部奏新疆法官考試請派監臨考官摺

鄂督奏滕椿被忝冤抑請免繳捐復銀兩摺

郵傳部奏分年籌辦郵政繕單呈 覽摺

直督奏團場同知各缺請仍定爲要缺摺

憲政編查館奏請將各省例奏事件改咨具奏摺

涼州副都統奏整頓涼防軍營學務設工藝廠摺

又奏查定川漢路綫請立案片 十六日

又奏請將戒煙不力之守備夏大明等革職等片

又奏請將防軍每兵年給服裝銀兩片

又奏徵收德格等處牧場稅銀摺

直督奏廬綱各案滯銷原停引目請推展五年摺

學部奏京師法政學堂別科畢業請獎摺

又會奏主事章主球游學畢業帶引摺

浙撫奏浙江各衛所屯田錢糧改歸州縣征收摺

又奏請將已故大學士單懋謙入祀鄉賢兩摺

民政部奏議覆川省高等巡警學堂畢業錄用摺

鄂督奏高等小學堂畢業請獎摺 十二日

翰林院侍讀王榮商奏請申明例禁賭博片

吉撫遵議趙炳麟等奏請定行政經費摺 十三日

都察院奏查吏部堂司各官抵銷處分摺

又奏新疆法官考試請派襄校官片

晉撫奏廬陳第四屆籌備憲政情形摺 十四日

吉撫奏報第四屆籌備憲政情形摺

又奏游擊盧得勝等煙癮未斷請革職片 十五日

陸軍部會奏遵議湖廣綠營缺出請停補選摺

川督奏籌辦城鎮鄉地方自治情形摺

蘇撫奏籌備憲政第四屆接辦情形摺

川督奏籌辦川省邊茶公司成立情形摺

川滇邊務大臣奏籌設巡警學堂並撥給經費摺

又奏請將竹口直卡渡口添收茶釐等片

又奏籌設刷印官局片

又奏民政司養廉請援案酌加片十七日

江撫奏第三年上屆籌備憲政成績等摺

又奏請變通教員獎勵并師範義務年限片

贛撫奏第四屆籌備憲政事宜摺十八日

桂撫奏籌備憲政擬請酌量變通摺

閩督奏并議御史趙炳麟等奏請定行政經費摺

吏部奏遵議各省奏報禁煙不實督撫處分摺

民政部會奏市面均已安謐摺

又奏調查戶口擬緩辦等片

御史陳善同奏參知縣鄧希端貪贖各款片二十日

度支部奏試辦宣統三年預算並陳財政情形摺

學部奏議覆魯撫奏捐學義巧武訓 宣付史館摺

豫撫奏查明鞏縣令張書紳參款摺

法部奏監獄專修科畢業員生分別委用摺

又奏游學陸軍警察經理學生授官片

閩督奏改編巡防隊酌定餉章及成軍日期摺

又奏暫定撫署公費片

陸軍部奏本部應歸各衙門掌管事件酌量劃分摺

直督等會奏駐防高等小學開辦日期摺

江撫奏擬定巡撫司道各官俸銀數目摺

直督奏保薦孝廉方正摺

又奏遵章設立幕職分科治事摺

署粵督奏縣治改隸窒礙請仍復舊治摺

憲政編查館奏擬將官制提前官俸展後辦理摺

東督奏直隸旗奉吉江會館報領圖旗蒙荒等摺

皖撫奏皖省第四屆籌備憲政成績摺十九日

郵傳部奏議覆豫撫奏請派洛潼鐵路總稽查摺

署粵督奏遵議御史趙炳麟等請定行政經費摺

豫撫奏查明舞陽令鄧希端參款摺

政務處奏會議度支部試辦宣統三年預算等摺

理藩部奏籌備藩屬憲政第四屆已辦事宜等摺

禁煙大臣奏禁煙期限緊迫宜促進步摺

御史陳善同奏參張書紳貪贖各款片二十一日

陸軍部會奏軍官畢業黃治坤服闋擬補官階摺

東督奏裁撤海龍總管員缺并安插官兵辦法摺

皖撫奏酌擬皖省各司道公費摺

湘撫奏添改防營勇隊成軍日期摺二十二日

湘撫奏酌裁湖南同通佐貳各缺摺

又奏典史王勵勳戒煙未淨請革職等片

鄂督奏元年財政報告冊編造完竣摺 二十三日 農工商部奏蘇省設立農務總會請予立案摺

度支部奏遵議江督等電奏皖北災重截留京餉摺 湘撫奏保薦孝廉方正摺

鄂督奏遵議趙炳麟等奏請定行政經費摺 二十四日 政務處奏議覆葉芾棠奏官多流雜請停止摺

御史葉芾棠奏官多流雜請量予停止摺 浙撫奏臚陳第四屆籌備憲政事宜摺 二十五日

農工商部奏廣西潯州府設立商會請給關防摺 民政部奏運赴德國賽會物品請免稅片

閩督奏師範簡易科畢業顏作舟等給獎片 二十六日 郵傳部奏正太鐵路營業情形暨收支大數等摺

又奏萍昭鐵路改名萍株鐵路片 二十七日 吏部奏酌擬請假逾限人員收缺辦法摺

署粵督奏本月上屆籌備憲政成績摺 江督奏南匯縣五團蕩地一案訊結情形摺

翰林院侍讀學士惲奏劣董圖吞南匯蕩地片 二十八日 贛撫奏保送游學專門人才趙士北赴部考驗摺

江督奏委查江北麪粉公司饑民滋鬧情形摺 二十九日 專司訓練大臣奏變通挑選步馬隊兵丁辦法摺

度支部奏張家口銀行總辦調充山東分行總辦片 江督奏試辦預算切實裁減情形摺

江撫奏本屆 大計仍難合例請援案緩辦摺 又奏查明各屬水災并賑撫情形摺 三十日

摺奏類二總目 理藩部奏台吉逃走該管處分邊 恩豁免摺

又奏遵議皖撫奏蕪湖關短征銀兩請免賠摺 鹽政處會奏造報滇省上年分鹽務奏銷摺

又會奏滇省石膏井鹽課短銷請免議片 浙撫奏鎮海令胡鍾鈞續完錢糧扣原叅職名片

湘撫奏奏庸劣不職各員摺 又奏提學使吳慶坻飭赴本任片

又奏岳州守魏景熊等兼護岳常澧道片 又奏委戚朝卿署長沙守等片 初一日

湘撫奏請將寶慶守潘清開缺以原品休致片 豫撫奏請以許廣身補上南河同知摺

又奏主事賀紹章等辦學免扣資俸片 直督奏前署提學使盧靖捐建圖書館請獎摺

又奏同知達洪額交代虧欠請革追片 初二日

直督奏直隸高等學堂在事出力人員請獎摺

東督等奏江省試署府廳各員補授摺 初四日

東督等奏呼倫道宋小濂等請實授摺

護鄂督奏籍紳舒鳳章助學請獎摺

度支部奏考核上年征收下忙藩司功過摺

又奏請將甯羌牧陳芑芬等銷去察看字樣片

護鄂督奏宜城令王金城虧款勒追摺

又奏飭藩司王乃徵等回本任片

贛撫奏委署丞倅州縣各缺片

蘇撫奏高等學堂監督朱壽朋請免扣資俸片

又奏長洲縣紳衛仁濟捐田贍族請建坊片 初六日

直督奏小京官李棟充巡警學堂教習免扣資俸片

又奏委劉汝驥等署安慶守各缺片

護科布多辦事大臣奏接護篆務日期摺

民政部奏內外城戒煙局夏季戒淨人數摺

陝撫奏華州渭南水災籌賑片

贛撫奏採辦額木摺

學部奏請補本部書記官及司務各缺摺

度支部奏議覆皖撫奏新案賑捐請再展辦摺

滇督奏委署府縣各缺片

度支部奏議覆浙撫奏塘工絲捐請再展限摺

黔撫奏本年夏季委署廳州縣各缺摺

又奏知縣熊家琪等續完錢糧請免議片 初五日

陝撫奏賊犯寇年經拒斃事主案違駁更正摺

皖撫奏前署合肥令胡汝霖請開復摘頂處分片

鄂督奏回任接篆日期摺

甘督奏修復棗園堡渠道挖傷田地懇免銀糧片

又奏兩昌令李克鏞虧款全完請開復處分片

又奏圖書科副長小京官蔣元慶請免扣資俸片

度支部奏議覆蘇撫奏道員朱景邁捐賑請獎摺

皖撫奏購買印刷局機器報銷等片

又奏委陳延昌署泗州直牧片

贛撫奏請以王忠植調補南昌府同知摺 初八日

度支部奏議覆江督奏調導祝福申捐學請獎片

又奏長武令李經江等交代無虧請獎片

科布多參贊大臣奏軍營各員請獎摺 初七日

浙撫奏平陽縣監生王宗堯助學請獎摺

調補河南布政使王乃徵奏謝 恩等摺 十一日

甘督奏甘省被災分別蠲緩豁免錢糧摺

鄂督奏直牧許鼎鈞續完欠款請免議片十二日

護桂撫奏遵旨核減原保剿匪出力員紳摺

又奏知縣謝清泰年滿甄別片十三日

熱河都統奏征收五行斗稅銀兩報銷摺

吉撫奏委黃悠悠等署交涉使各缺片

又奏河曲令劉鶴年捐升道員開缺片十四日

又奏請以延吉守陶彬升署吉林東南路道缺片

又奏候補直牧陳揚等期滿甄別片

川督奏夏季分委署府廳州縣各缺摺

又奏請將蓬州牧戴慶唐以直牧在任候補片

贛撫奏知縣陳夔等虧缺請革追摺

東督奏東省陸軍小學堂在事人員請獎摺

鄂督奏襄陽令徐久緒虧缺請暫革勒追摺

湘撫奏委署同通州縣各缺摺二十三日

江撫奏請將張國淦以道員留江補用片

浙撫代奏學司袁嘉穀請假回籍省親摺

度支部會奏遵議魯撫奏酌保釐金人員摺

晉撫奏兩級師範學堂出力人員請獎摺

又奏候守兩霖等不安本分請革臧片

署江北提督奏委李端祐代理堰肝同知片

度支部奏議覆慎督奏籌餉振捐請獎摺

又奏請將直牧馮錫薇等留桂補用片

浙撫奏元年分奏銷案內盤查倉毀摺

又奏碌碌科地方等稅局徵不敷用擬裁併片

晉撫奏請以葛文濬補代州直牧摺

東督等奏東南路道郭宗熙請升署交涉使摺

豫撫奏委孔祥霖等署藩司各缺片

晉撫奏廣東知府鮑振鏞暫緩赴任片十五日

又奏漢州牧樓藜然捐升道員請開缺片

署粵督奏知縣鄒翼清等虧缺請革追摺

又奏請將革令馬肇修開復原官銜劄片

又奏請以李樹恩試署吉林西南路道摺二十二日

護桂撫奏請以邱學慎補懷集令摺

理藩部奏扎薩克台吉報捐銀兩獎給翎枝摺

川督奏請以袁大棧等補夾江令等缺摺

又奏委郭則讓等署提學使各缺片二十四日

又奏遵員調充甘肅正監理官摺

東督奏革令唐宗源虧缺潛逃請飭嚴緝片

又奏署昌圖守洪汝冲等聚賭請革職片

魯撫奏山東客籍高等學堂出力人員請獎摺
川滇邊務大臣奏德格逆匪肅清員弁請獎摺
又奏關外辦學人員請憑三年成績給獎片
川督奏撫卹被災各屬情形片
又奏已故成都縣舉人武謙請入祀鄉賢祠片
又奏孀婦劉張氏捐自治局經費請移獎片
江撫奏請將郎中張志潭等調江差委等片
察哈爾都統等奏擬保拿獲鬍匪文武各員摺
東督奏海龍總管依凌阿請以副都統候 簡摺
浙撫奏學務公所各員供差期滿請獎摺 二十七
川督奏川省餉源不繼請援案再辦捐輸一次摺
都察院奏遵議吏部主事李景綱等處分摺
浙撫奏請將革令周廷祚開復原官片
鄂督奏知縣蕭方騏等期滿甄別片 二十五日
又奏關外辦學人員三年成績卓著請獎摺
又奏已故候選通判楊維藩因公殞命請卹片
又奏已故灌縣令錢璋入祀名宦祠片
又奏彭水縣職員徐聯輝等助學請獎片
魯撫奏湖南附生王英備捐書入圖書館建坊片
鄂督奏補用道盛春頤期滿甄別片
熱河都統奏挑挖河道人員循例酌保片 二十六日
署粵督奏革令林玉銘被參冤抑請開復片
度支部奏預撥甘肅協餉摺
又奏預辦宣統三年新捐照十成給獎片 二十九日
川督奏上年通省地糧開銷銀兩數目摺
署粵督奏請將革令李光襄開復原官片 三十日

政治官報九月分分目

摺奏類一分目

憲政門

資政院奏召集情形並開院禮節摺 初二日

東督奏籌備憲政第三年第一屆成績等摺

理藩部奏蒙古議員已到未到並請假各員摺 初七日

鄂督奏隴陳鄂省第四屆籌備憲政情形摺 十一日

吉撫奏報第四屆籌備憲政情形摺 十五日

蘇撫奏籌備憲政第四屆接辦情形摺 十七日

贛撫奏第四屆籌備憲政事宜摺 十八日

桂撫奏籌備憲政擬請酌量變通摺

署粵督奏調查戶口擬緩辦等片 二十日

浙撫奏隴陳第四屆籌備憲政事宜摺 二十五日

吏政門

資政院奏咨調續調各員奏明立案摺

直督奏查明饒陽令徐永榮被參各款摺

東督奏奉省 大計援案請展緩辦理摺 初三日

蘇撫奏通判唐惠勳煙癮未除革職等片 初五日

民政部會奏巡警學堂教員等獎勵辦法摺 初七日

又奏游學畢業生黃承恩等請給出身官階片 初十日

陝撫奏第四屆籌備憲政成績摺 初四日

陝撫奏裁併憲政調查局等片 初五日

度支部奏陳明三年第一屆情形等摺 初十日

晉撫奏隴陳第四屆籌備憲政情形摺 十四日

川督奏籌辦威儀鄉地方自治情形摺 十六日

江撫奏第三年上屆籌備憲政成績等摺

憲政編查館奏擬將官制提前官俸展後辦理摺

皖撫奏皖省第四屆籌備憲政成績摺 十九日

理藩部奏籌備憲政第四屆事宜等摺 二十一日

署粵督奏本年上屆籌備憲政成績摺 二十八日

又奏候選知府俞朝榮誤作余請更正片

御史路士桓奏知縣徐永榮濫盜殃民摺 初二日

江撫奏遴選審判檢察兩廳丞長等摺 初四日

直督奏保薦孝廉方正王輝祖等摺 初六日

陸軍部奏小京官黃傳箴請註銷同副軍校片

民政部議覆川省巡警學堂畢業錄用摺 十二日

都察院奏查吏部堂司各官抵銷處分摺

直督奏圍場同知各缺請仍定為要缺摺

憲政編查館奏各省例奏事件改咨具奏摺十六日

直督奏保薦孝廉方正摺

署粵督奏縣治改隸望嶺請仍復舊治摺十八日

豫撫奏查明舞陽令鄧希端叅款摺

豫撫奏查明鞏縣令張書紳叅款摺

湘撫奏酌裁湖南同通佐貳各缺摺

湘撫奏保薦孝廉方正摺二十四日

御史葉芾棠奏官多流雜請量予停止摺二十五日

江撫奏本屆 大計仍難合例請援案緩辦摺三十日

民政門

度支部奏遵議閩督奏請暫禁隣土入境摺

陝撫奏近日禁烟實在情形片初四日

民政部會奏市面均已安謐摺二十日

江督奏南匯縣五團蕩地一案訊結情形摺

江督奏委查江北麪粉公司饑民滋鬧情形摺二十九日

財政門

浙撫奏元年分富陽等縣報墾新漲沙地墾科摺

資政院奏酌擬資政院議員公費旅費規則摺初二日

鄂督奏滕椿被叅冤抑請免捐復銀兩摺十四日

又奏游擊盧得勝等煙癮未斷請革職片十五日

蘇撫奏請將戒煙不力夏大明等革職片十七日

江撫奏遵章設立幕職分科治事摺

吏部奏遵議各省奏報禁煙不實督撫處分摺

御史陳善同奏叅鄧希端貪贖各款片二十日

御史陳善同奏叅張書紳貪贖各款片二十一日

直督等奏王勳勳戒煙未淨請革職等片二十三日

政務處奏議覆葉芾棠奏官多流雜請停止摺

吏部奏酌擬請假逾限人員收缺辦法摺二十八日

湘撫奏籌辦西路清鄉情形片初一日

翰林院侍讀王榮商奏請申明賭禁片十三日

禁煙大臣奏禁煙期限緊迫宜促進步摺二十一日

翰林院侍讀學士惲奏劣董圖吞蕩地片二十八日

江撫奏查明各屬水災并賑撫情形摺三十日

湘撫奏統一財政設立公所開辦情形摺初一日

度支部奏查明漕運一切用款實在情形摺

豫撫奏併議御史趙炳麟等奏請定行政經費摺 又奏添撥巡警經費片

東督奏酌定東省巡道府廳州縣公費等摺初三日 度支部奏議覆甘督奏請鹽斤加價留支兵餉摺

陝撫奏預算入不敷出擬掙節行政經費等摺初四日 贛撫奏贛省財政支絀設法籌備片初六日

理藩部奏蒙古議員可否援照 年班例支廩餼摺 東督奏撥款修建 興京府署片初七日

護桂撫奏統稅局卡經費請實用實銷摺初八日 浙撫奏酌定府廳州縣公費并釐定經費摺

又奏請將藩司衙門主計科改名審計科片 伊翠將軍奏預算不敷請照撥額款摺初九日

熱河都統奏奈曼旗鹽務升課按年呈交等片 直督奏蘆綱各案滯銷原停引目請推展五年摺

又奏京商銷滯原停引目請再展限五年摺初十日 浙撫奏浙江各衛所屯田錢糧改歸州縣征收摺

署江北提督奏本年春季編造報告各冊片十一日 豫撫奏三年預算續經增減表冊編竣摺十二日

翰林院奏京官薪水漫無限制請定京俸章程片 吉撫遵議趙炳麟等奏請定行政經費摺十三日

度支部會奏議覆浙撫奏擬辦錢糧徵信冊摺十四日 川滇邊務大臣奏籌設巡警學堂並撥給經費摺

又奏徵收德格等處牧場稅銀摺 又奏請將竹且直卡渡口添收茶釐等片

又奏籌設刷印官局片 江撫奏擬定巡撫司道各官俸銀數目摺

又奏民政部養廉請援案酌加片十七日 東督奏直隸旗奉吉江會館報領圖旗蒙荒等摺

閩督奏并議御史趙炳麟等請定行政經費摺十九日 粵督奏遵議趙炳麟等請定行政經費摺二十日

政務處奏會議度支部試辦宣統三年預算等摺 度支部奏試辦宣統三年預算等摺二十一日

閩督奏改編巡防隊酌定餉章及成軍日期摺 皖撫奏酌擬皖省各司道公費摺

又奏暫定撫署公費片二十二日 鄂督奏元年財政報告冊編造完竣摺二十三日

度支部奏遵議江督等電奏皖北災重截留京餉摺 鄂督奏遵議趙炳麟等請定行政經費摺二十四日

民政部奏運赴德國賽會物品請免稅片二十六日 度支部奏張家口銀行總辦調充山東總辦片

江督奏試辦預算切實裁減情形摺 三十日

禮制門

禮部議覆魯撫奏故粵督毛鴻賓入祀鄉賢摺 初四日
皖撫奏故牧王懋勳政績請宣付史館摺 初五日

鄂督奏請將故大學士單懋謙入祀鄉賢祠摺 十一日
學部議覆魯撫奏義丐武訓宣付史館摺 二十一日

學務門

學部奏請 簡大臣會考北洋大學堂學生摺 初四日
又奏續派江蘇學務公所議長摺

又奏更正法政學堂畢業生楊自南等第分數片
又奏醫學研究會准立案等片

陝撫奏駐防中學堂畢業生請獎摺 初五日
學部奏議覆鄂督奏方言學堂畢業請獎等摺

又奏遵議皖撫奏高等學堂豫科畢業請獎摺
又奏直隸師範學堂簡易科畢業請獎摺 初六日

又奏湖北文普通中學堂二次畢業請獎摺 初八日
又奏會考進士館游學日本畢業學員摺 初九日

又奏京師法政學堂別科畢業請獎摺
又會奏麻吉士錢崇威等游學出洋期滿帶引摺

又會奏主事章圭球游學畢業帶引摺
又奏派喻長霖充女子師範學堂總理摺 十一日

鄂督奏高等小學堂畢業請獎摺 十二日
江撫奏變通教員獎勵師範義務年限片 十八日

直督等會奏駐防高等小學開辦日期摺 二十三日
閩督奏師範科畢業顏作舟等給獎片 二十六日

贛撫奏保游學專門人才趙士北赴部考驗摺 二十九日

法律門

湘撫奏各級審判檢察廳俟工竣開庭等片 初一日
修訂法律大臣會奏刊印現行刑律呈 覽摺

黔撫奏法官考試日期並遵辦各情摺 初五日
蘇撫奏清理積案片 初六日

法部奏各省秋審後尾並覆奏歸法部承辦摺
甘督奏考試法官監臨入闈日期摺 初九日

法部奏新疆法官考試請派監臨考官摺
又奏新疆法官考試請派襄校官片 十四日

又奏監獄專修科畢業員生分別委用摺 二十二日

軍政門

校閱陸軍大臣奏第一鎮著有成效擬獎各員摺

又奏署統制官何宗蓮等請從優鼓勵片 初八日

又奏第一鎮協統領官曹錕請以總兵記名片

又奏正參領盧靜遠請 賞副都統銜片 初九日

蒙古副都統奏經辦兩翼牧羣并查看情形摺

又奏請以拉什尼瑪補右翼總管片 初九日

陸軍部奏遵議科城屯田官兵變通獎勵摺 初十日

又會奏遵議湖廣綠營缺出請停補選摺

涼州副都統奏整頓涼防軍學並設工藝廠摺 十六日

川督奏請將防軍每兵年給服裝銀兩片 十七日

陸軍部會奏軍官畢業黃治坤服闋擬補官階摺

又奏游學陸軍警察經理學生授官片

東督奏裁撤海龍總管員缺并安插官兵辦法摺

湘撫奏添改防營勇隊成軍日期摺 二十二日

陸軍部奏各衙門掌管事件酌量劃分摺 二十三日

專司訓練大臣奏挑選步馬隊辦法摺 三十日

農工商政門

農工商部奏南洋士甲巫眉改設中華商會摺 初一日

又奏吉林設立農務總會請給關防摺

西陵守護大臣等奏試辦種植並籌經費等摺 初九日

農工商部奏蘇省設立農務總會請予立案摺 二十四日

郵電航路政門

豫撫奏請派楊捷三為洛潼路線總稽查片 初三日

郵傳部奏開徐海清鐵路機料請暫免稅摺 十三日

又奏分年籌辦郵政籌單呈 覽摺 十五日

川督奏查定川漢路線請立案片 十六日

郵傳部奏議覆豫撫奏派鐵路總稽查摺 二十日

又奏正太鐵路營業情形暨收支大數等摺

又奏萍昭鐵路改名萍株鐵路片 二十七日

摺奏類二分目

吏政門

浙撫奏鎮海令胡鍾黔續完錢糧扣原奏職名片
 又奏提學使吳慶坻飭赴本任片
 又奏委戚朝卿署長沙守等片 初一日
 豫撫奏請以許廣身補上南河同知摺
 直督奏直隸高等學堂在事出力人員請獎摺
 東督等奏江省試署府廳各員補授摺 初四日
 黔撫奏本年夏季委署廳州縣各缺摺
 度支部奏考核上年征收下忙藩司功過摺
 皖撫奏前署合肥令胡汝霖請開復摘頂處分片
 鄂督奏回任接篆日期摺
 贛撫奏委署丞倅州縣各缺片
 蘇撫奏高等學堂監督朱壽朋請免扣資俸片
 度支部奏議覆蘇撫奏道員朱景邁捐賑請獎摺
 皖撫奏委劉汝驥等署安慶守各缺片
 護科布多辦事大臣奏接護篆務日期摺
 陝撫奏長武令李經江等交代無虧請獎片
 學部奏請補本部書記官及司務各缺摺
 調補河南布政使王乃徵奏謝 恩等摺 十一日
 鄂督奏直牧許鼎鈞續完欠款請免議片 十二日

湘撫奏叅庸劣不職各員摺
 又奏岳州守魏景熊等兼護岳常澧道片
 湘撫奏請將寶慶守潘清開缺以原品休致片
 又奏主事賀紹章等辦學免扣資俸片 初二日
 滇督奏委署府縣各缺片
 又奏呼倫道宋小濂等請實授摺
 鄂督奏知縣熊家琪續完錢糧請免議片 初五日
 陝撫奏請將甯羌牧陳芑芬等銷去察看字樣片
 護鄂督奏宜城令王金城虧款勒追摺
 又奏飭藩司王乃徵等回本任片
 又奏南昌令李克鏞虧款全完請開復處分片
 又奏圖書科副長蔣元慶請免扣資俸片 初六日
 直督奏小京官李棟充學堂教習免扣資俸片
 又奏委陳延昌署泗州直牧片
 贛撫奏請以王忠植調補南昌府同知摺 初八日
 科布多參贊大臣奏軍營各員請獎摺 初十日
 伊犁將軍奏印務章京景顯年滿請照例選用片
 署江北提督奏委李端祐代理堰阡同知片
 護桂撫奏遵 旨核減原保剿匪出力員紳摺

又奏請將直牧馮錫薇等留桂補用片

吉撫奏委黃悠愈等署交涉使各缺片

又奏河曲令劉鶴年捐升道員開缺片十四日

又奏請以延吉守陶彬升署吉林東南路道缺片

又奏候補直牧陳揚等期滿甄別片

川督奏夏季分委署府廳州縣各缺摺

又奏請將蓬州牧戴慶唐以直牧在任候補片

贛撫奏知縣陳夔等虧款請革追摺

東督奏請以李樹恩試署吉林西南路道摺二十二日

護桂撫奏請以邱學慎補懷集令摺

江撫奏請將張國淦以道員留江補用片

浙撫代奏學司袁嘉穀請假回籍省親摺

度支部會奏遵議魯撫奏酌保釐金人員摺

東督奏革命唐宗源虧款潛逃請飭嚴緝片

又奏署昌圖守洪汝冲等聚賭請革職片

川滇邊務大臣奏德格逆匪肅清員弁請獎摺

鄂督奏補用道盛春頤期滿甄別片

熱河都統奏挑挖河道人員循例酌保片二十六日

署粵督奏革命林玉銘被叅冤抑請開復片二十七日

又奏知縣謝清泰年滿甄別片十三日

晉撫奏請以葛文濬補代州直牧摺

東督等奏東南路道郭宗熙請升署交涉使摺

豫撫奏委孔祥霖等署藩司各缺片

晉撫奏廣東知府鮑振鏞暫緩赴任片十五日

又奏漢州牧樓斐然捐升道員請開缺片

署粵督奏知縣鄒翼清等虧款請革追片

又奏請將革命馬肇修開復原官銜翎片

鄂督奏襄陽令徐久緒虧款請暫革勒追摺

湘撫奏委署同通州縣各缺摺二十三日

川督奏請以袁大棧等補夾江令等缺摺

又奏委郭則澣等署提學使各缺片二十四日

又奏邊員調充甘肅正監理官摺

又奏候守雨霖等不安本分請革職片

鄂督奏知縣蕭方騏等期滿甄別片二十五日

江撫奏請將郎中張志潭等調江差委等片

察哈爾都統等奏擬保拿獲鬻匪文武各員摺

東督奏海龍總管依凌阿請以副都統候簡摺

署粵督奏請將革命李光襄開復原官片三十日

民政門

民政部奏內外城戒煙局夏季戒淨人數摺

川督奏撫卹被災各屬情形片二十六日

財政門

度支部奏直隸駐防官兵借支餉銀免摺

鹽政處會奏造報滇省上年分鹽務奏銷摺

直督奏同知達洪額交代虧欠請革追片初二日

又奏議覆浙撫奏塘工絲捐請再展限摺初五日

皖撫奏購買印刷局機器報銷等片初八日

甘督奏甘省被災分別蠲緩豁免錢糧摺十二日

浙撫奏元年分奏銷案內盤查倉穀摺

又奏硃碌科地方等稅局徵不敷用擬裁併片十四日

度支部奏預撥甘肅協餉摺

又奏預辦宣統三年新捐照十成給獎片二十九日

禮制門

蘇撫奏長洲縣紳衛仁濟捐田贍族請建坊片初六日

川督奏已故灌縣令錢璋入祀名宦祠片

學務門

直督奏前署提學使盧培捐建圖書館請獎摺初二日

度支部議覆江督奏訓導祝福申捐學請獎片初十日

浙撫奏平陽縣監生王宗堯助學請獎摺十一日

陝撫奏華州渭南水災籌賑片初十日

又奏遵議皖撫奏蕪湖關短征銀兩請免賠摺

又會奏滇省石膏井鹽課短銷請免議片初一日

度支部奏議覆皖撫奏新案賑捐展辦摺初四日

甘督奏修復渠道挖傷田地懇免銀糧片初六日

贛撫奏採辦額木摺初十日

度支部奏議覆滇督奏籌餉振捐請獎摺十三日

熱河都統奏征收五行斗稅銀兩報銷摺

川督奏劉張氏捐自治局經費請移獎片二十六日

川督奏川省餉源不繼請援案再辦捐輸一次摺

又奏上年通省地糧開銷銀兩數目摺三十日

又奏已故舉人武謙請入祀鄉賢祠片二十六日

又奏已故舉人武謙請入祀鄉賢祠片二十六日

又奏已故舉人武謙請入祀鄉賢祠片二十六日

又奏已故舉人武謙請入祀鄉賢祠片二十六日

又奏已故舉人武謙請入祀鄉賢祠片二十六日

八 PDG

晉撫奏兩級師範學堂出力人員請獎摺

川滇邊務大臣奏關外辦學人員三年請獎摺

川督奏彭水縣職員徐聯輝等助學請獎片

浙撫奏學務公所各員供差期滿請獎摺二十七日

法律門

陝撫奏賊犯寇年經拒斃事主案遵駁更正摺初六日

軍政門

東督奏東省陸軍小學堂在事人員請獎摺二十二日

藩政門

理藩部奏台吉逃走該管處分違恩豁免摺初一日又奏扎薩克台吉報捐銀兩獎給翎枝摺二十四日

魯撫奏山東客籍學堂出力人員請獎摺二十五日

又奏關外辦學人員請獎三年成績給獎片

魯撫奏王英備捐書入圖書館建坊片二十六日



西曆一千九百十年十月三號 星期一

本局設立北京東長安牌樓王府井大街

宣統二年九月初一日第壹仟伍拾叁號

電話內城總局第二百零一號

政 治 官 報

目 錄

●宮門鈔○交 旨二道○事由單●摺奏類一○農工商部奏南洋士甲巫眉地方改設中華商會請給關防摺○度支部
 奏遵議閩督奏禁煙喫緊請暫禁隣土入境摺○浙撫奏元年分富陽等縣報墾新漲沙地墾料摺○湘撫奏統一財政設立公
 所開辦情形摺○又奏各級審判檢察廳俟工竣再行開庭籌款等片○又奏籌辦西路清鄉情形片●摺奏類二○理藩部奏
 台吉逃走照例斥革該管處分恭逢 恩詔豁免摺○度支部奏直隸駐防官兵借支俸餉恭逢 恩詔豁免摺○又奏遵
 請皖撫奏蕪湖關常稅短征銀兩請免賠繳摺○鹽政處會奏造報滇省上年分鹽務奏銷摺○又會奏滇省石膏井鹽課短銷
 不及三釐請免議片○浙撫奏代理鎮海金胡鎮鎮定儀糧額扣原額職名片○湘撫奏恭庸劣不職各員摺○又奏提學使
 吳慶坻飭赴本任片○又奏岳州守魏景熊等兼護岳常禮道片○又奏委威朝卿署長沙守等片●廣告

政治官報 目錄

九月初一日第一千五百三號

宮門鈔

八月二十九日 陸軍部 鑾輿衛 廂白旗值日 劉玉麟 沈瑞麟得 賞寶星
謝 恩 新授安徽布政使連甲謝 恩 新授江蘇道林景賢謝 恩 禮王
續假五日 祥普請假五日 世榮請假一個月 資政院遞封奏二件 順天府遞封
奏一件

召見軍機 連甲 林景賢

交旨

八月二十九日

監國攝政王鈐章

軍機大臣欽奉

諭旨資政院奏酌擬資政院議員公費旅費規則並別訂旅費數目繕單呈覽一摺著依議又
奏咨調續調各員銜名分繕清單奏明立案一摺又奏續調人員候選知府俞朝榮前奏俞
字誤作余字更正立案一片均知道了欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨順天府奏查明州縣被各款據實覆陳一摺知道了欽此

軍機大臣署名奕劻毓朗那桐徐世昌

八月二十九日內摺傳 旨事由單

●民政部奏擬訂著作權律呈 覽事單一件奉 旨留●陸軍部會奏議覆兩廣總督奏陳世莊等請
襲世職事奉 旨依議○又奏議覆科布多屯田獎勵變通辦法分別准駁事奉 旨依議○又片奏游
學畢業生黃承恩等給予出身階事奉 旨依議○又片奏分部七品小京官黃傳能註銷同副軍校事
奉 旨依議○又奏議覆廣西講武堂學員畢業給予出身事奉 旨依議○又奏議覆各省武職補缺
彙奏事單一件奉 旨依議○又片奏議覆陝甘總督奏陳政才補新城營都司議駁事奉 旨依議○
又片奏都統奎俊補廕事奉 旨依議○又奏核覆北洋機器製造局購買機器添造廠房等款分別准駁
事奉 旨知道了○又奏駁覆北洋陸軍無線電報蓋局購機等項用款報銷事奉 旨知道了○又奏
駁覆直隸練軍報銷事奉 旨知道了○又片奏核覆熱河強勝營及改編常備軍收支各款報銷事奉
旨知道了○又奏核覆熱河夫馬工料等項報銷事奉 旨知道了○又奏核覆山西機器局購買機器
埋廠房用款報銷事奉 旨知道了○又奏核覆山西機器局購買物料用過銀兩報銷事奉 旨知
了○又奏核覆川省制營朋馬報銷事奉 旨知道了○又片奏核覆山西常備軍卹賞銀兩報銷事奉
旨知道了●饒白旗滿洲奏驍騎校繼綱因病告退事奉 旨知道了●順天府奏京師糧價錢價事
單一件奉 旨知道了○又奏現審月摺奉 旨知道了

八月二十九日外摺欽奉 硃批事由單

●恩壽奏第四屆籌備憲政成績摺 該衙門知道○又奏近日禁煙實在情形片 該衙門知道○又奏裁
併憲政調查局等片 該部知道○又奏試辦預算入不敷出擬摺節行政經費並暫緩解款摺 度支部議
奏○又奏長武令李經江等交代無虧請獎片 允行吏部知道○又奏臨潼令吳庚請開缺終養片 吏部
知道○又奏二麥實收分數摺 知道了○又奏華州渭兩水災籌賑片 知道了著即妥為賑撫毋令失所
○又奏解甘新協餉片 該部知道○又奏六月分兩糧情形摺 知道了○又奏陝省駐防中學堂畢業生

請獎摺 學部議奏單併發○又奏賊犯寇年經因行竊拒斃事主案遵駁問擬摺 大理院覆判具奏○又奏請將開缺牧陳芑芬等銷去察看字樣片 允行該部知道○又奏本年上半年陝省京控案件片 該衙門知道○又奏尋常命犯朱滿滢等案彙奏摺 大理院覆判具奏●錫良奏奉省大計援案請展緩辦理摺 著照所請該部知道○又奏縣丞陸榮河期滿甄別片 覽○又奉署康平令紀應瀾病故開缺片 吏部知道○又奏撥款修建 興京府署片 該部知道○又奏籌備憲政第三年第一屆成績並第二屆籌備情形摺 該衙門知道○又奏酌定奉省巡道府廳等公費等摺 該部知道●朱家寶奏請以胡德修補巢縣令摺 吏部議奏○又奏已故六安牧王懋勳政績宣付史館立傳摺 著照所請該衙門知道○又奏前署合肥令胡汝霖請開復摘頂處分片 允行該部知道○又奏委陳延昌署泗州直牧片 知道了○又奏查明三十四年下半年釐金收解數目摺 度支部知道單併發○又奏委劉汝驥等署安慶府各缺片 知道了○又奏補用道顧賜書期滿甄別片 覽●毓秀奏接印日期謝 恩摺 知道了●錫桐奏謝授提法使 恩請 陸見摺 毋庸來見●玉崑鍾靈奏揀選驍騎校擬定正陪摺 硃閣金桂

摺奏類一

農工商部奏南洋士甲巫眉地方改設中華商會請給關防摺
 奏為南洋士甲巫眉地方改設中華商務總會援案請給關防以昭信守恭摺仰祈 聖鑒
 事竊 部於宣統元年正月間據渤良安埠中華商務總會總理楊明簡等稟請在士甲巫眉
 地方設立中華商務分會並舉中書科中書銜陳泮水為總理吳文松為協理呈請立案等情
 當經照准札委在案本年七月間據該分會稟稱該埠華商約以數萬計雖非船泊口岸而山
 陸鐵路來往交衝華僑衆多商務日盛該埠與渤良安地方相隔太遠遇有要事欲行開會與

總會商議路遠阻隔聲氣每苦不通爰集衆公議擬請改爲中華商務總會仍舉中書科中書街陳泮水爲總理吳文松爲協理呈乞奏請頒給關防俾資遵守等情到部臣等伏查土甲巫眉埠隸屬荷蘭爲爪哇島內著名部落其地西連茂物南接南海東通芝安氣候炎煥土脈膏腴其出產以糖米爲大宗閩粵華僑居該埠者數約五六萬該華僑遠懷祖國聯合商會以爲遙奉聲教之資其樸誠愛戴尤堪嘉許亟宜因勢利導准其改設總會俾與渤良安埠商會互相聯絡共收輔車之益除總協理等員由臣部加札委用外自應查照成案刊發關防並隨時督飭妥籌辦理以仰副聖朝懷遠之至意所有土甲巫眉埠改設中華商務總會案請給關防緣由理合恭摺具陳伏乞皇上聖鑒訓示謹奏宣統二年八月二十一日

奉 旨依議欽此

度支部奏遵議閩督奏禁煙喫緊請將鄰省土藥暫禁入境摺

奏爲遵 旨議奏恭摺仰祈聖鑒事宣統二年七月十七日軍機處交出閩浙總督松

壽電奏一件奉 旨松壽電奏閩省禁煙正在喫緊請將鄰省土藥暫禁入境等語著度支

部議奏欽此欽遵鈔交前來據電奏內稱閩省請禁鄰省土藥入境准度支部電暫准放行自應聽候通籌辦理但閩省目前禁煙情形實有稍縱即逝之勢蓋自禁煙 令下閩省禁種

一事官紳合辦不遺餘力得以全省淨絕現屆秋令煙苗下種之時正在嚴禁搜查不准再行偷種若任鄰土入境是同一禁種此省遵禁頓失厚利而他省轉得暢銷小民重利必生覬覦之心其難者一閩省禁止鄰土入境係奏明奉 旨在前閩人固習聞之今忽放行必疑長

官禁令兩歧將來或犯種煙懲勸幾窮於術其難者二近日閩中各地方籌議抵制鄰土衆情固結福州土商公幫聯具稟結自願永遠不販鄰省土藥以息浮言若一旦復予放行民心浮動隱患何窮其難者三惟有再行籲請 俯念閩省禁煙正在喫緊准將鄰省土藥暫禁入境俟過此種煙時令度支部調查人員回京再候奏明辦理以維煙禁而順輿情等語 臣等伏查閩省禁止各省土藥入境一案經 臣部於七月初七日奏明請 旨飭下該督遵照 臣部奏定土藥統稅章程將已完統稅土藥暫准放行俟 臣部派往各省調查土藥人員查竣回京後體察情形再將停征統稅禁止販運各事宜通盤籌畫奏明辦理等因奉 旨依議欽此遵卽鈔錄原奏恭錄 諭旨咨行遵照並摘錄原奏大意先行電知在案今該督接到 臣部電文復以禁煙喫緊電請將鄰省土藥暫禁入境查 臣部征收土藥統稅本係各省通行定章此時煙禁加嚴卽欲停收統稅禁止販運亦應體察各省禁種情形通盤籌畫一律辦理現在 臣部派往各省調查土藥人員均已先後查覆業將各省禁種土藥未能淨絕情形另摺具奏在該督兩次請禁鄰土入境無非以本省土藥禁種淨絕爲詞今查得該省興化府屬栽種土藥尙未淨盡並聞福州一處本年春間每月僅銷洋藥七十餘箱入夏以來頓加至一百七十餘箱是該省於禁種禁吸並未實力奉行專欲先禁鄰土徒累商戶於禁煙亦未必實有神益且 國家既收統稅斷無各省自分畛域之理應請 旨飭下閩浙總督遵照 臣部奏定土藥統稅章程將已完統稅之商土准其放行倘該省地方滋生事端該督亦不能辭其咎也所有 臣等遵議緣由理合恭摺具陳伏乞 皇上聖鑒謹 奏宣統二年八月二十三日奉

旨依議欽此

浙江巡撫增韜奏元年分富陽等縣報墾新漲沙地陸科摺

奏爲宣統元年奏銷案內富陽等縣報墾新漲沙地陸科改題具奏恭摺仰祈 聖鑒事竊准部咨州縣地方實有可墾之荒地勸民陸續墾種照例陸科等因茲據布政使顏鍾騷詳稱據富陽縣冊報墾戶施有生開墾新漲沙地二十九畝一分五釐八毫三絲三忽應征銀八錢七分五釐又據墾戶董復昌開墾新漲沙地四十四畝二分九釐一毫六絲六忽應征銀一兩三錢二分九釐又據墾戶吳永和開墾新漲沙地二十四畝應征銀七錢二分又據象山縣冊報墾戶林達房開墾額外蕩田二頃應征銀三兩三錢六分又據墾戶陳氏思本學堂開墾額外蕩田四頃應征銀六兩七錢二分又據墾戶范樹滋開墾額外蕩田六十畝應征銀一兩八釐又據墾戶陳梯房開墾額外蕩田一頃九十三畝三分一釐九毫應征銀三兩二錢四分八釐以上各案均請自宣統元年起征入額取造冊結詳請具 奏前來 臣覆核無異除冊結分送度支部給事中外謹恭摺具陳伏乞 皇上聖鑒敕部核覆施行謹 奏宣統二年八月二十一日奉 硃批度支部知道欽此

湖南巡撫楊文鼎奏統一財政設立公所開辦情形摺

奏爲湘省籌辦統一財政設立公所擬議開辦情形恭摺具陳仰祈 聖鑒事竊前准度支部咨奉 上諭各省財政頭緒紛繁自非統一事權不足以資整理嗣後各省出納款目除鹽糧關各司道經管各項按月造冊送藩司或度支司查核外其餘關涉財政一切局所著各

該督撫體察情形限予一年次第裁撤統歸藩司或度支司經管所有款目由司庫存儲分別支領卽由各督撫飭該藩司等將全省財政通盤籌畫認真整頓仍著度支部隨時收核分別勸懲以副綜核名實之至意欽此當經前撫臣岑春煇恭錄轉行欽遵辦理去後旋因本年三月省城痞徒乘機擾亂繼值常德水災籌辦賑撫善後事務殷繁經臣電奏展緩三個月奉

旨允准欽遵轉行在案七月間新任藩司趙瀆彥到任卽經督飭趕緊籌辦茲據該司詳稱遵查湖南糧道早經裁缺歸併藩司經管此外尙有湘省牙釐局善後局及附屬於善後局之籌賑墾務官運報銷各所其歲出歲入款項繁多自應一律裁撤統歸藩司以總其成擬就藩署北面隙地推展建築設立財政公所一區其藩司衙門吏治民政事宜固於財政無關亦應劃清界限合計分設六科曰總務曰田賦曰筦權曰制用曰會計曰行政六科之事分隸十六股曰祕書曰收掌曰統計曰地丁曰漕糧曰交代曰釐捐曰雜稅曰稽核曰俸廉曰餉需曰收支曰報銷曰庶務曰銓叙曰民事分委科長科員及書記切實奉行並因歸併之始稽察難周仿照江蘇辦法暫委熟悉財政候補道二員在公所幫同籌畫俟後辦理就緒再行酌裁所委各員薪資以及各項開銷諸從樽節不稍虛糜除將藩司衙門及牙釐善後兩局原有經費抵支每年尙可節省銀一萬二百餘兩所有各局所向管款項卽令迅速裁清連同新舊案件移送接管此後一切照票公牘概用藩司印信以昭鄭重其暨關各道收支款項應卽飭令按月造冊送由藩司查核現經商定於九月初一日爲實行成立之期具詳請 奏前來臣覆核無異除飭藩司將公所房屋趕緊完竣並將辦事細則及開辦常年經費簡章咨部查照外所

有籌辦湘省統一財政設立公所開辦情形議會同護理湖廣總督王乃徵恭摺具陳伏乞

皇上聖鑒訓示謹 奏宣統二年八月二十六日奉 硃批度支部知道欽此

●又奏各級審判檢察廳俟工竣再行開庭並籌款等片 再前准法部電屬將各級審判檢察並監獄事宜現定及預籌各費分造詳表以憑會商度支部辦理等因當飭臬司督率審判廳籌辦處人員按照部電所指造具預算表計設省城高等審判一廳長沙府地方審判一廳長沙善化兩縣初級審判兩廳並附設檢察各廳共需建築費八萬兩開辦費五千五百兩經常費六萬二千一百兩臨時費二千二百餘兩綜計十五萬兩有零又模範監獄購地建築費已撥定六萬兩外所短尚有二十三萬之多均無的款可指雖飭藩司極力籌畫而財力困難迄無端緒業將詳情電咨法部查照在案竊維萬事以財爲母必須取用有資方能刻期集事湘省審判自上年設處籌辦遵章規畫誠恐稍逾定限至本年三月亂民滋事防賑兼籌預備各政均難依限舉辦益以土木兩匠附和滋事尤未便遽議興工當經電奏請將該廳建築展緩三個月奉 旨允准而原擇學務公所古稻田屋基須備撥地價添購民房合之工料共估銀十四萬餘兩電經度支部撥令切實核減長沙地狹人稠近年房地等價日益昂貴萬不獲已以長沙協署並毗連箭道騰公折建廳署於六月間奉准定辦並聲明副將移駐都司署都司駐裁缺守備署該兩署均年久失修又須整理現幸秋收中稔人心漸臻安定都守兩署亦趕修遞遷正飭承辦廳工人員鳩工庀材加緊趨辦勒限來年三四月間一律告成此時若另行擇地開庭規模難期全備經費亦無從指撥蓋湘省本年災亂洊至與他省情形不

同財力艱窘久荷 聖明洞鑒而籌辦要政鉅款迭增更苦無從應付卽如各廳建築所短之數方虛無可籌撥若拘定年內開庭則月支經費又須源源濟用設或法庭既開常款無著雖云不誤事期實於審判前途大有障礙與其指款未定驟議開辦因應致難適宜何如略予變通辦法轉臻切實所有湘省各級審判檢察擬請俟各廳署工程完竣規制完備再行開庭其開庭以後所需常款無論如何爲難總當督飭藩司竭力籌維不得稍涉延宕開辦及建築所短之數亦飭屆時騰挪應付以此一轉移間則時日稍寬藉紓目前之財力事機克赴無碍司法之進行至模範監獄一項計畫雖定款項尤難祇可俟各廳儘力辦成後廣續籌辦次第觀成事關籌備要政責任綦重不得不將爲難情形據實臚陳仰懇 恩准飭部核覆施行除分電度支部法部外謹附片具陳伏祈 聖鑒訓示謹 奏宣統二年八月二十六日奉

硃批該部知道欽此

●又奏籌辦西路清鄉情形片

再臣前因湘省匪勢蔓延會同本任湖廣督臣瑞澂 奏請

大辦清鄉消弭隱患欽奉

硃批照准欽遵在案查清鄉辦法原擬分爲東西兩路各派道

員一人爲總辦並派公正紳士會同辦理茲經悉心籌畫權衡緩急擬先從西路長沙善化湘潭甯鄉益陽安化沅江龍陽等縣辦起並於候補道員暨紳士中逐加遴選查有現充湖南中路巡防統領候補道吳曜金堪以派充清鄉總辦奏調差委在籍候選道前四川龍安府知府蔣德鈞堪以派充會辦一面刊發關防設立清鄉總局按照原奏章程剋期開辦所有需用清鄉委員暨總局應派員司差弁書記並卽由該道等詳慎遴選分別稟請委派報明承充各該州縣及駐紮各路水陸防軍均歸該道等節制調遣俾資策應而一事權仍由臣先行撰發

示諭飭由各該州縣分期張貼以安人心所需清鄉經費飭由藩司善後局籌撥濟用仍俟事竣核實報銷除督飭該道等認真妥籌辦理暨將東路清鄉事宜接續開辦另行奏報外所有籌辦西路清鄉情形謹會同護理湖廣督臣王乃徵附片具陳伏乞
聖鑒謹奏宣統二年八月二十六日奉 硃批知道了欽此

摺奏類二

理藩部奏台吉逃走照例斥革該管扎薩克應得處分逢 恩豁免摺

奏為台吉逃走照例斥革該管扎薩克應得處分逢 恩豁免恭摺具陳仰祈 聖鑒事竊據車臣汗部落盟長親王銜扎薩克多羅郡王多爾濟帕拉穆等呈報訊明台吉誣買牲畜變賣肥己屢次逃走照例擬呈請核覆等因一案 臣等查閱原報內稱緣四等台吉車林多爾濟供係現任扎薩克台吉多爾濟扎布旗四等台吉散轍勒之次子現年四十一歲父母早故並無產畜及屬下家奴與兄台吉巴雅爾分居孤身過度於光緒三十年春間並未報明扎薩克私自前往庫倫與哲布尊丹巴呼圖克圖磕頭買取圖什業圖汗部落叅贊王旗梅楞達什里瑪駝五隻議價鈔紙一百五十張並未付給將駝轉賣肥己花用旋被梅楞達什里瑪駝送庫倫經管旗章京於庫倫舖號指本旗名下借銀償還又買取民人巴雅爾圖沙畢喇嘛洞多克等馬二十一匹議價銀二百十兩並未償還經本旗嚴追始行還結又買取匡索扎布駝五隻議定鈔紙一百五十張並未付給將駝變價肥己花用經匡索扎布呈報索要由部落官員於舖號內指本旗名下借貸償還將我學送本旗因染病在本旗醫治稍痊我即逃往庫倫三十三年七月買取黑人占巴拉馬四匹議價六十四兩給銀一兩七錢將馬轉賣肥己又本年在庫倫地方買取浩賞等羊二百五隻給鈔紙十張其餘所欠鈔紙銀兩均未償還將羊變價肥己浩賞等索債經庫倫本旗章京仍於舖號內指本旗名下如數借還又於本年在庫倫

買喇嘛洛布桑馬匹欠價四十兩未能償還仍由舖號指本旗名下如數借還將我拏送本旗看押我於三十四年六月二十八日夜間趁看守達喇嘛布揚圖披甲棍布烏勒哲依桑等困睡逃走撞遇鄂拉木巴雅爾將我拏送由台吉鄂爾奇將我交本旗密雅棍布多諾依等轉解行至中途逃走赴庫倫撞遇占巴拉追索馬價將我帶赴本部落值班處拏交披甲奇勒棍看押夜內乘空脫逃後披甲奇勒棍撞遇拏獲解送我屢次逃走看押之達喇嘛披甲等並無受賄賣放等弊是實等供核與官員人等呈報所欠原債數目及疏脫之達喇嘛披甲等所報均屬相符該盟長以該台吉車林多爾濟屢次逃走誣賣牲畜轉賣肥已蒙古例並無治罪專條仍照台吉逃走例革去台吉父旗管束該台吉既無產畜家奴擬請勿庸置議該扎薩克台吉哈丹應得罰俸處分聲明級紀議抵暨屢次看管疏脫之弁兵等照例應行鞭責惟恭逢 恩詔以前均請寬免疏脫車林多爾濟之披甲奇勒棍自行拏獲擬賞二牲畜代備之債由該處追還等因呈報前來臣等查蒙古則例內開內扎薩克六盟喀爾喀四部落台吉等逃走即革台吉職銜報部通緝逃後曾否行竊為匪緝獲時另行審辦其失查之扎薩克罰俸六個月緝獲後訊明如無別項情弊者交該扎薩克嚴行管束又疏脫解送收管不至死罪人犯小領催鞭八十披甲人鞭五十又宣統元年正月二十二日 恩詔內開外藩蒙古王公以下台吉以上有罰俸住俸者咸與開復其現在議罰者悉予豁免又光緒三十四年十一月初九日恭逢 恩詔法部查辦軍流減等原奏內稱枷杖以下人犯均一律悉予寬免各等語此案四等台吉車林多爾濟屢次逃走並誣買牲畜轉賣肥已雖經該旗追借償還究屬不法惟蒙古例內並無台吉誣買牲畜轉賣肥已作何治罪專條既據該盟長報稱將該台吉車林多爾濟仍照台吉逃走例革去台吉父旗嚴加管束等語應如所擬照例將該台吉車林多爾濟請 旨革去四等台吉之職既經該盟長訊明緝獲後並無別項情弊應照例交該扎薩克嚴行管束該犯台吉事犯雖在 恩詔以前係屢次逃走在蒙古地方誣買牲畜轉賣肥已罪僅革職應勿庸寬免既據報稱並無產畜家奴應請勿庸置議失查之前任扎薩克台吉哈丹照例應行罰俸半年惟事在宣統元年正月二十二日恭逢 恩詔以前自應豁免又疏脫之達喇嘛披甲等照例

應行覆責亦在 故前係屬枷杖以下應查照法部原奏悉予寬免餘如所擬辦理所有台吉邊走照例斥革該管扎薩克應得處分邊 恩詔免緣由謹恭摺具 奏宣統二年八月十二日奉 旨依議欽此

度支部奏直隸駐防官兵借支俸餉恭摺 恩詔應行豁免摺併單

奏為欽奉 恩詔豁免借支俸餉恭摺仰祈 聖鑒事竊據密雲副都統及直隸右翼事務大臣等將各

駐防官兵借支俸餉各案咨請豁免前來臣部恭查光緒三十四年十一月初九日 皇上登極 恩詔

條款內開一旗營官兵有因出征及被災借支俸餉者免其扣還等語今該副都統等咨請豁免各案查與

恩詔條列相符應自光緒三十四年十一月初九日以前借支者准其豁免謹另繕清單恭呈 御覽再

尚有駐防曾借俸餉未據咨請應俟咨請到部再行核辦所有豁免各駐防借支俸餉緣由理合恭摺具陳伏

乞 皇上聖鑒謹 奏宣統二年八月十七日奉 旨知道了欽此

謹將各駐防官兵借支俸餉銀兩恭呈 恩詔應行豁免各案繕具清單恭呈 御覽 計開 昌平州

駐防光緒二十六年直隸藩庫借過六成俸銀三百八十四兩七錢分作八年扣還

繼因庚子俸餉愆期由二十九年春季扣起至三十四年底止計已扣過銀一千二百三十三兩未扣銀四百

十一兩內據稱藩庫長扣宣統元年四季並二年春季銀二百六十八兩八錢七分五釐按款核算應扣銀二

百五十六兩八錢七分五釐計多列銀十二兩應即刪除 良鄉駐防光緒三十年在藩庫借過七成餉銀一

千一百八十四兩四錢分作八年扣還自三十一年春季起至三十四年底止計已扣過銀五百九十二兩二

錢未扣銀五百九十二兩二錢內藩庫長扣宣統元年四季銀一百四十八兩五分又三十二年借過俸銀並

未咨部應即照數扣還 固安縣駐防光緒三十三年在藩庫借過七成餉銀一千一百八十四兩四錢分作

八年扣還自次年春季起至年底止計已扣過銀一百四十八兩五分未扣銀一千三十六兩三錢五分內藩

庫長扣宣統元年四季銀一百四十八兩五分 霸州駐防光緒三十三年在藩庫借過七成餉銀一千一百

八十四兩四錢八分作八年扣還自是年夏季起至三十四年底止計已扣過銀二百五十九兩八分七釐五

毫未扣銀九百二十五兩三錢一分二釐五毫內藩庫長扣宣統元年並二年春季銀一百八十五兩六分二釐五毫 以上各駐防官兵借過俸餉銀兩除已扣還歸款及未咨部有案者均照數扣還銀兩不計外尙欠未經扣還銀二千九百六十四兩八錢六分二釐五毫其長扣昌平良鄉固安霸州等四處駐防宣統元年四季並本年春季俸餉銀七百三十八兩三分七釐五毫應由直隸總督轉飭藩司照數發給造入奏銷冊內報部查覈

度支部奏遵議皖撫奏請免賠蕪湖關常稅短徵銀兩碍難照准摺

奏爲遵 旨議奏恭摺仰祈

聖鑒事安徽巡撫朱家寶奏蕪湖關常稅第三十二三兩屆短徵銀兩實

受災荒影響懇免著賠一摺宣統二年七月十五日奉 硃批度支部議奏欽此欽遵由內閣鈔出到部原

奏內稱據委管蕪湖關稅務皖南道李清芬詳稱案查接管卷內蕪湖關光緒三十三年分常稅一年期滿計短徵銀四千二百零兩零前奉部議著落經徵人員照數賠繳短徵銀四千二百零兩零三十四年分常稅一年期滿計短徵銀四千兩零前奉部議著落經徵人員照數賠繳各在案查三十三年分一屆實徵銀十三萬六千九百兩零較之三十二年有災年分尙短徵銀四千二百七十兩惟三十三年分一屆係自三十二年七月初一日起至三十三年六月底止是首二兩季實仍在三十二年之下半年正值秋穀不登災荒現象之際其三四季兩季亦適當次年青黃不接之時該屆四季皆受災年影響較三十二年分首二兩季尙在三十二年秋冬之間者情形迥不相同加以蘇省清淮一帶災區乏食販糧接濟均奉有免稅明文况蕪湖新常兩關並列一口是年新關亦復短收早經各前道申詳有案至三十四年分一屆實徵銀十五萬九千四百兩零較上屆增至兩萬數千兩若照三十年分以爲比例仍短徵銀四千兩有零惟查光緒二十九三十等年分旺收之故一因是屆年稱大有一因是屆日俄戰役牛莊一帶商旅戒心易北而南所以該兩屆均實徵銀十六萬數千兩之多三十四年分則大江左近不免偏災南北商人仍復分道盈虛有故則情理可原所有蕪湖關第三十二三兩屆短收銀兩可否准予免賠等語臣等伏查蕪湖關光緒三十三四兩年報徵常稅銀兩前經臣部分別有災無災年分議令將比較短徵銀兩著落經徵人員如數

賠繳先後奏准行知遵照各在案今據該撫奏稱前因查該關各該年應賠短徵稅款緣由已於臣部各前奏內言之甚詳實於整飭之中仍寓體恤之意此次該撫奏稱各節未免強詞解說希圖免賠殊屬不合仍應由各該前道遵照臣部迭次前奏各將應賠銀兩分別依限赴部呈繳十成實銀以重稅款所請免賠之處碍難照准所有違議緣由理合恭摺具陳伏乞 皇上聖鑒訓示謹 奏宣統二年八月十七日奉 旨依議欽此

鹽政處會奏造報雲南省上年分鹽務奏銷摺

奏為造報雲南省宣統元年分鹽務奏銷恭摺仰祈 聖鑒事竊查滇省鹽務按年額徵正課銀二十六萬一千六百四十五兩三分雜款銀六萬三千二百八十四兩八錢九分四釐六毫經部覆准應徵雜款以六成為開支定額餘銀儘數撥歸溢課項下留備邊防要需又遵 旨整頓關稅釐金鹽課案內奏明鹽務溢課每年另加銀一萬三四兩併同裁減釐稅開支等款專款存儲除調濟竈戶及津貼辦公外年可裁提銀六萬二千九百二十兩另款按年咨解藩司彙解江甯等省代製快鎗快砲等項運滇存儲歷經奏奉 諭旨允准遵辦在案茲查宣統元年鹽務正款項下舊管存銀二十萬一千五百七十九兩七錢五分六釐四毫新收各井正溢鹽課雜款等銀五十萬二千三百三十五兩八錢一分八釐五毫又收回各井竈繳還光緒三十三年分柴本銀三萬三千七百兩開除照案撥歸溢課冊內留備邊防要需銀一十四萬一千一百五十三兩二錢八分一釐七毫又咨解司庫彙存候撥另加溢課銀一萬三千八百二兩九錢三分八釐八毫又咨解司庫各井鹽課沙鹽稅課銀二十四萬兩又咨解司庫裁撤巡撫額支廉役等項照案留滇備供新軍練餉銀七千七百八十六兩六錢六分六釐六毫又支放各官減成養廉銀二萬二千九百二十九兩五錢九分八釐三毫又支放各井刊刷引票紙張兵書工食等項銀三萬三千二百一十四兩五錢五分六毫又借各井宣統元年分柴本銀三萬三千七百兩實在存銀二十四萬五千二百八十八兩五錢三分八釐九毫又查溢課項下舊管存銀二十萬二千九百九十七兩三錢七分五釐八毫新收由正冊撥入留備邊防要需溢課銀一十四

萬一千一百五十三兩二錢八分一釐七毫開除撥歸漏報盜課冊內存儲專購鎗砲銀四萬三千一百七十兩八錢四分六釐二毫又咨解司庫支放團練經費銀三萬兩又咨解司庫專購鎗砲銀四萬兩又移放團練薪餉銀二萬四千二百六十三兩二錢實在存銀二十萬六千七百一十六兩六錢一分一釐三毫照案留備邊防要需又查漏報盜課項下舊管無項新收由盜課冊內撥入存儲專購鎗砲銀四萬三千一百七十兩八錢四分六釐二毫又收各井浮支公費漏報經費銀二萬二千四百五十五兩一錢三分四釐五毫開除咨解司庫存匯江甯等省代製鎗砲銀六萬五千六百二十五兩九錢八分七毫實在無項據雲兩鹽法道載林會同布政使沈秉堃分造清冊詳由雲貴總督臣李經羲咨請會奏前來臣覆核無異除將清冊送部查核外理合會同會辦鹽政大臣雲貴總督臣李經羲恭摺具陳伏乞 皇上聖鑒謹 奏宣統二年八月十七日奉

旨知道了欽此

●又會奏雲南省石膏井鹽課外銷未及三釐請免置議片 再准會辦鹽政大臣雲貴總督臣李經羲咨稱據雲兩鹽法道載林會同布政使沈秉堃詳稱竊查石膏井提舉所轄各井遇閏之年共應銷正盜課鹽一千七百五十五萬四千六百一勛半宣統元年連閏扣算據該井提舉冊報實銷鹽一千七百零九萬三千三百五十五勛計短銷節稱盜課鹽四十六萬一千二百四十六勛半實山禁煙之後民間貧苦無力購食井情異常困難前經提舉王澤深籌辦無術情急自盡電委署晉河府知府李慶恩就近兼理該員接辦後更於六月中旬連日大雨所轄之按板抱母兩井疊遭水災沖倒鹽房民房十餘間淹沒鹽勛六十餘勛銷漂失鹽鍋一千餘口柴薪一千餘排井被泥沙填塞無油停煎曾經 奏報有案前項短銷委因大英人事會萃一時與辦理不力者有間且就該井通年合計短銷未及三釐似應邀免置議等情咨請會奏前來合無仰懇 天恩准免比較之處出自 逾格鴻慈除咨度支部外理合會同會辦鹽政大臣雲貴總督臣李經羲附片具陳伏乞 聖鑒訓示謹 奏宣統二年八月十七日奉 旨依議欽此

浙江巡撫增韞奏代理領海令胡鍾鈞續完錢糧請扣原恭賦名片

再查各屬未完漕項錢糧向於列揭 題奏後如有續報完解者例應將原奏考成詳請開復嗣准戶部具奏籌備餉需摺內聲明錢糧奏銷各依定限一面具題一面先將未完一分以上各員名另開清單專摺奏報由部核定處分先行覆奏其有奏後續完者准其續行奏請歸本案開復等因歷經遵辦在案茲據署督糧道卓孝復詳請宣統元年起運光緒三十四年分甯波府屬之鎮海縣未完月折月本淺貢正項銀一千五百五十一兩三錢四分一釐耗羨銀九十三兩八分一釐於漕項 奏銷案內核計未完考成四分三釐六毫八絲當將代理鎮海縣試用知縣胡鍾鈞未完四分以上職名彙案開摺詳請 奏參在案今據該縣續解一批全完月折月本淺貢正項銀一千五百五十一兩三錢四分一釐耗羨銀九十三兩八分一釐照數收庫除月折月本耗羨銀兩抵歸運費淺貢耗羨銀兩存俟彙解藩司歸款其正項銀兩已於宣統二年漕項秋撥冊內造報外所有原奏未完職名現在尙未奉部議覆自應照例詳請察核具 奏擬議前來臣覆核無異謹附片具陳伏乞 聖鑒敕部扣議施行謹 奏宣統二年八月二十一日奉 硃批該部知道欽此

湖南巡撫楊文鼎奏參劾庸劣不職各員摺

奏爲查明湘省庸劣不職各員分別參辦恭摺具陳仰祈 聖鑒事竊本年三月湘省之變所有文武各官業經臣認真確查會同督臣瑞澂分別情節輕重奏參在案惟念民生之休戚地方之治亂全在牧令得人即佐貳雜職如有貪劣亦足爲閭閻之害是欲整頓地方必先從察吏入手臣到任後即經密飭各該管道府切實考查不准泛泛填空套考語敷衍塞責一面派員密查督同藩學吳三司互相考証未敢以一人之意見遽行論斷茲查得署桃花坪通判大挑知縣王文臣擅理詞訟濫行拘押縱容兵役滋擾需索屢被控告聲名甚劣署會同縣知縣大挑知縣蔣亮熙操切任性勒罰濫押縱差滋擾物議沸騰前署龍山縣知縣試用知縣盛弼在任年餘事多廢弛境內煙苗甚多查禁不力署道州知州正任湘潭縣知縣杜鼎元據本管道府稱其自信太過辦事隔閡審理詞訟每多偏執近因道州井頭村何姓與鄰人爭割田禾不服彈壓該員世請劇辦臣以既因割禾起畔無論如何強橫其爲農民無疑決非匪類可比自應妥爲開導秉公判斷何得半請劇辦儉因

此激變良民豈不釀成重案即經嚴批申飭立即撤任派員查辦是其顯預粗率不洽輿情已可概見又靖州直隸州州判郝國忠收受賭規聲名頗劣巴陵縣主簿張四維辦事疏忽署巴陵縣典史按司獄陸永昌管獄不慎平江縣典史劉輝廷性嗜賭博辰谿縣黃溪司巡檢王之賓收受規費不知檢束以上九員擬即請旨一併革職又調署興甯縣本任湘陰縣知縣李光卓人尙謹飭惟年力就衰辦事竭蹶湘陰地方繁要斷難勝任調署嘉禾縣正任清泉縣知縣魯藩事理不甚明白前在清泉縣任內因人地未宜調署斯缺措置亦未妥協益陽縣知縣恭正性情迂拘益陽地方匪類充斥夙稱難治本年省城亂後各處匪徒響應益陽城內官錢局被搶該令不能妥爲彈壓難勝繁劇署益陽縣知縣正任辰谿縣知縣王紹鈞辦事疲軟不知振奮以上四員擬即請旨一併開缺以肅官方此外各員仍當嚴行考察隨時甄劾不敢稍涉徇縱仰副朝廷整頓紀綱澄清吏治之至意所有查奏庸劣不職各員謹恭摺具陳伏祈 皇上聖鑒訓示再所遺各缺湘省均有應補人員應請扣留外補合併陳明謹 奏宣統二年八月二十六日奉 硃批另有旨欽此

●又奏提學使吳慶坻飭赴本任片 再本任湖南提學使吳慶坻現已回省應即飭赴本任以重職守除檄飭遵照外理合會同護理湖廣總督臣王乃徵附片具陳伏乞 聖鑒謹 奏宣統二年八月二十六日奉 硃批知道了欽此

●又奏委岳州守魏景熊兼護岳常澧道片 再湖南岳常澧道照植連 旨開缺赴京所遺岳常澧道並岳州關監督篆務查有岳州府知府魏景熊堪以暫行兼護除檄飭遵照外理合會同護理湖廣總督臣王乃徵附片具 奏伏乞 聖鑒謹 奏宣統二年八月二十六日奉 硃批知道了欽此

●又奏委戚朝卿署長沙守等片 再湖南長沙府知府汪鳳瀛丁憂遺缺查有常德府知府戚朝卿堪以署理又益陽縣知縣准補辰谿縣知縣王紹鈞撤任遺缺查有慈利縣知縣陶福履堪以調署據藩學臬三司會詳前來除分飭遵照外理合會同護理湖廣總督臣王乃徵附片具陳伏乞 聖鑒謹 奏宣統二年八月二十六日奉 硃批知道了欽此

西歷一千九百十年十月四號 星期一

本局設立北京東長安牌樓王府井大街

宣統二年九月初二日第壹仟伍拾肆號

電話內城總局第二百零一號

政治官報

目錄

●宮門鈔○ 諭旨二道○訓辭○事由軍●電報類○護鄂督致民政部電○民政部覆護鄂督電○護桂撫致憲政編查館民政部電○蘇撫致民政部電●摺奏類一○資政院奏召集情形并開院禮節摺併單○又奏酌擬資政院議員公費旅費規則并別訂旅費數目摺併單○又奏咨調續調各員奏明立案摺併單○又奏候選知府俞朝榮命誤作余請更正片○直督奏查明饒陽令徐永榮被各款摺○御史路士桓奏直隸饒陽令徐永榮釀盜殃民請飭查辦摺●摺奏類二○湘撫奏請將寶慶守潘清開缺以原品休致片○豫撫奏請以許廣身補上南河同知摺○又奏主事賀紹章等辦學免扣資俸片○直督奏前署提學使盧靖捐建圖書館請獎摺○又奏張家口同知達洪額交代虧欠請革追片●廣告

政治官報 目錄

九月初二日第一千五十四號

一

●宮門鈔●

九月初一日 法部 大理院 廂紅旗值日 盧靜遠謝 賞換副都統銜

恩 毓隆假滿請 安 克公 德公各續假十日 吏部呈進月官卷 袁勵準

遞封奏一件 內閣奏派驗放大臣

派出阿王 善豫 張英麟 郭曾忻

召見軍機 澤公

●諭旨●

監國攝政王鈐章

九月初一日內閣奉

上諭前經降旨以本年八月二十日為資政院第一次召集之期爾議員等各能遵守定章

將開院以前應有事宜妥行準備茲據奏報成立秩序謹嚴朕心實深嘉悅欽惟我兼統

皇考德宗景皇帝慨念時艱深思政本仰承

慈訓俯順人情毅然宣布德音豫備立憲開千古未有之創局定百世不易之宏規凡我臣民

同深悅服朕承

先朝付託之重御極伊始即以實行憲政為繼

志述

事之大端迭諭內外臣工按照籌備清單次第舉辦而資政院為上下議院之基礎尤為立意

政體之精神經畫數年規模已具中外觀聽咸在於茲今當開院會集之初朕特命軍機

大臣暨參預政務大臣將各項案件妥慎籌擬照章交議爾議員等其各泯除成見奮發公心上爲朝廷竭協贊之忠下爲民庶盡代議之責弼宏功於未竟垂令範於將來朕與億兆臣民實嘉賴焉將此特諭知之欽此

軍機大臣署名奕劻毓朗那桐徐世昌

監國攝政王鈐章

九月初一日內閣奉

上諭黑龍江呼倫道員缺著宋小濂補授瓊瑯道員缺著姚福升補授欽此

軍機大臣署名奕劻毓朗那桐徐世昌

● 訓 辭 ●

監國攝政王資政院開院訓辭

本監國攝政王自奉

詔攝政以來時局艱難夙夜警惕諸王大臣等同心匡弼仰承

遺訓將憲政籌備各事次第施行茲屆資政院成立舉行第一次開院之禮得以躬蒞盛典事觀厥成曷勝欣悅方今世際大同文明競進舉凡立國之要端在政治通達法度修明尤在上下一心和衷共濟資政院爲代表輿論之地各議員等皆朝廷所信任民庶所推崇必能殫竭忠誠共襄大計擴立憲之功用樹議院之楷模豈惟中國前此未有之盛舉亦實於國家前途有無窮之厚望者也各議員其共勉之

九月初一日內閣傳 旨事由單

●內閣奏初一日不進 實錄事奉 旨知道了●法部奏駁議廣東械關日熾分別治標治本辦法事奉 旨依議○又奏各省秋審後尾並覆奏事宜改歸法部承辦事奉 旨依議○又奏各級審判廳調用人員分別補用事單一件奉 旨依議○又奏部院七品筆帖式改為小京官主簿事奉 旨依議●大理院奏覆判侯成子等命案彙奏事單一件奉 旨依議○又奏覆判顧炳生等命案彙奏事單一件奉 旨依議○又奏覆判王剛娃等命案彙奏事單一件奉 旨依議○又奏覆判韓城葆等命案彙奏事單一件奉 旨依議○又奏覆判汪阿禾等絞候人犯彙奏事單一件奉 旨依議○又奏覆判李芒等命案彙奏事單一件奉 旨依議○又奏覆判譚起新等命盜各案彙奏事單一件奉 旨依議

九月初一日外摺欽奉 硃批事由單

錫良周樹模奏江省試署府廳各員分別補授摺 照所請該部知道○又奏試署呼倫道宋小濂瓊璋道姚福升請實授摺 宋小濂姚福升均另有旨簡放餘照所請●周樹模奏遴選審判檢察廳丞摺 照所請該部知道●程德全奏奉到 詔書日期摺 知道了●信勤奏查明庚子籌防案軍械所支用實數暨無著銀兩各情形摺 著照所請辦理●忠瑞奏接護辦事大臣篆務日期謝 恩摺 知道了○又奏代遞辦事大臣錫恒遺摺摺 另有旨

●電報類

●護鄂督致民政部電 民政部鈞鑒自治籌辦處轉據長樂縣稟稱長樂縣合縣三十四堡共完正稅錢糧一百九十餘兩調查城鄉十三堡居民年納正稅一兩以上者不過數人其餘各堡多係鄉僻更可概見其各項公益捐向係取之川鹽商戶於本地居民無涉他如學款內略有雜捐然輸捐者每人年只數百文當初雖有捐助學款之家又僅一次並非每年完納均與地方自治章程第十六條第四項不合查四月二十一日吉撫電請以有不動產五百元以上者作為第四項資格未邀部准覆電僅允以願捐本地地方自治經費年二元以上者列為選

民長樂民智閉固即此項資格亦難多得選民既不易規則議事會董事會無從著手稟懇核示辦理並請查照東三省彰武縣變通辦法只設董事會不設議事會以選民會代之董事會會員即由選民會徑選等情據此查該縣僻處山陰所稟各節尙屬實情而自治關係甚要又未便以選民過少獨置該處於不辦究應如何辦理之處伏乞電示飭遵乃徵宥

●民政部覆護鄂督電 武昌制台鑒宥電悉長樂合格選民既少應查照城鎮鄉自治章程

第十二條第一項辦理如因情形不便即查照該條第二項辦理此覆民政部支

●護桂撫致憲政編查館民政部電 憲政編查館民政部鈞鑒據自治籌辦處詳稱鈞部奏定逐年籌備事宜期限清單廳州縣地方自治一項宣統二年籌設首縣議事會參事會外府廳屬各首縣衝繁廳州縣偏僻廳州縣議事會均逐年籌設限宣統五年粗具規模宣統六年一律成立自應遵照辦理惟自治事業全視人才經濟爲盛衰籌辦之初尤必視才財之消長盈虧爲標準民窮財盡以桂省爲最艱人材消乏亦較之各省爲尤甚城鎮鄉自治與廳州縣自治平行兼顧其勢萬難擬仿江蘇安徽城鎮鄉分年辦法將城鎮鄉廳州縣劃分三起由城鎮而鄉而廳州縣即將全省廳州縣區分次序遞年籌設如甲年成立城鎮議事會董事會者乙年應成立鄉議事會鄉董事會而廳州縣議事會參事會則丙年成立照正例推總之最後全省一律成立之年仍與期限清單無異其財力能同時成立可提前辦理者不在此限等情前來查該處詳稱桂省財才消乏固係實在情形而擬定地方自治辦法雖與章程稍有變通仍於成立期限並無遲誤可否准予變通之處敬候核覆再行奏咨立案景桐刪

●民政部覆護桂撫電 桂林撫台鑒刪電悉本部前具奏分期籌辦自治深恐同時併舉力

有未逮故分省城外府繁盛中等偏僻等項桂省擬劃分城鎮與鄉及廳州縣爲三起似於階級次第尙欠詳審應須轉飭妥酌此覆民政部沁

●九江商會致民政部電 民政部憲鈞鑒地方自治選民資格除丁漕外釐金關稅亦屬庫款應否作爲正稅乞示遵九江商會公電

●民政部致贛撫電 南昌撫台鑒據九江商會電詢釐金應否作爲正稅查釐金亦屬庫款應作正稅論希飭知民政部簡

●署粵督致民政部電 民政部鈞鑒前准冬電飭據自治籌辦處詳稱大部指列各項經費宣統二年應需銀一十四萬七千九百一十餘兩三年應需銀一十四萬九千八百三十餘兩四年應需銀一十四萬六千一百九十餘兩五年照該處預定以四個月計算應需銀二萬五千八百一十餘兩第一次城鎮鄉暨廳州縣各會均可於此數年內陸續成立惟此項經費出於何處除籌辦處及省城研究所兩項暫由藩運兩司籌給外實在無從預定雖該處詳定辦法各屬第一次調查選舉費及開辦研究所費均飭各就地方公款或雜款自爲籌措而現據各屬詳報遵辦者固多其以公款或雜款早經挪作別用爲辭請辦各項雜捐以爲暫時開辦之計者實亦不少民間財力深恐不勝除隨時飭令該處會同司道酌量准駁外擬飭將各屬地方公款逐漸調查但粵省紳士新舊之界頗嚴凡經理地方公款者往往壟斷把持不肯和盤托出一經調查必致抗拒阻轉慮於籌辦進行之際發生窒礙該處尙在妥議辦法未敢操切從事除將該處所擬各項經費表咨送核辦外合先將大概數目及籌款情形電聞祈卽察照再各項經費數目均係該處酌擬現仍分飭各縣詳細預算列冊呈報雖數目未必悉合而大

致要不相遠俟冊齊再行咨達樹勛刪

●護桂撫致憲政編查館民政部電 憲政編查館民政部鈞鑒前據自治籌辦處詳擬變通
廳州縣地方自治辦法曾於刪日電懇鈞館鈞部核示尙未奉覆查鈞部奏定逐年籌辦未盡
事宜清單本年應督催各省就該省省會地方首縣照章籌設該縣議事會參事會又查府廳
州縣地方自治章程第二十五條內開府廳州縣議事會會議每年一次以九月爲會期以一
個月爲限是省城臨桂縣議事會應照章於九月初一日成立擬請變通卽應預爲籌備爲時
甚迫敬懇迅賜核覆以便轉飭遵照景桐徑

●蘇撫致民政部電 民政部鈞鑒城鎮鄉自治章程第一百七條地方官行文董事會用諭
選舉章程第六十一條總董由督撫加劄查州縣用諭督撫轉用劄似宜酌任用州縣由藩司
下札任用總董轉由督撫下劄尤宜酌且城鎮總董人數較多可否由督撫選定後札行該地
方官轉諭任用以免紛繁而符體制請示遵德全皓

摺奏類一

資政院奏召集情形並開院禮節摺 併單

聖鑒事竊 臣院於宣統二年四月

奏爲恭報資政院召集情形遵章奏請開會恭摺仰祈 上諭著以本年八月二十日爲召集之期所有該院議員均卽遵照定期一
初一日欽奉

律齊集等因欽此欽遵業經分別咨行在案 臣等先期設備次第就緒遵於本月二十日舉行
召集之典所有 臣院議員以次齊集按照議事細則第五條以抽籤法勻分總議員爲六股每
股推選股長理事各一人 臣院卽於是日成立本年九月初一日爲開會之期應遵章恭請

聖駕臨幸伏查奏定 監國攝政王禮節資政院開院時由 監國攝政王代行莅院等因
謹將擬訂 代臨資政院開會禮節繕具清單恭呈 御覽伏候 聖裁俟 命下之
日 等敬謹遵奉施行所有恭報召集情形並奏請開會各緣由謹恭摺具陳伏乞 皇上

聖鑒謹 奏宣統二年八月二十五日奉 旨已錄

謹將擬訂 監國攝政王代臨資政院開會禮節繕具清單恭呈 御覽 恭照宣統二年

九月初一日爲資政院第一次開會之期先期由資政院具奏請 旨行開會禮是日辰刻

議長副議長議員秘書長秘書官齊集資政院軍機大臣大學士各部尙書均於巳刻到院

均常服不掛珠一午刻 監國攝政王駕臨秘書長率秘書官排班恭迎於院門議長副議長

肅立祇候於二門俟 監國攝政王降輿恭導至休憩室少坐軍機大臣大學士各部尙書議

長副議長議員秘書長秘書官均在議場序立嚮 御座行三跪九叩禮禮畢軍機大臣大

學士各部尙書各就議臺東西序立副議長議員秘書長秘書官仍序立如初議長恭導 監

國攝政王至 御座東旁座次全場肅立致敬由軍機大臣宣讀 諭旨畢議長向前跪

受敬謹安設黃案之上 監國攝政王訓辭畢禮成 監國攝政王升輿議長副議長恭送於

二門秘書長率秘書官排班恭送於院門候 監國攝政王輿過咸退

資政院會奏酌擬資政院議員公費旅費規則并別訂旅費數目摺 併單

奏爲酌擬資政院議員公費旅費規則并別訂旅費數目謹分繕清單恭摺會陳仰祈 聖

鑒事竊查 院於本年七月二十七日會奏擬訂經費數目摺內聲明議員公費定爲每員於

常年會期共支六百圓議員旅費除在京各員毋庸支給外應以省分之遠近爲多寡之等差

最遠者定爲八百圓最近者定爲一百圓其外藩王公業經理藩部奏蒙 恩准照例馳驛

應卽毋庸支給如遇臨時會期除議員旅費應比照常年會期辦理外其議員公費擬照常年會期減半支給等因奉 旨依議欽此遵卽咨行度支部在案謹按 院議員業於本月二

十日以次齊集所有公費旅費自應按照奏定數目分別支給惟旅費一項除最遠最近省分業經確定外其他各省遠近不一應分定等差以期平允又公費一項如遇有議員辭職及奉

旨解散之事自應另訂辦法以資遵守攷外國議院關於議員公費及旅費皆立一定規則以爲支給之標準 院現擬仿照各國辦法謹擬就資政院議員公費旅費支給規則一種

共八條并按各省道里遠近別訂議員旅費數目謹分繕清單恭呈 御覽所有酌擬資政院議員公費旅費支給規則并別訂旅費數目是否有當謹恭摺具陳伏乞 皇上聖鑒訓

示遵行再此摺係資政院主稿會同軍機大臣辦理合併聲明謹 奏宣統二年八月二十九日奉 旨已錄

謹將擬訂資政院議員公費旅費支給規則繕具清單恭呈 御覽 計開 第一條 議

員公費於每年開會期內按照定章每員各支六百圓 第二條 議員旅費按照別定旅費數目支給 第三條 議員公費旅費於開會後五日內支給半額閉會後五日內支給半額

第四條 會期內不到院之議員不支公費旅費 第五條 在京議員及外藩王公世爵議員不支旅費 第六條 議員於開會後有辭職者所有公費止給半額旅費全給 第七

條 資政院議員遇有奉 旨解散之時所有公費及旅費應照第六條辦理 第八條 資政院遇開臨時會時議員公費減半支給旅費全給

謹將擬訂資政院議員旅費數目繕具清單恭呈 御覽 計開 新疆 每員八百圓

甘肅 每員六百圓 雲南 每員六百圓 貴州 每員六百圓 四川 每員六百圓

廣西 每員六百圓 吉林 每員四百圓 黑龍江 每員四百圓 陝西 每員四百圓

廣東 每員四百圓 福建 每員四百圓 浙江 每員三百圓 安徽 每員三百圓

江西 每員三百圓 湖南 每員三百圓 奉天 每員二百四十圓 山東 每員二

百四十圓 山西 每員二百四十圓 河南 每員二百四十圓 湖北 每員二百四十

圓 江蘇 每員二百四十圓 直隸 每員一百圓

資政院奏咨調續調各員奏明立案摺 併單

奏為請將 院咨調暨續行咨調各員銜名分繕清單奏明立案恭摺仰祈 聖鑒事竊 臣

院秘書廳額設一二三等秘書官員缺前以院務尙簡未經請設所有院中文牘庶務僅調派

吏部郎中李紹烈等四員兼差行走迨本年七月因預備開院事務日繁續行遴調翰林院庶

吉士王孝綢等十九員到院以資任使合將先後咨調各員銜名一併分繕清單奏明立案俟

開院時一體遴酌請補一二三等秘書官以符定章至現調 院行走各員均有原官應於奏

補奏留時再行咨照吏部改用合併聲明所有請將 院先後咨調各員銜名分繕清單奏明

立案各緣由謹恭摺具陳伏乞 皇上聖鑒謹 奏宣統二年八月二十九日奉 旨已

錄

謹將 院前調人員銜名繕具清單恭呈 御覽 計開 吏部考功司郎中李紹烈 前

內閣中書范熙壬 內閣中書黃鎮 內閣中書崇霈

謹將院續調人員銜名繕具清單恭呈 御覽 計開 翰林院庶吉士王孝綱 候選郎中蔡璋 候選郎中周啟濂 度支部學習員外郎陸定 學部候補主事張祖康 學部補用主事馮閱模 法部候補主事高种 郵傳部候補主事曾彝進 新選山東濟南府同知內閣中書趙世駿 內閣中書朱紹濂 內閣中書鄂彤 外務部七品小京官黎淵 學部候補司務陳器 陸軍部候補八品筆帖式代昌 湖北候補知府沈成鵠 候選知府俞朝榮 分省試用府經歷林尊儼 候選縣丞馮文俊 候選訓導余建侯

●又奏候選知府俞朝榮誤作余更正立案片 再院續調人員內候選知府俞朝榮前在順直賑捐案內報捐同知原名係俞朝榮嗣經 臣溥倫於光緒三十年赴美國辦理賽會出力人員案內保奏以知府選用業經奉 旨俞允在案惟查原奏俞字筆誤作爲余字當時未經更正理合附片陳明請 飭部立案伏乞 聖鑒謹 奏宣統二年八月二十九日奉 旨已錄

直隸總督陳夔龍奏查明饒陽令徐永榮被叅各款摺

奏爲查明知縣被叅各款據實覆陳恭摺仰祈 聖鑒事竊於宣統二年七月二十七日承准軍機大臣字寄宣統二年七月二十六日奉 上諭有人奏貪風日熾釀盜殃民擇尤糾叅一摺著陳夔龍按照所叅各節確切查明據實具奏毋稍徇隱原摺著抄給閱看欽此當經 臣遵照飭委直隸提法使齊耀琳遴派委員前往嚴密訪查茲據委員查明稟由該司核覆前來 臣復加查核如原叅直隸饒陽縣知縣徐永榮貪黷營私剝民肥己以致窮民失業流爲盜賊本年六月二十七日該縣並出搶案六起以城東呂漢村巡警局被搶一案爲最劫賊二十

餘人搶去快槍六枝錢物多件高口村孔洛矩家被搶隄上村永忍堂黃姓家被搶黑風莊劉興家被搶皆係結夥持槍白晝搶劫黑風莊一案且焚燒房屋又有官亭村李德昌被劫於下橋劉家莊李喜盛被劫於村口各案同出一日四月間徐家莊裕昇當局被搶五月間千名莊常秉乾家被搶刃傷事主案情尤重各節查呂漢村巡警分局於六月二十七日傍晚巡兵查道未回突有八九人捆縛一人到局聲稱送賊劫去鎗枝等物由區長王壽松報經徐永榮勸驗稟獲賊犯陳三浮一名訊究又高村民人孔憲宜卽孔洛矩開設永順和洋線鋪於六月二十八日被賊闖入鋪內劫去洋元等物報經徐永榮勸驗通稟並協同蠡縣拿獲賊犯鄧順王柱王和尚三名又徐家莊民人徐壽筠開設裕昇轉當局本年四月二十七日傍晚被賊多名冒充贖衣進院劫去錢洋衣物拒傷鋪夥平復報由徐永榮勸驗訊供稟經批飭嚴緝賊賊尙未破獲徐永榮復購黑風莊民人劉興充當眼線緝捕此案賊賊被賊探知挾仇於六月二十七日早放火燒燬劉興房屋並未搶劫財物劉興亦未赴縣報案又官亭村民人李德昌於六月二十七日路經下橋地方被賊喝令停車槍傷轅騾負痛狂奔至家旋即倒斃又有劉家莊民人李喜盛於六月二十八日路經務盛口村被賊搶去衣服之事李德昌因別無失物亦未傷人李喜盛因失物無多均未赴縣報案非徐永榮有心諱匿又千名莊教員常秉乾於六月初六日被賊竊去衣物報由徐永榮差緝未獲並非搶案亦非五月間之事至隄上村永忍堂黃姓搶案係屬肅甯縣轄境查六月二十八日有事主黃廣太被賊拒傷劫去贓物一案已由肅甯縣緝辦並非饒陽縣轄境內之事此查明徐永榮辦理搶劫各案之情形也又原系該令恣意敲詐如盧洛能之孫看戲被拘詐銀二百五十元王朝棟因案牽連詐銀二百元經管帶退

伍兵官孫慶銘過付與馬寶森家僱工人捏指犯賭詐索馬寶森錢三百四十千文由城內東昇祥德源堂錢店撥付經學董自治紳等面詢該令謾爲典史任金壽所爲李鳳翔羈押五月詐銀四百兩柳洛盛羈押一月詐銀一百元牛玉麟因案羅織敲索銀五百兩無力措繳鎖押未釋各節查本年三月初間該縣張保村演戲有武舉李祥雲在該處聚賭徐永榮訪聞派差協管往拿將李祥雲並其子李保劉景從三名及賭具獲案當差役查拿之時有盧洛芝者亦係在場同賭因盧洛能之孫盧葛英通報消息致盧洛芝聞風逃逸該役遂將盧葛英一併送案經徐永榮訊據李祥雲等供認聚賭十餘日願罰京錢三千吊由徐永榮批准稟明撥充巡警經費盧葛英亦認罰銀二百五十元充公惟稟內未據提及王朝棟本在饒陽城內開設公記膏局上年三月間有大王莊人王鳳怡販運私土二百兩存合方村孫國彬家事爲王朝棟所聞找向孫國彬索土經徐永榮查知以王朝棟既非官局并無緝私之權顯係意圖訛詐飭差傳訊旋據自治局紳王蓼莪代爲稟懇認罰銀二百元充改修監獄之費並無孫慶銘過付之事王鳳怡寄存煙土之案另行擬結又本年正月二十九日有故城村馬寶森之工人周敖等在牲口棚內聚賭被差役拿獲時值徐永榮因公赴州經代行典史任金壽訊供馬寶森與周敖等共認罰京錢三百四十千文由東昇祥德源堂錢店撥交迨徐永榮公回聞知查提始據繳呈充公此項罰款徐永榮謂係典史任金壽所爲自係實情又李鳳翔卽李鳳祥上年三月間因私販煙土被獲計土重七十六兩值京錢一百五十千六百文經徐永榮訊押斷令照章加五十倍認罰李鳳翔延抗不交稟經禁煙總局飭按起獲土數嚴追罰款在押五月僅據措繳京錢一千一百五十三千六百文其餘無力全繳呈准寬免所繳錢文已據徐永榮稟明

撥充戒煙善會之用柳洛盛係於本年四月二十六日與張滿堂等四人賭博被該縣馬巡拿獲送經徐永榮訊供各罰交京錢五十千文擬充公用又牛玉麟於本年三月間與吳玉瑞等聚賭經徐永榮查獲牛玉麟罰交京錢三百吊吳玉瑞等共罰京錢七百吊分別開釋充公此查明徐永榮及代行典史任金壽辦理煙賭各案罰款之情形也又原系該令煙癮甚深日與其叔徐文卿其弟徐永榮幕友章姓門丁高姓羣聚吸食徐永榮又在該縣城內田姓土娼家大開煙賭以該處爲納賄過付之所各節查徐永榮與其叔徐文卿幕友章重耀門丁高奎均無吸食洋煙情事惟其弟徐永榮常至土娼田九家竊自開燈吸煙頗招物議至謂該處納賄過付之所並無確據此查明徐永榮官親幕丁之情形也伏查徐永榮平日居官雖無諱盜貪黷及違禁吸煙情事惟境內盜竊各案層見疊出於奉批飭緝後仍未全行破獲捕務究屬廢弛其於煙賭各案雖係照章查拿審理而所罰犯銀錢有逾定額亦未便以罰款並非入己稍從寬假其弟徐永榮冶遊吸煙近在同城亦屬失於覺察該縣典史任金壽當印官公出之時審理賭案並將不同賭之馬寶森一併科罰且待徐永榮聞知查提始行繳款尤不免意存侵蝕現當整飭吏治之際均難姑容相應請 旨將饒陽縣知縣徐永榮饒陽縣典史任金壽一併革職以肅官方所罰銀錢先已撥充巡警禁煙等費應免究追未撥各款接任之員提充地方公用各案盜犯併飭分別緝審擬辦所有查明知縣被參各款並擬議緣由謹恭摺覆陳伏乞 皇上聖鑒訓示謹 奏宣統二年八月二十七日奉 硃批著照所請該部知道欽此

御史路士桓奏直隸饒陽令徐永榮釀盜殃民請

飭查辦摺

奏爲貪風日熾釀盜殃民擇尤糾參請 旨飭查嚴懲以警官邪而恤民瘼恭摺仰祈
聖鑒事竊維政化之隆汙在吏治吏治之重要者莫過於親民之官茲聞直隸饒陽縣知縣徐
永榮貪黷營私剝民肥己以致民窮失業流爲盜賊其最可異者本年六月二十七日一日之
內該縣並出搶案六起而尤以城東呂漢村巡警局被搶一案爲最巡警之設本以弭盜衛民
乃竟至白晝警局被搶盜風之熾可知該案係劫賊二十餘人搶去快槍六枝錢物多件在局
巡警束手莫敢枝梧而同日高口村孔洛矩家被搶隄上村永忍堂黃姓家被搶黑風莊劉興
家被搶皆係結夥持槍白晝搶劫黑風莊一案且焚燒房屋村民驚竄一空又有官亭村李德
昌被劫於下橋劉家莊李喜盛被劫於村口以上各案同出一日而四月間徐家莊裕昇當局
被搶五月間千名莊常秉乾家被搶亦皆白晝搶掠刃傷事主劫得多贓案情尤重該令於搶
案報聞賊方飽掠未去並不立往勦捕事後亦不勒限嚴緝且多方諱飾因之賊益無忌公然
白晝持槍遊行市鎮捕役巡警交臂熟視莫敢誰何故搶案累累並無一起破獲閭境民情洵
懼閭里騷然而該令則毫不顧恤方日坐堂皇恣意敲詐舉其近事如張保村盧洛能之孫因
看戲被拘詐贓銀二百五十元趙市村王朝棟因案牽連詐贓二百元經管帶退伍兵官孫慶
銘過付故城村馬寶森家僱工人捏指犯賭詐索馬寶森錢三百四十千文由城內東昇祥德
源堂錢店撥付有賬可憑經學董自治紳等面詢該令竟怙其詞諉爲典史任金壽所爲官
亭村李鳳翔羈押五月詐贓銀四百兩千名莊柳洛盛羈押一月詐贓銀一百元曲閭村牛玉
麟因案羅織敲索銀五百兩因無力措交遂鎖押未釋該令敲詐之詞動以煙賭爲由實則詐
贓既遂或先行賄通卽煙賭公然無禁且該令煙癮甚深並不遵章戒斷日與其叔徐文卿其

弟徐永榘幕友章姓門丁高姓羣聚吸食其弟徐永榘又在該縣城內田姓土娼家大開煙賭卽以該處爲納賄過付之所竟致娼門如市當此水旱頻仍民窮財匱 朝廷方安撫綏輯之不遑該令以親民之官竟驅民爲盜猶復敲骨吸髓誅求無有已時藉毒長亂後患何可勝言似此貪墨不肖情形豈容一日侈居民上使之憂國病民應請 飭下直隸總督臣陳夔龍逐款嚴查一面追賊一面按律嚴辦庶幾上申 國憲下恤民生所有貪風日熾釀盜殃民擇尤糾叅各緣由謹繕摺具陳伏乞 皇上聖鑒訓示謹 奏

摺奏類二

湖南巡撫楊文鼎奏請將寶慶守潘清開缺以原品休致片

再在任候補道湖南寶慶府知府潘清由通判題升知州准補靖州直隸州知州升補寶慶府知府臣到任後詳加考核該員歷任各缺居官尙無過失惟寶慶地方緊要該員年逾七旬精力衰邁難期振作未便稍涉遷就致滋貽誤相應請 旨將湖南寶慶府知府潘清開缺以原品休致所遺員缺並請扣留外補俟奉准部覆照例截缺揀員請補除咨部查照外謹會同護理湖廣總督臣王乃徵附片具陳伏乞 聖鑒訓示謹 奏宣統二年八月二十六日奉 硃批另有旨欽此

河南巡撫寶棻奏請以許廣身補上南河同知摺

奏爲遺員請補河工要缺同知恭摺仰祈 聖鑒事竊豫河開封府上南河同知黃家駒於宣統二年六月二十五日在任病故出缺業經奏咨開缺在案所遺員缺應以該員病故本日作爲出缺日期歸六月底截缺是月只此一缺毋庸掣簽應卽遵員序補查上南河同知員缺經管黃河南岸榮澤鄭兩汛隄埝工程地居通工上游爲著名首要之區非精明幹練之員弗克勝任河工同知一項上次用至本班儘先同知李荆石奏補黃沁同知止現在候補同知班內並無裁缺卽用迴避卽用等項及實缺丁憂起復仍回原工人員現任同知通判內亦無合例應升之員雖有指豫河補用之截取同知江瑞麟一員例歸酌補惟該員於上年六月甫經

到工資格較淺未便請補按班應用新海防遇缺先舊海防先海防即舊例銀捐遇缺先遇缺各項均屬無人應過班接用分缺先人員查有新海防分缺先補用同知許廣身年六十二歲浙江錢塘縣人由監生報捐同知指分東河試用光緒八年二月初十日經吏部帶領引 見奉 旨著照例發往欽此是月二十

日 照旋即告假回籍修墓假滿起程於九年二月初十日到工詳河搶險出力奏保補缺後以知府用安瀾案內保俟離同知任補知府後以道員用山東堵築張村漫口出力保歸候補班補用新海防例報捐過入新班以同知歸分缺先補用並免補額吏部於光緒十九年十二月二十日行文應扣至二十年正月初五日作為新海防分缺先同知到工日期河防局出力奏保改獎交部從優議叙因東河裁併請留豫河候補署山東上河通判下河通判豫河衛糧通判黃沁同知各缺該員才具明通講求防守現充防守蒙澤縣廣武山大壩及經管民埝歲修工程要差一切料理裕如以之請補上南河同知要缺實屬人地相宜與例亦符合無仰懇 天恩俯念河工員缺緊要准以新海防分缺先同知許廣身補授上南河同知實於河務有裨如蒙

俞允仍照例試署一年期滿察看果能勝任再行保請實授送部引 見恭候 欽定如不勝任仍即調回另行遴員接署以重河防除查明該員並無河工分賠銀兩造具履歷清冊咨部查核外理合恭摺具陳伏乞 皇上聖鑒敕部議覆施行謹 奏宣統二年八月二十七日奉 硃批吏部議奏欽此

●又奏陸軍部主事賀紹章等辦學免扣資俸片 再查學部奏定學堂章程京員出洋游學暨奏調外省辦理學堂充當總理監督總分教員者俱准免扣資俸等因歷經遵辦在案茲查有留學日本法政大學速成科畢業本年應保送 廷試錄用京官簽分陸軍部主事賀紹章內閣中書陳廷策向在豫省法政學堂充當教務長教員等差深資得力據法政學堂監督翰林院編修陳國祥咨明提學使詳請 奏調前來臣查該員等學理優長在豫辦學有年一時未便遽易生手合無仰懇 天恩俯准將陸軍部主事賀紹章內閣中書陳廷策調豫差委並免扣資俸出自 鴻施除分咨外謹附片具陳伏乞 聖鑒訓示謹 奏宣統二年八月二十七日奉 硃批著照所請該部知道欽此

直隸總督陳夔龍奏前署提學使盧靖捐建圖書館請獎摺

奏為前署提學使捐廉籌建省城圖書館請援案給獎恭摺具陳仰祈 聖鑒事竊學部奏定分年籌備事宜清單內開各省圖書館限宣統二年一律開辦等語以圖書館之設所以開通風氣敷暢文明關係殊非淺

鈔查直隸省城圖書館經調任奉天提學使盧靖於光緒三十四年十月在署直隸學司任內捐廉五千兩建

築館舍購置書籍器具等件經營擘畫依限告成殊於教育前途不無裨益茲據士紳懇請由提學使轉詳奏

獎前來臣查該前署學司盧靖本愛國之公忠為樹人之至計當籌款維艱之際首先報効實銀至五千兩之

多成此美舉洵屬熱心學務雖據稱不敢仰邀獎叙究未便沒其好義之忱查光緒三十三年三月前吉林將

軍臣達桂奏署提學使吳魯捐廉五千兩建築圖書館請照捐學給獎恭奉 硃批吳魯著賞給二品頂

戴等因欽此欽遵在案今奉天提學使前署直隸提學使盧靖捐廉建築圖書館事同一律合無仰懇 天

恩俯准援案賞給二品頂戴以昭激勸出自 鴻施除咨部外理合恭摺具陳伏乞 皇上聖鑒訓示謹

奏宣統二年八月二十八日奉 硃批著照所請該部知道欽此

●又奏張家口同知達洪額交代虧欠請革追片 再查前署張家口同知達洪額交代案內有虧欠北洋支

應局新墾地糧正耗共銀一萬八千兩為數甚鉅前因二參例限久逾屢經嚴檄催並委員守提未據完解

以致現任不克造冊結報當經藩司會同北洋支應局詳經臣於上年十二月十六日奏請將前署張家口同

知達洪額先行摘頂勒限兩個月在於該員名下照數嚴追聲明如能依限繳清准予開復倘在限滿不完或

完不足數再行奏明查抄本旗家產備抵欽奉 硃批著照所請該部知道欽此即經飭遵在案現在勒限

久逾仍未分釐完解實屬疲玩已極據布政使兼財政總匯處總辦凌福彭財政總匯處常總辦長蘆鹽運使

張鐵芳會同詳請嚴參前來臣查該員達洪額係廂藍旗滿洲恒齡佐領下人相應請 旨將前署張家口

廳同知達洪額即行革職飭令原旗查封該參員家產備抵解直歸款除飭查該參員歷過任內寓所有無資

財寄圍嚴密查封並咨度支部廂藍旗滿洲都統外理合附片具陳伏乞 聖鑒訓示謹 奏宣統二年八

月二十八日奉 硃批著照所請該衙門知道欽此

西歷一千九百十年十月五號 星期三

本局設立北京東長安牌樓王府井大街

宣統二年九月初三日第壹仟伍拾伍號

電話內城總局第二百零一號

政治官報

●宮門鈔	●諭旨二道	○交	旨三道
●事由單	●摺奏類	○度支部奏查明漕運一切用款實在情形摺	○豫撫奏遵旨併議御史趙炳麟等
●請定行政經費摺	○又奏添撥巡警經費片	○又奏請派侍讀學士楊捷	三為洛濱路綫總稽查
●片	○東督奏奉省大計	援案請展緩辦理摺	○又奏酌定東省巡道府廳州縣公費等摺
●廣告			

政治官報 目錄

九月初三日第一千五十五號

宮門鈔

九月初二日 農工商部 郵傳部 正藍旗值日 信公等由 西陵回京請

安 岐公請假十日 修訂法律大臣遞封奏一件 郵傳部遞封奏二件

召見軍機

諭旨

監國攝政王鈐章

九月初二日內閣奉

上諭此次驗看之學部考驗游學畢業生吳乃琛刁作謙羅忠詒朱公釗劉冕執席聘臣沈觀辰張嘉森江古懷周啟濂均著賞給法政科進士林葆恒著賞給文科進士劉慶綬方擎張修敏薛宜琪沈王楨均著賞給醫科進士俞同奎何育杰盧公輔均著賞給格致科進士葉可樑汪果陳訓昶凌春鴻崔潮劉先鸞梁資奎均著賞給農科進士張景光嚴恩械朱葆勤孫多鈺諸翔趙世瑄鍾偉林天民董如奉黃曾銘謝培筠朱天奎高勝儒廖炎黃瀛元季新益屠密胡驥王蔚文方時簡韓楷孫昌潤韓振華楊壽桐薛楷劉國珍羅麟餘唐在賢趙建熙彭炳均著賞給工科進士楊德森吳鼎昌劉崇侃均著賞給商科進士劉吉祺翁敬棠楊景斌余紹宋徐維震邵長光廖世功楊彥清金泰徐造鳳朱斯蒂林祖繩何陶殿式超張贍梅詒毅周翰張友棟余名銓張競勇郭秀如魏斯吳馮斯樂周澤春伍學禮郁華馬有略吳灼昭郁應蘇蕭增秀沈鴻仇預薛天眷祝撰望雷震但濂汪汝梅徐觀巫德源董森榮陸余和治龍靈于瀚清薛良陳文中陳希曾段世垣馬光讓尹耕莘

劉啟晴周秉鈞柴宗濂馬有恒鄭薪金元潤黃翼杜雲程王毓芳姚震陸家璠金其堡高
巨瑗葉培新孫世偉熊彥李堯楷吳鐸郭章奎程家穎楊同衡石福鏡周大鈞李燿忠張
炳星薛光鏗童顯漢鄧更劉孝純陳鴻慈吳懿陳彥彬玉潤彭繼昌郭襄臣方庚源盧柱
生陳國鏞經家齡歐陽啟勳黃中造蕭鴻烈趙恒默劉大魁袁鳳曦晏才傑馮需屈燦胡
光晉胡薰凌肇倫胡傳思雷寶森駱繼漢嚴端何蔚邱開駿啓彬鍾鈺郭恩澤夏嵩廬恩
煦徐元誥胡懌黃寶森熊岬鄺維楨高國煥馬柱孔紹堯洪達江忠章李廷斌張鴻鼎余
若琮徐金熊蔣瑩英徐麟祥李柯羅仁博潘光祖沈復成祚李維翰黃養梁同愷馬英俊
劉蕃黃耀鳳任秉璋蔡元康葉瑞棻周達壽胡國臣光昇陳受中鄒延葵邱冠葵劉炤張
振鏞鄒樹聲王懋昭潘大道劉健張天宋劉傑夫何超張德憲謝正權楊耀卿張福照陳
履潔周鴻熙莊浩鄭汝璋范潤書田煜璠張淑皋王曉東光晟陳藻周衡李培業袁本貴
何宗瀚汪炳南陳襄廷宋仲佳鄭憲武俞仁愈申鍾嶽謝家鴻孫鐘韓殿琦唐士杰龍圖
楊拱姚潤仁錢崇固膝驥徐藻楹陳英孫德震瞿翔李昉夏國賓王光鼎孫景賢池文藻
鍾寶華高贊鼎葉大榮王邦屏黃德馨張蓋臣沈秉誠劉鏡清黃紹備王鍾駢張德潢蔣
義明吳秉成盧尙同馬光裕邵箴黃宗麟蕭露華張燿陳翔陳佑清王英灘趙從懿錢鴻
鈞羅家衡李國珍嚴慎修周英雷光曙程鵬年黃永孚徐炳成趙家璧陳煦堯積齡葉諄
然李盛鎔楊勉之李鶴經黃鳳翔楊梯陳福民歐陽景東黃甲丁鑑修熊兆周俞道暄陽
光球曾彥岳秀華李惠人李鍾濂章榮熙洪榮圻倪啟瑞袁家普程愚王邕關和鈞林瑩
李世恩胡善思吳玉成田汝翼曹廣涵漆運鈞殷汝熊蔣邦彥鄭隆驤均著賞給法政科

舉人阮鑑光曹位康張廷霖郭登瀚許壽裳張萬田王海鑄蘇壽松李培鑾陳榮鏡王鑄均著賞給文科舉人王麟書汪行恕蔣履曾戴棟齡鮑鏢均著賞給醫科舉人彭清鵬顧寶瑚金曾澄周步瑛朱叔麟黃以仁黃際遇朱文熊胡樹楷張邦華鄧瑞榮均著賞給格致科舉人張明綸劉安欽鄭桓張正坊郭寶慈岑兆麟朱顯邦楊熙光杜慎媿王澄清萬勗忠楊兆麟瞿祖熊嚴少陵吳錫忠胡光普吳燮許文光黃公邁倪紹雯均著賞給農科舉人祝長慶楊剛秦銘博何壽彭武濬源李宣諫孫慶澤何長祺孫嘉祿諸人龍韓榮昌萬嘉璧方興楚施霖錢均張大椿王道昌鄧肇元姚履亨陳佐漢劉導王靖先李邦燦張繼業邵文鎔梁元輔均著賞給工科舉人吳在章范季美唐在章周錫經薛宜瑋曾福李瀛汪廷襄程承邁錢懋勛劉桐葉昌燾祝毓瑛楊汝驥陳日平董元春章家駿張競立李涵真袁桁何焯時劉石蓀周蓋臣張金燦趙之翰張清槐謝霖吳會英顧時濟朱其振黃傳綸黃如棟張家亨李作賓李士燭后大經孫壽恩劉光笏楊蔭喬曹楨翼鼎鉉張國棟郝文燦周寶鑾張冕光胡源鴻黃行藻蔣道南李協中均著賞給商科舉人欽此

軍機大臣署名奕劻毓朗那桐徐世昌

監國攝政王鈐章

九月初二日內閣奉

上諭調署伊犁副都統兼塔爾巴哈台參贊大臣科布多辦事大臣錫恒由內務府司員外任道員受

先朝特達之知擢授科布多辦事大臣到任數年於一切創辦事宜慘淡經營規模畢具保障

邊疆正資得力乃以積勞成疾遽爾溘逝軫惜殊深加恩著照都統例賜卹任內一切處分悉予開復應得卹典該衙門察例具奏賞銀一千兩由廣儲司給發准其入城治喪靈柩回旗時沿途地方官妥爲照料該大臣有無子嗣著該旗查明具奏候旨施恩以彰勞勩欽此

軍機大臣署名奕劻毓朗那桐徐世昌

交旨

九月初二日

監國攝政王鈐章

軍機大臣欽奉

諭旨修訂法律大臣會奏刊印現行刑律裝冊呈覽一摺知道了欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨郵傳部奏分年籌辦郵政繕單呈覽一摺著依議又奏裁改驛站擴充郵政一片著陸

軍部核議具奏欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨郵傳部奏吉長鐵路將屆行車酌擬接聯營業辦法一摺知道了欽此

軍機大臣署名奕劻毓朗那桐徐世昌

九月初二日內摺傳 旨事由單

●內閣奏行政經費說帖等件移交政務處事奉 旨依議●農工商部奏吉林省城設立農務總會准予立案並發給關防事奉 旨依議○又片奏本部署右叅議誠璋呈請自備資斧赴南洋勸業會調查事奉

旨知道了●郵傳部奏擬派粵路總協理事奉 旨依議○又奏請將開徐海清鐵路材料免稅事奉

旨該衙門知道●軍諮處代奏赴日本觀操員王遇甲等得 賞寶星謝 恩事奉 旨知道了

●倉場衙門奏留任監督扎欽布又屆差滿援案再留一任事奉 旨依議○又奏留任監督春溥又屆差

滿援案再留一任事奉 旨依議

九月初二日外摺欽奉 硃批事由單

●王乃徵奏世職尹於禮突發疾疾請另襲摺 該部知道○又奏解添撥陸軍各學堂經費片 該部知道

○又奏知縣熊家琪等錢糧續完清楚片 該部知道○又奏通山縣紳舒鳳章助學請獎摺 該部議奏○

又奏籌撥兵工鋼藥兩廠經費片 該部知道○又奏籌撥槍砲廠經費片 該部知道○又奏解兵工廠改

造新式槍等經費片 該部知道○又奏江漢關百九十七結征收稅鈔等數目摺 該部知道單併發○又

奏江漢關百九十四結至百九十七結收支款項數目摺 該部知道單併發○又奏宜城令王令城虧款勒

限追繳摺 著照所請該部知道○又奏解出使經費片 該部知道○又奏解 崇陵工款片 度支

部知道○又奏解新案賠款片 該部知道●瑞徵奏回任接篆日期摺 知道了○又奏王乃徵等飭回本

任片 知道了●誠勳奏請以奎文補協領兼前鋒翼長摺 著照所請該衙門知道○又奏奈曼旗鹽務升

課按年呈交等片 該部知道●程德全奏五月分兩糧情形摺 知道了○又奏犯婦吳耿氏審擬摺 大

理院覆判具奏○又奏解京餉片 度支部知道○又奏清理積案片 知道了○又奏候補通判唐惠勳懇

癥未除請革職永不叙用片 著照所請該部知道 ● 龐鴻書奏法官考試日期摺 知道了 ○ 又奏考察府廳州縣事實摺 該衙門知道 ○ 又奏正安牧師承讓丁憂開缺片 吏部知道 ○ 又奏本年夏季委署廳州縣各缺摺 吏部知道單併發 ○ 又奏盜犯冉步青等案彙奏摺 大理院覆判具奏 ○ 又奏上年分各屬盜匪正法摺 法部知道單併發 ● 朱家寶奏盜犯韓二等案彙奏摺 大理院覆判具奏 ○ 又奏命犯周得堂等案彙奏摺 大理院覆判具奏 ○ 又奏試用道張其淦期滿甄別片 覽 ○ 又奏通判陳啟秀請修墓片 吏部知道 ○ 又奏補用令陸鏡星期滿甄別片 覽 ○ 又奏命犯吳紹江等案彙奏摺 大理院覆判具奏 ○ 又奏解還俄法英德本息片 該部知道 ○ 又奏解新約賠款片 該部知道

摺奏類

度支部奏查明漕運一切用款實在情形摺

奏爲查明漕運一切用款實在情形恭摺具陳仰祈 聖鑒事本年七月二十六日欽奉

諭旨御史葉芾棠奏漕運漏卮甚巨等語著度支部知道欽此欽遵由軍機處鈔交到部據原片內稱每年漕運共計一百萬石聞自江浙起運至京每石連運費及一切雜耗須銀十五六兩在京購米石不過六七兩若包與招商局或殷實商人轉運年可省數百萬金方今財政困難事事剔除中飽漕運漏卮甚巨豈容蠹胥奸吏窟穴其中財政之害莫此爲甚等語臣等伏查光緒二十七年十月間 臣部議覆前漕督張人駿奏漕糧改折事宜一摺其招商採買各條均經議准試辦旋以京師米價陡漲採買轉恐多費復由 臣部電令江浙督撫酌留本色漕糧一百萬石由海運京餘仍改折等因各在案 臣部並於二十八年六月間妥籌倉儲摺內奏明按年如數起運歷屆均經循案辦理良以京倉關繫緊要未敢輕議變更計海運經費蘇漕石支銀七錢五分浙漕石支銀八錢其折價一項近年因南米日昂較前加增江浙兩省每石

折銀自二兩至三兩零不等平均計算每石約合銀三兩左右上年復經臣部電飭江蘇監理官將漕運費用確數逐細調查旋據呈報綜計司道衙門支款八十三萬兩州縣衙門支款二十七萬兩共一百一十萬兩以蘇漕六十萬石計之每石運費銀一兩八錢三分一釐有奇等語蓋蘇省歷年奏報運費七錢五分係指由滬至京而言此則合各屬辦漕雜費及解部解倉銀米等項併計加以三兩折價每石亦不過四兩八錢零浙漕歲運四十萬石據該省監理官報告如辦理改折合計米折漕項節省歸公之款當在二百萬元以上每石僅合銀三兩五錢零視蘇省尤爲減少本年二月二十日奉 旨增韞電奏有漕州縣辦理豫算擬每石折價解部定爲銀元四元並從漕項內提解運費一元等語天庾正供關繫重要所請著毋庸議欽此是折解之無裨國計有礙倉儲早在 聖明洞鑒之中該御史輒謂每石運費及一切雜耗須銀十五六兩蓋猶踵嘉慶年間協辦大學士劉權之每石十八兩之舊說臣部於光緒二十四年會議前侍講學士瑞洵請折南漕摺內卽已據實指駁現值試辦預算但使有可節省亟應量爲變通無如江浙漕糧每石僅合銀四兩數錢或三兩數錢較原奏所稱在京購米石值六七兩者所差已多若率議更張改辦商運虧折則損在公帑抑勒又累及商民把握毫無緩急難恃尤可慮者比年東南各省米缺價昂商賈居奇是其慣技彼見官運既停勢必高擡價值京師爲根本重地現因南漕疊請緩運倉儲已覺奇絀一旦糧價騰踊兵民交困其何以有備無患該御史所請包與招商局或殷實商人轉運之處臣等再三籌議實屬窒礙難行至漕運一切雜耗如年外加價及收漕平餘折價盈餘等款疊經臣部及各該督撫奏明提解歸公其餘別項隨漕規費並令各該省清理財政局會同監理官一律實行清釐和盤托出以杜

漏卮而肅漕政所有_臣等查明漕運用款實在情形緣由理合恭摺具陳伏乞 皇上聖鑒

謹 奏宣統二年八月二十七日奉 旨依議欽此

河南巡撫寶葵奏遵 旨併議御史趙炳麟等奏請確定行政經費摺

奏爲遵 旨併案詳議行政經費恭摺陳仰祈 聖鑒事竊本年四月十九日欽奉

諭旨御史趙炳麟奏請飭議確定行政經費一摺著在京各衙門各省將軍督撫將九年籌備單內所開各條某年某事需款若干從何籌定分年列表詳議具奏等因欽此又於六月初二日欽奉 諭旨湖北布政使王乃徵奏籌備憲政酌分緩急一摺著在京各衙門各省督

撫歸併御史趙炳麟條陳一併詳議具奏欽此均准內閣刷印原奏恭錄 諭旨先後咨行

欽遵辦理前來仰見 朝廷慎重憲政於勤求上理之中仍寓有綜覈度支之意欽悚莫名伏

查豫省地瘠民貧工商各業向未講究歲入之稅源除地丁漕糧外幾鮮雜稅之收入從前承

平日久公私用度均屬簡約故量入爲出尙可勉強支持而庚子以後攤派協濟各款紛至沓

來輾轉騰挪已形竭蹶若再凡百庶政同時並興非徒乏術補苴抑且無從悉索_臣細繹趙炳

麟原奏意在量財制用王乃徵原奏意在就款辦事均屬洞悉時艱以憂盛危明之見求審端

致力之方與_臣前摺條陳變通辦理新政管見趨旨雖各有不同而觸鯁焉爲大局尙危之計

則一也雖然處吾國今日之時勢非立憲不足以圖存亦非急起直追不足以禦外侮而紓內

患故 先朝乾綱獨斷毅然以九年籌備之宏謨布絕後空前之憲典我 皇上冲齡

踐祚首以繼志述事爲功則國是既定於 宸衷奉行豈容於稍懈然尙有不能不審慎以

出之者實皆上下交困於財有以致之也_臣愚見籌備各項憲政不難日後之程功而難於

目前之計畫確定行政經費不患款數之繁鉅而患於民智之未開何則國家稅地方稅未分以前凡一切行政上之費用悉仰給於庫款無論度支仰屋肆應幾窮即使府庫充盈而以有額之收入供無限之支出其不僵仆絕臙者幾希矣第以豫省論逐年籌備行政費以司法巡警教育自治爲大宗調查戶口改良獄制等事次之添練新軍之費尙不在籌備案範圍之內查各級審判廳之成立以宣統二年至八年爲起訖現省城廳署建築及開辦費需銀七萬兩除由臬司公費改歸模範監獄經費銀二萬兩先行撥用外餘歸藩庫籌撥其經常各經費計高等廳歲需三萬五千四百一十兩地方廳二萬七千一百二十八兩初級廳六千六百二十三兩亦由藩司認籌至省外各府廳州縣城治審判廳限宣統三年籌辦五年成立各鄉鎮限六年籌辦七年成立自宜及時計畫以免臨事倉皇茲擬各屬應設處所計共地方審判廳十七處又分廳五十九處初級審判廳一百零六處總計各廳建築開辦等費需銀三十三萬九千八百兩常年臨時等費需銀二百四十二萬四千二百九十二兩雖各廳係分年籌辦建築等費亦可分年撥給而公帑奇絀籌畫已屬不易况一經成立經常等費均須全支則此後爲難之情形誠有不堪設想者臣考列邦審判各廳之經費每取資於訴訟當事人及各項登記手數料英日兩國均厲行之所取給於國家補助費者僅屬於法官俸給之一部仍不越乎設官分祿之範圍然取於民而民樂輸將不若吾國書吏薪公取諸訟費即爲病民弊政者良以公私攸分亦法律明定與否之所判也蓋明定於法則涓滴歸公即多取之而民無怨尤否則即少取之亦足以擾累將來商律民刑訴訟律等法典實行後以此項行政費用平均分配於全省赴訴及登記之人民自必有舉重若輕之一日所難者以帑藏告匱之秋驟增此歲支之

鉅款而渾渾噩噩者流又未知訴訟各法爲何物將仰給於庫款而悉索已靡有孑遺轉取責於民間恐創始或易滋驚擾此_臣所謂難於目前計畫及患在民智未開者一也其次爲警務行政查一國之警務雖爲內務行政之一部而維持國家秩序保護人民安甯者悉屬巡警之責任故非尋常庶政所得而并論以河南一省言宣統三年之預算額省城五區巡警計需銀十萬二百零六兩外屬計分三等其一等之直隸州廳共六屬需銀一萬七千四百三十八兩二等之附郭首縣共九屬需銀二萬零四百九十六兩三等之外屬州縣共九十二屬需銀二十一萬四千五百九十一兩又馬市街周家口道口等三鎮需銀一萬三千四百九十一兩合之教練所經費十一萬一千六百零一兩已不下四十萬兩之譜而警務公所及高等巡警學堂各經費尙不在內自宣統五年以及七年尙須推廣各鄉巡警照自治區域計算約共一千二十九處每處年以一千六百餘金計共三年所費約在一百七十萬兩左右假定第五年先辦十分之四六七兩年各辦十分之三數多之年約須添籌六十萬兩較少之歲亦須添增四十九萬七千有奇逐年遞進至八年一律完備則全省警務共需銀二百萬雖巡警之經費本屬地方稅支辦爲原則現地方稅章程尙未頒布勢難貿然分別其部居即使勉強逆億而境過時遷所指之款未必確有把握况無知愚民常以捕風捉影之談反抗新政若明定何項可以加捐何項可以籌撥恐羣疑悉起不獨爲警務前途之障礙此_臣所謂難於目前計畫及患在民智未開者二也又其次者爲學務經費查學務之興廢視款項贏絀以爲衡過於樽節則簡陋貽譏豈意張皇則浮靡滋弊據籌備清單年限以簡易識字學塾爲要圖照學部奏定專章以師範實業專門普通爲急務自應按年籌辦切實推行以收教育普及之效現據學司造

送預算一覽表自第三年起至第九年止所有省內外各學堂應行添籌經費之數目分爲二類其一爲官立各學堂暨博物館海外游學等費共需銀三百五十萬一千六百兩其一爲公立各學堂需銀六百三十七萬九千九百一十兩統而計之竟達一千萬金之鉅雖分年籌計大小或有參差而多寡平均則每歲之支出亦有一百三四十萬之數以現時之支款論非徒省內外官公立各校均以司庫支出爲大宗卽外屬之公立私立者亦每酌提庫款爲貼補良以風氣未盡開通不知教育爲國民直接之利益故不以出資爲義務深恐過此以往帑項日絀應付日窮則教育之前途必因之而退化可慮孰甚焉臣查城鎮鄉自治章程內載本城鎮鄉之學務如中小學堂蒙養院教育會勸學所圖書館及其他各學務皆屬下級地方自治之範圍又府廳州縣自治章程內載地方公益事務爲城鎮鄉不能擔任者悉屬府廳州縣自治之事宜則將來地方自治成立後除高等專門各學堂外凡一切學務皆爲各級自治機關應負之責任况所有經費如公款公產地方稅及附捐特捐等項部章均定有明文而尙論者每以民力彫敝恐難勝此層累之負擔豈知教育發達之國徵收授業之金額悉垂於典章卽有免除全額或半額之人亦必有特別命令爲規定其餘必納相當之學金則特稅款爲補助者僅屬於開辦及臨時各費用自然舉措之裕如蓋凡事聚之則重而難勝分之則輕而易舉皆有至當不易之理存在於其間也惟地方自治方始萌芽一切事業概未興舉未沾利益之實效而遽責以義務之增加勢必抵力橫生學務反因之而阻碍且教育之事造端宏大若概聽人民之自爲其結果必不能圓滿而無缺蓋無監督之機關則綜理乏術而失之於渙散無統一之目的則家各異學而失之於紛歧無設施之方鍼則北轍南轅而失之於舛誤故昔以教

育爲私人事業者今則屬於國家行政一端昔以教育爲放任自由者今則悉本於法律命令之規定則一切創造經營之費用自不得不由行政長官爲代籌此所謂難於目前計畫及患在民智未開者三也至若籌辦自治經費原爲組成地方團體及提自治之能力而設自宜就地籌款爲正當豫省地面遼闊分治較多綜計自治區域列城治者一百零七區列鎮治者五十七區列鄉治者九百六十八區每區籌備事宜如設事務所研究所各一百零七處約計開辦常年費用共需三十餘萬金宣講所按區分設約共二千二百六十八所每所各以三十兩合計亦需六萬八千餘金此外若籌設各級自治會所有調查選舉開辦各費統計每會約定五百至二百不等共需七十七萬三千餘兩照清理財政章程凡屬地方自治事務不得動支國家正款則可濟目前籌辦事項之用者惟提地方公款公產爲最宜但各屬慈善事業向未講求此等款項實鮮預備卽小有留遺亦若杯水車薪仍無濟事故地方有司奉公令之嚴催卽極力經營殊難措手蓋欲取之於公積而羅掘幾窮欲派之於民間則騷擾可慮欲商之於士紳謹愿者方引避不遑好事者復浮誇失實故現據各屬詳報指撥各項或就車馬餘積提充或挪官款暫墊或待臨時募捐然恐刻舟求劍之謀卽使出入相符異日必難適合至省城自治籌辦處及研究總所共需銀八萬二千九百四十兩係照本年及三年預算推計確有成數與各屬祇照查報情形約略勻計者不同且款由藩庫耗羨項下發給又與各屬之就地集款者有別惟值此財力奇絀之時而籌辦自治又爲當務之急雖不能因噎而廢食究難責無米以爲炊此所謂難於目前計畫及患在民智未開者四也以上四項皆爲籌備憲政之大端亦爲費用最鉅之政務外如模範監獄原與審判廳相輔而行然款項雖難籌猶可暫從

緩議調查戶口一事本屬自治團體之職務若各級自治會成立後即可歸併辦理故亦無庸預算及之也要之行政經費有官自治之分官治又有中央地方之別屬於中央官治之行政事務宜取給於國家稅屬於地方官治之行政事務宜取給於地方稅屬於自治行政事務則宜取給於固有之基金及附稅與特捐法務行政者屬於中央官治者也警務學務行政者地方官治與自治並屬者也籌辦自治之行政者臨時之地方官治而仍屬於自治之範圍者也但國家與地方之稅法尙未頒行各項經費均無所附麗故欲預計將來之出入爲目前確當之指定亦屬困難之問題蓋一國之政務今昔不同昔之政務簡故經費亦隨之而寡今之政務繁經費亦隨之而多昔日支出之經費國防與俸給而已今則爲民保安之政助長之政皆爲國家之行政上必要經營之事業則經費支出之途亦浩繁而無有限量當此時也欲節用則廢事欲搜括則病民而欲求一兩全之策其惟有依經費之原則用之於政治以發達人民爲主旨在於國法以保護人民爲主旨在於經濟以利益人民爲主旨在於用財之道得人民之生計必活潑稅源亦驟然加增即此數百萬之行政費當可力任而無難大學言齊家治國平天下而終以生財有大道書言政事而必曰正德利用厚生此固無古今中外皆然也

臣受 國厚恩忝膺疆寄凡逐年應行籌備之事自宜力任艱鉅斷不敢敷衍塞責亦不敢操切圖功總以量力而行漸求進步於國計民生兩不偏廢用仰副 朝廷乾惕震厲之至意除將詳細表冊分咨政務處及法部民政部外所有遵議行政經費緣由理合恭摺具陳伏乞

皇上聖鑒訓示祇遵謹

奏宣統二年八月二十七日奉

硃批該衙門知道欽此

●又奏添撥巡警經費片

再河南省城巡警開辦有年迄未完善實因困於經費所致伏查

巡警爲內務行政之要端省城巡警尤爲外屬所表率自宜及時整頓庶足保治安而衛閭閻
臣到任後體察情形卽嚴飭巡警道將已辦者切實改良未辦者酌量推廣惟舊有巡警經費
除開支保路費外每年僅有五萬餘金各級服裝又無專款形式不備精神卽無所附麗雖來
年預算額已分別增加而年內應添各費均須另籌如擴充警額月饟及置備多期服裝等項
核實估計需銀二萬三千零九十三兩擬於漕折軍需項下如數撥充現據布政司暨巡警道
會詳並造送清冊前來臣覆核無異自應撥節動用以資整理而圖完備除將清冊分咨民政
部度支部查照外是否有當伏乞
聖鑒訓示祇遵謹
奏宣統二年八月二十七日奉

硃批該部知道欽此

●又奏請派侍讀學士楊捷三爲洛潼路線總稽查片 再豫省洛潼路線山嶺紛歧施工不
易現值開工伊始董理需人查有翰林院侍讀學士楊捷三才猷練達鄉望夙孚比年贊助路
事頗具熱心擬請派爲該路線總稽查常川往還不支薪費該路協理候補四品京堂四川
清理財政正監理官方碩輔兼充暫難回豫應加派坐辦一員暫兼協理查有翰林院編修葛
成修任事篤實勞怨不辭擬請派爲該路坐辦暫兼協理如蒙
俞允請 旨飭下郵傳
部分別派充並予免扣資俸以重路事而孚物望據洛潼鐵路公司總理禮部右丞劉果等呈
請 奏咨前來理合附片具陳伏乞
聖鑒訓示謹
奏宣統二年八月二十七日奉
硃批郵傳部議奏欽此

東三省總督錫良奏奉省 大計援案請展緩辦理摺

奏爲奉省本屆 大計仍難合例擬請援案展緩辦理恭摺仰祈 聖鑒事竊准吏部咨開宣統二年七月十五日具奏舉行庚戌年 大計並變通卓異人員辦法應令各直省一體遵照其東三省已改行省自應一律辦理惟所設員缺尙未盡補有人能否按額舉薦應由該督撫另行奏明辦理等因奉 旨依議欽此欽遵咨行前來當經分飭遵照伏查奉天自兵燹之後改置行省爲時未久所屬道府廳州縣創辦一切新政時虛汲深綆短不得不爲事擇人而員缺遂未能盡補多係委署試署人員甚有尙係設治委員並未委署者卽已經實授人員核扣資俸多未屆滿按諸十五員保薦一員之例數更懸遠至教佐雜職亦員不敷額三載考績 大典攸關自未便稍涉遷就查上屆 大計曾經升任督 臣徐世昌奏准展緩此次仍難如額辦理相應請 旨俯准展緩歸併下屆核辦以昭慎重至有干六法人員 臣仍督同各司道認真考察隨時叅劾斷不敢稍事姑容致滋誤貽以期仰副 朝廷激濁揚清之至意所有奉省本屆 大計擬請照案緩辦緣由除咨部外理合恭摺具陳伏乞 皇上聖鑒訓示 謹 奏宣統二年八月二十九日奉 硃批著照所請該部知道欽此

東三省總督錫良奏酌定奉省巡道府廳等公費摺

奏爲酌定奉省兩巡道及各府廳州縣公費并經費數目定期試辦恭摺仰祈 聖鑒事竊前准度支部咨清理財政章程第二十七條內開官俸章程未定之先督撫公費由會議政務處議籌其餘文武大小各署局所應由清理財政局調查各處情形稟承督撫及本部酌定公費一面提出各項規費除津貼各署公費外概歸入正項收款等因通行到奉當經轉飭清理

財政局遵辦去後並由臣先行查明奉省總督司道原定養廉公費等項并擬酌加民政司養廉公費各數目奏明在案嗣據清理財政局將錦新興鳳兩道及通省府廳州縣出入款項逐件查明並酌擬分科辦事大綱造具清冊說明理由先後詳請核辦前來臣以事關改革規畫不厭求詳當即指明應商各節飭由各司道詳加簽覆隨據該司道等聲稱原冊所列辦法按之各屬現在情形尙無窒礙等語臣覆加核定仿照直隸成案分爲公費經費兩項凡本官服食車馬僕從及個人酬應之需名曰公費該衙門自科長以下員司弁勇夫役及一切雜支預備費等項名曰經費公費開支由本官自便無須造銷經費開支應按月冊報清理財政局查核不得逾於額定之數仍於每年度按照決算法一律辦理查據清理財政局冊開錦新營口道向有廉俸規費等項每年入銀十萬五千二百八十六兩現擬年支公費銀二萬四千兩經費銀七萬二千三百八十兩實餘銀八千九百六兩興鳳道原報入款尙有套搭未清之處除由該局另行確查外約計每年入銀十一萬七千餘兩現擬年支公費銀二萬四千兩經費銀七萬一百兩應餘銀二萬三千餘兩遇閏加增均有敷餘其各府廳州縣向領廉俸役食津貼等項共銀三十八萬八千五百三十二兩向收規費盈餘等項共銀四十七萬四百八兩統共入銀八十五萬八千九百四十四兩應由度支司分別截留提解以備支發現擬將各府廳州縣按地方繁簡分爲五等一等八屬每屬年支公費銀六千兩經費銀一萬一千五百七十二兩零二等三十三屬每屬年支公費銀五千四百兩經費銀九千二百兩零三等十一屬每屬年支公費銀四千八百兩經費銀七千八百九十七兩零四等七屬每屬年支公費銀四千二百

兩經費銀七千一百三十九兩零五等五屬每屬年支公費銀三千六百兩經費銀五千三百七兩零加以紙張郵電函報與夫勘驗招解囚糧及本官下鄉夫馬並交涉費等項各予規定共需銀十四萬三千四百二十三兩零統共年支銀八十七萬九千二百六十五兩內除已設審判廳各處應減支銀二萬六千七百六十二兩實支銀八十五萬三千五百三兩出入相抵計餘銀六千四百三十七兩遇閏應加增銀七萬三千一百七十五兩似尙不敷然以上項餘存並兩巡道年支項下餘款三年公積備支亦仍有贏無絀以上銀數均以藩平計算各於每年季首給領自此次規定後向例廉俸役食津貼等名目概行取消其各屬例認攤賠款項亦一併革除雖規費數目係由各屬自行開報其中容有隱匿及不能常恃之款現正由該局派員覆查日後截長補短照現列數目無虞不足此酌定奉省兩巡道及各府廳州縣公費經費之情形也其實行之期擬自宣統三年正月爲始即以本年秋冬間爲組織分科辦事期限試辦一年後如有應改事件再爲核明奏咨期於一律允洽爲更定官俸之預備其餘教官佐雜及武職衙門向領廉俸役食津貼等項或爲數無多或該衙門不久尙須裁併以及省內外大小局所向支公費薪津等項本係隨宜酌定擬予暫仍其舊亦已各列預算彙咨有案再甫經設治各處本已列入第五等官廳惟事屬創始諸待經營如有地方特別大宗用款不在原擬經費之內者應由臣查照部章另案咨明辦理合併聲明除分咨查照外理合將酌定奉省兩巡道及各府廳州縣公費經費緣由恭摺陳請 飭部立案施行伏乞 皇上聖鑒訓示 謹 奏宣統二年八月二十九日奉 硃批該部知道欽此

西歷一千九百十年十月六號 星期四

本局設立北京東長安牌樓王府井大街

宣統二年九月初四日第壹仟伍拾陸號

電話內城總局第二百零一號

政治官報

目錄

●宮門鈔 ○諭旨一道 ○交旨二道 ○事由單 ○優貢七品小京官分部單 ●摺奏類一
 ○度支部會奏覆甘督奏請將鹽斤加價銀兩留支兵餉摺 ○禮部奏議覆魯撫奏已故粵督毛
 鴻賓入祀鄉賢祠摺 ○學部奏請簡大臣會考北洋大學堂畢業學生摺 ○陝撫奏第四屆籌
 備憲政成績摺 ○又奏試辦預算入不敷出擬節行政經費等摺 ○又奏近日禁烟實在情形片
 ○江撫奏遴選審判檢察兩廳丞長等摺 ●摺奏類二 ○度支部奏議覆皖撫奏新案賑捐勢難停
 止請再展辦一年摺 ○直督奏直隸高等學堂在事出力人員請獎摺 ○滇督奏委署府縣各缺片
 ○東督等奏江省試署府廳各員分別補授摺 ●廣告

政治官報 目錄

九月初四日第一千五十六號

一

●宮門鈔●

九月初三日 理藩部 廂藍旗值日 世中堂由 西陵回京請 安 炤公

假滿請 安 熙楨伺候 召見 資政院遞封奏一件 胡思敬遞封奏二件

憲章遞封奏一件

召見軍機 熙楨

●諭旨●

監國攝政王鈞章

九月初三日內閣奉

上諭開缺湖南岳常澧道熙楨著仍以道員記名簡放欽此

軍機大臣署名奕劻毓朗那桐徐世昌

●交旨●

九月初三日

監國攝政王鈞章

軍機大臣欽奉

諭旨資政院奏開院奉旨訓勉代表全院議員敬陳感激下忱一摺知道了欽此

軍機大臣署名奕劻毓朗那桐徐世昌

監國攝政王鈞章

軍機大臣欽奉

諭旨不入八分輔國公憲章奏軍械關繫重要擬請籌設陸軍專門各學堂並開設兵工各廠以畫一軍械一摺著該衙門知道欽此

軍機大臣署名奕劻毓朗那桐徐世昌

九月初三日內摺傳 旨事由單

●茶膳房奏上年用過肉斤數目事奉 旨知道了○又奏上年用過奶油數目事奉 旨知道了○又

奏上年用過麥麪數目事奉 旨知道了●理藩部奏原任蘇呢特郡王福晉病故可否致祭請 旨事

奉 旨照例賜祭○又代奏土觀呼圖克圖續假三年事奉 旨依議○又彙奏駁覆蒙犯都噶爾倫竊

聲明留養事奉 旨依議

九月初三日外摺欽奉 硃批事由單

●長庚奏盤查司庫摺 度支部知道○又奏請以張崇銘補岔口營都司摺 陸軍部議奏○又奏修復夷

園堡渠道挖傷張義兩堡田地懇免錢糧片 度支部知道○又奏試用令張鳳翼等甄別片 覽○又奏綏

城營都司沈金芳病故片 陸軍部知道○又奏上年甘省被災分別蠲緩豁免錢糧等摺 著照所請該部

知道單併發○又奏四月分兩糧情形摺 知道了○又奏上年粥廠用過經費報銷摺 該部知道●程德

全奏考查元年分各廳州縣歲計政治摺 該衙門知道單併發○又奏四月分兩糧情形摺 知道了○又

奏審明邳州民人梁維志救父情切毆斃人命案援例兩請摺 大理院覆判具奏○又奏長洲縣已故候選

令衛鍾捐田贍族請建坊片 允行禮部知道○又奏高等學堂監督編修朱壽朋請免扣資俸片 著照所

請該部知道○又奏圖書科副長小京官蔣元慶請免扣資俸片 著照所請該部知道●馮汝駮奏請以王

植忠調南昌府同知摺 吏部議奏○又奏委署州縣各缺片 吏部知道○又奏前署南昌令李克鏞虧款

全完請開復摘頂處分片 允行該部知道○又奏採辦額木起運摺 該部知道○又奏李沅洪等命案彙

奏摺 大理院覆判具奏○又奏贛省財政支絀設法籌備片 度支部議奏○又奏遵議確定行政經費變

通籌備辦法情形摺 該衙門知道○又奏德安縣張陽彪等盜案彙奏摺 大理院覆判具奏●魏景桐奏
 預算九年籌備各事宜摺 會議政務處知道○又奏解新定賠款等片 該部知道○又奏解漕折償款片
 該部知道○又奏三月分兩糧情形摺 知道了○又奏統稅各局卡經費請實用實銷摺 度支部議奏
 ●王克敏奏接印日期摺 知道了●何彥昇奏授新撫謝 恩摺 知道了●陳燦奏謝授提法使
 恩摺 知道了●王乃徵奏仍回藩司本任日期摺 知道了●連魁松鶴奏請以根代補驍騎校摺 允行

優貢七品小京官分部單

劉道鏗法部 江椿吏部 余肇湘農工商部 范惲桂法部 來壯濤民政部 王貴昌法
 部 歐陽蘇禮部 張著謙禮部 張言昌法部 汪鳴璋大理院 陳心源禮部 何沅大
 理院 梁家駿學部 嚴寅旭陸軍部 褚廣瀛農工商部 謝世崇度支部 劉世衡農工
 商部 張錦書陸軍部 楊德培吏部 張德潤學部 周鴻襄農工商部 劉述堯學部
 張在田大理院 葛昌楣民政部 黃寶麟民政部 王學庸郵傳部 巢功常大理院 趙
 因培禮部 朱馳範學部 邢殿元吏部 張福臻度支部 任曜楯陸軍部 宋梓郵傳部
 董贊垣民政部 阮其沅度支部

摺奏類一

度支部會奏議覆甘督奏請將鹽勛加價銀兩留支兵餉摺

奏為遵 旨議奏恭摺仰祈 聖鑒事宣統二年七月二十七日軍機處交出陝甘總督

長庚電奏一件奉 旨長庚電奏請將鹽勛加價銀兩仍舊留支兵餉等語著度支部鹽政

處議奏欽此欽遵鈔交前來據電奏內稱甘肅練兵籌餉維艱前飭司道於甘肅防餉並統捐

局鹽勛加價項下各籌銀五萬兩始添募步隊一標業經奏奉 諭旨允准在案茲據甘肅藩司統捐局會詳鹽勛加價銀兩迭奉度支部飭著速解部又鹽政處奏定章程載鹽捐各款均應另款存儲聽候提用各等因此項應否解部抑照前奏留支免誤軍餉請示前來查甘省貧瘠異常近年興辦各政精竭力疲此項鹽勛加價銀兩既經奏准撥爲第三標的餉軍食攸關若遽由部提用甘無別款可籌兵勇乏餉譁潰堪虞擬懇 天恩飭下度支部鹽政處將甘省鹽勛加價銀兩仍舊留支第三標兵餉以資飽騰容俟籌有的款再行如數匯解實於邊局大有裨益等語 臣等伏查奏定督辦鹽政章程第二十八條內載各省鹽務無論新舊正雜一切款項應由運司鹽道及經管鹽務之各總局詳請督辦鹽政大臣核明咨部候撥外省不得擅動其各省動支鹽務款項先經奏咨核准有案者得由運司鹽道及經管鹽務之各總局詳請督辦鹽政大臣核明照舊撥解仍報部查核等語原以鹽務款項關繫重要近來各省往往任意動用並不奏咨報部 臣處綜理畿綱 臣部總持財政均有考核之責是以會訂章程特立限制必須核明方准動用並非欲以各省鹽務新舊正雜一切款項聚而斂之於部庫該督所稱鹽捐各款均應另款存儲聽候提用實非 臣處原章文義奏案具在可覆按也至鹽勛加價一項 臣部於光緒三十四年五月二十五日具奏酌加鹽價抵補藥稅摺內陳明無論何省通行每斤暫加四文以一半解部抵補練兵經費以一半劃歸產鹽銷鹽省分勻撥濟用等因是此項加價歸外省留支者僅止二文其二文本係應行解部之款亦非因 臣處督辦鹽政奏定新章始行提解也上年前陝甘總督升允奏甘省添募新軍步隊三營作爲第三標應需餉項由甘肅防餉並統捐局鹽勛加價項下各半認籌自應在於本省產銷應得二文內提撥濟

用其解部二文並未准其截留仍應遵照奏案如數解部乃該省自徵收加價以來並未報解絲毫卽徵收數目亦未咨報本年五月_臣部以庫款支絀通電各省令將應解抵補藥稅二文加價迅速解部以濟要需各省均已遵解獨甘省未經電覆茲據奏稱甘肅鹽勛加價由部提用兵勇乏餉譁潰堪虞則又以解部二文與外省留用二文混合爲一未免誤會相應申明奏案請_旨飭下陝甘總督卽將甘省鹽勛加價應行解部二文迅行報解以供抵補藥稅之需其新軍餉項照案准於本省產銷應得二文加價內勻撥濟用嗣後該省如有動支鹽務款項仍應奏咨核准方許撥用以符奏章所有_臣等遵議緣由理合恭摺具陳伏乞_{皇上}鑒再此摺係度支部主稿會同鹽政處辦理合併陳明謹_奏宣統二年八月十七日奉_旨依議欽此

禮部奏議覆魯撫奏已故粵督毛鴻賓入祀鄉賢祠摺

奏爲遵_旨議奏事內閣鈔出山東巡撫孫寶琦奏請將已故山東海豐縣知縣湯豫誠附祀名宦祠已故湖北天門縣知縣安慶瀾山西鄉甯縣知縣王筠候選光祿寺署正王前江蘇補用知府朱世德湖廣提學道按察司僉事曹貞吉原任兩廣總督毛鴻賓均附祀鄉賢祠一摺奉_硃批禮部議奏欽此欽遵到部並據該撫將事實清冊咨送前來_臣等查定例各省舉報名宦鄉賢由部確核事蹟僞名實不能相副及僅以人品學問空言譽美者卽行指駁以昭慎重又子孫現任九卿祖父不得請入祀名宦鄉賢祠其三品以上大臣身後題請入祠者由部核定准駁專摺具奏各等語又光緒五年奏准各省名宦鄉賢須俟其人身歿三十年後方准題請等因在案今據該撫所奏除已故山東海豐縣知縣湯豫誠等六員均非三品以上

人員應歸入年終另核彙奏外查冊開已故兩廣總督毛鴻賓山東歷城縣人中道光戊戌科進士由翰林御史歷官至兩廣總督其居官政蹟已奉 旨宣付國史館立傳其居鄉碩德懿行尤爲人所敬服故員幼而穎異讀書日數行下未弱冠遊庠文名甚噪遇人急難典衣物周恤之不少各親串中有孀婦苦節守子女二人家人欲奪其志故員請諸母氏迎於家以全其節後又出貲爲其子女畢婚嫁通籍後里黨戚族貧苦不能自存者婚嫁喪祭不能舉辦者必賙恤資助之人咸比之范仲淹性忠愛於桑梓最切關懷官御史日以山東盜賊充斥疏請飭地方官嚴密查拏又請於黃河一帶嚴兵防堵又劾去大吏之貪酷者民賴以安咸豐三年奉

命回籍辦理團練其時正值粵匪李開方林鳳翔等攻陷高唐臨清各州城巡撫督兵在外故員督率團勇紮營大清河畔遏賊竄省之路軍威甚壯遠近安堵籌備團練軍餉皆資於捐輸故員親履城鄉苦口勸導富紳大賈無不踴躍輸將中戶以下毫無擾累自粵解任歸里杜門養疴從不干預外事而於地方重大要政凡有益於鄉里者仍不辭勞怨同治六年捻匪任柱賴汶洸等由戴家廟竄過黃河直犯省城時巡撫丁寶楨藩司潘鼎新皆率兵在外省城空虛故員出與鹽運使盧定勳和衷商確激勵民團爲防守計一夜大雨傾盆圩外喊聲震地人心大亂故員冒雨登陴梭巡徹夜內安衆心外籌防禦卒能保全危局當捻匪犯境時官兵駐省城西圩居民頗受其擾故員力陳於督師前大學士李鴻章飭各隊移紮三里以外並廉得擾民各勇立予嚴懲百姓得以安居同治四年因前在湖南巡撫任內失察藩司委署知縣缺與例未符部議以降一級調用回籍後家居淡泊布衣蔬食無異寒素見者幾不知其曾任封疆大吏也同治七年卒於鄉宣統元年恭逢 恩詔經升任山東巡撫袁樹勛奏請

開復奉 硃批毛鴻賓著加恩開復降調處分生平事蹟宣付國史館立傳該衙門知道欽此欽遵在案是其功績昭垂既已仰邀 盛典而鄉閭矜式允宜俯順輿情等語 臣等詳核該大臣生平事蹟洵屬名實相副身歿年例亦符子孫亦無現任九卿者擬如該撫所請准其入祀鄉賢祠恭候 命下 臣部行文該撫遵奉施行所有 臣等遵議緣由理合專摺具陳伏乞 皇上聖鑒謹 奏宣統二年八月二十八日奉 旨依議欽此

學部奏請 簡大臣會考北洋大學堂畢業學生摺

奏為請

簡大臣會考北洋大學堂畢業學生恭摺仰祈

聖鑒事竊查北洋大學堂係

光緒二十八年經前督 臣袁世凱創設於二十九年開學先辦豫科三年至三十二年畢業是年接辦本科豫科學生初有未能及格者經 臣部於議覆北洋大學堂豫科畢業請獎摺內奏令補習在案嗣於三十四年 臣部以該大學學科程度與奏章未能悉合復令展長年限增加課程添聘教習切實整頓均已照辦查該大學計開三科共分五班一為土木工科甲班一為土木工科乙班一為採鑛冶金科甲班一為採鑛冶金科乙班一為法律科甲班土木工科及採鑛冶金科之甲班限至本年暑假時畢業土木工科及採鑛冶金科之乙班限至本年年假時畢業法律科甲班限至明年暑假時畢業現土木工科甲班及採鑛冶金科甲班均已畢業共計學生十五名准直隸總督將各項考試試卷教科書籍及學生自著論說等項一併彙送前來 臣等查奏定考試章程內開大學堂畢業在各省者由提學使轉詳督撫將畢業學生咨送學部奏請 欽派大臣會同考試等語此次該大學畢業自應遵照辦理謹將 臣部咨取各衙門堂銜開列清單請 簡大臣二員會同 臣部定期考試俟 命下後即由 臣部分

別知照欽遵辦理所有請 簡大臣會考北洋大學堂畢業學生緣由謹恭摺具陳伏乞

皇上聖鑒謹 奏宣統二年八月二十八日奉 旨派出張亨嘉陳寶琛欽此

陝西巡撫恩壽奏陳第四屆籌備憲政成績摺

奏爲陝省籌備憲政遵將第四屆成績據實臚陳恭摺仰祈 聖鑒事竊 臣 欽奉

旨九年籌備憲政事宜每屆六個月將籌辦成績臚列奏聞等因欽此並准憲政編查館議定每次奏報毋逾二月八月之限歷經遵限奏咨核覆各在案茲屆第四次奏報之期據該管司道等將籌備成績分別詳報前來 臣 按照清單詳加考核合計籌備綱目約分九端謹將辦理情形爲我 皇上縷晰陳之一曰續辦城鎮鄉地方自治查陝省城鎮鄉地方自治辦法係

分三級由城而鎮而鄉上屆已將城區戶口一律查竣並立自治公所及研究所本屆即遵章舉行繁盛城區議事董事各會計指定臨潼咸陽等二十二州縣均於三月間一律成立業經造具表冊咨部在案其中等城區議事董事各會亦於六月間成立三十餘處其餘荒僻之區亦限於下屆一體辦齊至省城研究所第二次學員已於五月畢業九十餘名試驗後發給文憑分派回籍襄辦自治事宜其三次學員業據各屬申送到省暑假後即照章上課此籌備者一二曰籌備廳州縣地方自治查廳州縣系議事各會爲城鎮鄉自治上級機關至爲重要本年三月間准部頒奏定章程即經發交自治籌辦處刷印分行妥籌辦法嗣據該處擬定期先由省會首邑設立系議事各會均限本年年內成立外府首邑限次年舉辦衝要城邑定於宣統四年辦成此籌備者二三日彙報全省人戶總數查陝省人戶總數業經提前於上年十月間查竣分咨彙報惟茲事體大實爲編查戶籍之本原初次調查難免遺漏因飭巡警

道飭屬覆查一俟查畢即將上年所報數目覈計增減另案咨部以昭核實並一面飭將人口總數提前清查業將部頒表冊發交各地方官督飭員紳詳晰填註此籌備者三四日覆查歲出入總數查上屆已將光緒三十四年歲出入總數查明奏報所有宣統元年歲出入總數業由藩司會同清理財政局逐一鈎稽計司局兩庫歲入銀四百六萬七百四十四兩九錢九分一釐歲出銀四百六十二萬八百一十七兩九錢六分五釐其餘地方行政及各項進出數目均已遵章造具表冊咨報有案此籌備者四五日釐定地方稅章程查此項章程現准憲政編查館電取說明書及宣統三年豫算冊比較表送館以憑釐定等因刻已飭知清理財政局遵繕表冊趕速彙送一俟頒到章程即當遵辦此籌備者五六日試辦豫算決算上年十月間清理財政局接准部函飭令試辦豫算並由局擬定表式經 覈飭各文武衙門暨府廳州縣營旗局所按照格式將宣統三年所需經常臨時出入各款預爲計算分別列表送局由局彙爲總冊凡一應出入款目悉遵部式滿列收支畫分公私各清界限並具說明書以備參考當將全冊依限於六月送部嗣准部電以預算明年出入相抵不敷甚鉅飭令設法酌減當飭司道會議將各項行政經費分別緩急酌劑盈虛務令收支適合復經減定數目另造表冊咨部覆覈至決算冊式應俟部頒到日再行遵辦此籌備者六七日省城及各商埠審判廳限年內一律成立陝省審判辦法係於省城先設高等審判廳一所業經開工建築基址原擬在咸甯長安各設地方審判廳一所嗣准部章改爲共設一處又就該二縣分設初等審判廳二處均將檢察廳附入所有工程漸次完竣前設之審判傳習所學員亦已畢業六十餘名並遵章保送法官入京考試現擬佈置開廳先行試辦以期年內如限成立其司法官廳書記研究所檢驗

吏傳習所承發吏及庭丁教練所均已陸續開辦此籌備者七八日推廣廳州縣簡易識字學塾查此項學塾上屆業已設立三百餘處嗣於本年三月奉到部頒課本卽飭學司遵照加意推廣數月以來復由該司飭屬增設百餘處凡年長失學及貧民子弟均令入學聽講據報就學人數已達七千人以上並經該司飭令各屬隨處創辦市鎮村鄉均宜遍設以期教育普及而收實效此籌備者八九日廳州縣巡警限年內一律完備查各屬巡警上屆已經粗具規模本年復飭各屬照原額再行擴充三分之一其各屬教練所已由巡警道張藻派員前往考試畢業程度合格者共計五百餘人均照章發給文憑飭令更換上崗精神形式爲之一振其省城已設之馬巡隊消防隊均日就整齊餘如貧民教養所司法警察及偵探學研究所官醫局亦均由巡警道分別妥籌力求完備此籌備者九以上九項或辦有端倪而尙須力圖完善或已著成效而更宜勿懈進行臣惟有督率司道員紳協力經營勉副期限以仰副聖主勵精圖治計日程功之至意所有陝省第四屆籌備憲政成績各緣由除分咨外理合恭摺具陳伏乞皇上聖鑒訓示謹奏宣統二年八月二十九日奉硃批該衙門知道欽此

陝西巡撫恩壽奏試辦預算入不敷出擬摺節行政經費等摺

奏爲陝省試辦預算入不敷出擬摺節行政經費並請暫緩解款恭摺仰祈聖鑒事竊維理財之方莫要於量入爲出古者太宰均其式司會總其成舉一歲出納之經周知詳考有餘則公儲之不足則公籌之澈內澈外消息隨時此所以上下之情通而損益之道得也陝西省前准部章試辦宣統三年預算並頒發冊檔飭清理財政局司道妥擬規條先爲試辦業經依限咨部惟出入相抵不敷在百萬兩以外經臣督飭藩司及各司道會同清理財政局正副監

理官將預算三年行政經費通盤籌畫酌量覈減務令出入之數勿過懸殊正覈議間准度支部電令設法撙節停緩並由地方籌備若干以期收支適合等因復飭司局一再提議茲據布政使余誠格詳稱查陝西歲入之數地丁耗羨起運存留共銀一百七十餘萬兩雜稅釐金共銀八十餘萬兩差徭銀四十餘萬兩鹽斤加價銀四十餘萬兩糧羨歸公銀二十萬兩總共歲入銀三百五十六萬兩歲出之數京餉協餉攤款賠款經費部飯共銀一百八十二萬兩旗綠巡防新軍屯墾各餉共銀一百六十四萬兩巡警教育司法實業雜支共銀四十餘萬兩廉俸行政財政等經費並驛站共銀七十萬兩總共歲出銀四百五十六萬兩以入抵出每年計不敷銀一百萬兩從前所以尙能勉強支持者則以尙有賑餘一款及每年土釐可資貼補現則賑餘用罄土釐無收出款無增入款日減陝省素號瘠區災祲以後元氣未復民間完納正賦尙形竭蹶更難別籌鉅款以爲補劑是部電所謂地方籌備若干者不及置議計惟有將行政經費再加撙節查舊有局所裁併殆盡而司法設官建築改良一切新政正待擴充但能遇事覈實未易驟言停減籌維再四擬將釐金試辦統捐約計每年可增銀十萬兩內外並會商督臣酌裁綠營計可減銀十餘萬兩統計兩項出入相抵如無變更阻窒約可得有此數尙未敢定一面分別歸併局所裁汰委員酌減薪水凡可撙節者無不力圖撙節計又每年可省銀五六萬兩其餘實已裁無可裁減難再減萬不得已祇有將解出之款酌量請緩除賠款京餉及練兵等各項經費均關要需照常籌解外現擬將每年指撥協甘新餉內請認籌一半擬緩解銀九萬兩陸軍學費內暫緩解銀三千九百兩專使經費內暫緩解銀一萬兩其舊撥之宜昌鹽釐銀二萬兩福州船廠改撥銀五萬兩雲南銅本一萬兩均請一併緩解卽以本年冬季

爲始一俟陝省財力略裕再當如數報解以濟要需等情詳請 奏咨前來 臣覆查陝省財力本極拮据平時挖肉補瘡尙能勉強支持近則左支右絀窘迫即在目前果使可以設法借墊則此請緩之銀自當勉任其難力爲籌解無如騰挪無術羅掘俱窮除本省現擬撙節各費業經分別飭司覈實裁減不敷之款仍由司挪騰彌補外合無仰懇 天恩俯准敕下部 臣酌劑盈虛從長覈議將陝省常年認解之款暫予停緩銀十餘萬兩以紓財力而資周轉之處出自 鴻施逾格除分咨外所有陝省試辦宣統三年預算入不敷出現擬撙節請緩各緣由理合恭摺具陳伏乞 皇上聖鑒訓示謹 奏宣統二年八月二十九日奉 硃批度支部議奏欽此

●又奏近日禁烟實在情形片 再查鴉片流毒陝民受毒最深自奉 諭旨嚴飭查禁凡禁種禁吸禁售三者一不可廢而尤以禁種爲救急之先 臣於光緒三十四年遵設禁烟公所凡官紳士庶有沾染嗜好者咸令入所調驗禁戒並於宣統元年奏請自秋季爲始飭令各屬一律禁種務期早絕根株當經撰擬簡明告示添派委員紳分赴各屬剴切勸禁本年春間又經委員會同地方官覆查民間恪遵禁令不敢種植者實居多數間有山陬水澁無知窮民貪利偷種一經該印委查出即督同鄉保勒令剷除分別責罰示懲地方官查禁不力者卽行撤任聽候查叅查往年未經禁烟之先陝民種烟地畝約在五十三萬餘畝自奉禁令按年遞減至元年春季調查烟地已減種二十萬畝有餘本年迭經嚴密查訪雖不敢信以爲禁有成效所贖實已無多現又申明曉諭不准再萌故惡有犯則將田地充公小民尙知畏法可期盡絕根株至於禁吸一節省城調驗公所計共調驗官紳二百三十九員取藥自戒者不在此數士民

戒烟公所先後入所及領藥戒斷者計六千六百餘人各廳州縣所設戒烟所四百餘處原報烟籍計九十三萬餘人現據各屬冊報已經戒斷者計五十六萬餘人其售賣烟膏各店原有二千八百餘家自發給營業憑照復陸續歇業者已近三百家仍當嚴飭地方官以徵爲禁但期有減無增以上各端均近日禁烟實在情形據禁烟公所司道等取具切實結報會詳前來
臣覆查無異除再督飭員紳將禁種禁吸禁售各事宜實力進行依限禁淨以昭大信而圖自強並分咨查照外理合附片陳明伏乞
聖鑒訓示謹 奏宣統二年八月二十九日奉
硃批該衙門知道欽此

黑龍江巡撫周樹模奏遴選審判檢察兩廳丞長等摺

奏爲遵章遴選審判檢察兩廳丞長懇 恩飭部存記並令先行試署以專責成恭摺仰祈
聖鑒事竊江省省城各級審判廳曾於宣統元年十月間奏陳開辦並將各廳署理人員咨部查照各在案
臣維籌備憲政以司法獨立爲先鞏固法權以得人分理爲要試辦以來行將一年規模漸臻完備裁判力求改良惟高等審判廳廳丞掌理全廳事務監督通省下級各廳責任綦重開辦之初暫令提法司使兼任係屬權宜辦法自應另揀他員專任其事庶可清獨立之界限重完全之法權查法部奏定章程內載各省高等審判廳廳丞高等檢察廳檢察長由部擇員豫保臨時請 簡各省督撫亦將就近遴選或指調部員先行派署等語良以人民生命財產所寄多在法官故法官任用較之他項人員倍宜審慎
臣於通省候補及奏調各員內逐加遴選查有奏調分省補用知府試署高等檢察長趙儼歲湖北安陸舉人註選教諭報捐試用同知光緒三十三年在湖北辦學出力案內得保補缺後以應升之缺升用復捐

升分省補用知府歷經湖廣督臣派赴日本考察學務暨地方行政各事復入東京法政大學肄業嗣經山西撫臣調晉籌辦審判頗稱得力臣諗知該員幹濟優長通曉律例適江省開辦審判招致來江委署高等檢察長一切廳制全資規畫開庭以後案無違誤實屬著有成績以之調署高等審判廳應承可期稱職遞遺高等檢察長查有奏調郵傳部主事周貞亮湖北漢陽進士簽分刑部主事入進士館肄業光緒三十二年由學部派赴日本留學法政大學法律科畢業回國經學部會考取列最優等第一名 欽派王大臣驗放於三十四年九月二十一日奉 旨以原官留部遇缺即補欽此旋經郵傳部奏調當差復留部候補宣統元年八月經臣奏調來江該員湛深律學研貫中西前在刑部辦理現審於審判確有經驗本擬委辦審判值清理財政局事務紛繁急待清釐暫委該局駐局會辦釐訂稽核昕夕從公各種冊報均能如期送部實該員之力居多現在豫算告成關於財政事宜漸次就緒敕令試署高等檢察長必能藉展所長克勝厥職查安徽山西等省均於籌辦期內遴員試署江省審判成立較各省尤爲提前自應擇員專任趙儼歲等兩員於新訂法律研究有素熟悉本省情形均爲司法不可多得之員擬懇 天恩准將趙儼歲試署高等審判廳廳丞周貞亮試署高等檢察廳檢察長仍乞 飭下法部照章存記此後如能勝任再行咨部請 簡以重職守而符定章據提法司使杜桐豫詳請前來除將該員等履歷咨部查核外所有遴員試署高等審判檢察兩廳丞長緣由理合會同東三省總督臣錫良恭摺具陳伏乞 皇上聖鑒訓示 謹 奏宣統二年九月初一日奉 硃批著照所請該部知道欽此

摺奏類二

度支部奏議覆皖撫奏新案賑捐勢難停止請再展辦一年摺

奏爲遵 旨議奏事安徽巡撫朱家寶奏安徽省現辦新案賑捐勢難停止再展辦一年以資彌補一摺宣統二年七月二十一日奉 硃批度支部議奏欽此欽遵由內閣抄出到部查原奏內稱安徽省新案賑捐前於上年四月間經臣瀝情奏請展辦一年經部覆准在案茲自宣統元年五月初一限滿之日起除去封印日期扣至宣統二年六月初一日又屆一年限滿本應截數停止惟查上年十月接准部電各省賑捐限於年內造冊報部另行由部核定收捐新章等因當將所收捐案分次造冊截至年內報部亦在案本年數月以來舊捐早經截數已與停辦無異目前限期又滿察奪情形仍難如期停辦緣歷年捐案減折所收款項業均撥用無存而上年皖南北各屬春季患澇秋季患旱十屬九災紛請賑濟當因捐款已盡另由藩庫籌撥款項奏設賑撫局並募紳商集捐賢義賑各款藉資接濟今春青黃不接請賑請糶又復文電紛馳僅能就款分撥稍蘇民困惟其中尚有協濟之款當時暫應急需將來籌還各處協款預備本省賑需一切要款均屬無處籌撥揆度情勢實惟賑捐是賴應請按照部定新章接續展限開辦據賑捐總局藩臬兩司詳請奏懇展限接辦前來臣覆加查核委係實在情形仰懇 天恩俯念安徽省賑款借墊無著准將現辦新案賑捐再予展限續辦一年以資彌補等語臣等伏查宣統元年九月二十八日 臣部議覆前直隸總督端方等電奏整頓捐務籌擬核實報銷摺內陳明擬將十成貢監即日改回部庫收捐仍以十成實銀上兌其賑捐銜封貢監等項以二成實銀上兌道員捐二品頂戴及貢監捐鹽運使職銜以三成實銀上兌又附陳三品以上報捐花翎者照原章酌收一半四品以下酌收銀四百兩藍翎半之等因奏准通行遵照在案茲據安徽巡撫朱家寶奏稱上年皖南北各屬春季患澇秋季患旱十屬九災紛請賑濟今春青黃不接請賑請糶又復文電紛馳僅能就款分撥稍蘇民困請將現辦新案賑捐再予展限一年等因 臣等查該撫奏稱各節自係實在情形擬將該省銜封等項賑捐再准展限一年用資接濟至收捐成數即應遵照 臣部奏定新章辦理所捐銀兩均歸大清分銀行核

實兌收以符奏案所有違議緣由謹恭摺具陳伏乞 皇上聖鑒 奏宣統二年八月二十三日奉旨依議欽此

直隸總督陳夔龍奏直隸高等學堂在事出力人員請獎摺

聖鑒事竊查直隸高等學堂自光緒二

十八年創辦以來在事員司勤慎經理計自開辦至今已閱七年成就學生共二百六十六人該教員管理員等劉迪不倦董率有方不無微勞足錄查學部奏准辦學員紳屆滿五年照異常勞績給獎三年以上照尋常勞績給獎歷經遵辦在案今該堂在事出力各員自應分別獎勵除歷史教員尹寶真於宣統元年考取選拔生接丁內外艱應俟服闋考試就職後另案請獎外所有異常出力之齋務長河間府教授趙炳麟擬請開缺以知縣儘先選用倫理教員山東卽補知縣劉登瀛擬請免補知縣以同知直隸州仍留原省補用體操兼兵學教員候選縣丞張鳳岡擬請免選縣丞以知縣儘先選用庶務長教習知縣何盛林擬請以知縣歸候補班補用又尋常出力之監學兼中醫官揀選舉人張冠卿擬請以知縣俟分省後試用經學教員拔貢候選教諭米得志擬請以教諭遇缺卽選據提學使傅增湘詳請奏獎前來臣覆核無異合無仰懇 天恩俯准照擬給獎以昭激勸出自 鴻施除將該員等履歷清冊咨部外理合恭摺具陳伏乞 皇上聖鑒訓示謹奏宣統二年八月二十七日奉 硃批該部議奏欽此

雲貴總督李經羲奏委署府縣各缺片

再雲南永昌府知府耿葆燧現委署迤西道篆務所遺永昌府缺查有請補麗江府元江直隸州知州江蘊琛堪以署理江蘊琛未到任以前暫委保山縣知縣陳文燦護理永昌府事並委候補知縣郭述臬暫代保山縣事遞遺元江州缺查有候補知府李蔭穠堪以署理又署鎮沅直隸廳同知黃祥光調省遺缺查有俸滿石膏井大使石宗洛堪以代理又署元謀縣知縣胡懋芬署江川縣知縣雷葆初均調省所遺元謀縣缺查有准補祿勸縣知縣童益泰堪以署理江川縣缺查有現署他郎通判易朝佐堪以調署所遺他郎通判缺查有候補

知州胡廷儔堪以署理又署宜威州知州朱鏞試辦華平縣知縣呂國璋均撤省察看所遺宜威州缺查有候補知縣劉九穗堪以署理新設華坪縣缺查有候補知縣丁傳縉堪以試辦又署永善縣知縣張炳奎因病請假遺缺查有現署魯甸通判鄧時霖堪以調署遞遺魯甸通判缺查有候補知縣馬光昭堪以署理據雲南藩司會同交涉學臬三司巡警道先後具詳前來除分檄飭遵外謹附片彙陳伏乞 聖鑒謹 奏宣統二年八月二十七日奉 硃批知道了欽此

東三省總督錫良黑龍江巡撫周樹模奏江省試署府廳各員分別補授摺

奏為江省試署府廳各缺人員才堪勝任擬請分別補授以資治理恭摺仰祈 聖鑒事竊宣統元年六月臣等會同覆奏江省添改道府廳各缺仍請先行遴員試署一摺於六月十七日欽奉 硃批著照所請該部知道欽此當經遵飭該員等分赴本任各在案查原奏內開試署各員如果實心任事成效昭著確係人地相宜再由臣等隨時奏請補授以昭慎重等語良以此次新設各缺或居邊要或係衝繁建置經營殊非易易現值一年期滿臣等隨時體察公同考核除試署呼倫兵備道宋小濂另摺請補試署黑龍江府知府范守佑早經調缺試署黑河府知府吳文泰業已調省外其試署臚濱府知府張壽增熟諳交涉肆應有餘於邊荒地尤能注重實業苦心經營試署嫩江府知府周玉柄籌辦新政條理井然於民旗雜處之地尤能調劑得宜撫綏有道試署海倫府知府王彭和平穩練有守有為從前地方宿弊漸次革除試署瑗璋直隸廳同知謝泰鈞操行不苟任事實心試署呼倫直隸廳同知王莘林幹濟優長盡心民事以上五員各於試署期內現任地方著有成績洵屬人地相宜以之補授各缺均堪勝任據民政使趙淵詳請前來合無仰懇 天恩俯念邊地新設員缺重要准以張壽增等分別補授各缺以資治理出自 鴻施至謝奏鈞係分省補用知府王莘林係儘先選用知府借補同知係以大銜借補小缺應請仍照原官升轉以昭平允而符向章除將各員履歷咨部查照外所有試署府廳各缺人員才堪勝任擬請分別補授緣由理合恭摺具陳伏乞 皇上聖鑒訓示謹 奏宣統二年九月初一日奉 硃批著照所請該部知道欽此

西歷一千九百十年十月七號 星期五

本局設立北京東長安牌樓王府井大街

宣統二年九月初五日第壹仟伍拾柒號

電話內城總局第二百零一號

政治官報

目錄

●宮門鈔○ 諭旨二道○交 旨一道○事由單●摺奏類一○稅務處會奏川省鐵路機料酌展免稅年限摺○學部
 奏續派江蘇學務公所議長摺○又奏更正法政學堂畢業生楊自南等第分數片○又奏醫學研究會准立案等片○修訂法
 律大臣會奏刊印現行刑律裝冊呈 覽摺○東督奏籌備憲政第三年第一屆成績等摺○皖撫奏故牧王懋勳政績請宜
 付史館立傳摺○陝撫奏駐防中學堂畢業生請獎摺併單○又奏裁併憲政調查局等片○黔撫奏法官考試日期並遵辦各
 情摺○蘇撫奏通判唐應勳煙癮未除請革職永不叙用片●摺奏類二○度支部奏議覆浙撫奏塘工絲捐限滿請再展限摺
 ○東督等奏呼倫道宋小濂瑗瑗道姚福升請實授摺○黔撫奏本年夏季委署廳州縣各缺摺併單○護鄂督奏繕紳舒鳳章
 助學請獎摺○又奉知縣熊家琪等續完錢糧均請免議片●廣告

政治官報 目錄

九月初五日第一千五十七號

宮門鈔

九月初四日 內務府 八旗兩翼值日 奎俊由 西陵回京請 安 記

名道熙楨謝 恩 堃公假滿請 安 洵貝勒等遞封奏一件 現換毡冠絨

領棉袍褂

召見軍機

諭旨

監國攝政王鈐章

九月初四日內閣奉

上諭青州副都統英瑞奏因病懇請開缺一摺英瑞著准其開缺欽此

軍機大臣署名奕劻毓朗那桐徐世昌

監國攝政王鈐章

九月初四日奉

旨青州副都統著秀昌補授欽此

軍機大臣署名奕劻毓朗那桐徐世昌

交旨

九月初四日

監國攝政王鈐章

軍機大臣欽奉

諭旨貝勒載洵等奏現修

崇陵工程情形一摺又奏遴員充補監督一片均知道了欽此

軍機大臣署名奕劻毓朗那桐徐世昌

九月初四日內摺傳 旨事由單

●內務府奏十一日致祭 內城隍廟 永佑廟請 派員行禮事奉 旨派出繼祿 文煦●上駟院
奏均齊各圈馬騾駝隻數目事奉 旨知道了○又奏商都馬駝羣孳生倒斃數目事奉 旨知道了

摺奏類一

稅務處會奏四川省鐵路機料酌展免稅年限摺

奏爲四川省商辦鐵路所用機器材料應援案酌展免稅年限以歸劃一恭摺會陳仰祈 聖
鑒事宣統二年七月三十日准內閣鈔交四川總督趙爾巽附奏四川省商辦鐵路應用各項機
器材料請寬免稅期限一片奉 硃批該部知道欽此欽遵前來原奏內稱據四川商辦
川漢鐵路公司呈稱川路改歸商辦購運材料現自宜昌至歸州一帶均已分段開工惟計日
未及一年而免稅限期瞬已屆滿川路跨越兩省自湖北宜昌府至四川成都府計長二千餘
里工艱費鉅實爲各省鐵路所未見近年江浙各路材料免稅均經稅務處奏准展限擬懇將
川路材料免稅期限展至宜萬全段築成之日爲止以紓民力等情 臣等查川漢鐵路公司所
用機器材料經四川總督於光緒三十三年十一月奏准援照江浙各省商辦鐵路成案暫行
免稅經 臣等於三十四年七月會奏鐵路公司免稅各案議覆摺內聲明自各該案奏准免稅
之日起予限三年俟限滿再行稽徵將來或因路綫過長工程艱鉅仍由 臣等體察情形再行

奏明辦理本年三月江浙等省以商辦鐵路路長工鉅奏請寬展年限經臣等議覆分別准予展限二年或一年奉 旨允准通知遵照在案茲四川總督以川漢鐵路跨越兩省工艱費鉅請將免稅期限展至宜萬全段築成之日為止自係爲體恤商艱起見惟僅以路成爲斷並未聲叙年限未免漫無限制應仍仿照江浙兩省成案亦准展限二年至宣統四年十一月底止一俟限期屆滿無論路成與否即行一律稽徵以重國課而昭畫一所有川省商辦鐵路所用機器材料應援案酌展免稅年限緣由理合恭摺會陳伏乞 皇上聖鑒再此摺係稅務處主稿會同度支部具奏合併聲明謹 奏宣統二年八月二十二日奉 旨依議欽此

學部奏續派江蘇學務公所議長摺

奏爲續派江蘇學務公所議長恭摺具陳仰祈 聖鑒事竊查 臣部奏定各省學務官制章程內稱學務公所設議長一人由督撫咨明學部奏派等語歷經遵照辦理在案茲准江蘇巡撫咨稱蘇省學務公所議長前經奏派翰林院侍講鄒福保該員一再堅辭自應選員接充以重學務查有留籍辦學遇缺即補禮部主事孔昭晉學識淹通操履敦謹堪以接充江蘇學務公所議長咨請照章奏派並聲明不扣資俸不停升轉等因前來 臣等查議長一職參畫全省學務兼備督撫諮詢責任綦重該省紳士鄒福保既經辭差自應查照原咨另行奏派擬請 蒙 俞允即由 臣部分咨欽遵辦理所有續派江蘇學務公所議長緣由謹恭摺具陳伏乞 皇上聖鑒謹 奏宣統二年八月二十八日奉 旨依議欽此

又奏更正法政學堂畢業生楊自南等第分數片 再京師法政學堂別科畢業生業經

臣部於本月初八日奏請獎勵在案惟查原奏列入下等之楊自南其畢業平均分數原得六十分零七釐因核算分數時誤將表內上格之法院編制法分數作爲下格之體操分數祇得五十九分八釐以致降爲下等亟應更正列入中等查該員原係舉人揀選知縣自應仍照中等畢業給獎擬請俟以知縣分省後給予同知職銜以資鼓勵謹附片具陳伏乞 聖鑒謹奏宣統二年八月二十八日奉 旨依議欽此

●又奏醫學研究会准立案等片 再臣部准軍機處片交七月初五日奉 諭旨翰林院侍讀學士惲毓鼎奏京城創辦醫學研究会請飭學部立案一片著學部知道欽此欽遵在案臣等查醫學研究会設立宗旨意在使業醫之人於診察餘暇研究學術使理論與實驗二者並進用意至善自應准其立案至於醫學堂則設備必須完全功課至爲繁重且按照奏定章程所收學生必須中學堂畢業普通學識完備者始能升入查該會係借用梁家園惜字館房屋成立地勢甚隘不合學堂之用設備亦未能完全至其所招生徒均未經中學堂畢業與醫學堂章程尙多不符之處應先令其肄習普通學五年俟合中學堂畢業程度再進習專門醫學以符定章謹附片具陳伏乞 聖鑒謹 奏宣統二年八月二十八日奉 旨依議欽此

修訂法律大臣會奏刊印現行刑律裝册呈 覽摺

奏爲刊印現行刑律告竣敬謹裝潢上備 乙覽恭摺仰祈 聖鑒事竊臣等於本年四月初七日會奏呈進現行刑律黃册定本並聲明兩館公同刊印頒發等因是日內閣奉 上諭上年據修律大臣奏進編定現行律當經諭令憲政編查館覆核奏准茲據該館及該大

臣等將現行刑律黃冊並按照新章修改各條繕具進呈朕詳加披覽尙屬妥協著卽刊刻成書頒行京外一體遵守國家律令因時損益此項刑律爲改用新律之豫備內外問刑各衙門務當悉心講求依法臚斷毋得任意出入致滋枉縱以副朝廷慎刑協中之至意欽此欽遵分飭兩館印刷工役仿 武英殿聚珍板式排印原書凡四十卷刪約舊文一歸簡要自名例以下按照舊律次第釐爲三十六卷律目服制圖並服制合爲一卷列於卷首而以禁煙條例秋審條款附列於後仍恭摹 高宗純皇帝序文弁冕卷端以昭 聖代之法守查向章

頒行法律 京師自奉

旨之日起外省自奉文之日起自經

明詔頒布之後各省督

撫都統將軍承領新律函電交至待用孔殷 臣家本等公同商酌因科條推暨信守攸關未便以刊印需時致稽定限當將已印行之現行刑律按語並兩次清單先行通咨各省以備援引惟案語全帙浩繁本爲研索因革而設其中不無魯魚亥豕之訛而修訂核訂出於衆手間有未能類一者嚴飭館員精密校讐期歸至善凡四閱月始克成書敬謹分裝二函上備 乙覽仍由 臣等一面通行各省酌量多寡備價承領嗣後凡內外問刑各衙門悉照此次判定之本爲憑其坊間射利之徒翻印小本概不得引用致令解釋疑誤臚斷有出入之弊所有呈進刊印現行刑律緣由謹恭摺會陳伏乞 皇上聖鑒再此摺係法律館主稿會同憲政編查館辦理合併聲明謹 奏宣統二年九月初二日奉 旨已錄

東三省總督錫良奏籌備憲政第三年第一屆成績並第二屆籌備情形摺

奏爲籌備憲政第三年第一屆成績並第二屆籌備情形恭摺仰祈 聖鑒事竊查奉省第

三年第一屆籌備憲政情形業於本年二月間奏報第二年第二屆之期先行奏咨在案謹按逐年籌備清單本年各省督撫應行籌備事宜計分九項查此九項籌備次序雖有緩急先後之殊惟同在本年內均須一律告竣當入手之初固當遵限籌備如有餘力自不妨通盤計畫同時並進故凡本屆應辦事件其可提前辦理者亦當竭力趕辦期底於成庶於憲政前途不致貽誤茲屆奏報之期謹爲我 皇上縷晰陳之一曰續辦城鎮鄉地方自治查奉省城鎮鄉地方自治係繼續第二年辦理本年二月遵章調查選民資格居民口數竣事據自治籌辦處呈報統計四十六屬城廂人口總數共一百二十三萬一千七百一十九人選民總數共二萬六千八百四十七名平均居民四十七人中得選民一人至正稅公益捐兩項共二百萬七千八百八十九圓二角七釐平均計算每選民一人合七十四元七角有奇每居民一人合一元六角有奇旋於五六兩月遵章組織議事董事各會投票選舉計得議事會議長副議長議員共五百九十名董事會總董董事名譽董事共二百六十八名現全省自治區域內四十六屬城廂自治會業已一律成立鎮鄉會同時成立者計十一屬至自治研究所除人口稀少之處准其合設外餘均每屬各設一所統計學員已有三千六百七十人並飭各屬開設自治研究會俾自治職員得以互相討論查籌備清單城鎮鄉地方自治限宣統五年一律成立現奉省城鎮鄉自治雖未一律成立業已略具規模此提前辦理已有成績者一也二曰籌辦廳州縣地方自治查廳州縣地方自治當以城鎮鄉地方自治爲根據斷難一蹴而幾奉省城鎮鄉自治會既已設立過半廳州縣地方自治自可早日成立現由自治籌辦處通飭各屬凡城鎮鄉自治會已辦者限本年十月內開辦廳州縣自治城廂辦竣接辦鎮鄉者其鎮鄉自治限本

年十二月成立即於宣統三年正月接辦廳州縣自治並釐定廳州縣自治事務期限表札發各屬以便督查此提前辦理已有成績者二也一日彙報全省人戶總數查人戶總數業經遵章調查明確者四十三屬計得正戶一百零二萬三千七百九十三附戶四十八萬五千一百二十六尙有九屬未經報到業已嚴催統限本年十月前一律報齊再行列表彙報民政部至口數照章應於宣統三年調查現已飭令即行辦理已據開通一屬查明呈報此外各屬當可陸續報到此提前辦理已有成績者三也一日覆查全省歲出入總數奉省財政復雜款項糾紛上屆調查總數業將光緒三十四年全省出入款目分別內結外銷梳剔鈎稽依限報部至三十四年及宣統元年之報告冊並飭由清理財政局彙造齊全先後咨部在案此籌辦之成績四也一日釐訂地方稅章程查地方稅一項徵之各國前例均須附加於國家稅內如未釐訂國家稅章程以前遽欲釐訂地方稅章程事實上頗多窒礙難行近准部咨以本年爲調查國家稅地方稅期限宣統三年爲釐訂期限業經飭度支司及清理財政局迅速從事調查繕具說明書以備咨部此籌辦之成績五也一日試辦各省預算決算查奉省宣統三年之預算報告冊業據清理財政局詳細編成經臣查核另案分別奏報在案計國家行政經費一千二百二十萬八百二十四兩八錢九分七釐地方行政經費三百九十二萬一千一百二兩九錢五分五釐收支兩抵所虧之數計六十萬四千八百九十兩八錢二分八釐第歲出臨時門列有預備金六十萬兩係屬國家行政經費若除此款以相抵則歲出僅虧四千八百九十兩八錢二分八釐東省內政外交在在困難臨時經費能否敷用尙難逆料惟僅就此次預算報告冊而論似尙不背收支適合之意此籌辦之成績六也一日省城及商埠等處各級審判廳限

一年內一律成立查奉省高等審判廳承德撫順營口新民安東地方初級審判廳並檢察廳均於上屆奏報成立至遼陽等處商埠應設之審判廳皆應於本年成立嗣因憲政編查館奏定新章府廳州縣得分別設立分廳鳳凰法庫地方指定通商尙未開埠現定先行設立遼陽鐵嶺兩埠地方初級審判廳籌備已有端倪約計九十月間即可開辦其鳳凰法庫兩廳擬俟明年遵照新章籌設分廳業經咨部查核此外尙有因補助審判機關而籌辦者查憲政編查館頒發審判階級區域新章權限分明因設特別地方審判廳又查館頒現行刑律及登記章程條理繁密因設審檢講演會及登記講習所又查審判廳之成立須改良監獄以清獄政因於法政學堂添設獄政專科以儲人才均經分別奏咨在案以上數端雖爲籌備事項所無要皆於司法前途極有關係此已辦有成績者七也一曰推廣廳州縣簡易識字學塾查此項學塾上年業經飭司於省城設立三所並於城關內外各小學堂附設夜課八處以爲之倡現府廳州縣呈報籌辦者計一百八十八處開學者七十四處學生二千九百餘人其餘籌辦尙未成立者當嚴行督催迅速舉辦務期逐漸普設使識字者日多藉收開通民智之效此已辦有成績者八也一曰廳州縣巡警限年內一律完備奉省各屬巡警粗具規模上屆業經奏報所有輝南長白安圖撫松等屬前因設治伊始未及籌設嗣飭民政使督催趕辦現均次第據報一律成立查各屬巡警分區廣狹不同有因款項支絀區官缺額及並未設立者亦經飭司實力整頓每區各置區官一員以歸一律至巡警教練所尙有未經普設之處亦已嚴催速設每所學額並照章以百名爲限必期教練推廣警務日見起色計年內各屬巡警可期一律完備但奉省地接蒙荒盜風素熾僅恃額定巡警保衛尤恐難周前經奏明籌辦預備巡警以補額

定巡警所不及尤爲刻不容緩之要圖此已辦有成績者九也綜上九端或依限次第妥籌或辦理已經竣事要皆竭誠以求治併力以圖功惟是奉省承兵燹之餘處強隣之間較內地各省情勢不同籌辦一切尤不能拘執期限致誤時機自當督促進行廣續趕辦藉圖補救於萬一斷不敢畏難苟安因循敷衍以期仰副 朝廷宵旰憂勞眷顧東陲之至意所有驅陳奉省第三年第一屆成績並下屆籌備情形緣由除分咨查照外理合恭摺具陳伏乞 皇上聖鑒訓示謹 奏宣統二年八月二十九日奉 硃批該衙門知道欽此

安徽巡撫朱家寶奏故牧王懋勳政績懇 恩宣付史館立傳摺

奏爲故牧政績卓著遺愛在民據情懇 恩宣付史館立傳以彰循良而順輿情恭摺仰祈 聖鑒事竊據前署布政使沈曾植詳稱泗州詳據該州籍紳內閣中書孫書城等穎州府詳據亳州籍紳四川北鎮總兵李永芳等呈稱已故六安州知州前署泗州直隸州亳州知州王懋勳湖北松滋縣人由議叙從九品改發安徽咸豐五年到省隨勦髮捻各匪轉戰安徽江蘇等省身受重傷先後於克復三河廬江巢縣含山和州江浦浦口金陵各城暨東南肅清各案內洵保花翎知府銜直隸州知州仍留安徽補用該故牧歷任壽州合肥等州縣兩署泗州直隸州四署亳州知州最後補授六安直隸州缺所至均著聲稱而皖民感戴難忘則尤以亳州泗州爲最甚維時同治六年苗逆甫平餘孽未淨亳境寨林立夙稱逋逃藪該故牧下車伊始卽親赴各處清查戶口讞繳軍械寨堡悉爲平毀羣盜無從托足閩境賴以綏靖與民更始一方肅然光緒三年四年比歲薦饑復竭力集款散放設廠振濟豫晉陝西等省災民聞風而來者至數萬人該牧不分畛域多設分廠留養一載有餘俟麥熟後始陸續遣還全活不

可殫計謳歌至今五年調署泗州州境瀕湖多盜該故牧首獲劇盜吳家蔭等立置諸法又緝獲鄰境積盜卓丙禮等多名分別嚴懲他邑富室羣將貨寄存州境以求庇蔭復於暇時籌款修葺書院清查院租擴充經費人文因以蔚起州民積案約百餘起獄爲之滿該故牧日坐堂皇口訊手判至廢寢食不逾月囹圄一空嚴杜差役弊詐訟無滋累設義塾毀淫祠修建倉廩規復儲穀數千石疏河道興水利以備旱潦倡捐集款萬餘兩修城外大橋以利行旅購桑教民種植以興蠶業計在泗境五年教養並舉聲施爛然迨三十二年再蒞州境德威猶著盜賊聞風遠颺時值水患歲歉貧民嗷嗷待哺該故牧稟請發帑以濟貧卽以保富之道函勸紳富捐助自冬徂春親赴各鄉挨查散放活民無算三十三年調署合肥縣事旋調辦巢縣釐卡率以積勞致疾於宣統元年七月歿於省垣所至各州縣紳民望風垂涕而亳泗兩州尤深哀感職等身受目擊慟歎弗忘謹造具履歷事實冊結呈請轉稟由司覆查詳請具 奏前來 臣 恭查同治三年欽奉 諭旨大學士祁寯藻等奏弭盜安良必資循吏請分別表章錄用一摺嗣後各省大吏務宜加意訪查其有政績官聲遺愛在人者著奏明宣付國史館編入循良列傳等因欽此欽遵在案竊惟致治之方得百能吏不如得一良吏戡定於已亂之後不如撫綏於未亂之先安省襟江帶淮皖北列城民風素號強悍萑苻時發而頻年澹災疊警拯溺弗遑 臣 每接見屬員諄諄以治盜安民爲羣吏之殿最已故前六安州知州王懋勳兩署泗州四署亳州治行爲全皖之冠其解散羣盜則龔遂之於渤海其振卹災黎則富弼之於青州方之昔賢殆無多讓前安徽巡撫英翰兩江總督沈葆楨均爲當代名臣於該故牧皆迭相倚重先後臚列政績據實上陳迭蒙 先朝褒嘉 臣 移任皖疆當吏治散紛之際方冀獲茲臂

助藉作百城矜式乃不幸遽爾身故不禁怒然傷之查前肝胎縣知縣方瑞蘭太平縣知縣鄒鍾俊均以績著循良經前撫臣奏奉 俞允宣付史館立傳有案今該故牧事績相同既

據紳民聯名籲請未便壅於 上聞合無仰懇 天恩俯准將已故前六安州知州王懋

勳平生政績宣付史館立傳以彰循吏而順輿情出自 鴻慈逾格除將履歷事實冊結咨

部外謹會同兩江總督臣張人駿恭摺具陳伏乞 皇上聖鑒訓示謹 奏宣統二年八月

二十九日奉 硃批著照所請該衙門知道欽此

陝西巡撫恩壽奏陝省駐防中學堂畢業生請獎摺併單

奏為陝省駐防中學堂畢業學生照章請獎恭摺仰祈 聖鑒事竊查陝省八旗中學堂於

光緒三十年九月開辦專收八旗子弟入堂肄業至宣統元年下學期已屆第五學年前據該

堂監督呈請畢業經署提學使余堃按照該堂歷年造報一覽表逐加查覈年限制度均尙合

格飭令照章會同學務員紳在堂考試畢業評定分數送司分科覆試其本堂不滿六十分者

照章扣除由司遵照學部奏定畢業計分降等新章詳核分數酌定等第發給畢業文憑計取

列最優等一名優等三名中等十二名下等六名造具履歷分數表擬請照章給獎等情據該

學使詳請 奏咨前來臣覆查中學堂畢業獎勵章程內開考列最優等作為拔貢優等作為

優貢中等作為歲貢下等作為廩生上年陝省高等宏道各學堂補習中學畢業均經遵照辦

理由部覈准在案此次事同一律合無仰懇 天恩敕部覈議照章給獎以示鼓勵之處出

白 鴻施逾格除表冊咨部外謹繕清單恭摺具陳伏乞 皇上聖鑒訓示謹 奏宣統

二年八月二十九日奉 硃批學部議奏單併發欽此

謹將陝西駐防中學堂畢業學生照章請獎繕具清單恭呈 御覽 計開 考列最優等畢業生惠壽
以上一名擬請作爲拔貢 考列優等畢業生桂璋札克丹平安 以上三名擬請作爲優貢 考列中等畢
業生瑞森興斌培元秀文額哲理鍾毓珠爾罕多齡李喜額勒和肯霍團布公訥亨 以上十二名擬請作爲
歲貢 考列下等畢業生崇勳海雲榮恩噶克敦文奎文昭 以上六名擬請作爲廩生 宣統二年八月二
十九日奉 硃批覽欽此

●又奏裁併憲政調查局等片 再陝省財政支絀萬分常年進出款項不敷之數甚鉅而民
貧地瘠別無可開之源自非竭力撙節不足以維本計 臣迭與司道等悉心籌畫自財政局遵
旨歸併藩司衙門辦理凡省城各署局所用科員委員無不酌加裁併汰冗取長任闕
毋濫實已裁無可裁茲查有憲政調查局係於光緒三十四年遵章設立計設法制統計兩科
分曹任事所有法制股報告書業經辦齊咨送憲政編查館彙核統計一項應造之各表冊亦
已次第就緒擬將該局裁撤嗣後應造表冊均責成各衙門統計處分別兼辦由藩司彙齊覆
核照章詳咨約計每年可節省銀二萬餘兩又查禁煙公所設於三十四年其辦法係分兩部
一爲官紳調驗所一爲士民戒煙所年來實行禁煙已有成效屢奉 嚴旨遵飭曉諭凡屬
臣民咸知儆惕其有舊日沾染嗜好者亦知爭自濯磨遵限戒斷現在入所調驗者已漸稀少
並擬將此項調驗所裁撤遇有應行調驗人員卽歸巡警公所衛生科查驗至士民戒煙所仍
仍照舊設立改歸巡警道派員兼管認真經理所有前派之總會辦提調等員均卽裁撤約共
每年可節省銀一萬餘兩以上兩處均在可以裁撤之列 臣與司道等再三考核意見相同應
請將兩處局所分別裁併以資撙節而裕度支除咨外謹附片陳明伏乞 聖鑒訓示謹
奏宣統二年八月二十九日奉 硃批該部知道欽此

貴州巡撫龐鴻書奏法官考試日期並遵辦各情摺

奏爲貴州法官定期開考謹將遵辦各情恭摺具陳仰祈

聖鑒事竊 臣准法部先後咨到

考試主要各科應用法律章程並任用施行細則及內外場辦事規則均發由按察司分別印刷備用查法部咨貴州係派員往考省分一切應辦事宜自應先行籌備貴州向有貢院自科舉停後已改作法政學堂此次舉行法官考試典禮重大各項公所皆狹小不敷布置惟法政學堂基址較寬前此號舍雖已拆毀而衡鑑堂至公堂房宇尙存略加修改以講堂爲考場考員既可容納稽查亦易周徧正在趕緊料理准法部電咨貴州考試官奉 旨派出林榮朱

汝琛襄校官

派出呂興周何賓笙七月二十六日考官襄校官已同時行抵貴州省垣當

即迎入考場遵章封門三十日又准法部電貴監臨奉

硃筆圈出龐鴻書欽此欽遵 臣謹

酌定於八月初二日開考按察司文徵遵章入內會考外監試官派委候補道查秉鈞內提調官派委候補知府賀廷桂彌封收掌監場各員一律遴選派定 臣即於八月初一日入場辦理監臨事宜此舉係屬創辦籌備尙無貽誤臨考自應認真關防期可拔取真材以仰副 朝廷慎重司法之至意所有法官考試日期理合恭摺具陳伏乞 皇上聖鑒謹 奏宣統二年九月初二日奉 硃批知道了欽此

江蘇巡撫程德全奏候補通判唐恩勛煙癮未除請革職永不叙用片

再禁煙定例何等森嚴凡在官者尤當力行戒除以爲人民表率 臣到蘇後於煙禁要政殷殷告誡務期盡剷根株爲民社害並飭禁煙公所將在省官員嚴密調驗如有煙癮未除者即行稟明嚴懲茲據禁煙公所司道呈報候補通判唐恩勛調驗發癮不能支持照章呈請懲辦前

來臣覆查無異相應請 旨將江蘇候補通判唐憲勛卽行革職永不叙用以示嚴懲除分
咨查照外謹會同兩江總督 臣張人駿附片具陳伏乞 聖鑒訓示謹 奏宣統二年九月
初二日奉 硃批著照所請該部知道欽此

摺奏類二

度支部奏議覆浙撫奏塘工絲捐限滿請再展限摺

奏爲遵 旨議奏事浙江巡撫增韞奏浙省塘工絲捐獎限又滿海塘工用未竣再請展限一摺宣統二年

七月二十五日奉

硃批度支部議奏欽此欽遵由內閣抄出到部查原奏內稱浙省東中西三防海防禦

工林立額款短絀日甚請復辦海塘捐輸每絲一包於原捐銀二元四角之外加捐銀一元六角共計塘工捐
銀四元照章一律給票請獎奉部核准給獎銜封貢監翎枝等項予限一年於光緒三十年八月二十九日奉

旨依議欽此其時絲市已過遲至三十一年四月始行收捐核獎嗣因四次限滿工用仍屬不敷又經

奏准展限並十一次造冊請獎各在案計自宣統元年六月初六日四次展限之日起除去封篆日期扣至宣
統二年七月初六日又屆一年限滿伏查請復是項捐輸原以海塘險工迭出修費不敷不得已而議此舉所
望絲捐暢旺額款有餘修補柴埽俾免損及石塘致出大工不意自開捐核獎以來連年蠶絲歉收捐數減色
較之同治年間初辦是項捐輸僅得三分之一上年天氣寒燥不時蠶汛更形歉薄捐數驟短全年收數僅撥
歲修尙難足額而海塘工程積損太多顧此失彼是項捐輸若竟照限停止不獨挹注無從更恐歲修亦難足
額且如三十一年秋汛風潮案內奏請添撥挪借銀五萬兩日久虛懸至今尙難彌補是以一再籌商所有是
項加抽塘工絲捐請獎一案審時度勢目下實難遽停應再行展限一年一俟工用稍裕卽當遵飭停止再此
項捐輸上年奏請展限時聲明援照籌防捐案免定期限未經奉部核准可否再行聲明等情請奏前來臣覆
查屬實仰懇 天恩准予展限以全要工並可否援照籌防捐案免定期限俟塘工用款有餘再行奏請停
止等語臣等伏查前據浙江巡撫增韞奏浙省塘工絲捐獎限屆滿請再展限一年並請援照籌防捐案免定

期限當經臣部議准展限一年所請援照籌防捐案免定期限一節誠恐漫無限制未便照准等因於宣統元年七月初三日具奏奉 旨依議欽此欽遵行知遵照在案茲據浙江巡撫增韞奏浙省塘工絲捐獎限又滿海塘工用仍屬不敷審時度勢目下實難遽停請再展限一年並請援照籌防捐案免定期限等因臣等查該撫所奏各節尚屬實在情形擬請將浙省塘工絲捐援照歷次展限成案再准接展一年以資挹注俟一年限滿再由該省察看情形奏明辦理所請援照籌防捐案免定期限之處應毋庸議恭候 命下即由臣部行知遵照辦理所有遵議緣由謹恭摺具陳伏乞 皇上聖鑒謹 奏宣統二年八月二十三日奉 旨依議欽此

東三省總督錫良黑龍江巡撫周樹模奏試署呼倫道宋小濂瓊瑋道姚福升請實授摺

奏為江省試署道員才堪勝任擬懇 恩准實授以重職守恭摺仰祈 聖鑒事竊江省呼倫兵備道前以軍機處存記留江補用道宋小濂奏請試署瓊瑋兵備道前以記名副都統吉林水師營總管姚福升奏請試署並聲明果能稱職辦有成效再行奏請補授於宣統元年六月十七日欽奉 硃批著照所請該部知道欽此欽遵在案茲查呼倫道轄境三面鄰俄中貫東清鐵路交涉極形繁難所屬蒙旗風氣錮懣籌辦新政阻礙殊多該員宋小濂由護理呼倫貝爾副都統改署斯缺前後三年整頓邊防撫馭蒙部規畫詳密均能見諸實行以之請補呼倫兵備道缺洵堪勝任又瓊瑋兵備道駐紮黑龍江南岸與俄疆僅隔一水實為邊要重地該員姚福升由黑龍江副都統署任改署斯缺苦心經營四年於茲外對友邦內撫邊民均能因應咸宜措置得當以之請補瓊瑋兵備道缺堪期稱職合無仰懇 天恩准以宋小濂補授江省呼倫兵備道姚福升補授瓊瑋兵備道以裨邊局出自 鴻慈至姚福升原係記名副都統吉林水師營總管改補道缺應請將總管底缺開去仍留副都統升階以符名實除咨部查照外所有試署道員懇請實授緣由理合會同恭摺具陳伏乞 皇上聖鑒訓示謹 奏宣統二年九月初一日奉 硃批宋小濂姚福升均另有旨簡放餘照所請欽此

貴州巡撫龐鴻書奏本年夏季分委署臚州縣各缺摺 仰祈

奏爲黔省宣統二年夏季分委署臚州縣各缺違章恭摺具陳仰祈

聖鑒事宣統二年三月初二日准東

部咨御史陳善同奏直省州縣調委紛紜妨害吏治請申明定章以資整頓一摺奉

上諭嗣後該督撫等

務當遵照定章調委各員不得過實缺十分之二仍於每季彙奏開單申明毋得視爲具文等因欽此當經行

司欽遵查照辦理在案茲據布政使沈瑜慶將宣統二年夏季分委署員缺詳請 奏咨前來除咨部外理合

繕具清單恭呈 御覽謹會同雲貴督臣李經羲恭摺具陳伏乞

皇上聖鑒謹 奏宣統二年九月初

二日奉 硃批吏部知道單併發欽此

謹將宣統二年夏季分委署臚州縣各缺繕具清單恭呈 御覽 計開 貴筑縣知縣陳介白與赤水廳

同知馮啟華互相對調署理 調署盤州廳同知楊詠裳年滿調省遺缺委現署貞豐州知州劉郁調署所遺

貞豐州知州缺委拔貢補用知縣王垂書署理 署安南縣知縣劉宗澤調省遺缺委補用知州蕭富毅署理

署畢節縣知縣李國恩另有差委遺缺飭現署貴定縣事准補是缺知縣金壯春赴新任所遺貴定縣缺委

補用知縣汪昌裕署理 署清平縣知縣何樹熒丁憂遺缺委試用知縣任光楚署理 署廣順州知州韓興

東丁憂遺缺委試用知縣何光祖署理 調署修文縣知縣陳慶慈因病請假遺缺委試用知縣劉敬署理

署松桃直隸廳同知萬兆鍾因病請假遺缺委銅仁縣知縣張鍵調署 宣統二年九月初二日奉 硃批

覽欽此

護理湖廣總督王乃徵奏通山縣紳舒鳳章助學請獎摺

奏爲通山縣紳舒鳳章捐助學堂鉅款援案懇

恩給獎恭摺具陳仰祈

聖鑒事竊查接管卷內臣在

湖北布政使任內會同提學使司高凌霨詳稱據通山縣稟光緒三十四年五月間優廩生舒鳳章捐錢一

萬五千串文按照彼時市價扣合九八五平它紋銀一萬兩作爲通邑添設高初兩等學堂經費旋令補足庫

平復經捐田五十畝坐落縣屬共大小四十二址計種一石七斗正米五斗六升歲納租穀五十石一斗二升

五合推收過割該田均係上業每租一石時值錢二十串文共計田價錢一千零二串三百文扣繳庫平尙餘銀八十三兩兩次共捐庫平銀一萬零八十三兩均經發交勸學所具領分別動支存放從前辦理研究所及陸續開辦四鄉初等小學四十五堂共動用錢五千七百六十五串三百文其餘九千二百三十四串七百文分別發商生息以後列入該縣交代不准擅行挪用查新章凡銀錢捐助學款者均應聽候查驗再行隨時支用此項捐款係在光緒三十四年未奉部章之前應請准予提驗該優廩生舒鳳章家非素封處此窘瘁之鄉獨能慨捐鉅款興學其急公好義尤為難得雖原稟自稱不敢仰邀獎叙究未便沒其報効之忱伏查光緒二十九年江夏縣紳士高文濱偕其子高廷傑又三十三年恩施縣同知銜監生王文贊各捐萬金助充該縣學款均經前兼署督臣端方及升任督臣張之洞 奏請給獎以知縣即選均奉 硃批著照所請該部知道欽此欽遵在案茲舒鳳章慷慨捐鉅款興辦學堂與高文濱王文贊捐款事同一律現在知縣一班業已停選仍應遵章繳納分發銀兩方能分省補用懇請奏咨照章給獎等情本任督臣瑞澂未及核辦移交到臣查興學為當今急務官款實難獨籌全賴地方紳民踴躍輸將補官款之不足今優廩生舒鳳章捐助學堂經費一萬兩核與專摺奏獎章程及高廷傑等請獎成案均屬相符惟新章知縣一班停選合無仰懇 天恩俯准將優廩生舒鳳章以知縣分省即補出自逾格 鴻慈除咨部外理合恭摺具陳伏祈 皇上聖鑒謹 奏宣統二年九月初二日奉 硃批該部議奏欽此

●又奏知縣熊家琪等續完錢糧均請免議片 再前准部咨錢糧奏銷各依定限令各該督撫一面具題一面將未完一分以上各員開具簡明清單專摺奏報由部核定處分先行覆奏其有奏後續完者准其奏歸本案開復等因前於查辦宣統元年奏銷時業經本任督臣瑞澂將民賦衛田錢糧南糧驢脚銀米各項下未完一分以上各員專摺奏報在案前據兼署湖北布政使高凌霨詳稱南糧正耗米折通城縣項下原報經征本任知縣功釗未完一分一釐接征署該縣事分缺先補用知縣熊家琪未完二分八釐潛江縣項下原報經征現任知縣陳福蔭未完六分五釐俱已續完清楚詳請免議等情前來臣覆核無異除咨吏部度支部外理合附片具陳伏乞 聖鑒敕部核覆施行謹 奏宣統二年九月初二日奉 硃批該部知道欽此

西歷一千九百十年十月八號 星期六

本局設立北京東長安牌樓王府井大街

宣統二年九月初六日第壹仟伍拾捌號

電話內城總局第二百零一號

政治官報

目錄

●宮門鈔○ 諭旨一道○事由單●摺奏類一○學部奏議復鄂督奏湖北方言學堂第一班畢業學生分別請獎等摺○
 又奏遵議皖撫奏安徽高等學堂豫科甲乙丙三班畢業分別准駁摺併單○又奏直隸師範學堂簡易科學業請獎摺○直督
 奏保薦孝廉方正王輝祖等摺○蘇撫奏清理積案片○贛撫奏詳省財政支絀設法籌備片●摺奏類二○度支部奏考核上
 年征收下忙藩司功過摺併單○陝撫奏賊犯寇年經行竊拒斃事主案遵駁更正摺○又奏請將開缺甯光牧陳芑芬等銷去
 察看字樣片○皖撫奏前署合肥令胡汝霖請開復摘頂處分片○護鄂督奏宜城令王金城虧款勒追摺○鄂督奏回任接篆
 日期摺○又奏飭藩司王乃徵等回本任片○甘督奏修復棗園壘渠道挖傷石空張義兩堡田地懇免銀糧片○續撫奏委署
 丞倅州縣各缺片○又奏前署南昌令李克鏐虧款全完請開復摘頂處分片○蘇撫奏高等學堂監督編修朱壽朋請免扣資
 俸片○又奏圖書科副長小京官蔣元慶請免扣資俸片○又奏長洲縣紳衛仁濟遵故父遺命捐田贖族請建坊片●廣告

政治官報 目錄

九月初六日第一千五十八號

一

宮門鈔

九月初五日 外務部 欽天監 侍衛處值日 恭王假滿請 安並謝支借俸銀

恩 禮王假滿請 安 帕王 世侯各請假十日 祥普續假十日 外務部

遞封奏三件代遞出使大臣汪大燮奏摺一封 值年旗奏派查城大臣

派出棍貝子

召見軍機

諭旨

監國攝政王鈐章

九月初五日內閣奉

上諭督辦墾務署綏遠城將軍信勤奏因病懇請開去差缺回旗調理一摺信勤著准其開去

差缺欽此

軍機大臣署名奕劻毓朗那桐徐世昌

九月初五日內摺傳 旨事由單

內閣奏驗放無員毋庸奏請 欽派事奉 旨知道了 御前乾清門吏部陸軍部海軍處各奏月摺

均奉 旨換出 欽天監奏 進時憲書日期事奉 旨知道了 又奏 領時憲書日期事奉

旨知道了 又奏筆帖式恩謙服滿請銷署任字樣事奉 旨知道了

九月初五日外摺欽奉 硃批事由單

增額奏元年分奏銷案內盤查倉穀摺 度支部知道 又奏紹興守溥琦飭赴新任片 知道了 又奏

李蕭文昭署處州守片 知道了 又奏七月分海塘沙水情形摺 該部知道單圖併發 又奏酌定府廳

州縣公費並擬釐定經費辦法摺 該部知道○又奏彙辦難裔世職各員摺 該部議奏●杜俞奏接署宜化鎮篆日期謝 恩摺 知道了●溥綱奏酌保科布多軍營章京各員請獎摺 該部議奏單併發●崑源奏經辦兩翼牧羣並本屆均齊查看情形摺 陸軍部知道片併發○又奏請以拉什尼瑪補右翼總管片 覽●玉崑奏兼署副都統日期摺 知道了●長庚奏考試法官監臨入闈日期摺 知道了●信勳奏病請開去差缺回旗調理摺 另有旨

摺奏類一

學部奏議覆鄂督奏湖北方言學堂第一班學生畢業照章分別請獎等摺

奏爲遵 旨議覆恭摺仰祈 聖鑒事本年六月二十三日內閣鈔出湖廣督 臣瑞澂具

奏湖北方言學堂第一班學生畢業照章分別請獎又方言學堂自強補習畢業生楊承祜等
援案請獎各摺奉 硃批學部議奏欽此欽遵到部嗣由該督將此項畢業各班學生履歷

分數表冊彙齊咨送前來查湖北方言學堂係自強學堂改辦第一班學生於光緒二十九年
十二月入堂肄業定章五年畢業至三十四年十二月已滿畢業期限原擬比照京師譯學館
章程請獎嗣因此班學生非由中學升入詳閱試卷尙非高等程度照章請獎未免過優當經
臣部核覆准照中學堂獎勵章程辦理此次該督奏請照章給予拔貢優貢歲貢各項獎勵自
可照准至自強補習各生係從前自強學堂舊班學生曾經兩次畢業前督 臣張之洞因該生
等所習科學未盡完備奏明俟補習後再行給獎在案現經該督申明補習期滿自應准其比
照該學堂第一班畢業生一律照中學畢業給獎以資鼓勵所有方言學堂第一班畢業生考
列最優等之徐殿甲汪宗堯二名擬准作爲拔貢考列優等之鄧繼龔廖秩道秦秀珊陳達煊

陳鴻藻洪楨劉向日趙司至鄒克繩姚嘉鳳蔣宗堪十一名擬准作為優貢考列中等之孫逢吉余景騫廖文蔚賈祖勤張文煥李世芝鄭煥文羅德培李臨章徐永清王灝吳國藩姚業懋李日新李鳳翔王存侗陳緯胡齡張銑熊席謙邱雲瑞周鼎陳瑞松徐翰芬紀受福柯作霖傅明輝路邦道夏從龍李毓琇鄭啟孝劉敦實任克家楊承蒸左肇龍范化行陳肇甲慶生徐汝梅李德標夏德潤陳炳中倪兆麟徐仕澄梅廷墀彭正心武蘭阿甘世琪哈漢京興循楚璽海瀾五十二名擬准作為歲貢其自強補習畢業考列優等之楊承祐黃啟宗鄧炳楊源祖四名擬准作為優貢中等之熊楷曹昭威王文瀚趙元輔方寶書劉復極陳映琳曹一敏張天鈞九名擬准作為歲貢其方言學堂學生列入下等之楚俊等七名照章准其補習如蒙 兪允即由 臣部咨行該督遵照辦理所有遵 旨議覆緣由謹恭摺具陳伏乞 皇上聖鑒謹

奏宣統二年八月二十八日奉

旨依議欽此

皇上聖鑒謹

學部奏議覆皖撫奏高等學堂豫科甲乙丙三班學生畢業分別准駁摺 併單
奏為遵 旨議覆恭摺仰祈 聖鑒事內閣鈔出安徽巡撫具奏高等學堂豫科甲乙丙

三班學生畢業請獎一摺於宣統元年十月二十二日奉 硃批學部議奏單併發欽此欽遵到部旋准該撫將各生履歷分數表冊咨送前來原奏稱皖省高等學堂成立最早至光緒三十年始遵照奏定學堂章程辦理豫科甲班學生二十六名於三十三年年底畢業乙班學生二十五名丙班學生三十五名亦於三十四年年底同時畢業均經由司委員會同考試分給文憑各在案各生在該堂學期扣足五年者擬請照中學給獎學期在該堂扣足四年者擬請援案比照中學給獎學期在該堂僅屆三年或二年以上合之轉學年級已足五年或四年

者擬請仍援案比照中學給獎學期在該堂僅屆三年查無轉學年級者擬請分別減等給獎或准予升學等語查 臣部歷屆核議各省高等豫科變通請獎成案在光緒三十四年年底畢業者修業滿四年以上准比照中學分等給獎如修業僅滿三年以上祇准應升學考試不給獎勵又轉學各生須扣合轉學定章並將前校所歷各學期考試分數查填送核畢業亦在光緒三十四年截限以前統計先後修業滿四年以上者亦均准其接算給獎等因各在案除四川等省高等學堂豫科減等給獎之案業經停止不得援引外此次該堂豫科甲乙丙三班學生其在該堂修業實滿八學期以上之吳紹藩等十九名擬請比照中學分等給獎其轉學各生適合轉學章程之王星拱等十名擬請分別援案給獎其餘未將前校期考分數送核及填寫重複錯謬之程振鈞等五十五名擬請一律扣獎與修業未滿四年之陳鍾輝等二名一併援案祇准應升學考試毋庸給獎以嚴限制如蒙 俞允卽由 臣部咨行該撫轉飭遵照辦理所有遵議皖省高等學堂豫科甲乙丙三班學生畢業分別准駁各緣由理合恭摺覆陳伏乞 皇上聖鑒再此摺因行查稽延是以覆奏稍遲合併陳明謹 奏宣統二年八月二十八日奉 旨依議欽此

謹將皖省高等學堂豫科甲乙丙三班學生畢業分別准駁開單恭呈 御覽 計開 甲班取列最優等學生十一名 吳紹藩 吳光錫 何鴻猷 蔡觀光 劉貽燕 以上五名均在該堂修業滿足十學期擬請照章作為拔貢 王星拱 洪達 王泉達 以上三名在該堂修業實歷六學期前在懷甯縣中學堂修業四學期合共肄習五年擬請照章作為拔貢 方汝濟 沈修鏞 王若忱 以上三名在該堂修業實歷八學期以上畢業亦在光緒三十四年定章截限以前擬請援案獎給拔貢 甲班取列優等學生五名 馬國棟 徐方平 以上二名在該堂修業實歷六學期前在懷甯桐城等中學堂修業二學期及四學期合共

滿八學期以上畢業亦在光緒三十四年定章截限以前擬請援案作為優貢 韓紹祖 吳觀光 桓朝宗
以上三名在該堂修業實歷八學期以上畢業亦在定章截限以前擬請援案作為優貢 其原列最優等
之程振鈞一名優等之孫宗昶李鴻達李人達鮑璞楊晉恭鮑植許鳳岐周光魯等八名中等之張文鴻一名
雖據稱係轉學學生惟未將前校各期考試分數查填或填送而與原造表冊不符均屬有違定章礙難給獎
擬請援案滿六學期以上者准其應升學考試不給獎勵以示限制 乙班取列最優等學生三名 高標
以上一名在該堂修業滿足十學期擬請照章作為拔貢 高士英 諸葛廉 以上二名在該堂修業實歷
六學期在皖江中學堂修業各四學期合共修業十學期擬請照章作為拔貢 乙班取列優等學生三名
鮑光照 以上一名在該堂修業實歷六學期在皖江中學堂修業四學期合共十學期擬請照章作為優貢
胡昌熾 江國馨 以上二名在該堂修業實歷八學期畢業亦在定章截限以前擬請援案獎給優貢
乙班取列中等一名 黎陽 以上一名在該堂修業實歷八學期畢業亦在定章截限以前擬請援案獎給
歲貢 其原列最優等之黃乃源陳銓孫守謨胡鳴清鄭鳳笙洪迴等六名優等之李家驥林益卿潘鍾英陳
錫綽謝芝堂管鑫程之駿陳同林熊彙森殷源之江學全等十一名雖據稱係轉學學生惟未將前校分數查
填或填送而與原造表冊不符均屬有違定章礙難給獎與原列最優等在堂僅歷三年之陳鍾燁一名擬請
一併援案滿六學期以上者准其應升學考試不給獎勵以示限制 丙班取列最優等學生三名 陳鳳樓
韋紹成 以上二名在該堂修業滿足十學期擬請照章作為拔貢 李永福 以上一名在該堂修業四
學期在廬州府中學堂修業六學期合共肄習五年擬請照章作為拔貢 丙班取列優等學生三名 方廣
唐 以上一名在該堂修業滿足十學期擬請照章作為優貢 吳自達 以上一名在該堂修業實歷八學
期畢業亦在定章截限以前擬請援案獎給優貢 李福裕 以上一名在該堂修業四學期在廬州府中學
堂修業六學期合共肄習五年擬請照章作為優貢 其原列最優等之鄒樵趙恩鈺李家麟胡孝齡夏先基
李祖光葉光第陳玉清趙恩彤等九名優等之查文鸞許錫綱王丹墀黃應中馬朝棟董育德王作霖翟祺慶

任玉麟曹詰楊祚祺姚毓麟倪鶴履程保元屈宗錫瞿均政等十六名中等之任玉珩邵廉許瑛等三名雖據稱係轉學學生惟未將前校分數查填或填送而與原造表冊不符均屬有違定章礙難給獎與原列中等在堂僅歷二年之梅其炳一名擬請一併援案滿六學期以上者准其應升學考試不給獎勵以示限制

學部奏直隸師範學堂簡易科學生畢業照章請獎摺

奏爲直隸師範學堂簡易科學生畢業照章請給獎勵恭摺仰祈

聖鑒事竊臣部准直隸

總督陳夔龍咨稱直隸師範學堂初級簡易科第一二班學生於光緒三十三年畢業曾經咨部奏獎在案茲查該堂初級簡易科第三班學生於光緒三十二年正月入堂三十四年年終畢業計考列最優等陳鶴鳴等十七名考列優等田潤華等二十八名第四班學生於光緒三十三年七月入堂宣統元年六月畢業計考列最優等張雨蒼等二十三名考列優等王丕烈等二十三名年限皆在二年以上核與定章相符除考列中等下等無庸請獎外其考列最優等優等各生咨請奏請獎勵等因前來臣等查奏定師範獎勵章程有初級師範簡易科由官設立年限在二年以上者畢業考列最優等比照初級師範中等獎勵辦理考列優等比照初級師範下等辦理等語此次直隸師範學堂第三四班簡易科學生畢業年限程度尙與定章相符自應照章請獎以昭激勸所有列入最優等之第三班學生陳鶴鳴楊連甲張慶恒溫寶璐陳鈞李振堂王奇峯魏毓璋趙雲棟曹懷珍宗錫慶周維楨李桂郭致和路從韓裘宜仁馬聿修等十七名第四班學生張雨蒼李緒昌武棟林焦聯庚宋世英邢安全張元亮苗思明趙存義戴鴻恩張琴堂王璫馬炳堃趙師嘏田秋芳申炳炎劉泮林王汝柑郭誠通龐建章劉毓椿李象圖許肇銘等二十三名擬請比照初級師範中等獎勵辦理作爲師範科貢生以訓導

用令充小學堂及程度相當之各項學堂正教員俟義務年滿以應升之階儘先補用列入優等之第三班學生田潤華閻屏翰李殿掄高福善王恩浩張澄劉宗吉李世昌董方韶賈紹誼李嘉樹孫德裕張肇一高世樾王淑民冀宗和董其慧王召棠郝伯寰劉蔭芳張兆奎靳樹桐金光璧鄭濬燕世德陳湘藻楊佩蘭游桂馨等二十八名第四班學生王丕烈李景紹彭銓王縉鍾琛李翠峰李慈航韓再昌徐承烈韓鍾期沈鼎新延樹楷陰卓蘭王逢吉郭芳田高自明高世剛祁錫齡李逢源王玉田王沂清朱本泉楊文彩等二十三名擬請比照初級師範下等辦理令充小學堂及程度相當之各項學堂副教員俟義務年滿作為師範科貢生獎給訓導銜如蒙 俞允卽由 部行知直隸總督遵照辦理所有直隸師範學堂初級簡易科畢業照章請獎緣由伏祈 皇上聖鑒謹 奏宣統二年八月二十八日奉 旨依議欽此

直隸總督陳夔龍奏保薦孝廉方正王輝祖等摺

奏為保薦孝廉方正恭摺仰祈 聖鑒事恭照光緒三十四年欽奉 恩詔飭舉孝廉方正當經轉行遵照在案茲據布政使凌福彭提學使傅增湘先後會同詳稱准通永清河大順廣等道轉據各該州縣紳士公舉大興縣附生王輝祖永清縣優附生楊家麒歲貢生劉桐元附貢生張濬源清苑縣廩生梁墨田附生許育瑄獲鹿縣附生王謙吉趙州廩生孟同和監生李姓炎長垣縣附生李慶昌廩生楊仁麟永年縣廩生侯建言等孝廉方正各該州縣會同學官查明屬實造具事實冊結申由府廳呈道咨司遞相訪察無異轉送到 因值駐津分委提法使齊耀琳署清河道謝崇基代考驗得該生王輝祖才長學裕楊家麒劉桐元張濬源學行交修文理愜當梁墨田文行相孚品學純正許育瑄品端學裕鄉望素孚王謙吉品端學裕文

行俱優孟同和品端學正文行交孚李姓炎學有本源行堪坊表李慶昌楊仁麟敦品勵學文藝優長侯建言品行端謹文理清通均堪保薦詳覆核辦前來臣查定例欽奉 恩詔保薦

孝廉方正直省督撫轉飭府州縣衛正印各官採訪公評詳查事蹟其所舉或係生員同該學教官查核造具事實清冊取具各結呈由本管上司逐加訪察督撫核實保題給咨送部俟到部後吏部會同九卿翰詹科道公同驗看如果衆論相符吏部禮部定期具 奏考試帶領引

見候

旨錄用今大興縣附生王輝祖永清縣優附生楊家麒歲貢生劉桐元附貢生

張濬源清苑縣廩生梁墨田附生許育瑄獲鹿縣附生王謙吉趙州廩生孟同和監生李姓炎長垣縣附生李慶昌廩生楊仁麟永年縣廩生侯建言據各該州縣紳士人等合詞公舉均堪膺孝廉方正之選各該州縣會同學官查明屬實造具事實冊結申由府廳呈道加結咨司遞相訪察無異經臣委驗亦復相同自應照例保薦除將該生等親供年貌事實冊結咨部俟部覆到日再行給咨赴部聽候驗看辦理外理合恭摺具陳伏乞 皇上聖鑒敕部議覆謹奏宣統二年八月二十八日奉 硃批該部議奏欽此

江蘇巡撫程德全奏清理積案片

再江蘇省自光緒二十四年經前撫臣德壽會同督臣劉坤一遵照直隸清訟章程設法清釐奏明在案嗣經前升任撫臣鹿傳霖履任復加整頓積牘爲之一清新案亦依限審辦旋值庚子之變江南北土匪蜂起各屬辦理防堵迨辛丑和議告成又疊奉頒行新政各州縣不免顧此失彼於獄訟漸有積壓雖歷經前撫臣督同臬司隨時核計功過嚴飭訊辦清結者亦居多數惟間有初驗初審未能切實犯供因之游移更有前任審擬解經該管上司提審翻供屢

解屢翻官亦屢易檄調原審人員或有事故不到或差傳人證云亡一時不能定讞遂至延宕
臣本年四月到任查悉前項情形雖非各屬州縣均有積案而統計全省亦已不少江北州縣
近年災患頻仍所積較多正在通飭認真清理間適准法部咨奉 上諭御史儼忠奏州縣
懸案不結監禁多人無辜被累請飭認真查辦以維憲政一摺近來舉行憲政訟獄一事尤宜
實心清理惟各省審判廳尙未一律成立各州縣辦理命盜案件難保無羈繫牽累等弊著各
直省督撫認真查核如地方官有懸案不結無辜久禁者從嚴叅辦以副朝廷欽恤庶獄之至
意欽此等因抄行到 臣竊維蘇省案牘本繁稍欠疏通卽形壅滯察究近年積案大都原審或
未甚確罪名或有出入以致接審人員不無顧慮日久則益形畏難第現在刑法改良新律已
與舊律不同果使情節可原無妨據實更正寬其既往現經 臣分別勒限訊明擬結務期積牘
全清以仰副我 聖朝矜恤民命之至意現時各審判廳尙未一律成立倘州縣怠惰偷安
致案牘仍有積延者定予據實叅辦以儆玩泄除飭司嚴催各屬趕緊清理具報並咨部查照
外謹會同兩江督 臣張人駿附片具陳伏乞 聖鑒謹 奏宣統二年九月初一日奉
硃批知道了欽此

江西巡撫馮汝駉奏贛省財政支絀設法籌備片

再近年贛省財政因銀價潛耗籌備益繁出款既繼長增高入款更左支右絀仰屋興嗟幾有
岌岌不可終日之勢查通省歲入之款如丁漕租課約銀三百萬兩鹽茶課釐約銀五十餘萬
兩統稅約銀一百八十餘萬兩正雜各稅捐約銀八十餘萬兩官業收入各項約銀三十餘萬
兩綜計不過六百數十萬兩而歲出之款如應解京餉銀一百五十餘萬兩各省協餉銀六十

餘萬兩各部院專款銀十餘萬兩四國借款滙豐鑄款新舊賠款銀二百九十餘萬兩其留存本省行政費用者不過一百數十萬兩而綠營並新練陸軍各路巡防隊內河贛防水師九江砲臺營江亨兵輪各項薪餉及長江水師俸餉已一百數十萬兩其他文武各官廉俸各署役食暨交涉典禮教育司法民政實業一切籌備各費咸將取給竭蹶萬分臣前年蒞任以來目覩困難情形已達極點不得已出於節流政策迭經三次裁減各局所冗員薪費每歲約銀三十餘萬兩入款則加增各稅局比較暨抽收鋪捐約共增入銀二十餘萬兩無如出入相衡所短過鉅車薪杯水無裨時艱業將宣統元年盈虧比較暨二年預算總分各冊飭司會同財政監理官詳晰造送度支部查覈統計每年不敷銀二百七十餘萬兩昨准部電飭再從嚴釐剔當經切實通籌詳細電覆凡可增入者各擬將統稅改征銀元以爲收用國幣之預備已經專案奏陳倘蒙 諭旨允行每年約可增銀四十萬兩稅契油紅約可增銀二萬兩九江關常洋稅約可增銀九萬兩其可以減出者除遵照部電騰出銀一百零六萬餘兩此外部電未指各款又經痛加裁併刪節約可減銀十七萬餘兩出入併計尙不敷銀一百萬兩之譜再四焦思惟有於無可設法之中姑爲移緩就急之計查贛省歲解北洋海防經費銀十萬兩本係海軍經費改撥現海軍經費已派鉅款實無餘力再解此款又歲解江南新老湘營及清淮軍餉共銀十萬四千兩雲南銅本銀三萬兩九江關奉撥滇餉銀四萬兩現在本省新軍餉項支絀萬分勢難協濟隣餉又甘餉每年三十三萬兩內代解洋款銀十三萬餘兩關係重要仍當勉爲其難再以河南應解甘餉撥補九江貨釐銀五萬兩卽由河南仍解甘省作爲贛省應解甘餉下餘銀十五萬兩亦實無力籌解以上各項擬請減解銀四十二萬四千兩劃抵銀五萬兩

仰懇 天恩敕部議覆准予施行俾贛省得以稍紓喘息暫濟目前其餘不敷銀五十餘萬兩容再督飭司道設法熟籌期副收支適合之義是否有當除咨部查照外謹附片具陳伏乞 聖鑒訓示謹 奏宣統二年九月初三日奉 硃批度支部議奏欽此

摺奏類二

度支部奏考核上年徵收下忙藩司功過摺併單

奏為循例考核上年徵收下忙功過並應參逾限未報各省恭摺仰祈 聖鑒事竊查咸豐二年臣部會議各省錢糧上忙勻為三分下忙勻為五分限徵收截止後一二月內奏報並造清冊送部分別各該藩司功過嗣因軍興以來各省奏報多未一律復經臣部以 國家經費地丁係屬大宗豈得以一二州縣被兵遂將全省錢糧不遵新章辦理當於咸豐九年十一月奏定各省統自十年分起上忙限十一月底下忙限次年五月底分晰成數造報欽奉 上諭各省徵收上下忙如能依限完報照案議叙儻瞻徇隱庇即將該藩司嚴參等因欽此又於光緒二十三年四月間臣部奏定整頓各省錢糧自二十三年為始擬將藩司督催上下忙分數定以九分上忙勻為四分下忙勻為五分上忙能完至四分下忙能完至五分者始能免其議處如核計上下兩忙徵完分數在九分以上仍給予議叙等因欽奉 諭旨允准行知各省遵照在案茲查宣統元年下忙截至本年五月底止除雲南貴州二省向係統年徵收全完後造報外其餘僅據四川省造報徵收五分以上河南甘肅安徽造報徵收不及五分謹繕清單恭呈 御覽伏候 命下即由臣部移咨吏部核辦至直隸山西江西江蘇山東陝西江甯福建湖北湖南浙江廣東廣西等十三省限內均未到部應請 旨將各該藩司先行照例議處仍勒限兩個月令未報各省趕緊補造清冊送部毋再稽延俟造報到日隨時由臣部核明完欠分數移咨吏部核議嗣後如再遲逾例限應由臣部於列奏外專摺嚴參再山東省宣統元年上忙冊造正耗銀數不符經臣部專案咨查現在尙未聲覆應請 飭下該省趕緊聲覆以憑核議所有

考核各省上年徵收下忙功過緣由理合恭摺具陳伏乞 皇上聖鑒謹 奏宣統二年八月初七日奉

旨依議欽此

謹將宣統元年徵收下忙錢糧五分以上並不及五分省分繕具清單恭呈 御覽 計開 四川省宣統元年額徵地丁銀六十九萬二千四百三十一兩零內除上忙已完四分四釐尙應徵銀三十八萬二千八百十六兩零內下忙應完五分銀三十四萬六千二百十五兩零 今據徵收銀三十五萬一千四百六兩零核計已完五分零連上忙已完四分四釐零彙總核算共完已逾九分應請交部照例議叙 河南省宣統元年應徵地丁銀三百八萬三千三百四十七兩零內除上忙已完五分五釐零尙應徵銀一百三十七萬二千九百八十一兩零內下忙應完五分銀一百五十四萬一千六百七十三兩零 今據徵收銀一百九萬四千九百五十七兩零核計已完三分五釐零連上忙已完五分五釐零彙總核算共完已逾九分應請交部照例議叙 甘肅省宣統元年應徵地丁銀二十二萬八千七百五十七兩零內除上忙已完四分八釐零尙應徵銀一十一萬七千一百六十九兩零內下忙應完五分銀一十一萬四千三百七十八兩零 今據徵收銀一十萬七千一百五兩零核計已完四分六釐零連上忙已完四分八釐零彙總核算共完已逾九分應請交部照例議叙 安徽省宣統元年應徵地丁等銀一百四萬四千三百五十四兩零內除上忙已完二釐零尙應徵銀一百一萬六千四百二十兩零內下忙應完五分銀五十一萬九千五百六十二兩零 今據徵收銀四十九萬二千三百十五兩零核計已四分七釐零連上忙已完二釐零彙總核算共完不及九分應請交部照例議處

陝西巡撫恩壽奏賊犯寇年經行竊拒斃事主案違駁更正摺

奏爲違駁更正竊賊盜所拒斃事主一案罪名恭摺仰祈 聖鑒事竊准法部咨覆彙奏案內瀘化縣竊賊拒傷事主身死一案以該賊犯寇年經進內行竊被事主扭衣喊捕其時並未離去盜所與已逃走被追不同其將事主致斃捲去衣物是其意在得財逞兇拒捕殺人亦與未經得財有別扭獲既在臨時拒捕又在盜所

自應依例擬以斬決案情始與例義相符等因當經行司轉飭遵辦茲據提法使錫桐轉據淳化縣知縣覆覈案情違駁更正該犯罪名解由臬司勘轉前來緣竊年經因貧難度稔知鄰人郭李氏獨身居住起意行竊得贓花用三十三年冬月二十八日三更時行抵郭李氏門首用木棒撬門進內行至炕邊被郭李氏驚醒扭衣喊捕竊年經情急圖脫用手扞按其咽喉冀令鬆放因郭李氏愈加緊扭竊年經用力猛按郭李氏氣閉殞命寇年經捲起炕上藍布棉袄褲白布單被逃逸報經勸驗獲犯將寇年經依律擬斬監候照章改爲絞監候經臣彙案具奏旋准咨覆前因當即行司轉飭遵駁改擬具詳請 奏前來查例載竊盜臨時盜所拒捕及雖未得財而未離盜所逞兇拒捕殺人者爲首擬斬立決等語此案寇年經因貧起意獨竊甫至盜所即被事主驚醒扭獲該犯情急圖脫用手扞按事主郭李氏咽喉氣閉殞命捲去衣被是拒捕斃命未離盜所自應按例問擬寇年經合依竊盜臨時盜所拒捕殺人者爲首擬斬立決例擬斬立決仍照章改爲絞立決雖恭逢光緒三十四年十一月初九日 恩詔惟係竊盜臨時盜所拒捕殺人擬斬立決照章改爲絞立決情罪重大不在援免之列應不准查辦失察該犯爲匪之牌甲及不能約束爲匪之父兄照章免議無干省釋失贓追賠除供招前已分咨部院外所有違駁更正照例問擬緣由理合恭摺具陳伏乞 皇上聖鑒敕令覈覆謹 奏宣統二年八月二十九日奉 硃批大理院覆判具奏欽此

●又奏請將開缺甯羌牧陳芑芬等銷去察看字樣片 再前於舉劾案內查有甯羌州知州陳芑芬才具平庸尙知奮勉署膚施縣事候補知縣陳丕業性情疲緩聽斷不明均請開缺調省察看接准吏部咨光緒三十四年四月初四日內閣奉 上諭陝西甯羌州知州陳芑芬署膚施縣知縣陳丕業均著開缺調省察看等因欽此移知到臣當即欽遵督飭三司巡警道隨時察看該員等自開缺回省後咸知愧奮勉有加旋據巡警道詳以陳芑芬委充警務公所科員並據該司道等會詳以陳丕業代理咸陽縣篆務均經覈准在案茲復詳加察看該員陳芑芬在差年分趨公不懈該員陳丕業在任數月練習明白力補前愆均屬深知奮勉尙堪造就似應寬其既往以策將來據布政使余誠格署提學使余菴提法使錫桐巡警道張藻會詳前來合無

仰懇 天恩俯准將開缺知州陳芴芳候補知縣陳丕業均銷去察看字樣留省照例補用以觀後效之處

出自 鴻施逾格除咨部外謹附片具陳伏乞 聖鑒訓示謹 奏宣統二年八月二十九日奉 硃

批允行該部知道欽此

安徽巡撫朱家寶奏前署合肥令胡汝霖請開復摘頂處分片

再前署合肥縣事彭縣知縣胡汝霖於該管地方盜案迭出未能一律破獲經臣於甄別案內 奏參摘去頂戴勒限緝捕在案茲查該署縣胡汝霖於被參摘頂後懸立重賞嚴比捕役並捐廉添募馬隊雇用偵探不惜破格獎勵上緊緝捕數月以來破獲盜案九起緝獲並格賭盜犯共計二十餘名宵小潛蹤地方賴以安謐尙屬能知愧奮據署廬州府知府李誠稟懇奏請開復頂戴前來臣覆查屬實合無仰懇 天恩俯准將前署合肥縣事彭縣知縣胡汝霖開復頂戴以彰勸懲出自 鴻慈逾格除咨部外理合附片陳明伏乞 聖鑒訓示謹 奏宣統二年八月二十九日奉 硃批允行該部知道欽此

護理湖廣總督王乃徵奏宜城令王金城虧款勒限追繳摺

奏爲知縣虧欠公款已逾二叅延不清解請 旨勒限嚴追恭摺仰祈 聖鑒事竊照交代例有定限不容稍有延欠查有前任宜城縣知縣王金城虧短該縣典當學堂捐倉穀息錢等項共錢二千五百九十三串四百八十七文屢經嚴催迄今已逾二叅例限仍未清解據署宜城縣知縣張華燕查明稟經該管府揭由署湖北布政使本任提學使高凌濤詳請叅追前來臣查該員王金城前經本任督臣瑞澂於糾察貪劣不職各員案內 奏參革職永不叙用自應據詳 奏明勒追以重公款應請 旨將前任湖北宜城縣知縣王金城勒限兩個月照數完繳倘若逾限不完或完不足數再行從嚴叅追除咨吏部度支部外理合恭摺具陳伏乞 皇上聖鑒謹 奏宣統二年九月初二日奉 硃批著照所請該部知道欽此

湖廣總督瑞澂奏回任接篆日期謝 恩摺

奏爲恭報 微臣回任接篆日期叩謝 天恩仰祈 聖鑒事竊臣於本年七月遵 旨入都 陛見

仰蒙 召對既訓誨以周詳復荷 殊恩益循思而感奮茲臣請 訓出都遠陸南下即於八月十八

日行抵武昌省城二十二日准護理督臣王乃徵委員將湖廣總督關防並 王命旗牌文卷齎交前來當

即恭設香案望 闕叩頭祇領任事伏念臣世受 國恩迭承 溫諭自慚樽俎彌切悚惶惟當此外憂

內訂國步多艱之日正臣子披肝瀝胆感激圖報之秋一切內政外交臣惟有勉竭駑駘仰承 宸訓隨時

隨事殫竭惴忱以冀答 高厚鴻慈於萬一所有微臣回任接篆日期理合繕摺 奏報叩謝 天恩伏

祈 皇上聖鑒謹 奏宣統二年九月初二日奉 硃批知道了欽此

●又奏飭藩司王乃徵等回本任片 再臣現經 陛見回鄂接篆任所有護理督臣王乃徵已經交卸督

篆自應飭回湖北布政使本任兼署湖北布政使提學使高凌霨飭交卸藩篆各專責成除分飭遵照外理合

附片具 奏伏祈 聖鑒謹 奏宣統二年九月初二日奉 硃批知道了欽此

陝甘總督長庚奏修復棗園堡渠道挖傷石空張義兩堡田地墾免銀糧片

再查前據中衛縣知縣張心鏡詳稱修復縣屬棗園堡順水渠道挖傷石空張義兩堡田地懇請豁免銀糧等

情當經前護督臣毛慶蕃批行該管道府覆勘去後茲由兼護甯夏道正任甯夏府知府趙惟熙督同現署中

衛縣知縣倪瑞璜覆勘得宣統元年前縣令張心鏡任內修復棗園渠道挖傷石空張義兩堡田地共二十五

畝七釐三毫應征地丁正銀六分三釐耗銀一分正糧二石九斗四升八合八勺耗糧四斗四升二合四勺小

草七束五分二釐造具清冊繪圖貼說出具聯銜印結由藩司何彥昇核明詳請 奏免前來臣覆核無異除

冊結圖說咨送度支部給事中外理合附片具陳伏乞 聖鑒飭部核辦施行謹 奏宣統二年九月初三

日奉 硃批度支部知道欽此

江西巡撫馮汝駉奏春季分委署丞倅州縣各缺片

再據布政使劉春霖詳稱宣統二年春季分委署丞倅州縣印務所有試用知縣洪駉委署峽江縣知縣即用

知縣吳孝愷委署金谿縣知縣教習知縣張奇成委署信豐縣知縣試用知縣李詩意委署奉新縣知縣試用

知州連燧委署靖安縣知縣准調德化縣知縣錢志銘委署萍鄉縣知縣試用直隸州州判程金鑑委代玉山縣知縣星子縣知縣劉仁壽委署浮梁縣知縣試用知縣余永濬委署德興縣知縣試用知縣潘之龍委署大庾縣知縣試用知縣沈瑜委署上猶縣知縣試用知縣涂步瀛委署豐城縣知縣試用通判徐紹集委署宜州府同知准補臨川縣知縣易順豫委署廬陵縣知縣補用知縣杜履中委署泰和縣知縣大挑知縣賀昌祺委署安福縣知縣試用知縣黃朝乾委署都昌縣知縣試用知縣吳錫華委代興國縣知縣共十八員造冊具詳前來臣覆核無異除清冊咨部外理合附片具陳伏乞 聖鑒謹 奏宣統二年九月初三日奉 硃批吏部知道欽此

●又奏前署南昌令李克鏐虧款全完請開復摘頂處分片 再准補石城縣知縣李克鏐前署南昌縣任內交代虧短各年地丁正雜以及捐補各款共銀一萬三千九百九十九兩四分四釐錢三百九十五千四百二文屢催未據完解經臣奏明先行摘去頂戴勒限完繳在案茲據布政使劉春霖署提學使張檢會詳稱該員李克鏐已將南昌縣任內交代虧短各年地丁正雜以及捐補等款銀錢如數分別完解清款自應照案詳請開復以昭激勸請 奏前來臣查知縣李克鏐前在南昌縣任內虧短交代銀錢參追之後如數全完尙知愧奮合無仰懇 天恩俯准將前署南昌縣事准補石城縣知縣李克鏐開復摘頂處分俾資觀感除咨吏部度支部外謹會同兩江督臣張人駿附片具陳伏乞 聖鑒謹 奏宣統二年九月初三日奉 硃批允行該部知道欽此

江蘇巡撫程德全奏高等學堂監督編修朱壽朋請免扣資俸片

再據蘇州提學使樊恭煦詳稱省城高等學堂監督翰林院編修朱壽朋係於宣統元年八月延充雖經詳明在案惟其時朱壽朋係丁憂未經奏明現於五月間服闋自應援案奏咨查奏定章程辦理學堂必須充當總理或監督總分教習者免扣資俸今朱壽朋留辦省城高等學堂監督與定章相符詳請 奏咨立案前來臣覆覈無異合無仰懇 天恩俯准將朱壽朋不扣資俸不停升轉銓選實於學務大有裨益除分咨查照

外理合附片具陳伏乞

聖鑒訓示謹

奏宣統二年九月初三日奉

硃批著照所請該部知道欽此

●又奏圖書科副長小京官蔣元慶請免扣資俸片 再據蘇州提學使樊恭煦詳稱學務公所圖書科副長拔貢生蔣元慶三月間請假入都考試舉貢 欽點七品小京官籤分學部普通司行走七月請假南旋仍充原差查學部奏定續擬提學使辦事權限章程內開課長以下各員准由提學使詳請督撫分別調用京外人員相助爲理今蔣元慶以學部七品小京官留辦本省學務仍充圖書科副長核與定章相符詳請 奏咨立案前來 臣覆核無異合無仰懇 天恩俯准將蔣元慶不扣資俸不停升轉銓選實於學務大有裨益除分咨查照外理合附片具陳伏乞 聖鑒訓示謹 奏宣統二年九月初三日奉 硃批著照所請該部知道欽此

●又奏長洲縣紳衛仁濟遵故父遺命捐田贍族請建坊片 再案據長洲縣知縣趙夢泰詳據五品銜浙江試用鹽大使衛仁濟稟稱職祖籍常熟縣七世祖衛肇吉曾在常熟捐田建立義莊普贍族衆歷年已久故父同知銜候選知縣衛鍾寄居吳門性成樂善每欲在蘇獨力另建一莊專贍將來本支子孫之不能自給者適遭兵燹資志以歿臨終遺命勉爲續成惟故父遺產自遭兵燹契據遺失無存今職按照置產舊簿逐一釐出計坐落長洲元和二縣境內不等都圖則田五百七十八畝七分二釐四毫計值價銀五千八百餘兩捐作贍族義田並提存銀三千兩以備擇地建造莊房名曰正節義莊歲收田租除完賦祭掃等用外悉以贍助族中孤寡貧乏以完先人未竟之志道具田號莊規各冊結呈縣核明將送到冊結加結鈐印轉詳請 奏等情當經臣飭據蘇州布政使陸鍾琦覆核明確詳請具 奏前來 臣查士民捐資贍族田粟准值銀千兩以上者例得請 旨建坊給予樂善好施字樣今五品銜浙江試用鹽大使衛仁濟遵承先志捐田贍族核計銀數在八千兩以上洵屬詒謀克紹孝義可風核與歷辦請 旌成案相符合無仰懇 天恩俯准將已故同知銜候選知縣衛鍾建坊 旌表以資觀感除鈔奏同冊結咨送禮部查核外理合附片具陳伏乞 聖鑒訓示謹 奏宣統二年九月初三日奉 硃批允行禮部知道欽此

西曆一千九百十年十月九號 星期日

本局設立北京東長安牌樓王府井大街

宣統二年九月初七日第壹仟伍拾玖號

電話內城總局第二百零一號

政治官報

目錄

- 官門鈔 ○ 諭旨五道 ○ 交 旨五道
- 事由單 ○ 憲政編查館致各省督撫電 ○ 各省督撫覆憲政編查館電
- 電報類 ○ 憲政編查館致各省督撫電 ○ 各省督撫覆憲政編查館電
- 摺奏類 ○ 理藩部奏蒙古議員可否援照年班例支廩餼請 旨摺 ○ 又奏陳明蒙古議員已到未到並請假各員摺 ○ 民政部會奏酌擬巡警學堂教授管理各員獎勵辦法摺 ○ 東督奏撥款修建興京府署片
- 咨劄類 ○ 憲政編查館咨送各省督撫釐訂諮議局議決各項清單文附單 ● 廣告

政治官報 目錄 九月初七日第一千五十九號 一

宮門鈔

九月初六日 吏部 翰林院 廂黃旗值日 吏部引 見三十五名 學部引

見九名 農工商部引 見二名 正紅漢引 見九名 茶膳房引 見十

二名 棍貝子謝查城大臣 恩 陳毅 資政院各遞封奏一件

召見軍機 倫貝子 肅王

本日已刻在

養心殿覲見美國使臣嘉樂恒 漢文參贊丁家立 美商團領袖布甫 副領袖葛士德

副領袖穆爾 美商摩爾登 卜時培 喀禮克 何道林 大來 費爾德 班納

德 德萊伯 施丹 邵約望 楊義 魏樂培 彭漢 那安德 傅利門 富爾志

白濁 畢高德 縵甫 狄克生 海德 華德仁

諭旨

監國攝政王鈐章

九月初六日內閣奉

上諭資政院奏廣西禁煙展限諮議局全體辭職照章覈辦一摺著該撫仍照上年公布辦法

妥速辦理並飭令諮議局迅赴召集照章議事欽此

軍機大臣署名奕劻毓朗那桐徐世昌

監國攝政王鈐章

九月初六日奉

旨綏遠城將軍著埜岫調補並著督辦墾務事宜欽此

軍機大臣署名奕劻毓朗那桐徐世昌

監國攝政王鈐章

九月初六日奉

旨烏里雅蘇台將軍著奎芳補授欽此

軍機大臣署名奕劻毓朗那桐徐世昌

監國攝政王鈐章

九月初六日內閣奉

上諭河南提法使著和爾賡額補授欽此

軍機大臣署名奕劻毓朗那桐徐世昌

監國攝政王鈐章

九月初六日內閣奉

上諭此次引見游學畢業考列優等之庶吉士錢崇威著授職編修並加侍講銜出洋供差期滿之庶吉士章祖申著授職編修進士館游學畢業考列優等之度支部主事章圭瑒著仍以主事留度支部儘先補用欽此

軍機大臣署名奕劻毓朗那桐徐世昌

交旨

九月初六日

監國攝政王鈐章

軍機大臣欽奉

諭旨吏部奏此次考試孝廉方正請定引見日期一摺著於九月十五日帶領引見欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨本日吏部引見漢給事中人員均未到班著吏部查明覆奏欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨此次引見州縣事實列入最優等候補直隸州後以應升之缺升用在任候補直隸州知

州前陝西富平縣知縣易國勳著在任以知府補用欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨本日引見之已革浙江縉雲縣知縣范傳衣著開復原官欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨本日引見之已革廣西興業縣知縣唐汝霖已革雲南候補知縣朱壽祺均著以縣丞用
欽此

軍機大臣署名奕劻毓朗那桐徐世昌

九月初六日內摺傳 旨事由單

●吏部奏議覆察哈爾都統奏蒙旗辦賑出力各員請獎事奉 旨依議○又奏議覆兩廣總督奏嚴家熾
等調補廣州府知府等缺事奉 旨依議○又奏議覆陝甘總督奏王廣年試署清遠縣知縣事奉 旨

依議○又奏議覆各省補知縣等缺彙奏事單一件奉 旨依議○又片奏選用同知直隸州炳源留吉補
用事奉 旨依議○又片奏通判史悠彥捐照相符事奉 旨依議○又奏議處奉天候選道陶仁榮等

議以降一級留任公罪可否准其抵銷請 旨事奉 旨不准抵銷○又奏議處甘肅正監理官郎中劉
次源議以革職事奉 旨依議○又片奏湖北知州鍾熊祥續完漕折等款減議事奉 旨依議○又奏

各省官員尋常議處彙奏事單一件奉 旨依議○又片奏前廣東鹽運使丁乃揚議叙事奉 旨依議
○又片奏前任陝西布政使許涵度議叙事奉 旨依議○內務府奏年例蒙古王公等應 進駑馬遼

旨免進照例頒 賞事奉 旨知道了○又奏年例蒙古王公等應 進湯羊遼 旨免進照例頒
賞事奉 旨知道了

九月初六日外摺欽奉 硃批事由單
●王乃徵奏謝調豫藩 恩並請 陛見摺 毋庸來見●陳夔龍奏六月分兩糧情形摺 知道了○

又奏命犯李任淋等案彙奏摺 大理院覆判具奏片三件併發○又奏緩決命犯張東情等案彙奏片 覽
○又奏緩決命犯曹懋等案彙奏片 覽○又奏援免命犯梁泳荃等案彙奏片 覽○又奏蘆綱各岸滯銷

原停引目請再推展五年摺 該衙門知道○又奏京商銷滯原停引目請再展限五年摺 該衙門知道●
廣福奏伊犁預算入不敷出請 飭部將歲額等款照數指撥摺 度支部議奏○又奏印務章京景熙年
滿請照例選用片 該部知道●增韞奏上年分奏銷案內舊欠丁糧已未完數目摺 度支部知道單二件
併發○又奏平陽縣監生王宗堯助學請獎摺 該部議奏○又奏動用耗羨奏銷片 該部知道○又奏請
將藩司衙門主計科改名審計科片 該衙門知道○又奏甌海關百九十九結征收華洋稅鈔數目摺 該
部知道單併發○又奏甌海關百九十九結征收藥釐數目摺 該部知道單併發

●電報類

●憲政編查館致各省督撫電 各省制台撫台鑒資政院應議事件與各省不無關係各省
亦可趕派一員兼程來京以備與政府特派員接洽並得在各主管衙門陳述意見藉資討論
開院時亦准到院旁聽惟必須熟悉本省情形及妥靠人員方可派遣如無相當人員或無陳
述事件亦可不派如何希電覆並將派出員名電知憲政編查館敬

●贛撫覆憲政編查館電 憲政編查館鈞鑒敬電悉現派財政局會辦曹道樹藩赴京刻
日起程陳述事件祈知照資政院汝驥徑

●東督覆憲政編查館電 憲政編查館鈞鑒敬電謹悉奉省查有秘書員留奉知府鄒致鈞
安實可靠已派令尅日赴京接洽除另文咨呈外謹先電達乞轉咨各部院知照良有

●桂撫覆憲政編查館電 憲政編查館鈞鑒敬電謹悉桂省現無相當人員擬請准其免派
景桐謹叩有

●豫撫覆憲政編查館電 憲政編查館鈞鑒敬電謹悉查敝省現無緊要陳述事件擬不派

專員嗣後如有照章應送資政院核辦者容另咨呈鈞館查照施行特覆蔡有

●閩督覆憲政編查館電 憲政編查館鈞鑒敬電祇悉閩省現派候補知府梁冠澄尅日赴京接洽一切謹覆壽宥

●浙撫覆憲政編查館電 憲政編查館鈞鑒敬電祇悉承示資政院可派員陳述意見等因敝省派定本署幕職參事梁令建章調查局科長王令不煦會議廳議員江令畚經等三員赴京以備接洽增韞勛

●川督覆憲政編查館電 憲政編查館鈞鑒敬電悉已派馬道汝驥爲特派員刻日晉京以便接洽仍祈隨時訓示俾有遵循巽勛

●皖撫覆憲政編查館電 憲政編查館鈞鑒敬電祇悉查有皖省候補直隸州知州汪承祖在皖多年熟悉情形歷任繁劇辦事妥貼該員現已赴京用特遵派以備接洽謹覆家寶暨

●陝撫覆憲政編查館電 憲政編查館鈞鑒敬電飭派委員來京藉資討論遵卽會商司道加意遴訪現派西安府知府瑞清尅日束裝起程惟兩多路阻兼程不易請先咨明資政院查核壽東

●黔撫覆憲政編查館電 憲政編查館鈞鑒敬電祇悉敝省現派定黎平府知府陳鴻年來京已飭刻日啓程至時求訓示一切路遠恐到京稍遲並聞鴻書冬

●滇督覆憲政編查館電 憲政編查館鈞鑒敬電儉到滇省可派之員均有要務遽難遠離如有陳述事件隨時電達鈞館暨主管衙門或奏請交議謹覆經義先

●晉撫覆憲政編查館電 憲政編查館鈞鑒敬電祇悉資政院開會晉省無相當人員可派

惟查資政院議員沈林一原係晉省候補道熟悉本省情形如有與晉關涉事件即令就近討論以資採擇除電知該道外專此奉覆寶銓叩沁

●江督覆憲政編查館電 憲政編查館鈞鑒敬電祇悉蒙諭資政院議事與各省有關應派員接洽謹當遵辦查有江蘇候補道沈邦憲諳練穩實堪以委派除給咨賚報外謹先電聞人駿沁

●蘇撫覆憲政編查館電 憲政編查館鈞鑒敬電悉查有分省補用道何煜熟悉蘇省情形結實可靠堪以派往資政院旁聽並赴各主管衙門陳述意見謹聞德全有

●又致憲政編查館電 憲政編查館鈞鑒有電計達鈞覽刻以何道煜經手事繁一時不能分身祇好遵照鈞館敬電無相當人員暫不派遣至應陳述之意見容分咨各主管衙門查照謹聞德全沁

●直督覆憲政編查館電 憲政編查館鈞鑒敬電悉敝處現派前翰林院檢討唐寶鐸到京接洽特此電聞夔龍有

●署粵督覆憲政編查館電 憲政編查館鈞鑒粵省目前尚無甚陳述要件擬緩派旁聽將來如有關繫本省之事仍乞隨時指示樹勛沁

●魯撫覆憲政編查館電 憲政編查館鈞鑒敬電讀悉即派道員朱鍾琪爲本省委員赴日赴京但開院之日斷趕不到琦沁

●江撫覆憲政編查館電 憲政編查館鈞鑒敬電謹悉查有調江張侍讀國淦熟悉本省情形遵即派令來京謹先奉聞樹模感

●甘督覆憲政編查館電 憲政編查館鈞鑒敬電祇悉力採輿論欽佩莫名遵即揀派專員起程赴京惟甘肅路遠輪軌未通現在限期已迫該員到京恐需時日查有送部引見前福建道監察御史安維峻素負清望且熟悉本省情形現任京師已電屬屆期代往以備顧問仍俟甘肅派員至日再行陳述一切謹此電覆庚東

●鄂督致憲政編查館電 憲政編查館鈞鑒敬電祇悉資政院開院鄂省極願派員稟承討論惟目前未有相當人員倘在資政院開院期內有應行陳述事件可否准予補派委員前往接洽或電陳意見之處伏乞電示遵辦瑞澂叩

●憲政編查館覆鄂督電 武昌制台鑒徑電悉鄂省派員刻既無相當人員自可補派但至遲須在十月以前庶便接洽至電陳意見一節恐難詳盡憲政編查館範

●吉撫致憲政編查館電 憲政編查館鈞鑒敬電謹悉現已酌派在任候補道准補五常府知府萬繩武來京備與政府特派員接洽及陳述一切該員在吉辦事日久情形甚熟惟現有要差已飭趕速交卸兼程到京後應否徑向鈞館報到抑至資政院投到并請示遵昭常謹肅有

●憲政編查館覆吉撫電 吉林撫台鑒有電悉萬守到京應至本館報到憲政編查館東印
●江督致憲政編查館電 憲政編查館鈞鑒官報載會議廳規則有應請核示各節謹列於下一第四條公推士紳由督撫派充如係京職自應用照會若係外官應用何項文牘一第五條按照總額是否指審查一科額數而言一第十三條分別召集兩科人員到廳會議如應議事件係專隸一科之事是否兩科人員均須召集如均召集此科人員是否可同議彼科之事

一第十五條兩科會議多數取決後若督撫不以爲然應作何辦理請逐條電示俾期遵循爲叩人駿有

●憲政編查館覆江省電 南京制台鑒有電悉科員係外官應用札文總額專指審查一科而言會議屬某科事件則歸某科決議督撫對於兩科議決事件不以爲然可另定辦法交令再議憲政編查館範

●豫撫致憲政編查館電 憲政編查館鈞鑒查諮議局定章常駐議員以一年爲任期但第二屆選舉連選者可否聯任章程無有規定希卽裁奪電覆飭遵彙有

●憲政編查館覆豫撫電 開封撫台鑒有電悉常駐議員局章並無不得連選明文自應准其連任但以一次爲限欲辭職者聽希飭遵憲政編查館範

摺奏類

理藩部奏蒙古議員可否援照 年班例支給廩餼請

旨摺

奏爲請 旨事竊據資政院咨稱本院奏定議員公費每員於常年會期共支陸百圓外藩

王公世爵議員自應一律照支其旅費一項業經理藩部奏蒙 恩准馳驛來京應卽毋庸

支給等因前來查內外蒙古王公及回部王公等每值 年班以及引 見謝 恩等事

來京向由 部照例發給廩餼此次外藩王公世爵議員已由資政院籌給公費所有廩餼一

項可否援照 年班例支給抑或毋庸支給之處 等未敢擅擬伏候 欽定一俟 命

下敬謹遵行理合恭摺具陳伏乞 皇上聖鑒謹 奏宣統二年八月二十二日奉 旨

加恩照例賞給欽此

理藩部奏陳明蒙古議員已到未到並請假各員摺

奏爲陳明蒙古世爵議員已到未到並請假各員恭摺具陳仰祈

聖鑒事竊前蒙

欽

選蒙古世爵議員經臣部分別咨劄欽遵在案查三音諾彥部落親王那彥圖科爾沁輔國公博迪蘇喀拉沁郡王貢桑諾爾布現均在京其圖什業圖汗部落貝子綉楚克車林車臣汗部落郡王多爾濟帕拉穆回部輔國公司迪克敖漢郡王色凌敦嗜布鄂爾多斯郡王特古斯阿拉坦呼雅克圖浩濟特郡王色隆托濟勒均已先後到京業經臣部奏明在案西藏唐古忒輔國公那木濟勒錯木丹疊經電催未接電覆青海郡王色勒珠爾拉布坦經西甯辦事大臣慶恕電覆派員往調恐其不能依限到京四子郡王勒旺諾爾布呈明患病扎薩克圖汗部落鎮國公達木克蘇倫經烏里雅蘇台將軍埜岫奏明患病請假兩個月杜爾伯特親王索特那木扎木柴業經科布多叅贊大臣溥綱咨報於七月初十日起程除俟報到日另行奏聞外所有蒙古世爵議員已到未到暨告假各員謹恭摺具陳伏乞 皇上聖鑒訓示謹 奏宣統二年八月二十二日奉 旨知道了欽此

民政部會奏酌擬巡警學堂教授管理各員獎勵辦法摺

奏爲酌擬巡警學堂教授管理各員獎勵辦法恭摺會陳仰祈

聖鑒事竊臣部奏設京師

高等巡警學堂及督催各省照章設立省城高等巡警學堂並優予學生獎勵籌給出身迭經奏明通行各在案惟教授管理各員應如何獎勵尙無定章前以創辦之初各省於學生畢業獎勵之時有將辦學得力人員臚列成績隨案奏保者率皆酌核情形分別請 旨辦理現在警政推行日廣各省巡警學堂大都依限成立將來警學日興辦學獎案自必不少不得不

籌劃一辦法以示實事求是慎重名器之意臣等公同商酌擬請嗣後京師及各省辦理巡警學堂出力人員獎勵即查照學部成案凡在高等巡警學堂教授管理三年以上一切辦法概遵照部定通行章程確有成效者准按照尋常勞績奏明請獎其接續教授管理至五年以上者方准照異常給獎其教授管理不及三年或雖及三年而無成效可觀者一律不准請獎至各省辦理學堂人員應由督撫預將履歷清冊先行送部立案以備考核如蒙 兪允卽行通咨各省欽遵辦理所有酌擬巡警學堂教授管理各員獎勵辦法緣由是否有當謹恭摺會陳伏乞 皇上聖鑒再此摺係民政部主稿會同學部辦理合併聲明謹 奏宣統二年八月二十六日奉 旨依議欽此

東三省總督錫良奏撥款修建 興京府署片

再奉省 興京同知衙署係在新賓堡地方嗣於光緒二十七年突遭匪亂署屋燒毀僅存頭門東面科房暨偏院押所數間歷任辦公均在該處租賃民房藉以棲止現在該廳業已奏改府治自應將衙署房屋重行修建以資辦公惟查該堡地勢偏東且中貫蘇子河時有水患據前署府廖炳樞呈稱距西四十里之林街地方局面宏敞地勢適中請移治該處建立衙署等情當經核准由該署府估計工料繪圖開單呈經民政部司張元奇核實覆估共需工料銀九千九百二十兩轉請撥款建築前來臣詳加覆核勘估價目尙屬實在現在物價昂貴自難比照成例所用款項應請作正開銷除將房圖清單分咨民政度支兩部立案外所有撥款修建興京府署工程緣由理合附片具陳伏乞 聖鑒謹 奏宣統二年 二十九日奉 硃批該部知道欽此

西歷一千九百十年十月十號 星期一

本局設立北京東長安牌樓王府井大街

宣統二年九月初八日第壹仟陸拾號

電話內城總局第二百零一號

政治官報

目錄

●宮門鈔○ 諭旨二道○交 旨一道○事由單●摺奏類一○學部奏湖北文普通中學堂學生第二次畢業請獎摺
 ○校閱陸軍大臣奏近畿陸軍第一鎮著有成效照章擬獎出力各員摺併單○又奏署統制官甘肅總兵何宗遠等請從優鼓
 勵片○又奉第一鎮協統領官曹錕請免補副將以總兵記名片○又奏陸軍正叅領盧靜遠請 賞換副都統銜片○謹桂
 撫奉統稅各局卡經費請實用實銷摺●摺奏類二○度支部奏議覆蘇撫奏道員朱景邁捐賑請獎摺○直督奏大理院小京
 官李棟充巡警學堂教習請免扣資俸片○皖撫奏購買印刷局機器報銷等片○又奏委劉汝驥等署安慶守各缺片○又奏
 委陳延昌署泗州直牧片○謹科布多辦事大臣奏接護辦事大臣彙務日期摺○贛撫奏請以王忠植調補南昌府同知摺●
 廣告

宮門鈔

九月初七日 民政部 都察院 正黃旗值日 陸中堂假滿請 安 新授青州

副都統秀昌謝 恩 新授河南提法使和爾廣額謝 恩 甯夏副都統恒齡請

訓並請假一個月 肅王 烏珍各伺候 召見 都察院遞封奏二件

召見軍機 肅王烏珍 恒齡 秀昌 和爾廣額

諭旨

監國攝政王鈐章

九月初七日內閣奉

上諭陸潤庠著充稽察欽奉上諭事件處欽此

軍機大臣署名奕劻毓朗那桐徐世昌

監國攝政王鈐章

九月初七日奉

旨京口副都統著慶祿補授欽此

軍機大臣署名奕劻毓朗那桐徐世昌

交旨

九月初七日

監國攝政王鈐章

軍機大臣欽奉

諭旨民政部奏請修永佑廟工程一摺著民政部迅速估修欽此

軍機大臣署名奕劻毓朗那桐徐世昌

九月初七日內摺傳 旨事由單

●吏部奏引 見漢給事中人員均未到班查明覆奏事奉 旨依議●民政部奏議覆四川總督奏川

省高等巡警學堂學生畢業請予錄用事奉 旨依議○又片奏留司員事奉 旨依議○又奏承修大

明濠等處工竣並擬請繳還度支部節餘銀兩事奉 旨知道了●海軍處奏第二次水師官員請應事單

一件奉 旨依議○又彙奏議覆兩江等省請補水師員缺分別准駁事單一件奉 旨依議○又彙奏

議覆湖廣等省請補長江水師各缺分別准駁事單一件奉 旨依議○又彙奏七八兩月分各省拔補水

師干總把總各弁等缺事奉 旨依議○又奏駁覆湖北漢陽船廠光緒三十二三兩年分修造船隻等項

用過銀兩事奉 旨知道了●吏部學部農工商部正紅旗漢軍茶膳房各述 旨均奉 旨是●都

察院奏吏部堂司各官處分查覈抵銷事奉 旨知道了

九月初七日外摺欽奉 硃批事由單

●增韞奏各衛所屯田錢糧改歸州縣徵收摺 度支部議奏○又奏上年分徵收節年舊賦錢糧比較摺

度支部知道單併發○又奏上年分奏銷案內玉環同知租穀收支數目摺 度支部知道單併發○又奏起

運漕白糧米經費摺 度支部知道○又奏試用通判陳鴻銓期滿甄別片 覽○又奏試用令郭曾煜期滿

甄別片 覽

摺奏類一

學部奏遵議湖北文普通中學堂學生第二次畢業請獎摺

奏爲遵 旨議覆恭摺仰祈 聖鑒事本年四月初四日由內閣鈔出湖廣總督瑞澂奏
湖北省文普通中學堂學生第二次畢業並在堂管理員教員照章請獎一摺奉 硃批學
部議奏單二件併發欽此欽遵到部嗣准該督咨稱該堂第二班學生實係光緒三十年七月
入堂肄業原奏誤作三十四年又此次畢業學生內尙有考列下等之黃毓芝陳曾榮兩名原
單漏未叙入請據文更正等因並准將管理員教員及學生履歷清冊咨送前來除管理員教
員獎案另由 部會同吏部辦理外其學生獎勵應先行核議查原奏內稱該堂各科功課悉
遵奏定章程辦理加課鐘點均能完全無缺截至宣統元年六月學期已滿業經提學使司會
同本學堂監督各員分門考試計取定最優等二十一名優等四十一名中等六名照章奏請
獎勵等語 部查定章中學堂學習年數以五年爲限考試合格分等給獎此次湖北文普通
中學堂第二次畢業學生既據該省補咨更正實係光緒三十年七月入堂肄業則扣至宣統
元年六月已屬五年屆滿其學科課程原冊內有填註遺漏者經 部再三咨查覆核明確尙
與定章相合自應准其照章給獎以資鼓舞所有考列最優等之黃廷槐祁運春周棟孫傅烈
劉輝翰高仲謙王旭王炳楠鄭毅權熊呈瑞胡文蔚饒爲銓周廣良蔣錫曾汪緯冰袁正懋盧
德鑫茅銑柯廷翰紀清樞呂禧春等二十一名擬請獎給拔貢考列優等之程國忠周天祐汪
際清趙光弼魯鍾岱王治廣朱家璠孫若蓀姚鳳岡方潔梁維翰郭慶壬姚錦濤祝松年王泰
臨楊獻可胡宗浚陳玉書洪安鎮方立鈞劉元琛全楚望程學尹李蔭遠張守度陳朝漢紀清
樞呂煥文王善乾周遜聲王克敏何濟望鄭紹康吳幹徐炳坤韓書鑑龐觀泉王克贊高瀛緒

趙子麟李承詔等四十一名擬請獎給優貢考列中等之柯紀洪查仲燁陳洪濱方廷煥程子
儀楊美亭等六名擬請獎給歲貢其考列下等之黃毓芝陳會榮二名既據造冊補報經臣部
覆核無異擬請照章作為優廩生如蒙 俞允卽由臣部行知該省遵照辦理所有議覆
北文普通中學堂第二次畢業學生請獎緣由謹恭摺具陳伏乞 皇上聖鑒再此摺因
造表冊有誤咨查需時是以覆奏稍遲合併聲明謹 奏宣統二年八月十八日奉 旨依
議欽此

校閱陸軍大臣壽勳等奏近畿陸軍第一鎮著有成效照章擬獎出力各員摺

併軍

奏為近畿陸軍第一鎮校閱著有成效遵將出力各員照章擬獎恭摺會陳仰祈 聖鑒事

竊臣壽勳恭膺 簡命校閱陸軍第一第二兩鎮當將馳往各該鎮校閱完竣情形恭摺覆

陳並聲明該兩鎮應獎人員擬查照成案會同專司訓練都統鳳山暨直隸總督陳夔龍另行
奏明辦理等因於宣統二年五月初四日奉 上諭壽勳奏遵旨校閱陸軍第一第二兩鎮

一摺據陳此次校閱該兩鎮官兵學術暨內務外場各項情形近更擴張戰備益整新規成績
昭然深堪嘉許仍著陸軍部督飭專司訓練大臣認真訓練力求進步俾成勁旅用副修明武
備振厲戎行之至意餘依議欽此仰見 聖朝整軍經武激勵成勞凡屬軍人同深感奮除

第二鎮應獎人員應由臣壽勳會同直隸總督陳夔龍另行奏明辦理外查第一鎮係於光緒
三十一年由京旗常備軍擴充成鎮嗣經編為陸軍第一鎮該鎮初設統制官缺 鳳山適承
其乏維時軍制甫更營務繁蹟舉凡籌備軍需改良操法罔不躬親督率俾期逐漸完全三十

二年十二月間 鳳山奉 命派充專司訓練不時親赴該鎮與各該官兵討論學科指揮

戰法並定期傳集各將領分班會議暨派督練公所人員分赴該鎮將教育課程操防內務隨時考查遇事贊襄尤賴該統制官實心任事勞怨不辭用能進步日臻成效昭著值此校閱鉅

典仰蒙 天語褒嘉核其在事文武各員實屬不無微勞足錄查練兵處兵部奏定陸軍營

制獎勵制略內載新軍編制已成訓練漸熟奏請 簡員校閱果能一切如法著有成效准

其按照異常勞績請獎一次限營隊每百人奏獎二人咨獎三人等語又光緒三十四年五月

陸軍部奏准嗣後各省旗凡屬創練新軍經考驗之後初次校閱果能一切如法著有成效仍

准照異常勞績請獎一次等因此次第一鎮校閱著有成效所有應獎人員業經 壽勳奏明

會同 鳳山另行奏明辦理自應照章請獎以示鼓勵查陸軍每鎮官兵定額一萬二千五百

餘人照章應奏獎二百五十員名茲據該鎮處開單呈懇奏請獎叙前來 等嚴加核減將出

力稍次各員概予刪除擇其尤為出力者列入異常請獎一百五十七員尋常請獎八十二員

核與應獎之數有減無增謹繕清單恭呈 御覽合無仰懇 天恩俯准照擬給獎以昭

激勸而勵戎行除將各員履歷咨部並千把以下各員弁另行咨獎外理合恭摺會陳伏乞

皇上聖鑒訓示謹 奏宣統二年八月二十八日奉 旨已錄

謹將第一鎮校閱著有成效尤為出力文職各員遵章酌擬按照異常勞績繕具清單恭呈 御覽 計開

花翎二品頂戴 記名簡放軍機處存記留直補用道葉崇質 花翎二品銜軍機處存記分省補用道恭

憲藩 花翎二品銜分省補用道繼蔭 花翎二品銜分省補用道徐致善 花翎二品銜直隸補用道廷

以上五員均擬請 賞給隨帶加二級 花翎二品銜仍交軍機處存記留直補用道江朝宗 以上一

員擬請 賞給三代二品封典 花翎儘先選用道曹銳 花翎山東補用道宋彬 以上二員均擬請

賞加二品銜 花翎三品銜儘先即選知府陸軍部郎中蘇錫第 以上一員擬請俟選知府後以道員儘先即補 分省儘先補用直隸州知州蔡成勳 以上一員擬請免補本班以知府仍分省歸候補班儘先補用 直隸試用同知姚鴻達 以上一員擬請免補本班以知府仍留原省補用 四品銜直隸州知州用分省補用知縣楊以來 花翎同知銜分省補用知縣張莖 以上二員均擬請免補本班以直隸州知州仍分省補用 分省補用知縣何心澄 分省補用知縣楊宗麟 以上二員均擬請免補本班以直隸州知州仍分省歸候補班補用 選用主事祥彬 以上一員擬請免選本班以直隸州知州不論雙單月儘先選用 同知銜候選州同張光武 花翎鹽提舉銜候選州同忠和 以上二員均擬請免選本班以知州不論雙單月儘先選用 五品銜在任候選通判 起居注筆帖式李銓 以上一員擬請仍在任以通判不論雙單月儘先選用 遇缺先前即選 五品銜法部錄事松銓 以上一員擬請在任以通判不論雙單月儘先選用 通判職銜德壽 通判職銜花連布 通判職銜汪周翰 以上三員均擬請以通判不論雙單月儘先選用 州同職銜興福 州同職銜張玉書 州同職銜英和 州同職銜薛保筠 州同職銜附貢生何其熙 以上五員均擬請以州同不論雙單月儘先選用 升用州同候選按察經歷王遵路 知縣用候選縣丞張之浩 候選縣丞劉宗昆 候選縣丞陳炬 候選縣丞李緝熙 候選縣丞丁百熙 候選縣丞何凌宇 以上七員均擬請免選本班以知縣不論雙單月儘先選用 分省試用縣丞余揚輝 分省試用縣丞牛宗蔭 分省試用縣丞張錫純 分省試用縣丞高培樞 以上四員均擬請免補本班以知縣仍分省補用 鹽大使職銜許銘彝 鹽大使職銜劉鳳林 鹽大使職銜李恩錫 以上三員均擬請以鹽大使不論雙單月儘先選用 膾錄官崇興 以上一員擬請以巡檢不論雙單月儘先選用 選用從九品方景增 選用從九品李培基 選用從九品龔兆瑞 以上三員均擬請免選本班以縣主簿不論雙單月儘先選用 以上文職四十六員均請照異常勞績給獎

謹將第一鎮校閱著有成效尤爲出力武職各員遵章酌擬按照異常勞績繕具清單恭呈 御覽 計開

留直補用副將周符麟 兩江儘先補用副將楊紹寅 以上二員均擬請 賞加總兵銜 花翎升用
 副將留直儘先補用叅將朱泮藻 副將銜留直儘先補用叅將李奎元 副將銜留直補用叅將王廷楨
 以上三員均擬請免補叅將以副將仍留直儘先補用 陸軍正叅領文華 記名正叅領陸軍部砲隊副叅
 領唐在禮 以上二員均擬請 賞加二品銜 補用鳥槍護軍叅領委鳥槍護軍叅領伊清阿 以上一
 員擬請俟補鳥槍護軍叅領後 賞給二品頂戴 游擊銜補用都司蕭良臣 游擊銜補用都司郝義
 以上二員均擬請免補都司以游擊儘先補用 花翎游擊銜留直儘先補用都司孟效曾 藍翎游擊銜留
 直補用都司于有富 以上二員均擬請免補都司以游擊仍留原省儘先補用 副叅領銜遇缺即補委前
 鋒叅領定勳 即補委前鋒叅領尙勳 以上二員均擬請免補委前鋒叅領以副前鋒叅領遇缺即補 即
 補委護軍叅領啟芳 補用委護軍叅領倭和布 補用委護軍叅領雙俊 補用委護軍叅領延喜 以上
 四員均擬請免補委護軍叅領以副護軍叅領遇缺即補 補用委鳥槍護軍叅領伊立杭阿 補用委鳥槍
 護軍叅領永山 以上二員均擬請免補委鳥槍護軍叅領以副鳥槍護軍叅領遇缺即補 即補委鳥槍護
 軍叅領鳥槍護軍校春祥 以上一員擬請仍以委鳥槍護軍叅領遇缺即補並加副鳥槍護軍叅領銜 補
 用驍騎校富勒堅 補用驍騎校連啟 補用驍騎校清佑 補用驍騎校李俊 補用驍騎校德全 補用
 驍騎校增祿 補用驍騎校貴順 補用驍騎校如山 坐補驍騎校積續 坐補驍騎校潤福 以上十員
 均擬請免補驍騎校以佐領遇缺即補 花翎升用都司留直儘先補用守備劉錫鈞 升用都司留直儘先
 補用守備李譽俊 以上二員均擬請免補守備以都司仍留直儘先補用 儘先補用守備董式樞 直隸
 候補守備王者賓 都司用補用守備張鳳鳴 補用守備劉錫齡 補用守備札拉芬 以上五員均擬請
 免補守備以都司儘先補用 儘先坐補前鋒校藍翎長興壽 坐補前鋒校藍翎長來羣 坐補前鋒校藍
 翎長額圖璋 五品頂戴補用前鋒校貴凌 六品頂戴補用前鋒校奇克慎 補用前鋒校玉祿 補用前
 鋒校恩光 補用前鋒校富來 補用前鋒校凱綿 坐補前鋒校魁勳 坐補前鋒校松岳 坐補前鋒校

特克慎 坐補前鋒校崇林 以上十三員均擬請免補前鋒校以委前鋒參領遇缺即補 護軍校祿厚
 以上一員擬請以委護軍參領遇缺即補 六品頂戴用護軍校志秀 坐補護軍校熙斌 坐補護軍校多
 興 坐補護軍校安榮 坐補護軍校順岱 坐補護軍校和綢額 坐補護軍校榮興 坐補護軍校隆溥
 補用護軍校安德 補用護軍校多秀 補用護軍校桂英 補用護軍校廣成 補用護軍校崇桂 補
 用護軍校勝斌 補用護軍校保榮 補用護軍校德恩 以上十六員均擬請免補護軍校以委護軍參領
 遇缺即補 六品頂戴補用烏槍護軍校札克當阿 六品頂戴補用烏槍護軍校李祿 六品頂戴補用烏
 槍護軍校吉祥 補用烏槍護軍校榮貴 補用烏槍護軍校清祿 補用烏槍護軍校阿立哈 補用烏槍
 護軍校玉陞 坐補烏槍護軍校德來 坐補烏槍護軍校雅爾哈 以上九員均擬請免補烏槍護軍校以
 委烏槍護軍參領遇缺即補 守備銜儘先千總官長淮 守備用拔補千總陳兆祿 升用守備儘先千總
 朱朝濱 升用守備儘先千總劉漢岐 守備用儘先千總劉志祥 儘先千總曹福祿 補用千總劉虎臣
 補用千總商湧川 補用千總張萬勝 拔補千總石柱林 五品頂戴補用千總靳永泰 儘先補用千
 總張玉成 五品頂戴儘先千總駱連捷 升用都司儘先千總李朝棟 以上十四員均擬請補免千總以
 守備儘先補用 副軍校玉海 步隊副軍校斌啟 馬隊副軍校瑞印 砲隊副軍校全斌 軍需副軍校
 德連 軍需副軍校秀山 升用副軍校協軍校楊清海 升用副軍校協軍校李子泉 協軍校穆山 協
 軍校常敬興 協軍校任金式 協軍校于光紳 協軍校李鳳閣 協軍校崑福 協軍校高從興 軍需
 協軍校鶴年 軍需協軍校文祿 軍需協軍校煥麟 軍需協軍校札林泰 軍需協軍校定安 以上二
 十員均擬請以應升之階記名 以上武職一百一十一員均請照異常勞績給獎
 謹將第一鎮校閱著有成效出力文職各員違章酌擬按照尋常勞績繕具清單恭呈 御覽 計開 花
 翎三品頂戴在任候補知府定州直隸州知州陳燕昌 以上一員擬請俟補知府後以道員用 花翎五品
 銜吏部候補主事熾昌 度支部遇缺即補主事程澍 五品銜內閣中書忠浩 以上三員均擬請 賞

政治官報 摺奏類 九月初八日第一千六十號 九

給四品頂戴 陸軍部候補主事宗室毓圻 以上一員擬請 賞給文職四品銜 候補直隸州知州直隸補用知縣吳威麟 揀選知縣湯藩臣 吏部筆帖式德茂 度支部筆帖式文衡 以上四員均擬請賞加同知銜 分省試用知縣江壽椿 選用知縣李煥章 以上二員均擬請俟得缺後以直隸州知州用 安徽試用縣丞車德杓 以上一員擬請俟補缺後以知縣仍留原省補用 藍翎分省試用縣丞趙鳳洲 分省試用縣丞劉錫齡 候選縣丞茹紀修 五品銜候選京府經歷陳淮年 以上四員均擬請俟得缺後以知縣用 直隸議叙班補用府經歷王芬 以上一員擬請仍以府經歷歸本班儘先補用 府經歷職銜羅廷燦 府經歷職銜羅錫祉 府經歷職銜湯雲龍 以上三員均擬請以府經歷不論雙單月選用 縣丞職銜楊金聲 縣丞職銜閻桐 縣丞職銜韓秉乾 縣丞職銜張培苾 縣丞職銜潘慶瀾 縣丞職銜張錦銓 縣丞職銜蔣壽齡 縣丞職銜陳士昌 縣丞職銜王定中 縣丞職銜陸曾佑 縣丞職銜宋玉瑩 縣丞職銜林茂亭 縣丞職銜張玉藻 縣丞職銜周文彬 縣丞職銜王廷鐸 縣丞職銜蘇正啟 縣丞職銜張宗禮 縣丞職銜楊士榮 縣丞職銜董斌 縣丞職銜王世霖 縣丞職銜李桂生 縣丞職銜葉德枝 縣丞職銜張嘉桓 縣丞職銜周宗霖 縣丞職銜李樹藩 縣丞職銜牛烈文 縣丞職銜王在田 縣丞職銜劉應台 縣丞職銜邵潤芬 縣丞職銜郭述進 縣丞職銜張詩志 縣丞職銜何元勳 縣丞職銜孫國梁 廩生王芸書 廩生周蔭棠 增生李中潢 附生王登瀛 附生俞炳章 附生文連 附生邱潤梧 以上四十員均擬請以縣丞不論雙單月選用 文童侯維源 文童卜益堂 文童胡棠 文童袁培祿 文童吳其昌 文童張汝霖 文童王恩藻 文童胡德銓 文童吳鴻業 文童劉樾 以上十員均擬請以從九品不論雙單月選用 以上文職七十員均請照尋常勞績給獎 謹將第一鎮校閱者有成效出力武職各員違章酌擬按照尋常勞績繕具清單恭呈 御覽 計開 花翎留直補用參將懷安路都司伯連 以上一員擬請俟歸參將班後 賞給二品頂戴 護軍參領銜世管佐領鍾恩 以上一員擬請以副護軍參領補用 先換頂戴即補佐領英普 先換頂戴即補佐領清懋

以上二員均擬請俟補佐領後 賞給三品頂戴 補用佐領慶祺 以上一員擬請仍以佐領儘先補用 記名都司密雲防禦崇貴 以上一員擬請 賞給四品頂戴 補用守備曲春和 以上一員擬請俟補缺後以都司補用 前鋒校全斌 以上一員擬請以空花翎補用 坐補烏鎗護軍文華 以上一員擬請俟補缺後以委烏鎗護軍叅領補用 協軍校張士品 協軍校維鴻賓 軍需協軍校文禧 以上三員均擬請 賞給六品銜 以上武職十二員均請照尋常勞績給獎

●又奏署統制官甘肅總兵何宗蓮等請從優鼓勵片 再查第一鎮統制官提督銜甘肅河州鎮總兵何宗蓮爲全鎮領袖於督操教課資勞甚深惟係實任總兵已蒙 恩賞有提督銜又督練公所參議官兼充兵備處總辦花翎二品銜吉林候補道容賢自第一鎮成鎮之始

卽充兵備處改歸近畿旋卽派充斯差該員志慮周詳熟悉戎備在差數載資勞最深惟係道員已蒙 恩賞有二品銜無可擬保以上二員均係異常出力應如何從優鼓勵之處出自

天恩 等未敢擅擬謹附片奏 聞伏乞 聖鑒訓示謹 奏宣統二年八月二十八日奉 旨已錄

●又奏第一鎮協統領官曹錕請免補副將以總兵記名片 再前充第一鎮步隊第一協統領官現署第三鎮統制官花翎留直儘先補用副將曹錕前在統領官差內操課最勤係屬異常出力可否免補副將以總兵 記名之處出自 恩施 等未敢擅請謹附片具陳伏

乞 聖鑒訓示謹 奏宣統二年八月二十八日奉 旨已錄
●又奏陸軍正叅領盧靜遠請 賞換副都統銜片 再查督練公所參議官上行走二品銜陸軍正叅領盧靜遠武學優長自到差以來贊畫軍事頗協機宜惟該員官階較崇且已有

二品銜無可擬保可否 賞換副都統銜之處出自 天恩_臣等未敢擅擬謹附片陳請
伏乞 聖鑒訓示謹 奏宣統二年八月二十八日奉 旨已錄

護理廣西巡撫魏景桐奏統稅各局卡經費請實用實銷摺

奏爲覆陳廣西統稅總分各局卡所需經費請仍准實用實銷恭摺仰祈 聖鑒事竊准度
支部咨議覆廣西統稅總分各局卡所需經費擬令另行核實釐訂分別奏咨報部核辦一摺
宣統元年十二月十五日奉 旨依議欽此抄錄原奏咨行到桂查原奏內稱該省原定統
稅章程所載各項雜費如做小稅吉船辦船排張費以及一成捕費二釐清節堂經費二釐醫
藥局經費種種名目不一而足又原章內稱羨餘一項係提局員中飽改章以後一律免提等
語均經於核覆該省光緒三十年征收統稅並隨征公費案內分別奏明駁查並令大加整頓
等因在案嗣據報三十一二兩年分收數不惟毫無起色且較前逐漸減少是該省統稅改章
弊端仍未盡去已可概見茲據該撫奏陳各節僅請將應需經費實用實銷至於中飽如何剔
除規費如何裁革以及一切整頓之法全未議及揆之清理財政之義實有未協等語查從前
辦理釐金各局卡向有做小稅吉船辦船排張費等項名目改辦統稅定章聲明悉行禁革倘
仍有前項情弊官則詳請參辦司巡則提省嚴究立置重典又從前各局卡報解釐金款目繁
多如一成捕費二釐清節堂經費二釐醫藥局經費名爲另收實則仍從正釐撥出改辦統稅
定章聲明均由總局彙撥動放各局卡收數概作正稅報解毋庸再事劃分各等因均經將章
程咨部有案檢查前戶部核覆廣西省光緒三十年征收統稅原案並未駁查此原奏所叙核
與前案未符者也至原定統稅章程聲明從前派提羨餘一項係提局員中飽而中飽非權稅

者應有之事不當昌言以取改章以後一律免提由總局另行籌解嗣准部臣迭次駁查均經逐次奏咨聲復業已了結有案可稽此又羨餘一項與此次開報坐支之案並無關涉者也至從前辦理釐金每年收數極多不過七十餘萬兩光緒三十年改辦統稅即收貨稅鹽稅加價銀一百萬兩有奇三十一年收銀一百零三萬餘兩三十二年收銀九十四萬四千餘兩三十三年收銀一百五十五萬餘兩三十四年收銀一百七十八萬餘兩宣統元年收銀一百九十一萬餘兩綜計改辦統稅於今六年前三年所收比較釐金有長收三十萬及二十餘萬不等而後三年所收比較釐金皆長收八十萬一百萬一百二十餘萬不等而後三年繼長增高之速尤爲各省所無此又原奏所稱毫無起色逐漸減少似與事實未符者也至統稅坐支之立案與統稅興利除弊之方法似可分案辦理查宣統元年二月內准度支部咨具奏各省舊案擬請截清年分勒限開單報銷摺內聲明歷年未經完結各案將何項漏未立案查明報部等因又度支部奏定清理財政章程第十條內開清理財政局應將各省財政利如何興弊如何除酌擬辦法編訂詳細說明書送部候核又奏定各省清理財政局辦事章程第十條內開清理財政局議決該省財政一切應興應革事宜第十六條內開清理財政局應調查該省各項征收慣例擬訂鹽課釐金及其他雜稅等項改良征收章程送部核定奏請頒布施行前項征收章程得由清理財政局分年辦理各等因從前統稅報銷因牽於成例坐支一項未能實報現正清理財政正掃除一切障礙之時自應實用實銷而欲實用實銷非先行立案不可故此大請將統稅坐支立案專爲據實報銷起見亦即係遵照度支部前奏各省舊案何項漏未立案查明報部之條至若利如何興弊如何除按照清理財政章程應由清理財政局分年調查擬

定改良章程送部核定奏請頒布施行是此二事一應由主管之局辦理一應由清理財政局辦理本自判然各別且興利除弊乃屬於收款之加增而此項坐支爲各卡辦公必不可少之款無論收款如何增加支款亦斷難尅減蓋收款雖增多支款仍須照付此又立案之與整頓並無密切之關係者也原奏又稱清冊內開統稅總局薪工等項由長平及一釐公費項下開支核與原奏所稱係從正釐劃出一節亦有未符等語查局卡征收之款祇有正稅一項一切提扣款目莫不從正稅而出一釐公費即係每收正稅銀一百兩提扣公費銀一兩長平一項係各局卡所收市平大於省平之數此所多之平亦即係正稅銀兩此又前奏所稱從正釐劃出並無不符者也據布政司詳請具奏前來臣覆核無異合無仰懇天恩俯賜飭部仍照前奏准予立案以便據實報銷實於清理財政大有裨益除咨部查照外理合恭摺具陳伏乞皇上聖鑒訓示謹奏宣統二年九月初三日奉 硃批度支部議奏欽此

摺奏類二

度支部奏議覆蘇撫奏道員朱景邁捐助賑銀請獎摺

奏爲遵

旨議奏事江蘇巡撫程德全奏職員朱景邁捐助賑款請移給獎叙一摺宣統二年七月二十五

日奉

硃批該部議奏欽此欽遵由內閣鈔出到部查原奏內稱據丁憂直隸試用道朱景邁呈稱浙江平

湖縣人故父前江南淮揚海道朱之榛生平慷慨好施遇有水旱偏災罔不力籌賑濟臨終遺命尙以救災恤隣爲言今聞江南水潦爲災貧民待賑孔殷謹承先志捐助規銀一萬兩呈請分撥災區散放以資拯濟並聲明不敢仰邀獎叙等情即經臣飭發蘇藩司分撥甯蘇兩屬災區覈實散放在案茲據蘇州布政使陸鍾琦詳稱該員遵承遺命慨捐鉅資洵屬善繼先志雖據聲稱不敢邀獎究未便沒其好義之忱擬請移獎朱景邁之姪同知馮銜附貢生朱啟運以知府雙月選用詳請奏獎前來臣查前輸榆縣在籍紳士安徽候補道許鼎

霖捐助江北淮徐海賑銀一萬兩經前兩江總督臣端方前撫臣陳啟泰奏請移獎其子附生許廷琛以鄂中分部學習光緒三十四年七月初四日奉

大椿捐助鄂省災賑銀一萬兩經前湖廣總督臣陳夔龍奏請以道員歸部選用宣統元年四月初三日奉

硃批著照所請該部知道欽此欽遵各在案今該員朱景邁捐輸賑銀一萬兩洵屬裨益災區殊非淺鮮其銀數有盈無絀與歷屆成案亦屬相符仰懇

天恩俯准將朱景邁之姪同知職銜附貢生朱運啓以知府雙月選用俾昭激勸等語臣等伏查自臣部奏明停止實官捐輸以後各省官紳報効賑款或報効學堂經費銀兩雖經各該省奏請獎給實官有案均係欽奉

特旨允准其奉 旨交議之件概由臣部查照奏定賑捐及報効學堂各章程飭令請獎銜封等項不准請獎實官歷經辦理在案又宣統元年九月二十八日臣部議覆前直隸總督端方等電奏整頓捐務籌擬覈實報銷摺內陳明擬將銜封貢監等項以二成實銀上

兌道員捐二品頂戴及貢監捐鹽運使職銜以三成實銀上兌大清銀行現在各省已設分行自可就近兌收並附陳三品以上報捐花翎者照原章酌收一半四品以下酌收銀四百兩藍翎半之等因奏准通行遵照亦

在案茲據江蘇巡撫程德全奏稱丁憂直隸試用道朱景邁仰承先志捐助賑銀一萬兩移給伊姪同知職銜附貢生朱運啓以知府雙月選用等因臣等查此次該撫原奏所援許鼎霖等捐賑移獎實官各案均係欽奉

特旨允准今朱景邁捐助賑銀既經奉 旨交議自應查照定章辦理所請移獎實官之處礙難議准相應請 旨飭下該撫轉飭遵照新章查明朱景邁捐助賑銀一萬兩是否屬實出具切結並由大清分銀

行加蓋收訖戳記咨送臣部再按新定賑捐章程請獎銜封等項並准移獎子弟俟查明聲覆到日再由臣部覈辦所有違議緣由謹恭摺具陳伏乞 皇上聖鑒謹 奏宣統二年八月二十七日奉 旨依議欽此

直隸總督陳夔龍奏大理院小京官李棟充巡警學堂教習請免扣資俸片

再直隸高等巡警學堂教習法政科舉人李棟於本年六月考取七品小京官簽分大理院行走例應赴京供職惟該員在堂供差深資得力一時未便遽易生手查奏定章程凡京官在外辦理學務者准其奏請免扣資

俸優懇 天恩准將該員留堂充當教習並免扣資俸實於警政大有裨益謹附片具陳伏乞 聖鑒訓示謹 奏宣統二年八月二十七日奉 硃批著照所請該部知道欽此

安徽巡撫朱家寶奏購買印刷局機器報銷并應需活本由官錢局息假陸續歸還片

再印刷一項雖屬營業性質而於文書契券等件往往動關法制近來憲政進行文字表冊日益繁多非程式整齊則違循無自非版權專一則詐偽難除前經署布政使沈曾植於護理撫篆時札飭候補知府李宗言前安徽候補知縣張其藩分赴江南江西各省官紙局實地調查以憑參酌仿辦旋據該守等先後回皖擬具章程呈由藩司斟酌釐定就司署內西廂舊有房屋略為修改設立安徽官紙印刷局一所即由藩司經理札委候補知府李宗言為提調籌畫一切並派員赴滬購買機器物料以資應用於光緒三十四年十一月間先行開辦其應需購買機器物料及一切開辦經費共計庫平銀一萬三千六百餘兩由司籌款撥給仍由該局餘利項下歸還並以庫儲支絀該局應需資本復飭由官錢局隨時息假以資周轉所印紙品定為官用民用商用三種除商用品應准該商酌定格式隨時議價其官用民用各品均由局定式定價以歸一律自上年六月實行以來時間一載該提調等實力經營核其所售價值已達二萬兩以上除去開支尚屬有盈無絀並於該廠附設造紙廠於上年十一月間開辦所有原料楮樹購於省城附近潛山等縣飭委游學日本商科學生畢取調為廠內管理該生於日本造紙方法頗有經驗所造之紙即以該局印刷之用由司籌撥購買機器樹皮及修造廠屋等項共用銀三千六百餘兩應需活本飭由官錢局隨時息假陸續歸還據前署布政使沈曾植詳請具 奏前來臣覆核無異除將辦事章程咨送農工商部暨分咨度支部查照外理合附片陳明伏乞 聖鑒謹 奏宣統二年八月二十八日奉 硃批該部知道欽此

●又奏委劉汝驥等署安慶府各缺片 再安慶府知府陳成現經委署皖北道所遺員缺係省會首都政務殷繁應即遴員調署以重職守茲查有徽州府知府劉汝驥樸誠穩練為守譽優堪以調署遞遺徽州府知府一缺查有試用知府許月齒才具開展蒞事安詳堪以署理據藩學臬三司會同巡警道具詳請 奏前來除

咨部查照外護會同兩江總督臣張人駿附片具陳伏乞 聖鑒 奏宣統二年八月二十九日奉 硃批知道了欽此

●又奏委陳延昌署泗州直牧片 再署泗州直隸州知州熊祖詒調省另有差委所遺員缺應即委員往署查有候補直隸州知州陳延昌才具開展蒞事精詳堪以酌委署理據藩學臬三司會同巡警道詳請具 奏前來除檄飭遵照外護會同兩江總督臣張人駿附片具 奏伏乞 聖鑒 奏宣統二年八月二十九日奉 硃批知道了欽此

護理科布多辦事大臣忠瑞奏接護辦事大臣篆務日期謝 恩摺

奏為恭報 微臣接護辦事大臣篆務日期叩謝 天恩仰祈 聖鑒事竊臣於六月二十七日承准調署

伊犁副都統兼塔爾巴哈台叅贊大臣錫恒咨稱本大臣於六月初五日欽奉電 旨調署塔爾巴哈台叅

贊大臣科布多辦事大臣著擬保妥員請 旨護理等因欽此當於六月初七日電奏遵 旨擬保該員

護理在案查塔城事務緊要亟應力疾前往以昭慎重所有科布多辦事大臣印務相應先行移交接護等因

承准此並派委營務處章京恒貴將光字一千九百三十二號科布多辦事大臣關防一顆暨文案卷宗先行

恭資前來臣謹於是日祇領曾經錫恒電請軍機處代奏各在案茲於七月十七日承准軍機處六月二十三

日電開奉 旨錫恒電奏悉科布多辦事大臣著忠瑞暫行護理等因欽此當即欽遵恭設香案望 闕叩

頭任事伏念臣蒙古世僕資淺才庸同治五年由神機營奉調出兵隨同前大臣英廉錫綸等帶隊剿賊以及

承辦勸界營務糧餉交涉收還巴爾魯克山各差得保護軍恭領借補塔城滿營右翼協領嗣因辦理兩屆中

俄司牙孜積案完竣經前大臣春滿附奏懇 恩破格錄用奉 旨留中旋於光緒三十年十月十

五日拜暫護塔爾巴哈台叅贊大臣之 命卅載邊防愧乏涓埃之報一權叅篆彌切兢惕之懷交仰後

遵即起程北上趨叩 闕廷荷蒙 先朝召見一次備聆 聖訓正在求 賞差使冀効職驅

仰邀 恩允錫恒所請 奏調來阿派委陸軍管帶兼理全標操防事務已覺任重材輕乃復渥叨

恩遇暫稍邊符非分所期益增惶悚阿爾泰爲西北屏藩初創重鎮內集練哈外接強鄰籌撫籌防在在胥關緊要况當此預備立憲百度維新之際舉凡籌蒙興屯練隊守邊設立學堂以開風氣提倡實業以期富強諸要政罔不爲當務之急萬難藉口荒瘠視爲緩圖如臣愚魯曷克勝任惟有殫竭血誠不辭勞怨悉心規畫實力推行斷不敢以暫時護理稍涉因循亦不敢自外 生成性耽安逸以期上答 高厚鴻慈於萬一除一切款項容俟查明接收清楚另行 奏報外所有 微臣接護辦事大臣篆務日期並感激下忱理合恭摺叩謝 天恩伏乞 皇上聖鑒訓示謹 奏宣統二年九月初一日奉 硃批知道了欽此

江西巡撫馮汝駉奏請以王植忠調南昌府同知摺

奏爲揀員調補要缺同知恭摺仰祈 聖鑒事竊照南昌府同知倉爾楨升補袁州府知府接准部咨議准所遺南昌府同知係衝繁難三項要缺應歸在外揀選調補該同知員缺近駐省會商民雜處政務殷繁必得精明幹練之員方足以資治理臣督同藩學法三司在於通省中簡同知內逐加遴選查有九江府同知王植忠年六十一歲江蘇高郵州人由貢生遵籌餉例報捐太常寺博士選授實缺俸滿截取同知光緒四年 京察一等五年呈請分發指省安徽領照到省題補安徽潁州撫民同知在任丁母憂回籍守制服滿起復二十七年任在籍勸辦順直賑捐出力保俟補缺後以知府仍留原省補用赴部呈請以應補同知選用選授江西九江府同知於光緒三十四年十二月十五日到任該員守潔才長辦事穩練以之調補南昌府同知實堪勝任與例亦屬相符據布政使劉春霖提學使王同愈署提法使事巡警道張檢會詳請 奏前來合無仰懇 天恩俯准將九江府同知王植忠調補南昌府同知於地方實有裨益如蒙 俞允該員保現任同知請調同知銜缺相當毋庸送部引 見所遺九江府同知遵章係第二次留補之缺江西現有應補人員應請扣留外補容俟裁缺後另揀員請補再王植忠係初調之員任內並無叅罰案件此案藩司於宣統二年八月初五日出詳合併陳明除咨吏部外謹會同兩江督臣張人駿恭摺具陳伏乞 皇上聖鑒訓示謹 奏宣統二年九月初三日奉 硃批吏部議奏欽此

西曆一千九百十年十月十一號 星期二

本局設立北京東長安牌樓王府井大街

宣統二年九月初九日第壹仟陸拾壹號

電話內城總局第二百零一號

政治官報

目錄

●官門鈔○ 諭旨一道○交 旨二道○事由單●摺奏類○學部奏會考進士館游學日
 本畢業學員摺併單○法部奏各省秋審後尾並覆奏事宜改歸法部承辦摺○農工商部奏吉林
 設立農務總會請給關防摺○甘督奏考試法官監臨入闈日期摺○西陵守護大臣等奏遵章試
 辦種植並籌經費等摺併單○蒙古副都統奏經辦兩翼牧羣并查看情形摺○又奏請以拉什尼
 瑪補右翼總管片○浙撫奏酌定府廳州縣公費并釐定經費摺○又奏請將藩司衙門主計科改
 名審計科片○伊犁將軍奏預算不敷請 飭部照撥額款摺●廣告

政治官報 目錄

九月初九日第一千六十一號

一

●宮門鈔●

九月初八日 度支部 宗人府 正白旗值日 陸中堂謝充稽查欽奉 上諭事

件處 恩 安徽提法使吳品珩請 訓 志公因子以侍衛用謝 恩 在任

補用知府易國勳謝 恩 補用知府劉國祉謝 恩 吉陞請假十日 廷杰等

張翼 趙熙 黃瑞麒各遞封奏一件

召見軍機 澤公 吳品珩 劉國祉 易國勳

●諭旨●

監國攝政王鈐章

九月初八日內閣奉

上諭前因皖北災情甚重當經電飭張人駿朱家寶查明現在情形妥擬辦法詳細電奏茲據電陳皖北匪平後善後方法及現辦賑撫並籌款情形等語皖省地方漸就安靖惟連年災歉仍須嚴密設防所擬分布各營辦法尙屬妥協即著該督等嚴飭各營認真防範毋稍疏懈至所稱各屬災區過廣爲日方長民生困苦已極殊堪憫惻著再賞給帑銀二萬兩由度支部撥給交該督撫分飭印委各員妥實散放以資拯救所請截留京餉十萬兩之處著度支部議奏餘照所請欽此

軍機大臣署名奕劻 假 毓朗那桐徐世昌

●交旨●

九月初八日

監國攝政王鈐章

軍機大臣欽奉

諭旨廷杰等奏查明陸軍部辦理贖廢大概情形並隔省關傳殊多窒礙請交原省就近訊辦

一摺著依議欽此

軍機大臣署名奕劻 假 毓朗那桐徐世昌

監國攝政王鈐章

軍機大臣欽奉

諭旨御史黃瑞麒片奏各省候補人員擁擠請將新章以前分發之府經以下各員有願改歸

本省候補者呈請督撫咨明吏部即由各該督撫給咨逕回本省免繳捐離改指銀兩等語

著會議政務處議奏欽此

軍機大臣署名奕劻 假 毓朗那桐徐世昌

九月初八日內摺傳

旨事由軍

●度支部奏會議山東巡撫奏經征釐金出力人員請獎事奉 旨依議○又奏議覆河南巡撫奏紳士張

錫藩捐助學堂經費請獎事奉 旨依議○又奏議覆吉林巡撫奏同知定樸捐廉興學請獎事奉 旨

依議○又奏會議江蘇巡撫奏蘇松等屬元年起運光緒三十四年分漕項等款正耗銀米奏銷事奉 旨

依議○又奏議覆陝甘總督奏預估三年分甘新協餉事單二件奉 旨知道了○又奏彙核湖南省光緒

九年至三十三年善後收支各款事單一件奉 旨知道了○又奏核覆雲南省籌餉賑捐第四次請獎事

單一件奉 旨依議●法部奏新疆法官考試請 派監臨等官事奉 旨派出聯魁 杜彤 榮濡

○又片奏新疆考試法官應派襄校官即照廣西省請 派二員事奉 旨派出樊耀楠 賈晉○又奏

酌擬監獄專修科畢業員生分別委用辦法事單一件奉 旨依議○又片奏三年分修正預算表片咨送

度支部事奉 旨知道了●內務府奏恭辦 大政殿鋪地龍毯請領部款事單一件奉 旨依議○又

奏查驗因病出 宮女子事奉 旨知道了●大理院奏覆判丁二等命案彙奏事單一件奉 旨依議

○又奏覆判陳二庚等命案彙奏事單一件奉 旨依議○又奏覆判徐氏等命盜各案彙奏事單一件奉

旨依議○又奏覆判楊老命案彙奏事奉 旨依議○又奏覆判張金標等盜案彙奏事單一件奉

旨依議○又奏覆判尹詳結等盜案彙奏事單一件奉 旨依議○又奏覆判林汝瀾等命盜各案彙奏

事單一件奉 旨依議○又會奏宗室覺羅現審月摺奉 旨知道了○又奏旗民現審月摺奉 旨

知道了●值年旗奏八月分並無 特旨交辦事件事奉 旨知道了●崇文門進冬筭奉 旨知道

了

九月初八日外摺欽奉 硃批事由單

●瑞激奏籌備憲政情形摺 該衙門知道○又奏籌還洋款摺 該部知道○又奏荆門牧許鼎鈞續完欠

款應請免議片 該部知道○又奏解內務府經費片 該衙門知道○又奏解演餉片 該部知道○又奏

考核光緒三十四年分廳州縣事實摺 該衙門知道單併發○又奏請將已故大學士單懋謙入祀襄陽縣

鄉賢祠摺 該部議奏●雷震春奏七月分湖北水勢情形摺 知道了○又奏本年春季分財政局編造報

告各冊片 度支部知道○又奏同知張慶堂期滿甄別片 覽○又奏委李端祐代理堰肝同知片 知道

了●高凌爵奏謝授鄂藩 恩請 陸見摺 著來見

摺奏類

學部奏會考進士館游學日本畢業學員摺 併單

奏為遵章會考進士館游學日本畢業學員恭摺會陳仰祈 聖鑒事竊查光緒三十四年

十二月學部具奏進士館游學畢業學員擬隨時補考摺內開嗣後進士館游學畢業學員回

國准其隨時考試由 部酌定試期係庶吉士咨會翰林院係主事 中書等官咨會吏部會同

考試酌定分數等第恭候 欽定等語奉 旨允准迭經欽遵辦理在案茲據該館學員

日本早稻田大學政治經濟完全科畢業之翰林院庶吉士宋育德日本法政大學法律速成科畢業之翰林院庶吉士錢崇威度支部主事章圭琛等三員呈請學部示期考試當由學部咨翰林院吏部定期於本月二十二十一兩日在學部分場考試於專門科學之外加試經史以規根柢試畢由 臣等公同校閱酌給分數均擬取列優等除另由學部分別會同翰林院吏部將該員等帶領引 見請 旨給予獎勵外謹將該員等分數繕具清單恭呈 御覽所有 臣等會考進士館游學畢業學員緣由謹恭摺具陳伏乞 皇上聖鑒再此摺係學部主稿會同翰林院吏部辦理合併陳明謹 奏宣統二年八月二十六日奉 旨知道了欽此

謹將會考進士館游學畢業學員等第分數繕具清單恭呈 御覽 計開 優等三名 章圭琛七十八分七五 錢崇威七十七分五 宋育德七十五分

法部彙奏各省秋審後尾並覆奏事宜改歸法部承辦摺

奏爲照章彙奏各省秋審後尾報部後概由 臣部核議並陳明覆奏各事宜改歸 臣部承辦以昭畫一恭摺仰祈 聖鑒事宣統二年三月十六日憲政編查館奏核覆修訂法律大臣奏變通秋審覆核舊制原摺內開外省秋審會審京師 朝審覆核及會同九卿審錄之制均即停止並聲明京外高等地方審判各廳所定死罪案件應查照館奏死罪施行詳細辦法係監候人犯在京由法部彙案辦理在外由提法司照例分別實緩彙案申報法部核辦其未設審判廳之處若概將秋審人犯解司審勘不無煩累且舊例距省窵遠之府廳州縣秋審人犯本

皆免其解省現擬推廣以期逕捷所有未設審判廳地方秋審人犯皆由提法司就原案核辦秋審後尾申報法部彙奏毋庸解司審勘等因業奉 諭旨允准欽遵通行在案嗣復據該

館咨稱秋審解勘之例既經奏准停止自應以本年為始一體遵行當由 臣部通電各省並令將本屆秋審後尾照章由該司等核辦申報去後除雲南甘肅業已具奏在先並貴州廣東湖

南江西等省先將舊事人犯具奏暨熱河向無提法專官仍由該都統核奏均奉 旨交 臣部議奏外茲據貴州廣東廣西四川福建奉天吉林黑龍江陝西湖北湖南浙江江西安徽江

蘇河南山東山西直隸等省提法使先後將各該省秋審後尾核辦成冊遵限申報到部 臣等隨督同承政廳會辦各員即就原勘實緩按照修訂秋審條款逐加詳核不敢稍有出入查上

年恭逢 恩詔尙有舊事情實停勾人犯一百六十餘起均於此次歸併辦理舉凡刊刷招冊進呈 黃冊各事宜實較往年繁重現正飭催趕辦擬於本月二十日以後分別具題俾免

延誤至進 題本後例由給事中衙門覆奏一次第現行刑律業將此條改爲於 勾到期前五日請 旨定奪其是否仍由給事中衙門覆奏 臣等未敢臆斷復經片查法律大臣核

覆旋據咨稱會審既停各道御史上班之例業已奏奉刪除故均只送冊存查其覆奏事宜揆諸定例新章俱應法部承辦庶符司法獨立之制等因 臣等自應遵照此外京師並各省

勾到人犯本章向例由京畿道御史及各道御史承辦者並經法律大臣會同憲政編查館於修正現行律單內奏請刪除是此項 勾到本章亦應由 臣部一律辦理先期送交內閣進

呈並派員於

勾到日起閣恭領其內閣應辦事宜及京師秋審人犯應派給事中一人

命下即由 臣等咨行都察院等衙門遵照所有

暨視行刑俱仍照舊遵行以昭慎重恭候

照章彙奏各省秋審後尾申部核辦並覆奏各事宜改歸臣部承辦各緣由理合恭摺具陳伏乞 皇上聖鑒謹 奏宣統二年九月初一日奉 旨依議欽此

農工商部奏吉林設立農務總會請給關防摺

奏為吉林省城遵章設立農務總會請予立案並發給關防恭摺仰祈 聖鑒事竊臣部於

光緒三十三年九月間具奏酌擬農會簡明章程一摺奉 旨依議欽此通行欽遵在案

現准東三省總督錫良吉林巡撫陳昭常咨據吉林勸業道詳請設立吉林省城農務總會由

本城紳董議訂規則二十八條公舉分省試用道慶山為總理江蘇候補知府楊夢齡為協理

候選知府福咸等三十員應按得數多寡舉為會董照章繕具總協理會董各員履歷清冊暨

辦事規則據情咨請援案發給關防等因到部臣等伏查吉林省地居寒帶界連蒙藩所產物

品向以大豆高粱玉蜀黍人參蒞青林木為大宗徒以鄉民未明新理墨守成規致已有之地

利日漸消乏亟應設立農務總會利導整齊藉資提倡該省現照部章請設農務總會自係為

振興農業力圖本計起見詳核所擬規則大致尙屬周妥所舉總協理慶山楊夢齡二員核與

臣部定章相符應請准予立案由臣部札派以資經理並照章刊給關防一顆文曰吉林省農務

總會關防仍責成該總協理等切實整頓以期仰副 朝廷重視農政之至意所有吉林省城

遵章設立農務總會請予立案並發給關防緣由謹恭摺具陳伏乞 皇上聖鑒謹 奏宣

統二年九月初二日奉 旨依議欽此

陝甘總督長庚奏考試法官監臨入闈日期摺

奏為甘肅考試法官微臣奉 旨監臨謹將入闈日期恭摺報明仰祈 聖鑒事竊本年

舉行法官考試前經法部奏定暫行章程細則內載京外考試設監臨官一員外省以辦考省分之督撫任之等因嗣復准法部電詢開場日期當因考官尚在途次馳電遙商據覆擬於八月初八日開考業經轉飭預備在案七月二十七日接奉部電甘肅監臨 硃筆圈出長庚欽此查定章監臨官應在外場住宿以便稽查出入嚴杜弊端茲 臣定於八月初六日照向來鄉試舊例隨帶印信入闈監臨以昭鄭重除分咨外所有入闈日期理合恭摺具陳伏乞皇上聖鑒謹 奏宣統二年九月初五日奉 硃批知道了欽此

西陵守護大臣奎瑛等奏遵章試辦種植並擬籌經費等摺 併單

奏為遵照變通守護章程試辦種植桑植果所需經費擬由大清銀行息借銀兩指定存款作為抵押恭摺具奏仰祈 聖鑒事竊查光緒三十一年六月承准政務處咨開議覆 盛京將

軍趙爾巽等奏變通守護 東西陵章程並鈔錄趙爾巽等原奏第七條籌生計章程內

第三節無碍之空山空地准其種桑植果務令分定地段管守等因經前守護大臣 載潤並

日溥審希廉恭摺覆奏以紅椿以內廣袤百有餘里無碍 風水後龍並無松柏樹株

六陵地面目望不及之處即為空山空地况種桑植果亦係栽種樹株與開墾地畝耕種禾稼

者大相懸殊今種桑植果開濬利源以便廣籌生計奏明議准自應遵照辦理前因款鉅難籌

未及舉行茲據順直常駐議員 西陵內務府尙茶副文生景芳稟稱旗人煦育 慶

朝歷年三百飢食寒衣無非 帝力孰不欲鼓腹含飴永遂 生成之樂然當此豫備立

憲時代 君相方籌備不遑而旗人仍蹈故安常何以造滿漢化除之極軌言念及此凡屬

旗籍自應力起直追共謀存立况 陵寢額設員役 祀典攸關即至實行宣布憲法而

皇統萬世一系典禮必永優崇 宮廟趨踰皆臣僕仰報 高厚之地視各屬駐防

可酌量裁汰者亦自有別惟人口增加缺差如故不無人滿之憂必須未雨綢繆庶不致臨渴掘井仰懇恭照變通守護章程試辦種桑植果至應用經費擬將八旗內務府倉存款項作爲抵押向大清銀行借銀二萬兩開設銀行專作押款借款以所入子金除逐年歸還大清銀行本利外以餘利撥充種植經費查內務府倉存米折原屬自捐固可指抵至八旗存款九千六百兩無論爲另行 賞撥之款卽與禮工二部尙有轆轤前曾向八旗員役一再籌商僉謂倘有賠累情願於俸餉均扣彌補倉儲仍與禮工二部無所損失况此項銀行必有把握始准貸給決不至因本金虧損追提押款兼之漕折倘永存於易倉仍可照章墊放推諸各方面毫無妨害之處生計裕如實業發達應於憲政前途不無裨益至借款行息各節悉遵部章辦理等情開具所擬銀行種植各章程一併呈遞前來 臣等查議員景芳所請由度支部大清銀行借銀二萬兩以內外旗倉存銀款作爲抵押一節案查 西陵官員兵役應支粟米前由東漕按年撥運每於冬初新漕方能輓運到倉自春徂秋爲日較長糴食維艱實形苦累光緒五年經前任總管內務府大臣紹祺奏借內務府官役一年俸餉修理內務府養病公所房間以修工節省餘銀購買粟米六千五百石飭交易州不待新漕先行按期送放新漕到後照數還倉並經咨明直隸總督立案光緒八年前任守護大臣載燦等亦以八旗兵丁禮工部差役應支粟米未能按時送放請借一年餉銀以備買米之用奏經前戶部議准於光緒九年截撥東漕時除照數撥給外再由東漕項下另行截撥四成粟米四千八百石爲接濟八旗兵丁暨禮工二部差役之用於漕米未到之時按季均勻散放嗣因東省漕糧自光緒二十七年起撥

案折徵每石作銀二兩復經前守護大臣載潤等於二十九年以前項倉存米石改折扣回米價二兩平銀二萬二千六百兩飭交易州知州歸入交代案內永遠存儲留備漕折銀兩未經解到以前照章墊放之用奏明立案各在案今議員景芳請辦種桑植果擬由大清銀行借銀二萬兩以此項存款作為抵押既與因事動支本款者不同歸還本利悉出於創設之銀行仍與墊放無碍事關籌備旗人生計等未敢墮於上聞謹將該員呈到所擬銀行種植各章程分繕清單恭呈 御覽如蒙 俞允恭候 命下欽遵轉飭辦理謹恭摺具奏伏乞 皇上聖鑒訓示再 臣溥霽現在遵赴資政院未經列銜合併陳明謹 奏宣統二年九月初五日奉 硃批度支部議奏單二件併發欽此

謹將所擬銀行簡章敬繕清單恭呈 御覽 計開 第一章 總綱 第一條 開辦銀行酌定通中之利息以抒積困而興實業為宗旨 第二章 名義 第二條 桑果之事固興利之首端其他一切利益遂漸推廣以興利之故即名為興利銀行 第三條 於銀行普通之原則外仍寓勸業儲蓄性質雖覺複雜於本地之情勢尚屬適宜 第三章 資本 第四條 以倉存抵押借入之款為資本金惟未償還以前仍當視為借入之款 第五條 所有內外旗各錢主貸出之項有不欲收還者仍准由本行經理而酌提息銀 第六條 零款皆得存儲公款之浮存而不能生利者亦可附入 第四章 經理 第七條 派內外衙門官紳之有資望者總理其事 第八條 內外衙門經理錢糧之官役皆有應盡之義務 第九條 銀行內執事由總理委任人事務期相稱多少適中 第五章 營業 第十條 對待存借各人必周到和平不外交易上規則 第十一條 除存借款項外兼辦平糶等項雖未價賤漲而兵食不艱 第六章 息金 第十二條 所得利息除按期歸還大清銀行外以八成作為種植之經費二成為散執事之酬勞金 第十三條 二成之勞金概填給股票而支其息不得輕支股本 第七章 權限 第十四條 所入子息悉歸於

母金有此項本金始得享受此權利據實劃清以重權限 第八章 獎勵 第十五條 本行總執事除飯食外概不開支薪水實有異常勞績者酌給花紅 第九章 罰則 第十六條 執事等凡受花紅者亦有應罰之處分即不受花紅者有應罰之確據亦一律處罰 第十七條 按犯之輕重分停花紅扣股金追繳已得之股金如有侵蝕較鉅等弊則扣其本身或他項之錢糧以相抵補 第十章 附則 第十八條 以上所擬各條有應附以細則者仍當擬定 第十九條 條則內未盡事宜抑或有空碍可隨時修正增補 宣統二年九月初五日奉 硃批覽欽此

謹將所擬種植簡章敬繕清單恭呈 御覽 計開 第一章 總則 第一條 遵照原奏試辦種桑植果以期生計裕如利溥而地不分爲總則 第二條 此項種植原屬旗人自籌之款至於購股勞力統以旗人爲限 第二章 經理 第三條 派資望素著之官紳若干員總理其事 第四條 凡內外旗官員兵役得享受此項之利益者皆有應盡之義務 第三章 設局 第五條 設總局一處分局酌設以便商辦公事存儲器具之所 第六條 俟著有成效再行設立製造行銷各局 第七條 前項局所除總局另設外其分局務從簡略以節經費便於事實爲斷 第四章 經始 第八條 凡無碍之空山空地按自然之形勢分若干區 第九條 界綫務須劃清仍遵原奏於 六陵地面目望不及之處方准種植以期整肅 第十條 地質之高下燥溼逐區勘驗以免木性與地質相忤 第十一條 地勢之面積廣狹以及區內應行著明之事項悉繪圖貼說 第十二條 凡區內段落及某人經理悉用木石標識以期比較而便稽查 第五章 設備 第十三條 各區內原有河渠泉井務須疏引惟不得另行掘挖 第十四條 距營房較遠之處支搭棚舖以避風雨 第六章 股本 第十五條 以銀行餘利撥入作爲的款其次招股以十元爲一股另訂章程辦理 第十六條 除銀股外酌收人股凡可勞力者核其工資至十元者則填給股票一張 第十七條 凡應用之器具樹秧等類價滿十元者亦填給股票惟人物各股不無出入須核清找足至此項認股者以第二條爲準 第七章 工期 第十八條 每年分三工期一裁接期二澆灌期三保

護期此三期所有執事人工悉數招集 第八章 力作 第十九條 按縱橫行數距離疏密獲利先後木質之耐久與易老斟酌栽種 第二十條 接挿分兩類同類之接如杜之接梨柰子之接各果土杏之接杏酸棗之接大棗其次則異類之接如杜之接杏桃之接李以期新式果品之發生 第二十一條 山風之搖撼霜雪之凍損害蟲之侵蝕必須隨在保護 第九章 禁令 第二十二條 偷砍 陵寢樹株律有明條惟施諸盜毀此項樹株之人亦應有別擬請照新律醫章申明禁令以期易行 第十章 種類 第二十三條 概分二類曰果實植物凡結果者屬之曰蔓生植物如葛與葡萄之類屬之 第二十四條 蠶分爲兩類家蠶以桑飼山蠶以橡柘飼 第十一章 成績 第二十五條 果之結實有二三年即可收效者屆時或現銷或製造必以便利爲本 第二十六條 蠶之利可獲於當年購繭繅絲紡織等事再行另訂專條 第十二章 款項 第二十七條 出入款項悉統於銀行除股本紅利酬金擴充本業興辦他項事業外餘款若干應如何分配統由官紳公核呈請施行 第十三章 附則 第二十八條 本章程悉舉大要其各條有應行擬訂規則仍當具擬 第二十九條 本章程未盡事宜抑或有窒礙之處可隨時增改 宣統二年九月初五日奉 硃批覽欽此

蒙古副都統崑源奏經辦兩翼牧羣并本屆均齊查看情形摺

奏爲經辦兩翼牧羣並本屆均齊查看一切情形恭摺具陳仰祈 聖鑒事竊照兩翼牧羣

經臣於上年五月間奏陳積弊情形酌擬辦法並條列事宜開具清摺咨呈陸軍部核議奏准照辦嗣經度支部以庫款支絀迭次奏請減撥開辦暨常年經費銀各六萬兩復經臣將暫就度支部撥給款項酌擬撙節辦法開單咨呈陸軍部核覆奏准咨行查照辦理各在案計自開辦以來經臣督飭場員認真整頓該經牧官兵等尙能力戒因循共圖振奮坳牧扈養頓改舊觀本屆均齊逐羣點驗兩翼現存騾驢馱馬共一萬一千五百四十四匹內計上年暨本年孳生

馬駒共三千二百七十二匹除倒斃一千六百九十五匹不計外比較上年實增多馬駒一千五百七十七匹以兩翼騾羣騾馬七千匹計算孳息約在二成以外除 禁衛軍暨陸軍各學堂節次調用馬六百餘匹比較上年尙增多馬九百餘匹查驗各馬臚分可觀者十居六七良由場丁勤務象飲適宜畜牧生機因而漸暢但年久弊深各羣中口老無用馬匹計將幾千此項老馬既無蕃息之望徒滋瘦斃之虞茲令揀擇售換新駒數年之後蕃息之數必不止此現經商承陸軍部察核妥籌辦法以期孳息漸繁又查各羣中青白雜色馬匹實居多數將來渡種屬雜積而愈滋並擬漸行售換取其毛色多合軍用此查驗兩翼牧羣馬匹之實在情形也上年陸軍部發場英種殖馬一匹比經在於左翼各羣挑選精壯騾馬如法配孳又發伊犁覘騾馬二百匹亦經發交左翼加意扈養所有英馬渡種之騾馬已另編隸左翼正藍旗第七羣伊犁馬二百匹則另自爲一羣 臣復於上年六月間派員在北境邊界採購俄種黑騾馬三匹黃棗騾馬一匹發交左右翼選騾渡種即將該騾馬編隸右翼正黃旗第六羣場俾毋雜英俄及伊犁殖馬配渡象養一切均另專派委員照料現查驗英種息駒九匹伊犁息駒五十七匹俄種息駒三十二匹該息駒骨格軀幹並皆高大壯實已覺成效可觀水土氣候均甚合宜俄馬產自寒帶尤爲相習惟查度支部撥發常年經費已形支絀所有俄馬購價飼養之需當時既未籌及現實無可挹注 臣爲改良馬種起見應商承陸軍部酌核辦理此馬種改良孳息之實在情形也 臣上年因馬少羣多酌量歸併羣數並規復牧長牧副牧丁各名額汰弱留強不准仍蹈空額濫竿之弊隨時察看該長丁等尙能實力從事一改從前錮習進步漸臻本屆均齊經 臣將孳多臚壯各羣牧長分別等次賞給銀牌衣料孳少臚劣之羣擇尤記過摘

頂以昭賞罰而示勸懲猶有疲弱不振者尙欲再加淘換惟查兩翼蒙丁缺乏經上年選補之後今已無可再選擬查照舊例咨取察哈爾八旗壯丁來翼充補以期一律精壯至編練馬巡隊二百名經派員按照馬隊操法認真教練咨撥槍械製備衣裝軍容一律整齊操法亦有可觀蒙人馬術素嫻是以取效較易以資警衛大有裨益此查驗兩翼兵丁之實在情形也伏查馬匹爲陸軍活動武器改良馬政又籌備憲政之一端當此列強競爭東西各國種馬場所罔不極意經營熱心邁進奮武威而張國力兩翼牧羣當 朝廷銳意整頓之際 職司監牧雖以經費窘絀未能展布從容然於一切應辦事宜自應審量財力次第整理翼收尺寸之效以待擴充現在陸軍部奏設軍馬分監擬就兩翼牧場爲北方分監基礎一俟定期開辦再當遵照辦理除將現時應辦事宜咨商陸軍部並本屆均齊各表册咨報查考外所有經辦兩翼牧羣並本屆均齊查看情形緣由謹恭摺具陳伏乞 皇上聖鑒訓示謹 奏宣統二年九月初五日奉 硃批陸軍部知道片併發欽此

●又奏請以拉什尼瑪補右翼總管片 再兩翼牧羣現當整頓之時全賴辦理得人總管爲一翼領袖非有明幹之員難資整飭查右翼總管瑚圖凌阿病故遺缺前於光緒三十四年經兼管統轄總管關防察哈爾都統請以奉 旨記名總管右翼驢馬羣翼長烏雲畢里克陞補咨部帶領引 見嗣准陸軍部咨該員烏雲畢里克果能稱職與否察哈爾都統並未出具切實考語無從懸斷咨行就近察看或卽以之擬補或另行變通辦理等因 臣到任後查看該員烏雲畢里克材欠開展人尙樸實難勝總管之任因飭烏雲畢里克仍回右翼驢馬羣翼長本任所遺右翼總管一缺查有左翼驢馬羣翼長拉什尼瑪堪以先行試署電商陸軍

部覆准查照在案現查試署右翼總管左翼驟馬羣翼長拉什尼瑪署任一年有餘辦理各事尙屬妥協擬即請補右翼總管以重收政而專責成除飭取該員履歷咨部帶領引見恭候 欽定外謹附片具陳伏乞 聖鑒訓示謹 奏宣統二年九月初五日奉 硃批 覽欽此

浙江巡撫增韞奏酌定府廳州縣公費并擬釐定經費辦法摺

奏爲遵章酌定府廳州縣公費并擬釐定經費辦法以飭官方而資治理恭摺仰祈 聖鑒事竊查度支部奏定清理財政章程第二十七條內開官俸章程未經奏定之先文武大小各署應由清理財政局調查各處情形一而稟承督撫及度支部酌定公費一而提出各項規費除津貼各署公費外概歸入正項收款等因經 臣於本年五月間將浙省各司道公費分別擬定奏明立案並陳明各府廳州縣公費俟查明擬定再行具奏奉 旨該部知道欽此旋即督飭清理財政局調查府廳州縣歲入歲出情形斟酌釐訂俾辦公不至竭蹶而帑項無稍虛糜惟查奏定原章因官俸未經議定暫從提出規費項下酌給公費以資津貼是所謂公費者係指在官之常精而言其他因公費用應准其核實開支此次經財政局迭次籌商擬定草案大致分爲二類一曰本官公費一曰行政經費謹將所擬辦法爲我 皇上縷晰陳之浙省於同治初年經前撫 臣左宗棠奏定減浮章程就各廳州縣平餘項下提解知府辦公經費暨留給本官家用其餘以資幕薪伙食監班口糧以及緝捕徵糧等各項經費本按公用之多寡以定銀價之等差近年銀貴錢賤虧累滋多各牧令往往畏難退避吏治因之不振此 臣所日夜徬徨亟圖補救者現在擬給公費及應支經費均須出諸盈餘規費之中其間挹彼注茲權

衡非易必先嚴提中飽俾有確定之來源明示範圍並無浮濫之支出據各州縣現送報冊款目紛繁例案冗雜雖經財政局一再爬羅剔抉尙恐收入者不盡可恃支出者容有參差但目前不先假定公費則各州縣出入款項公私不分財政愈難清理臣與監理官暨各司道通盤籌畫擬先比照直隸廣西等省奏定銀數參互核訂計浙省十一府杭州府缺事最繁擬給公費銀七千兩嘉湖甯紹等府次之擬各給公費銀六千五百兩台溫兩府又次之擬各給公費銀五千五百兩金衢嚴處缺事較簡擬各給公費銀五千兩其各廳州縣七十八缺分爲三等六級一級者十三缺各給公費銀四千兩一等二級者八缺各給公費銀三千六百兩二等一級者十七缺各給公費銀三千四百兩二等二級者十五缺各給公費銀三千二百兩三等一級者九缺各給公費銀三千兩三等二級者十六缺各給公費銀二千八百兩綜計全省府廳州縣常年共給公費銀三十二萬二千四百兩遇閏應加銀二萬六千餘兩比之直隸畿輔要區稍從節省與廣西無甚懸殊非不知祿以養廉未便過於吝嗇惟因財政困難公帑既無可籌支應提之規費盈餘又猝難得其實在不能不酌中假定姑以此爲標準此外應支行政經費雖已賅括規定列入豫算尙須詳細覆查於歲入項下分別普通與特別之款或此有所贏或彼有所絀和盤託出不稍隱混於歲出項下分別經常與臨時之用何者准予開支何者應行裁節實事求是不能逾準繩然後酌盈劑虛量入爲出將經費悉行釐定卽與公費同時實行庶制用有常而官箴自肅鈎稽得當而財政不焚據布政使顏鍾驥會同清理財政局具詳請 奏前來除咨部查核外所有浙省遵章酌定府廳州縣公費並擬釐定經費辦法緣由謹恭摺具 奏伏乞 皇上聖鑒訓示謹 奏宣統二年九月初五日奉 硃批該部

知道欽此

●又奏請將藩司衙門主計科改名審計科片 再浙省各司道衙門試辦分科治事業經臣專摺具 奏欽奉 硃批恭錄咨行欽遵辦理查藩司衙門原擬分設總務田賦釐稅俸餉

銷算主計六科惟查官制通則州縣佐治有主計員之稱名義較狹續經會議將主計科改爲審計科批飭先行試辦各在案據布政使吳引孫詳請 奏明更正以符名實其職務權限仍

照原定章程辦理等情前來 臣覆查無異理合附片陳明伏乞 聖鑒謹 奏宣統二年九月初六日奉 硃批該衙門知道欽此

伊犁將軍廣福奏伊犁預算入不敷出請

飭部將歲額等款照數指撥摺

奏爲伊犁試辦宣統三年預算入不敷出懇 恩飭部將歲額應分新餉並添練陸軍加撥

邊防經費援案照數指撥以濟要需而維邊局恭摺仰祈 聖鑒事竊查伊犁滿蒙標練各

營官兵俸餉及一切雜支各款經前將軍色楞額奏定歲額銀四十萬兩照章按年奏請估撥

光緒二十九年將軍馬亮因部議節餉於無可設法之中議定照額減爲八成五開支每年

請撥銀三十四萬兩仍由甘肅藩庫統收分撥具領供支光緒三十三年調任將軍長庚因添

練陸軍籌備邊防萬不能不加籌經費奏經度支部議准將新餉應扣四分減平暨應提關外

封存兩款撥用作爲邊防經費均蒙 聖恩飭部指撥在案茲屆預估宣統三年新餉之

期據糧餉處呈請仍照上案估撥前來 臣維伊犁歲額應分新餉本爲各營計口授食之需自

議請減成又值近年邊地百物昂貴各官兵困苦已難言狀加以承協各省關歷年均有積欠

支放尤形竭蹶至邊防經費所撥四分減平關外封存兩款本不敷添練新軍等項之用且兩

款係由協餉內扣減節省協餉解不足數兩款亦難全靠_臣上年接任後因慮日久難以爲繼是以先後奏請裁減滿營四愛曼兵額改併軍標漢隊裁撤滿營威遠隊議減陸軍官佐薪公以期節省並請提用孳生變價暨皮毛公司股息奏改茶務公司專歸商辦征收稅課釐銀藉資挹注所以開源節流爲邊疆規久遠者實已不遺餘力亦知方今財政困難內外同一支絀_部籌撥之苦與疆_臣協助之艱人所共悉不敢屢以缺餉危詞上瀆 宸聰也無如邊荒既乏生財之道將軍又無理財之權在昔全盛之日歲需餉項卽須仰給於人是以咸同年間東南多事未遑兼顧而邊事遂不可問况今日時機日迫以西北極邊重鎮屏蔽全疆未雨綢繆萬不容緩非有的餉實無以維繫人心振興庶務現在預算宣統三年經常出款共需銀一百二萬三千餘兩軍政之費佔居多數其臨時特別用款如添購槍砲添建營房且照長庚原奏尙須陸續成鎮因需費不資無款可指均未敢一併估報致涉鋪張按經常入款九十萬四千餘兩抵算尙不敷銀十一萬九千餘兩固不敢於額定銀數外率請加增亦不能於應分銀數外再議減少合無仰懇 天恩俯念邊疆要地待餉孔殷 飭部援案將伊犁宣統三年應需新餉仍按減定銀三十四萬兩之數指撥並將邊防經費加撥之四分減平關外封存兩款一併撥用分咨承協各省關仰體 朝廷西顧之憂遠恤邊軍待哺之切不分畛域兼顧統籌務照定章源源接濟勿再遷延蒂欠以顧要需而維邊局其預算不敷之數仍由_臣督飭經手人員於雜支活支各款內力求撙節核實開支自籌彌補以期上副 聖明均節財用之至意除咨度支部外理合恭摺具陳伏乞 皇上聖鑒訓示謹 奏宣統二年九月初六日奉 硃批度支部議奏欽此

西曆一千九百十年十月十二號 星期三

本局設立北京東長安牌樓王府井大街

宣統二年九月初十日第壹仟陸拾貳號

電話內城總局第二百零一號

政治官報

目錄

●宮門鈔 ○諭旨二道 ○事由單 ●摺奏類一 ○度支部奏陳明辦過三年第一屆並現辦第二屆籌備情形摺 ○陸軍部奏遵議科城屯田官兵獎勵變通辦理摺 ○又奏小京官黃傳緒請註銷同副軍校片 ○又奏游學日本畢業生黃承恩等請給出身官階片 ○熱河都統奏奈曼旗鹽務升課按年呈交等片 ○直督奏盧綱各案滯銷原引目請推展五年摺 ○又奏京商銷滯原引目請再展限五年摺 ●摺奏類二 ○民政部奏內外城戒煙局夏季戒淨人數摺 ○度支部奏議覆江督奏調導家福申捐學請獎片 ○陝撫奏華州渭南水災籌賑片 ○又奏長武令李經江等交代無虧請獎片 ○贛撫奏採辦額木摺 ○科布多參贊大臣奏軍營章京各員請獎摺併單 ●廣告

政治官報 目錄

九月初十日第一千六十二號

●宮門鈔●

九月初九日 禮部 學部 正紅旗值日 青州副都統秀昌請 訓 翰林院

遞封奏一件

召見軍機 秀昌

●諭旨●

監國攝政王鈐章

九月初九日內閣奉

上諭孟冬時享

太廟遣善耆恭代行禮

後殿派訥勒赫行禮兩廡派錫明扎克丹各分獻欽此

軍機大臣署名奕劻毓朗那桐徐世昌

監國攝政王鈐章

九月初九日內閣奉

上諭湖北武昌鹽法道員缺著黃祖徽補授欽此

軍機大臣署名奕劻毓朗那桐徐世昌

九月初九日內閣傳 旨事由單

●禮部奏二十七等日各忌辰祭 福陵 泰陵請 遣員行禮事奉 旨派出隆譽 奎瑛

○又奏科布多辦事大臣錫恆病故應否予諡請 旨事奉 旨毋庸予諡餘依議○又奏十月初一日

孟冬祭各

陵應遣居住官致祭奏

聞事奉

旨知道了○又會奏十月初一日

德宗景

皇帝几筵前行孟冬致祭禮事宜事奉

旨依議○又奏十月十六日月食行救護禮事奉

旨知道了

○又奏三個月奏

聞事件事奉

旨知道了●學部奏派充京師女子師範學堂總理事奉

旨依

議○又奏補書記官司務各缺事單一件奉

旨知道了●翰林院奏撰擬原任大學士鹿傳霖碑文並入

祀賢良祠祭文呈

覽事文二道奉

旨知道了

九月初九日外摺欽奉

硃批事由單

●誠勳奏徵收五行斗稅銀兩報銷摺 度支部知道片併發○又奏硃硃科地方等稅局徵不敷用酌量裁

併辦理片 覽○又奏湯河地糧報銷摺 度支部知道○又奏地糧報銷由題改奏摺 度支部知道冊併

發○又奏節年地糧報銷摺 度支部知道冊併發●瑞澂奏省城內外高等小學堂畢業請獎摺 學部議

奏單併發○又奏查明前湖北房縣令滕椿被泰冤抑請免繳捐復銀兩摺 著照所請該衙門知道○又奏

調粵湖北試用道梅光義請仍回原省委用片 該部議奏○又奏解新案賠款片 該部知道○又奏前署

襄陽令徐久緒虧款請暫行革職摺 著照所請該部知道○又奏匯解西十月分新案賠款摺 該部知道

●寶棻奏審辦立決盜案彙奏摺 大理院覆判具奏單併發○又奏七月分兩糧情形摺 知道了○又奏

元年下半年各屬已未完結交代起數摺 該部知道單併發○又奏三年預算續經增減表冊編竣摺 度

支部知道○又奏河北鎮謝寶勝請暫緩入 覲片 著照所請○又奏委孔祥霖等署藩司各缺片 知

道了○又奏候補直牧陳揚等期滿甄別片 覽●錫良陳昭常奏安東關百九十三結至九十七結洋稅收

支各數摺 該部知道單併發●孔祥霖奏接署藩篆日期謝 恩摺 知道了●胡鼎彝奏接署學篆日

期謝 恩摺 知道了●張記廷奏仰署鎮篆日期摺 知道了●莫善積奏接署鎮篆日期摺 知道了

摺奏類一

度支部奏陳明辦過第三年第一屆並現辦第二屆籌備情形摺

奏爲陳明辦過第三年第一屆籌備事宜並現在籌辦情形恭摺仰祈 聖鑒事竊籌備憲政照章每屆六個月奏報一次 臣部遵照辦理已將第一年第二年各籌備事宜於上年閏二月八月及本年二月間次第奏明在案查 臣部第三年籌備事宜係試辦預算覆查各省歲出入總數應會同各省督撫辦理釐訂地方稅章程應會同憲政編查館暨各省督撫辦理惟試辦預算尤爲本年扼要之圖經 臣部於正月間酌訂預算表冊式奏請 飭下京外各衙門遵辦去後復以限期嚴切深恐稍有稽遲中間文電交馳極力督促嗣於五月以後據京外各處將試辦宣統三年預算冊表陸續咨送到部 臣等督率清理財政處各員趕緊逐加覆核表冊繁重款項糾紛數月以來握算持籌疲於鈎校而在事各員尙能始終勤奮勉赴限期現已訂定宣統三年試辦預算總表恭繕清冊進呈 御覽並將各項總分表咨送內閣會議政務處查核至覆查歲出入總數前已由 臣部咨行各省將宣統元年出入總數比照預算冊式所列款目儘早編齊送部現在預算冊表業經辦竣即應廣續辦理以重要政若釐訂地方稅章程原係本年應辦之事惟前奉 諭旨御史王履康奏請變通釐訂國家稅地方稅年限並將國家稅提前規定一摺著該衙門知道欽此欽遵到部當經 臣部覆奏以國家稅地方稅名義雖分徵權則一自非與國家稅同時釐訂則地方稅即恐無所依據請以本年爲調查國家稅地方稅年限宣統三年爲釐定年限宣統四年同時頒布庶推行無所滯礙等因於本年八月初二日奉 旨依議欽此欽遵到部遵將本年改爲調查國家稅地方稅年限應由 臣等督率各員切實調查與憲政編查館及各省督撫會同辦理此 臣部籌辦本年應籌備事宜之實在情形也所有陳明辦過第三年第一屆並現辦第二屆籌備事宜各緣由理合恭摺具

陳伏乞 皇上聖鑒謹 奏宣統二年八月二十七日奉 旨該衙門知道欽此

陸軍部奏遵議科布多參贊大臣奏屯田官兵獎勵變通辦理摺

奏爲遵 旨議奏事內閣鈔出科布多參贊大臣溥綱奏請將屯田官兵獎勵變通辦理等

因一片宣統二年八月初一日奉 硃批陸軍部議奏欽此欽遵到部原奏內稱科布多統

轄屯務遊擊暨總管專管千把總等每遇豐收照例議叙加級正犂頭兵等考其收穫在十三

分以上者係馬兵請以經制外委補用如已經保有經制外委者再遇獎勵應請議叙不過仍

以原銜候補臣因邊屯重要兵食攸關欲策其盡力吠畝無或稍怠自非予以升途頂戴殊難

勵其振奮之志擬請嗣後凡屯田收穫在十分以上照例議叙之管屯遊擊千把總等可否按

照尋常勞績保以應升之階補用或升銜頂戴其正犂頭兵等仍照章保以經制外委補用如

保過以經制外委候補者再遇獎勵准由臣分別發給頂戴外獎功牌用昭激勸各等因查定

例科布多屯田官員兵丁收穫糧石在八分以上者專管官加一級兼轄官紀錄二次統轄官

紀錄一次等語歷經遵辦在案今該大臣請將屯田官兵獎勵變通辦理臣等查科城屯政事

非創舉定例專管各官考其收穫分數予以加級紀錄已足以獎其勤勞若如該大臣所奏則

收成數次層遞保升似非慎重名器之道臣等悉心酌核所有該大臣原奏請將收穫十分以

上照例議叙之管屯遊擊千把等官按照尋常勞績保以應升之階補用或保獎升銜頂戴之

處應請均毋庸議至原奏正犂頭兵收穫在十三分以上係馬兵請以經制外委補用如已經

保有外委者分別發給頂戴外獎功牌等語臣等查各營外委係屬微末員弁且係兵丁應升

復查該城屯田定例亦無兵丁獎勵明文其收穫十三分以上之兵丁請獎外委光緒二十二

年曾經兵部奏蒙

允准此次原奏收穫十三分以上係馬兵請以經制外委補用擬請

照案核准已經保過外委者給予頂戴功牌既係外獎應由該管大臣自行辦理所有遵議科
城屯田官兵變通獎勵分別准駁緣由謹恭摺覆陳伏乞 皇上聖鑒訓示遵行謹 奏宣

統二年八月二十九日奉

旨依議欽此

●又奏小京官黃傳箴請註銷同副軍校片

再陸軍第一中學堂醫官兼衛生學教員黃傳

箴前在軍醫學堂畢業於宣統元年七月初九日經 臣部具奏請補同副軍校本日奉 旨

旨

依議欽此欽遵註冊在案茲由該中學堂總辦據情呈明該員業經於宣統元年六月考取選

拔生二年六月 朝考二等由禮部帶領引 見七月十三日奉

上諭以七品小京官

分部學習請將同副軍校註銷並劄付一件送部等因 臣等查該員考取選拔生係在奏補軍

佐之先此次既經以七品小京官分部學習應請將該員所補同副軍校註銷理合附片陳明

伏乞

聖鑒謹

奏宣統二年八月二十九日奉

旨依議欽此

●又奏游學日本畢業生黃承恩等請給出身官階片 再宣統元年九月三十日陸軍部具

奏陸軍游學畢業生分擬出身官階摺內聲明考列優等之黃承恩世銘上等之彭琦三名俟

服闋後請

旨錄用等因茲據該生等服闋起復到部查光緒三十四年分游學優等畢業

各生照章作為舉人請授副軍校上等畢業各生照章作為舉人請授協軍校奏准後咨送內

閣驗放今黃承恩考列優等向習工兵科擬請給予工兵科舉人補授陸軍工程隊副軍校世

銘考列優等向習步兵科擬請給予步兵科舉人補授陸軍步隊副軍校彭琦考列上等向習

礮兵科擬請給予礮兵科舉人補授陸軍礮隊協軍校如蒙

俞允卽由 臣部咨送內閣驗

放以歸一律謹附片具陳伏乞 聖鑒訓示謹 奏宣統二年八月二十九日奉 旨依

議欽此

熱河都統誠勳奏奈曼旗鹽務升課按年呈交等片

再據奈曼旗郡王蘇珠克圖巴圖爾呈稱溯自光緒二十七年十一月因賊匪肆擾無兵巡緝呈請訓練蒙兵由本旗贖地試辦熬煉出售升課應得餘利作為訓練蒙兵餉需倘有不敷由本旗自行籌補當蒙前都統色楞額於十二月二十二日附片奏奉 允准在案遵於二十八年起每年升課三百兩按年呈交並無拖欠地面藉以安謐蒙民亦賴有生計三十三年經升任都統廷杰飭另招商試辦阿魯科爾沁東西扎魯特三旗鹽務並飭本旗亦照三旗辦理等因查本旗地面與三旗情形迥異三旗素無諳練熬煉之人又無訓練指撥之款因此呈請招商辦理不但按年免交報効銀兩且可按年得有租分是誠一舉兩得此三旗樂於招商承辦之實在情形也本旗辦鹽五六年之久不乏熟諳熬煉之人况訓練蒙兵之餉專恃乎此若遽招商辦理聚集外來熬鹽之游民值此年景歉收套匪猖獗不特與蒙民生計有碍即前此已經訓練之蒙兵又豈敢遠行遣散轉便失所此本旗不能招商辦理之實在情形也茲將應交宣統元年課銀三百兩措齊派員呈解請賜兌收仍請將本旗鹽務照舊歸本旗自辦以資練兵而安蒙衆等情前來 查口外地方遼闊匪徒飄忽不常該旗訓練蒙兵藉資自衛以補防軍之不足所稱遲難遣散自是實在情形除由 臣批准將鹽務仍歸該旗自行辦理即以所得餘利專作訓練蒙兵之用俾得巡緝有資並令自本年為始每年加交課銀一百兩統計每年共交課銀四百兩以示體恤而資兼顧仍俟三旗鹽務一律招定妥商議明常年課款再令

該旗一體照辦以歸畫一除飭該旗遵辦並咨部查照外理合附片具陳伏乞

聖鑒謹

奏宣統二年九月初二日奉 硃批該部知道欽此

直隸總督陳夔龍奏蘆綱各案滯銷原停引目請推展五年摺

奏爲蘆綱各岸滯銷原停引目實難遞加復額請援案推展五年以恤商艱而保現課恭摺仰祈 聖鑒事竊照長蘆所屬直隸兩省引岸前於道光二十四年停引十萬道嗣後迭經奏准推展扣至宣統二年年底限滿經 臣檄飭運司預籌按年遞加復額嗣據長蘆鹽運使張鎮芳詳據綱商李士鈺等稟稱前項停引始於道光二十四年彼時蘆鹽尙未加斤迨後兩次共加鹽一百七十斤並未減引按照原包斤重四百七十七斤七兩計之已暗加四成有奇若以銷引五十萬道核計已敷原停時七十萬引之數是所停之引雖未復額而所銷之鹽早已復舊蘆綱銷數向稱疲滯現時直隸引岸水旱偏災迭見銀根奇緊商民交困况各岸迭次加價以後成本愈重確私充斥疏銷更難又何能規復引額查上年至八月間出庫引四十六萬餘道今年出庫引結至現時僅領出三十五萬餘道較諸上年尤爲奇滯卽此現行六十六萬餘道之引額尙難疏銷若再逐年遞加必更擁滯當此困難待拯之時商力實覺難支請再推展五年等情該司查長蘆引課關繫餉需現值庫款未充自應督飭按年遞加復額豈容稍涉因循惟蘆屬直隸引地滯岸居多况庚子兵災以後元氣未復各岸私充仍形積滯雖經前司及該司督飭各州縣認真緝私設法疏銷不遺餘力然核計本年各商現行引數截至八月初旬僅出庫引三十五萬餘道較之原額六十六萬餘道之數僅及五成有奇該綱總所稟引多銷滯自係實情若遽行責令按年遞加復額則積引愈甚商力難支勢必叅懸相繼無裨實濟有礙

大局應請援案將原停引十萬道自宣統三年起再行推展五年以紓積困而恤商艱其先後所停引課俟限滿查看銷市暢滯情形再行分限帶運帶完等情詳請會同具奏前來臣查查蘆綱現行引六十六萬餘道歷年設法疏銷均未能如數領運况值庚子兵燹以後各岸迭見備災元氣未復近年疊次加價私充銷滯商力亦覺難支勢難責令按年遞加復額相應仰懇天恩俯准將原停引十萬道自宣統三年起再行推展五年以恤商艱而保現課仍督飭運司設法整頓嚴緝梟私以期官引暢銷漸復舊額謹會同督辦鹽政大臣臣載澤恭摺具奏伏乞 皇上聖鑒訓示謹 奏宣統二年九月初六日奉 硃批該衙門知道欽此

直隸總督陳夔龍奏京商銷滯原停引目請再展限五年摺

奏爲京商銷滯累深原停引目仍難復額請再展限五年以恤商艱而保課運恭摺仰祈 聖鑒事竊查長蘆京綱額引七萬二百餘道前因引多銷滯各商包課力實難支經前督臣曾國藩奏請停引二萬道餘令勉力辦運俟行市暢旺相機議加旋准部議以五年爲限嗣後迭經奏咨推展扣至宣統二年年底又屆限滿曾飭運司督商設法疏銷並嚴定月銷成數認真考核無如京商額引過多雖停引二萬道而現行之引尙有五萬二百餘道庚子兵燹之後銷數大減現值銅圓泛濫銀價日增百貨昂貴之時疏銷良非易易雖經督銷委員緝私局委員督同總催商人竭力整頓而每年所銷之鹽仍未暢旺計本年結至八月上旬僅領銷二萬一千六百餘道尙不及減贖五萬二百餘道之半實因額引過多鹽包增重民食有限勢難全領若將停引二萬道責令復額勢必積引愈多紛紛系追轉致誤運虧課據京商查慶餘等遞情稟由運司張鎮芳具詳請展前來臣查鹽課攸關餉需但使商力能支多增一引卽多一分課

款現值時艱款絀豈容稍涉推延視展停爲常例惟引數必以銷數爲衡近年京商領引於減贖五萬二百餘道之數從未銷足况復鹽價疊次加增各商成本愈重本年已領之引尙不及減贖原數之半銷場益滯商累更深若必強以所難責令復額徒多系懸於課款仍無實際相應仰懇 天恩准將京商原停引二萬道自宣統三年起照案推展五年以恤商艱而保課運俟限滿察看如果銷數較暢再行議加仍飭運司實力督銷漸圖復額所有原停京引請展年限緣由謹會同督辦鹽政大臣 載澤恭摺具陳伏乞 皇上聖鑒訓示謹 奏宣統二年九月初六日奉 硃批該衙門知道欽此

●摺奏類二

民政部奏內外城戒煙局夏季戒淨人數摺

奏爲內外城戒煙局夏季戒淨人數繕單具陳恭摺仰祈 聖鑒事竊臣部內外城戒煙局所有戒淨人數每屆季終援照官醫院成例彙報一次歷經遵辦在案查本年夏季內城戒煙局四月分戒淨一百九名五月分戒淨四十七名六月分戒淨一百三名外城戒煙局四月分戒淨一百六十八名五月分戒淨七十八名六月分戒淨六十七名統共內外城戒煙局戒淨五百七十餘名現在留局待戒者人數尙屬不少仍督飭該局醫官等照常認真辦理據內外城巡警總廳申請奏報前來臣等覆核無異理合繕單恭摺具陳伏乞 皇上聖鑒謹 奏宣統二年八月二十六日奉 旨知道了欽此

度支部奏覆江督奏調導祝福申捐助學款請獎片

再據兩江總督張人駿奏稱據署江甯提學使李瑞清詳稱如皋縣紳士光祿寺署正銜江甯試用調導前署揚州府調導祝福申倡捐開辦通海五屬中學校捐助英元二千元又通州師範學校捐洋五百元又如皋公立高等小學堂捐洋一千元總計共捐洋三千五百元先後交由各該校分別查收在案雖據該紳聲稱不敢仰邀獎叙惟前後慨捐鉅款未便沒其興學之忱自應照章請獎以昭激勸擬請將此項捐洋應得獎叙分別

移獎該紳長子祝光祖由附生請獎減成貢生並加主事職銜次子祝光樾由廩生請獎減成貢生並加同知職銜六子祝光鑒由俊秀請獎減成監生並加州同職銜又爲其父母及本身妻室請正五品 封典等情經如舉初級師範兼中學堂監督翰林院編修沙元炳咨由該縣詳司轉請奏咨前來查祝福申所捐銀數核與請獎章程尙屬相符仰懇 天恩俯准將附生祝光祖獎給減成貢生並加主事職銜廩生祝光樾獎給減成貢生並加同知職銜俊秀祝光鑒獎給減成監生並加州同職銜又祝福申父母及本身妻室請給正五品 封典以昭激勸等因附片一件宣統二年七月二十二日奉 硃批該部議奏欽此欽遵由內閣鈔出到部臣等伏查宣統元年九月二十八日臣部議覆前直隸總督端方等電奏整頓捐務籌擬核實報銷摺內陳明擬將銜封貢監等項以二成實銀上兌道員捐二品頂戴及貢監捐鹽運使職銜以三成實銀上兌三品以上報捐花翎者照原章酌收一半四品以下酌收銀四百兩藍翎半之並附陳嗣後如有捐助學堂經費銀兩者飭赴就近省分大清銀行上兌仍撥歸各該學堂應用其報効房產器物等項責成該提學使督同地方官切實估價如有浮冒查出從嚴叅處至應給獎叙即按此次新定賑捐成數核准等因奏准通行遵照在案茲據兩江總督張人駿奏稱如皋縣紳士光祿寺署正銜訓導祝福申開辦學堂共捐洋三千五百元請給正五品 封典並移獎伊子祝光祖由附生請作貢生並加主事職銜祝光樾由廩生請作貢生並加同知職銜祝光鑒由俊秀請作監生並加州同職銜等因臣等查祝福申捐助銀元三千五百元並未折合庫平足銀按照新定報効學堂章程請獎亦未將祝福申光祿寺署正銜執照送部查驗至祝光祖等年歲三代入學補廩年分現尙未據該省造具履歷清冊咨送到部應令該督轉飭提學使遵照新章查明該員捐助款項是否屬實出具切結將此項銀元折合庫平足銀撥歸大清分銀行兌收隨時撥給學堂應用並由銀行將切結加蓋收訖戳記咨送臣部統俟查明聲覆到日再由臣部核辦所有遵議緣由理合附片陳明伏乞 聖鑒 奏宣統二年八月二十七日奉 旨依議欽此

陝西巡撫恩壽奏華州渭南水災籌賑片

再據署華州王世鎮稟稱七月二十日申酉之交大雨如注州屬西南鄉山水陡發淹沒田房人畜隨即勸明西澗峪東西牛峪竹箭峪口各村堡四十六處約共被沖田地五六十頃倒塌瓦草房屋一百三十四間淹斃男女十四名口豬牛驢馬十四頭尙有淤泥過深人馬難到之處有無沖壞地畝容俟續查勸報又據署渭南縣楊宜瀚稟稱七月二十日未時縣屬張北里箭峪口內蛟水陡發沖毀地土房屋淹斃人口隨即勸明水由密岔溝起北流至渭華交界約四十五里峪口內外地畝被沖沙壓並沖毀房屋七十三間淹斃男女大小十七名口仍俟水退再將被災花戶地畝查明詳報各等情前來伏查陝西州縣界臨大山夏秋之交常有陰雨冰雹等事均經臣於月報雨糧情形摺內 奏明在案華州渭南兩州縣本屬毗鄰其迤南各鄉萬山重疊風雨不時一旦雨勢傾盆遂無消路田房沖毀且有人口損失之事被災情形實爲較重自應及時撫恤以拯災黎當即批司委員會勘並先籌撥庫款分別極次各貧戶或專爲賑濟之用或量給修房之資或酌予牛種之費災情雖有區別撫恤必求其周總期溝壑餘生不致流離失所以恤民困而廣 皇仁除飭司查明被沖地畝錢糧分別蠲緩彙案具 奏外所有華州渭南二州縣水災籌賑緣由謹附片陳明伏乞 聖鑒訓示 謹 奏宣統二年八月二十九日奉 硃批知道了著卽妥爲賑撫毋令失所欽此 聖鑒訓示

●又奏長武令李經江等交代無虧請獎片 再定例官員歷任交代無虧缺運延者經督撫保奏試用候補人員准其請至遇缺儘先補用實缺人員准其以應陞之缺陞用均不得越次指定陞階以示限制等語查有江蘇試用道前部選陝西長武縣知縣李經江自光緒二十九年至三十四年由長武縣調署長安富平岐山等縣調補城固縣知縣各任內經手一切倉庫正雜驛站錢糧均係依限交代清楚造冊結報咨部在案又查准補蒲城縣調署咸甯縣知縣培成自光緒三十二年宣統元年歷署白河長武大荔等縣知縣各任內經手一切倉庫正雜驛站錢糧均係依限交代清楚造冊結報咨部在案以上二員歷任交代均無虧缺遲延與奏保請獎之例相符據布政使余誠格先後具詳請 奏前來臣覆覈無異查李經江已過道班指省江蘇試用奉 旨著照例發往欽此合無仰懇 天恩將該員李經江獎以三品陞銜該員培成獎以應陞之

陸軍用以示鼓勵除咨吏部外理合彙案附片陳明伏乞
硃批九行吏部知道欽此

聖鑒謹 奏宣統二年八月二十九日奉

江西巡撫馮汝駉奏採辦額木摺

奏爲江西採辦額木定期委員運解以濟要用恭摺仰祈
聖鑒事竊查前准民政部咨具奏欠解額木省
分飭催迅速併批運解一摺奉 旨依議欽此鈔錄原奏內開查各省積年欠解額木皆以近年木價奇昂
採辦不易請援案折解緩推原延緩情形非盡無因現值 崇陵工程緊要需用槍木架木數目不敷
甚鉅而各項 欽工行取均不可緩若僅照各省解數年清年額斷難敷用請 旨飭下江西等省迅將
按年應解額木暨積年欠解木價值併批陸續解京以濟要工等因咨行到臣當經行司欽遵迅速採辦定期運
解去後茲據布政使劉春霖詳稱查光緒三十二年一批額木內杉木三百八十根架木一千四百根桐皮槁
木二百根共木一千九百八十根前經招商洪展生在於泰和贛州等處購到正木一百六十一根架木一千
四百根桐皮槁木二百根尙欠正木二百十九根復經改委補用知府邵之純在於漢口地方照數購齊並先
後兩次札委試用通判賴家濬分別前往逐一量驗茲據稟稱所辦各木量驗相符並赴上海招商總局僱定
圖南輪船開往漢口連同該員外備護水各木一千八百根一併裝載定於宣統二年八月二十日在漢口起
程運京交收並將應動木價年款另詳請咨尙有欠解額木請俟此次解京交收後再行察看情形陸續辦理
詳請具 奏等情前來臣覆查無異除咨部外所有江西委員採辦光緒三十二年額木定期運解緣由理合
恭摺具陳伏乞 皇上聖鑒謹 奏宣統二年九月初三日奉 硃批該部知道欽此

科布多參贊大臣溥綱奏酌保科布多軍營章京各員請獎摺併單
奏爲遵照新章循案酌保科布多軍營章京委署主事筆帖式各員懇 恩照擬給獎以昭激勸恭摺摺摺單
仰祈 聖鑒事竊查光緒二十六年間經前科布多參贊大臣瑞洵奏請將部院額缺章京筆帖式等按照
邊省軍營勞績擇尤保獎並定三年爲期數員爲度等情於光緒二十七年正月奉 硃批著照所請該

衙門知道欽此當經該大臣於光緒二十七年三十一等年兩屆 奏保開單請獎均蒙 恩施特予照准 欽遵在案嗣於光緒三十四年間開保屆期經前參贊大臣連魁循案 奏請保獎奉 硃批該部議奏

單併發欽此旋准部議改照新章擬將三年獎案改以五年列保一次所保員數仍准循案覈實開列等因奉 旨依議欽此欽遵咨行前來自宜遵照辦理臣查近年以來科布多邊務增繁政治維新在在胥關緊要

司度支則盈虧預算綜覈詳明管營務而理民安商案牘紛繁至如蒙部列居控馭撫綏尤為藩疆要政而經 營台站整理屯牧事務綦繁責成彌重更兼添練巡警增設蒙學且復新建清漢學堂開其蒙智設局禁煙力

除積習凡在當務之急審勢度時相機舉辦而邊地乏才兼籌並顧勞瘁不辭臣雖力為主持督率惟賴該章 京筆帖式等均能奮勉出力倍著辛勤共襄厥成查自光緒三十一年春間保案經部覈准後扣至本年已屆

五年請獎之期臣復秉公察覈前期獎案既經議改五年為限而該章京筆帖式等益復勤事赴功始終罔懈 洵屬有勞可錄實亦稍異尋常自應循章 奏保用獎成勞以策後効限制謹照五年為期勞績仍按尋常列

請謹繕清單恭呈 御覽合無仰懇 天恩照擬給獎以昭激勸出自 鴻慈逾格除飭取履歷咨部 外所有循章酌保科布多軍營章京委署主事筆帖式各員懇 恩照擬給獎緣由理合恭摺繕單具 奏

伏乞 皇上聖鑒訓示謹 奏宣統二年九月初五日奉 硃批該部議奏單併發欽此 謹將循案酌保科布多軍營章京筆帖式各員擬請獎叙敬繕清單祇呈 御覽 謹開 補佐領後以協

領即補先換頂戴印務處承辦章京崇文擬請 賞給該員祖父母父母二代二品 封典 藍翎首先 坐補防禦後以佐領即補蒙古處承辦章京錫齡阿 藍翎遇缺即補佐領糧餉處幫辦章京雲秀 花翎四

品頂戴補用防禦後以佐領補用蒙古處幫辦章京景貴 補防禦後以佐領補用印務處幫辦章京卓麟 以上四員均擬請俟補佐領後以協領即補先換頂戴 遇缺即補防禦蒙古處委署主事金奇選 五品頂

戴補騎校後以防禦補用印務處筆帖式依罕 五品頂戴儘先補用騎校後以防禦補用印務處筆帖 式鹿壽 五品頂戴俟補騎校後以防禦補用糧餉處筆帖式百端 以上四員均擬請俟補防禦後以佐

領即補先換頂戴 宣統二年九月初五日奉 硃批覽欽此

西歷一千九百十年十月十三號 星期四

本局設立北京東長安牌樓王府井大街

宣統二年九月十一日第壹仟陸拾叁號

電話內城總局第二百零一號

政治官報

目錄

●宮門鈔○ 諭旨一遺○交 旨二道○吏部引 見述 旨○事由單○優貢知縣掣簽分省單●摺奏類一○
 學部奏京師法政學堂別科畢業請獎摺併單○又會奏庶吉士饒崇威等游學畢業暨出洋供差期滿帶引摺○又會奏主事
 章圭珠游學畢業帶引摺○又奏派喻長霖充京師女子師範學堂總理摺○浙撫奏浙江各衛所屯田錢糧改歸州縣征收摺
 ○鄂督奏贛陳鄂省第四屆籌備憲政情形摺○又奏請將已故大學士單懋謙入祀鄉賢祠摺○署江北提督奏本年春季財
 政局編造報告各冊片●摺奏類二○學部奏請補本部書記官及司務各缺摺○浙撫奏平陽縣監生王宗堯助學請獎摺○
 伊犁將軍奏印務章京景熙年滿請照例選用片○調補河南布政使王乃徵奏謝 恩並請 陛見摺●廣告

政治官報 目錄

九月十一日第一千六十三號

一

●宮門鈔●

九月初十日 陸軍部 鑾輿衛 廂白旗值日 正白蒙引 見一名 正紅滿引

見二名 兩翼引 見二十六名 內務府引 見六名 茶膳房引 見

三十名 丁振鐸因子以推事檢察官候補謝 恩 德公假滿請 安 良泰請

假十日 全福請假五日 濤貝勒等 王榮商各遞封奏一件 內閣奏派驗放大臣

派出禮王 達公 張英麟 壽勳

召見軍機

●諭旨●

監國攝政王鈐章

九月初十日內閣奉

上諭專司訓練禁衛軍大臣貝勒載濤等奏請頒給爵章一摺管理陸軍貴胄學堂事務貝勒載潤著賞給貝勒爵章欽此

軍機大臣署名奕劻毓朗那桐徐世昌

●交旨●

九月初十日

監國攝政王鈐章

軍機大臣欽奉

諭旨翰林院侍讀王榮商片奏請申明例禁賭博等語著該衙門知道欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨翰林院侍讀王榮商片奏京官薪水漫無限制請議定京俸章程力求樽節等語著該衙門知道欽此

軍機大臣署名奕劻毓朗那桐徐世昌

●述 旨●

九月初六日奉

旨蔭生富勒琿著以侍衛用榮綿著以侍衛用普啟著以旗員用掌江蘇道監察御史員缺著廣德補授月選山東濟南府同知趙世駿度支部筆帖式恩特亨額擬補吏部筆帖式文緒常存福廣俱著准其補授俸滿直隸大順廣道文冲著回任特旨仍留新疆補用知府劉國祉著照例用欽此

九月初十日內摺傳 旨事由單

●內閣彙奏 上諭奉 旨留○又奏月摺奉 旨知道了●陸軍部奏議覆浙江巡撫奏剿捕棘匪

委文高等出力各員請獎事奉 旨依議○又奏議覆四川總督奏續辦涼山探夷善後請獎事奉 旨

依議○又奏議覆察哈爾都統奏披甲郭勒敏色等請接襲雲騎尉恩騎尉事奉 旨依議○又奏議覆雲

貴總督奏楊雲芳請襲土職議駁事奉 旨依議○又片奏考試陸軍游學生監試御史可否請 派請

旨事奉 旨毋庸請派○又片奏游學陸軍警察經理學生考試授官辦法事奉 旨依議○又會

奏議覆湖廣總督奏緣營將弁缺出停補停選事奉 旨依議○又會奏議覆山東巡撫奏陸軍小學堂在

事出力各員請獎事奉 旨依議○又會奏軍官學員黃治坤補官事奉 旨依議○又奏吉林打牲各

旗勞績兵丁請給養贍事奉 旨知道了○又奏覈覆北洋陸軍各學堂光緒三十四年分支用各款報銷

事奉 旨知道了○又奏覈覆北洋陸軍各學堂光緒三十二年分支用各款報銷事奉 旨知道了○

又奏覈覆河南留京陸軍光緒三十三年至三十四年第二案報銷事奉 旨知道了○又奏覈覆浙江防

軍善後第二十四次報銷事奉 旨知道了○又奏覈覆北洋陸軍第四鎮修建營房用過銀兩事奉 旨知道

裝等項分別准銷事奉 旨知道了○又奏覈覆四川善後光緒三十四年分採製軍裝等項動用銀兩事奉 旨知道了○稽察欽奉

了○又奏覈覆四川善後光緒三十四年分採製軍裝等項動用銀兩事奉 旨知道了○稽察欽奉

上諭事件處彙奏各部院已未完結事件事奉 旨知道了○又彙奏八旗衙門已未完結事件事奉

旨知道了○又彙奏 國史館功課事單一件奉 旨知道了○內務府奏修理宮內 太極殿等處

工程應需銀兩請由度支部發給事單一件奉 旨依議○鑲藍旗滿洲奏查抄革員達洪額家產事單一

件奉 旨知道了○國史館進大臣傳奉 旨留
九月初十日外摺欽奉 硃批事由單
●魏景桐奏違 旨核減原保剿匪出力員紳摺 該部議奏單二件併發○又奏解皖省賑款片 度支
部知道○又奏知縣謝清泰年滿甄別片 覽○又奏請將直牧馮錫徽等留桂補用片 著照所請該部知
道○又奏請以邱學慎補懷集令摺 吏部議奏●崑源奏請以哩克津薩木保補左翼牧羣護軍校摺 尤
行●錫良等奏哈爾關分設之緩滿兩分關第一百九十七結收支稅數摺 該部知道單併發○又奏哈爾
濱分設之緩滿兩分關第一百九十八結收支稅數摺 該部知道單併發●陳昭常奏揀選驍騎校擬定正
陪摺 硃圈擬正慶福○又奏第四屆籌備憲政情形摺 覽悉該衙門知道○又奏籌計行政經費摺 該
衙門知道○又奏委黃悠愈等署交涉使等缺片 知道了●王芝祥奏改補提法使謝 恩摺 知道了

優貢知縣掣簽分省單

胡 濟山東	張炳邦陝西	黎 溥江西	湯彞曾安徽	楊祥鳳浙江	洪 澧山東
龐士俊河南	郭壽翼安徽	徐秉衡浙江	崔蘊瑛陝西	游昌甲山東	郭萬英湖北
朱樹勳湖南	何恩湛貴州	易象離山東	王仁溥江西	林 适福建	周積壩安徽
李聯杰直隸	朱名焯安徽	林紱庭廣東	臧鼎祥安徽	馬良瀚奉天	許 樾山東
李桂一吉林	馮名燦山東	費廷璜安徽	劉家壘廣東	王春奎直隸	劉榮椿安徽
王耀奎江西	甘 權廣東	冉光成雲南	涂同軌廣東	姚百琴湖北	鄧廷芭陝西
鄧士元貴州	張效翰陝西	許 翼江蘇	關毓岷浙江	賈其元江西	李光焱山西
江震蟄江西	楊仲芹江蘇	謝海鰲浙江	陳寅亮安徽	高壽恒江蘇	陸 祺廣西
劉樹人奉天	林心恪廣東	鄭鍾琪浙江	彭承苞廣東	焦汝霖山東	吳 丹湖北
朱毓駿福建	韓品三山西	阮性傳江西	涂慶樹浙江	方松年福建	張樹德江蘇
劉維藩山西	劉延祺吉林	孫乃祥直隸	王炳頤廣西	謝驥墀湖南	戈寶森江蘇
馮 曦陝西	李 芳貴州	蔡 邨福建	孫翰儒直隸	張勝懿福建	誠 勤奉天
李國華廣東	車之鑑廣西	榮 璫山東	丁惟晉四川	汪炳猷吉林	樊顯緒直隸
黃鳳蘇河南	紀澤蒲山西	吳晉福江蘇	蕭雲亭吉林	秦一臣甘肅	李永庚湖北
吳文瀾廣西	宋敬臣奉天	盧維嶽湖南	江祖芑安徽	張澍棠陝西	郭 青湖南
孔慶誠雲南	何寶琦江西	王景沂甘肅	唐 藩雲南	趙士鵬福建	鄧毓怡浙江
周登善貴州	曾魯達浙江	樂鳴盛江西	孫大鵬江蘇	劉寶廉貴州	陳鍾瑜廣西

田澤勳黑龍江 褚士億山東 高登甲黑龍江 江志鴻陝西 吳學海山東

摺奏類一

學部奏京師法政學堂別科學生畢業請獎摺 併單此件昨始到局是以遲登

奏為京師法政學堂別科學生畢業照章請獎恭摺仰祈 聖鑒事竊查京師法政學堂於光緒三十三年四月開辦別科在堂學生共計五十三名於本年五月畢業所有課程悉照奏定法政別科章程辦理茲准該學堂監督將各科試卷及分數講義各項表冊彙送到部臣等當即遴員覆核定分數復經 臣等詳加核閱程度多能及格計取列最優等十名優等二十五名中等十四名下等二名最下等二名除取列下等之楊自南許毓桂最下等之蕭日炎張昌仁照章不給獎勵外所有取列最優等優等中等各生自應按照法政別科獎勵章程及本年五月 臣部奏准法政別科畢業考列中等以上一律給予副貢成案分別給獎以資鼓勵謹將該生等履歷繕具清單恭呈 御覽如蒙 俞允即由 臣部咨行吏部查明該生等原官相符再行註冊所有京師法政學堂別科學生畢業照章請獎緣由謹恭摺具陳伏乞 皇上聖鑒謹 奏宣統二年八月初八日奉 旨依議欽此

謹將京師法政學堂別科畢業學生履歷繕具清單恭呈 御覽 計開 最優等十名 周伯甲山東福

山縣優廩生 趙芝雲山東莒州舉人度支部學習主事 孫百福山東臨清州舉人揀選知縣 許樹畚江

蘇丹徒縣舉人法部學習主事 維翰饒白旗滿洲拔貢生 張名振四川長壽縣進士吏部候補主事 張

春海山東諸城縣舉人揀選知縣 王虞耕山東諸城縣附生 韓光祚山東章邱縣附生 馬國文湖北興

國州監生 以上畢業生十名其周伯甲王虞耕韓光祚馬國文四名擬請均給予副貢以八品錄用二等書

記官直隸州州判分部分省補用並加七品銜趙芝雲許樹畚二名原係舉人學習主事擬請俟學習期滿後

以原官遇缺即補並各予加一級孫百福張春海二名原係舉人揀選知縣擬請以知縣分省補用並各予加一級維翰一名原係拔貢生擬請以八品錄事二等書記官直隸州州判分部分省補用並加七品銜張名振一名原係進士吏部候補主事擬請以原官遇缺即補並加一級 優等二十五名 張敬承山東臨清州舉人職取知縣 慶雯正紅旗滿洲附貢生員外郎銜法部學習主事 伊若璋山東新城縣附生 吳繼高山東臨清州優廩生 邵福林江蘇常熟縣附生 吳源浙江義烏縣優貢生 張俊章四川綿竹縣廩生 陳道章湖南瀏陽縣監生 李瓊四川銅梁縣舉人度支部候補主事 沈樹槐四川忠州舉人同知銜直隸試用知縣 賴毓靈四川內江縣舉人京師地方審判廳五品推事 康映奎四川安岳縣舉人揀選知縣 張坊直隸香河縣舉人揀選知縣 廖愈簪廣東合浦縣舉人揀選知縣 史錫綬四川萬縣監生 石山儼湖北黃梅縣監生法部候補主事 王潤璧山東諸城縣監生 吳夷吾湖南湘鄉縣附生 查宗釗安徽涇縣舉人浙江補用知縣 程文煥四川江津縣舉人禮部學習主事 余銘芝四川遂甯縣舉人度支部學習主事 胡為楷四川巴縣舉人高等審判廳候補五六品推事 鄒俊卿四川銅梁縣舉人湖北補用知縣 易孫謀江西宜春縣舉人候補內閣中書 陳輔浙江會稽縣舉人候補內閣中書 以上畢業生二十五名其張敬承一名原係舉人截取知縣查宗釗鄒俊卿二名原係舉人補用知縣擬請均以原官儘先補用慶雯一名係學習主事擬請給予副貢俟學習期滿後以原官遇缺即補伊若璋吳繼高邵福林吳源張俊章陳道章史錫綬王潤璧吳夷吾九名擬請均給予副貢以八品錄事二等書記官直隸州州判分部分省補用李瓊一名原係舉人候補主事胡為楷一名原係舉人候補五六品推事易孫謀陳輔二名原係舉人候補內閣中書擬請均以原官遇缺即補沈樹槐一名原係舉人試用知縣擬請俟奏留後以原官儘先補用賴毓靈一名原係舉人五品推事擬請在任以應升之階升用 中等十四名 林遵渭福建候補官縣監生 陳拜昌江西臨川縣廩貢生 詹向離河南光山縣附生分省試用知縣 戴錫章四川開縣舉人法部候補主事 王錫九直隸灤州附生 周丕顯河南南陽縣附貢生 顏壽四川開縣舉人揀選知縣 唐凌霄四川遂甯縣舉人

揀選知縣 吳廣廷浙江海鹽縣舉人內閣候補中書 艾作屏江西高安縣舉人內閣候補中書 周化南湖北沔陽州監生 奉楷四川遂甯縣副貢生山西直隸州州判 景瑞奉天饒白旗滿洲監生候選筆帖式朱煥奎江蘇宜興縣監生 以上畢業生十四名其林遵渭陳拜昌王錫九周丕顯周化南朱煥奎六名擬請均給予副貢以九品錄事三等書記官道庫大使按司獄縣主簿分部分省補用詹向離一名係試用知縣擬請給予副貢並加同知銜戴錫章一名原係舉人候補主事擬請加員外郎銜顏壽唐凌霄二名原係舉人揀選知縣擬請俟以知縣分省後均加同知銜吳廣廷艾作屏二名原係舉人候補中書擬請均加內閣侍讀銜奉楷一名原係副貢生直隸州州判擬請加州同銜景瑞一名係筆帖式擬請給予副貢並加六品銜

學部會奏庶吉士錢崇威等游學畢業暨出洋供差期滿帶引摺

奏為庶吉士游學畢業暨出洋供差期滿遵章帶引 見恭摺會陳仰祈 聖鑒事竊

查本年八月學部會同翰林院吏部具奏會考進士館游學畢業摺內開游學日本早稻田大學政治經濟完全科畢業之翰林院庶吉士宋育德日本法政大學法律速成科畢業之翰林院庶吉士錢崇威考試分數均列優等應由學部會同翰林院將該員帶領引 見請

旨給予獎勵等語奉 旨知道了欽此又上年十二月外務部議覆出使大臣薩蔭圖奏保

駐俄參贊摺內開現署駐俄二等參贊官翰林院庶吉士章祖申係前進士館派赴日本游學人員經前出使大臣胡惟德奏充三等參贊嗣經 臣部按照新章改派升署二等參贊接算先後積資已逾三年該大臣以該員在洋供差尙未授職擬照新進士辦學成案送部引 見

核計該員資勞與辦學三年期滿勞績似有過之應請照准各等語奉 旨依議欽此欽遵

各在案除宋育德一名係庶吉士留學五年以上獎勵辦法為成案所未載應俟 臣等會商妥協再行具奏外所有錢崇威等二員自應遵章帶領引 見請 旨給予獎勵查光緒二

十九年前學務大臣奏定進士館獎勵章程內開考列優等者翰林留館授職外保加升銜考列中等者翰林留館授職此次游學速成科畢業考列優等之庶吉士錢崇威擬請 旨授職編修並加侍講升銜出洋供差三年期滿之庶吉士章祖申據外務部議准援照歷次辦學期滿給予進士館中等畢業獎勵成案擬請 旨授職編修再該員等應得獎勵擬援照庶吉士散館成例請 明降諭旨以示鄭重所有庶吉士游學畢業暨供差期滿帶領引見緣由謹恭摺具陳伏乞 皇上聖鑒再此摺係學部主稿會同翰林院辦理合併陳明謹

奏宣統二年九月初六日奉 上諭已錄

學部會奏主事章圭琛游學畢業帶領引摺

奏爲主事游學畢業遵章帶領引 見恭摺會陳仰祈 聖鑒事竊查本年八月學部會

同翰林院吏部具奏會考進士館游學畢業摺內開游學日本法政大學法律速成科畢業之

度支部主事章圭琛考試分數取列優等應由學部會同吏部將該員帶領引 見請

旨給予獎勵等語奉 旨知道了欽此 等查歷屆進士館畢業學員主事取列優等者均

以原官留部儘先補用該員此次畢業自應遵照成案給予獎勵擬請以主事留度支部儘先

補用俟 命下後卽由 臣等欽遵辦理所有主事游學畢業帶領引 見緣由謹恭摺具

陳伏乞 皇上聖鑒再此摺係學部主稿會同吏部辦理合併聲明謹 奏宣統二年九月

初六日奉 上諭已錄

學部奏派喻長霖充京師女子師範學堂總理摺

奏爲請 派京師女子師範學堂總理以專責成恭摺具陳仰祈 聖鑒事竊准直隸總

督臣陳夔龍函稱提學使傅增湘前經學部奏充總理京師女子師範學堂事宜該司原應竭力通籌以盡厥職惟直隸學務殷繁勢難兼顧擬請開去女學總理差使另行遴選委員接充於直省及京校兩有裨益等語查直隸風氣早開學務日見繁重該司總核全省學制不克兼顧京師女學自係實情應請准予開去女子師範學堂總理差使惟該司任事兩載頗資得力該堂新校方始告成新班亦初招集督促教科綱維風紀在在均關緊要必須老成明達之員始足以專責成而資董率查有翰林院編修喻長霖品望端嚴學識閎遠堪勝該女學總理之任擬請 派該員接充如蒙 俞允卽由 等飭知該員遵照辦理所有派充京師女子師範學堂總理緣由謹恭摺具陳伏乞 皇上聖鑒謹 奏宣統二年九月初九日奉 旨依議欽此

浙江巡撫增韞奏浙江各衛所屯田錢糧改歸州縣征收摺

奏爲浙江省各衛所屯田錢糧現議改歸坐落各州縣征收辦理恭摺仰祈 聖鑒事竊查浙江省各衛所屯田坐落杭州嘉興湖州台州衢州嚴州等府所屬縣境本與民田犬牙相錯兵燹以前戶冊燬失無存承平以後僅憑幫丁報墾承糧其中以多報少匿熟爲荒均所難免按之賦役全書所載頃畝缺額尙多荒熟混淆已非一日光緒二十八年欽奉 諭旨裁汰衛所各官改歸同城地方官兼管本屬相宜其時浙省奉經飭令兼衛及坐落各縣幫同清查按則繳價先清成熟次及荒產辦法原有次第無如各兼衛多藉口燬失坐落各縣又因不負責任相率畏難因循至今辦無成效致 國家固有正賦日久虛懸現當清理財政此項有著屯田自應研究整理以杜葛藤而昭核實經清理財政局會集監理官並各議紳等公同議

決將衛所錢糧改歸坐落州縣征收辦法開摺詳請通飭遵辦等情當以事涉更章自應詳加審慎經_臣復飭藩司會同督糧道悉心核議旋據該藩司顏鍾驥會同署督糧道卓孝復詳稱清理財政局提議衛所錢糧改歸坐落州縣征收是即改良征收方法之一端其所議調查方法自較前定章程簡便易行承種屯田之業戶限期自報統不繳價仍令稅契一次即可永爲世業尤屬從寬州縣查丈既無分文規費復由地方自治會相助爲理隔閡騷擾之弊一掃而空隱匿侵佔之田不難水落石出惟衛田向完屯漕屯折軍儲津租視民田賦額爲重光緒二十八年詳奉部議仍令照常征收免虧正賦等因今議改隸坐落州縣編征每畝征收錢糧數目與民田一律辦理自爲便於輸將起見所納賦稅未便獨重惟案關更改稅率請先行奏咨立案前來_臣覆核無異除飭通行各州縣將清查編造改征科則各事宜擬議妥章咨部查照外所有浙省各衛所屯田錢糧現議改歸坐落各州縣征收辦理緣由謹恭摺具陳伏乞皇上聖鑒敕部立案施行謹奏宣統二年九月初七日奉 硃批度支部議奏欽此

湖廣總督瑞澂奏臚陳鄂省第四屆籌備憲政情形摺

奏爲臚陳鄂省籌備憲政情形恭摺仰祈 聖鑒事竊查憲政編查館奏定考核專科章程第三條內載九年籌備事宜責成內外臣工每屆六個月將籌備成績臚列奏聞並咨報憲政編查館查核等語鄂省第三屆籌備事宜業經_臣會同前護督_臣楊文鼎於本年二月間分別奏咨在案除諮議局建築工程現據監修委員稟報完竣應即專案奏報資政院納稅多額議員業於四月初一日由前署湖北布政司高凌霨監督互選將當選人名票數照章咨送資政院外其第四屆應行籌備憲政各項情形謹爲我 皇上縷晰陳之伏查逐年籌備清單第

三年各省應行籌備之事一曰續辦城鎮鄉地方自治及籌辦廳州縣地方自治查鄂省各屬城治之自治公所已據報告一律成立自治研究所亦各次第開辦所有該所總理所員均由自治籌辦處札派省城自治研究所第一屆畢業學員回籍充當尙能盡職目下各屬劃分區域調查選民均已陸續申報計城議事會董事會並報成立者則有漢陽天門遠安宜城南漳穀城光化竹谿應山黃安蘄水公安東湖恩施咸豐等州縣城議事會成立正在籌備董事會選舉者則有江夏興國孝感沔陽鍾祥京山棗陽鄖縣鄖西安陸隨州黃岡麻城黃梅江陵監利宜都巴東宣恩來鳳建始鶴峯等廳州縣其繁盛各鎮提前先設自治公所者則有襄陽之樊城宜城之官莊璞茅南漳之東安豫城光化之老河口應城之長江埠江陵之沙市麻城之閬河宋埠應山之廣水馬坪陳家等鎮其餘各屬或以區域宜分或以選民過少籌議務求適當成立固尙需時至籌辦廳州縣地方自治則範圍較廣詮釋宜詳業經飭令自治籌辦處核定籌辦事務清單頒發各屬飭即另行組織全屬自治公所以便挈領提綱兼籌並顧此續辦城鎮鄉地方自治及籌辦廳州縣地方自治之實在情形也一曰彙報人戶總數查鄂省戶數上年以水患頻仍流亡未復僅將各府首縣商埠地方人戶總數查明咨部今年係彙報人戶總數之年若不從事調查則戶籍失稽庶政百端無從著手經督飭巡警道遵發部頒表式札令各屬切實詳查依限填寫現在各屬申報戶數已到者計有六十七州縣總計正戶四百零五萬三千五百九十八戶附戶七十五萬九千六百八十七戶惟照章十月報部期限尙寬居民輾轉遷移尙恐不無增減又復飭令詳細覆核切實填表送道會填總表以期依限咨報此籌辦彙報人戶總數之實在情形也一曰覆查各省歲出入總數及試辦預算決算查湖北

通省財政自光緒三十四年起至宣統元年秋季止收支各冊並各項盈虧比較表前已奏明咨送度支部查核其宣統元年冬季二年春夏兩季收支暨宣統元年歲出入各報告冊亦據清理財政局先後造齊送部鄂省度支困竭供不逮求每歲計短銀二百餘萬兩而歷年之積虧新增之款尚不在內迭經_臣將關於財政各局所一律裁撤設立度支公所統歸藩司經辦此外可裁局所亦均分別歸併並將學務軍政冗費酌量核減計每年節省銀二十餘萬兩惟不敷之數尙屬不貲至試辦預算決算部電宗旨則以量入爲出收支適合爲斷揆諸鄂省現在情勢尙多扞格前經督同清理財政局司道會商監理財政官嚴飭各署局趕緊編造預算表冊陸續送局彙編依限完竣詳送奏咨所有關於財政之司道及府廳州縣各官公費亦均就其原有進款酌定奏咨核辦惟府廳州縣本署行政經費繁簡缺有不同多寡數難懸定現正按屬派員調查最近三年出入實數容俟通盤籌畫另行酌議此覆查歲出入總數及試辦預算決算之實在情形也一日釐定地方稅章程查中國地方稅與國家稅向未區分今欲釐定章程自非確切調查不可飭經前署藩司高凌霨議設地方稅調查處審查所屬各項稅捐情形約分四類一稅目二額數三征收方法四使用目的均令詳細稟陳以便逐加研究現在近屬州縣業據陸續答覆而距省窵遠之區未經覆到者尙居大半應俟查報齊全再行辨明性質分別奏咨用清界限此籌辦釐定地方稅之實在情形也一日各省省城及商埠等處各級審判廳限年內一律成立查各級審判廳之設爲司法獨立初基非先改定統轄名稱不足以示標準業經督飭臬司按照提法司官制逐節規定撤除舊幕考用屬官奏准自本年四月十五日爲始分科治事各專責成其鄂省高等地方初級及漢口商埠初級審判各廳已先

後據報竣工漢口地方審判廳則因委員承辦不力稍致稽延現正另派委員刻期營造宜昌沙市兩埠地方初級各廳原定西式圖按工費較鉅由司詳請改從華制建築量爲變通藉資樽節亦經派員分往監造以冀依限完全至鄂省任用法官應由法部考試當招合格人員咨送投考一俟錄用即可實行至司法警察爲審判補助機關亦飭巡警道預爲養成以應臨時調度餘若檢驗吏若承發吏若庭丁看守人等亦俱分班招練預備開庭惟是前籌經費關稅既不容動撥籤捐則又慮將停比正設法另籌俾無匱絀此籌辦省城商埠各級審判廳之實在情形也一曰推廣廳州縣簡易識字學塾查此項教育重在普及本年二月准學部送到章程課本當飭提學司印刷通行限期開辦一面派委視學員周巡各屬編輯白話文告張貼曉諭據各廳州縣先後稟報開辦計全省已設者一千零七十餘所學生二萬二千四百餘人其中尤以興國漢陽黃陂黃岡蘄州鍾祥京山天門應山等州縣所設爲多辦理亦較合法惟保康一縣尙未據報業由提學司專札飭催務使各廳州縣一律整齊認真講授庶識字人數日有增加之望此外尙有學部籌備清單本年應行檢定兩等小學教員編定初級師範學堂教授細目分劃學區各項查湖北檢定兩等教員自光緒三十四年業經試辦嗣奉部章復爲校正現在已經檢定者四千四百餘人其未經檢定之處仍令接續辦理至初級師範學堂教授細目甫准部咨業經派員編定分劃學區則與自治區域互有關繫尙須參酌地方情形妥爲支配其餘若圖書館存古學堂兩項鄂省籌辦在前早經 奏咨有案尙擬極力擴充以求完贍此籌備推廣廳州縣識字學塾及本年學務之實在情形也一曰各廳州縣巡警限年內一律完備查鄂省武漢巡警以及各廳州縣巡警原額計有五千四百九十五名教練未開辦者

共有三千二百七十四名惟辦法未盡適宜致執行尙難得力經督率巡警道遵照部章認真整頓精神形勢似較勝前所有教練畢業者悉經催令實地服勤其屬教練所教員亦一律任用警生翼收得人之效計目下鄂省警察除分區守望外設有衛生教練工程消防差遣各隊改良章制大致井然一面編輯司法講義使長警研究服習以備檢察之指揮而爲審判之輔助其各屬教練所舉行畢業者復飭開練二班以供調遣而規定崗額雖僻小地方亦飭以六十名爲度統俟年內派員考查再行列表咨報此籌辦廳州縣巡警力求完備之實在情形也以上各項計共廣續辦理之事六經始籌備之事三均經敦促進行不敢稍存紆緩惟其中屬相關自應兼營而並進如覆查歲出入總數及試辦預算決算表裏必須如一務綜全局以通籌是辦法既以聯屬爲宜故彙述正可互覘其實此後限期愈促措置尤難惟有彈竭愚忱遵循秩序益加策勵計日程功以期仰副朝廷宵旰勤勞惠民求治之至意除照章分咨外所有鄂省第四屆籌備憲政各情形理合恭摺具陳伏乞 皇上聖鑒再 因赴京覲見甫經回任是以奏報稍遲合併陳明謹 奏宣統二年九月初八日奉 硃批該衙門知道欽此

湖廣總督瑞澂奏請將已故大學士單懋謙入祀鄉賢祠摺

奏爲公舉崇祀鄉賢恭摺仰祈 聖鑒事竊據前署湖北布政使高凌霨詳稱襄陽縣已故大學士單懋謙內行敦篤經術湛深生平無疾言厲色其主講鹿門書院時闡發漢儒訓詁宋儒義理一以先器識後文藝爲主誘掖諸生娓娓不倦道光二十八年襄邑漢水暴漲流亡載道單懋謙捐穀煮振饑民全活無算粵逆起事襄邑城孤無援單懋謙又以大義激勸鄉里舉

辦團練權釐饗軍賊知有備始不敢進逼至其孝親敬長睦族敦宗祿俸所入輒施貧乏尤皆視爲當然行所無事他若居官本末 國史紀之已詳高山景仰遺笏難忘崇祀鄉賢洵無愧色據在籍紳士度支部候補郎中劉秉鑑等匯陳事實由學移縣詳府層遞加結送司核明具詳請 奏前來 臣查前准部咨鄉賢名宦每年改於八月間彙奏一次自應查照辦理茲查襄陽縣故大學士單懋謙於同治十三年致仕歸田光緒五年歿於其家惟其遺愛感人深故雖歷數十年薦紳士民人等至今猶思之勿替洵爲桑梓遺型允宜馨香食報且自身歿迄今已在三十年以外子孫並無現任九卿按之年例亦屬相符合無仰懇 天恩俯准將襄陽縣故大學士單懋謙入祀襄陽縣鄉賢祠以隆報饗而慰輿情除將冊結咨送禮部查照外理合恭摺具陳伏乞 皇上聖鑒謹 奏宣統二年九月初八日奉 硃批該部議奏欽此

署江北提督雷震春奏本年春季財政局編查報告各冊片

再江北清理財政局應編季報各冊業經造送至宣統元年冬季分止 奏報在案茲據該局總辦准揚海道夷良會辦直隸候補道許貞幹督率科長科員將二年春季分報告各冊編造齊全詳請 奏咨等情前來 臣覆核無異除將總分各冊咨送度支部查核外謹附片陳明伏乞 聖鑒謹 奏宣統二年九月初八日奉 硃批度支部知道欽此

摺奏類二

學部奏請補本部書記官及司務員缺摺

奏爲揀員請補 臣部書記官及司務員缺恭摺具陳仰祈 聖鑒事竊查 臣部奏定官制每司及司務廳酌設一三三等書記官不定額缺等語歷經遵照辦理在案邇來部務日繁舉凡繕發文書典守案牘均賴各書記官勤慎從公始免貽誤自應擇其尤爲得力者量予提升以資鼓勵茲查有 臣部二等書記官徐思九學識

優裕辦事動能堪以提升一等書記官又臣部前出有司務一缺查吏部於司務員缺並未奏定補缺輪次章程擬即不拘輪次統由臣部司員內酌量才具請補以昭核實臣等遵於臣部二三等書記官及分部補用司務內公同揀選查有二等書記官李正棻才具明敏行走勤奮堪以調補司務謹將該員等履歷繕具清單恭呈御覽如蒙俞允即由臣等咨行內閣驗放並知照吏部照例辦理所有揀員請補書記官及司務員缺緣由謹恭摺具陳伏乞皇上聖鑒謹奏宣統二年九月初九日奉旨知道了欽此

浙江巡撫增韞奏平陽縣監生王宗堯助學請獎摺

奏為監生獨捐鉅資創辦學堂援案懇請給獎恭摺仰祈聖鑒事竊據署提學使袁嘉穀詳稱平陽縣監生王宗堯自光緒三十年間獨出己資創辦漢城初等小學堂迄今已屆六年所有購置場所添建校舍各項共費銀二千八百八十九元有奇常年費共支出銀二千九百七十七元有奇於光緒三十三年兼管觀海雄海二校歷三學期共賠墊銀八百七十三元並於三十一年捐助觀海建築費銀六十元以上四項共捐銀六千七百四十元有奇現該監生議將私立漢城學堂改為公立另籌公款以規久遠除將前置該堂房舍場所基地概捐充公用外並願捐助腴田二十五畝作計銀一千二百五十元充作該堂常費伏查奉天省鎮安縣監生王雙純捐助學堂房屋二十九間估值價銀五千二百五十四兩經升任東三省督臣徐世昌專案奏請准將該監生王雙純以通判分省試用在案該監生王宗堯所捐銀數較之王雙純為多由該縣知縣取具雄海觀海漢城各學堂切結加具圖結造同履歷清冊援案申乞勸估確數加結詳請給獎以示激勸等情前來臣覆查平陽縣監生王宗堯捐助學堂經費共計銀七千九百九十元有奇按一五合銀五千三百二十七兩核與例定由監生以通判分省試用銀數有盈無絀與王雙純捐學請獎之案亦屬相符合無仰懇天恩俯准將該監生王宗堯以通判分省試用以示鼓勵除將履歷冊結分咨查照外理合恭摺具奏伏乞皇上聖鑒訓示謹奏宣統二年九月初六日奉硃批該部議奏欽此

伊犁將軍廣福奏印務章京景熙年滿請照例選用片

再據伊犁印務章京景熙呈稱竊章京由工部筆帖式經吏部帶領引

見奉

旨伊犁印務章京

著景熙去欽此遵即領照起程於光緒三十三年八月初一日行抵伊犁初六日接辦印務事務計自接任之

日起連閏扣至宣統二年七月初六日止三年期滿呈請照例報滿更換等情前來查定例新疆章京專用京

員之缺由各衙門現任筆帖式帶領引 見作為委署主事其筆帖式毋庸開缺到任後三年期滿如果得

力出色經該處大臣奏明咨部以主事歸部即選者歸於奉 旨即用班內升用遇有主事缺出照例具題

補授即照升任食俸升轉其兵差原缺另行奏請更換仍俟新任人員更替到日交代清楚再將年滿之員給

咨回京補行帶領引 見如保平等之員咨回原衙門供職等語茲據該章京呈報年滿所遺伊犁印務京

員章京一缺相應請 旨簡派以重職守查該章京景熙到差以來已歷三載始終勤慎當差得力可否仰

懇 天恩勅部照例選用之處出自 高厚鴻慈除俟更替之員到日再行給咨送部帶領引 見外

理合附片陳請伏乞 聖鑒訓示謹 奏宣統二年九月初六日奉 硃批該部知道欽此

奏為叩謝 天恩籲請 聖鑒事竊臣於宣統二年八月二十五日奉湖廣總督臣

瑞澂札開欽奉電傳八月二十四日 上諭王乃徵著調補河南布政使欽此跪聆之下感愧難名伏念臣

篤時耆儒性剛才拙謬緣孤進屢荷榮遷自辭 闕及於今茲計歷時未彌三月忝司財政絲緒猶芬習癘

符規隨是懷本自謝希夷之識方懼貽隕越之羞乃蒙 寵錫 溫綸量移樂土其地則中州沃壤見古

風敦樸之遺於時為征賦完區有歲會平均之告異汲黯之徒內史曰為得人比蘇軾之移揚州初非滿秩事

同異數 恩屬矜全蓋 聖人燭幽隱而不遺用彰柄馭而徵巨感 寵私之曲被益信靡磨惟是屬

萬象之艱虞望 九重而依戀疲奔吏賦仍懷書思對 命之忱密邇京畿益切就日瞻雲之念所有 敬

巨感激下忱並籲懇 陛見緣由謹繕摺具 奏恭謝 天恩伏祈 皇上聖鑒謹 奏宣統二年九

月初六日奉 硃批毋庸來見欽此

西歷一千九百十年十月十四號 星期五

本局設立北京東長安牌樓王府井大街

宣統二年九月十二日第壹仟陸拾肆號

電話內城總局第二百零一號

政治官報

目	●官門鈔○ 諭旨一道○交 旨一道○事由單●摺奏類一○民政部奏議覆川督奏川省高等巡警學堂畢業請予錄用摺○豫撫奏三年預算續經增減表冊編竣摺○鄂督奏省城內外高等小學堂畢業請獎摺併單●摺奏類二○甘督奏甘省被災分別蠲緩豁免錢糧摺併單○
錄	署江北提督奏委李端祐代理堰肝同知片○鄂督奏荆門直牧許鼎鈞續完欠款請免議片●廣告

● 宮門鈔 ●

九月十一日 法部 大理院 廂紅旗值日 潤貝勒謝 賞爵章 恩 丁乃

揚謝 賞加級 恩 李國杰等同鄉官謝 恩 新授湖北鹽法道黃祖徵謝

恩 克公續假十日 惲毓鼎遞封奏一件

召見軍機 黃祖徵

● 諭 旨 ●

監國攝政王鈐章

九月十一日內閣奉

上諭信勤現開署缺堃岫未到任以前綏遠城將軍著瑞良暫行署理並兼辦墾務事宜欽此

軍機大臣署名奕劻毓朗那桐徐世昌

● 交 旨 ●

九月十一日

監國攝政王鈐章

軍機大臣欽奉

諭旨翰林院侍讀學士惲毓鼎奏京外各問刑官往往以重案久懸為慎重以致拖累無辜經

年不決請飭京外承審衙門申明定限嚴定考成一片著法部知道欽此

軍機大臣署名奕劻毓朗那桐徐世昌

九月十一日內閣傳

旨事由單

●法部奏駁議小書王氏因姦謀殺翁父身死事奉 旨依議○又奏駁議滇省官犯許瀟洲等減等事奉

旨不准寬免○又奏查辦犯婦女胡孫氏減等事奉 旨依議●正白旗蒙古正紅旗滿洲前鋒護軍

統領內務府茶膳房各述 旨奉 旨是●大理院奏覆判譚際恆誤傷胞兄身死按律定擬事奉

旨依議○又奏覆判李滄輝等命案彙奏事單一件奉 旨依議○又奏覆判楊二等尋常命案彙奏事單

一件奉 旨依議○又奏覆判李萇等有等盜案彙奏事單一件奉 旨依議○又奏覆判余營遠等盜案

彙奏事單一件奉 旨依議●吏部禮部都察院理藩部各驗放官缺覆 命奉 旨留

九月十一日外摺欽奉 硃批事由單

●丁寶銓奏請以葛文濬補代州直牧摺 吏部議奏○又奏高州守鮑振鏞隨辦墾事請暫緩赴任片 鮑

振鏞著迅即赴高州府新任不准遲緩○又奏河曲令劉鶴年捐升道員開缺片 吏部知道○又奏解俄法

洋款片 該部知道○又奏元年分兵馬錢糧奏銷摺 該部知道單併發○又奏兩級師範學堂辦學出力

人員請獎摺 該部議奏單併發○又奏六月分兩糧情形摺 知道了○又奏第四屆籌備憲政情形摺

該衙門知道●恩志奏整頓涼防軍警學務並籌設工藝廠摺 著即認真籌辦該部知道○又奏莊浪佐領

海英病休致請 賞全俸片 著照所請並賞食原俸該部知道

●摺奏類一

民政部奏議覆川督奏川省高等巡警學堂學生畢業請予錄用摺

奏爲遵 旨議奏恭摺具陳仰祈 聖鑒事七月初三日內閣鈔出四川總督具奏川省

高等巡警學堂學生畢業請予錄用一摺奉 硃批該部議奏單併發欽此欽遵鈔交到部

原奏內稱川省高等巡警學堂共得畢業合格者七十人請援照民政部奏准京師高等巡警

學堂學生畢業成案將最優等學生許銓等十九名以七品警官記名優等學生葉祖修等三

十七名以八品警官記名中等學生蔡澤等十四名以九品警官記名各等語臣等查臣部議覆山西警務學堂高等學生畢業獎勵摺內聲明嗣後各省高等警務學堂畢業生考列最優等者以巡警道屬副科長或州縣警務長記名候補考列優等者以巡警道屬科員或各區區官記名候補奉 旨允准通行在案是則各直省巡警學堂學生獎勵自有奏定通行章程

臣部今年七月十六日議覆北洋高等巡警學堂第五期畢業生請獎一摺即係按照奏定通行章程辦理今川省請援照京師高等巡警學堂成案未便照准致涉兩歧臣部覆按該省先後咨部表冊詳細考覈所有各畢業生習過科目覈與奏定學堂應習學科均屬相符其畢業考試分數亦查與定章尙無不合應准分別給獎仍照奏定通行章程辦理以符奏章所有取列最優等之許銓蕭榮章亢廷珍玉鎧南宿炳瑛王士楷李煥炳劉光煒賴偉王階泰李夢庚高秉乾王鳴珂傅霖陳裕鈞王文章鄧文明賀恒羅榮輔等十九名擬請仍以巡警道屬副科長及各州縣警務長記名候補取列優等之葉祖修李啓華楊鼎楊毓華周席珍趙茂森董清弼馬秉靈楊喆蕭開輝王治劉樹藩方維植蔣宗周曾令名陳志杰管世豐張鴻烈陳大盧周紹安段宗城姚紹廉黃鑫吳兆麟蕭道亨唐治楊紹珖唐鳳梧徐紹植周定鑫馮傳吉吳磧邱繼瓊劉懋修楊鎮中沈炳蔚吳世珍等三十七名擬請仍以巡警道屬科員及各區區官記名候補以上各員如原有官階高於應得獎勵者應即查照奏案准其呈明以原官原班用其僅係虛銜候選願就此次畢業獎勵者亦准呈明按照考列等第照章錄用至原奏所稱中等畢業生蔡澤等十四名應由該省酌量錄用所請給獎之處應毋庸議如蒙 俞允即由臣部咨行該督欽遵辦理所有違議緣由理合恭摺具陳伏乞 皇上聖鑒謹 奏宣統二年九

月初七日具 奏奉 旨依議欽此

河南巡撫寶葵奏三年預算續經增減表册改編完竣摺

奏爲豫省宣統三年預算續經增減謹將表册改編完竣恭摺仰祈

聖鑒事竊照豫省宣

統三年預算歲入共銀九百七十四萬一千五十五兩零歲出共銀一千二十六萬六十一兩零出入相抵不敷銀五十二萬兩前經依限編訂表册專案 奏咨聲明 臣到豫未久一切尙多隔閡容俟逐細考求隨時奏咨追加嗣准度支部駁令大加增減當經 臣力任出入相符合會商監理官督飭各署局逐款釐訂先將增減大略開摺咨覆一面札飭清理財政局另將加減細數彙案核辦在案茲據該局司道將此項表册十四本改編完竣詳請 奏咨前來 臣細加查核此次改訂係各就款目之性質區爲三部凡部示更正及前次核繕錯誤經清理財政局核明者悉隸更正一部而以另編更正表附焉凡照部示裁減及由 臣主持酌裁者悉隸裁減一部而以抄錄各署局報裁細數册附焉凡續議增加及各局原報漏收經清理財政局行查覆報者悉隸追加一部而以另編追加分表附焉另行彙編總册一本以作總領各表册之首復將編訂辦法附以說明俾便查考至最後札飭裁減追加之款因期限迫屆不及彙入原册另編預算表一本將各數納入總册俾全省出入總綱仍屬有條不紊統計歲入共銀九百八十九萬六千九兩零歲出共銀九百八十五萬九千五百四十五兩零出入相抵尙餘銀三萬六千四百六十三兩零較之原算歲入共增銀十五萬餘歲出共減銀四十萬餘增減兩項共合銀五十五萬餘經此續加釐訂於度支部奏定收支適合辦法固已實力遵行而宣統三年應行籌備諸端亦可擇要並顧果能出納悉如所算則來年大局已可勉力支持但財政盈虧

初無把握如釐稅等類全賴經征各員認真辦理稍一鬆懈入款即須減少則出款必至不敷設遇水旱偏災不特丁漕減收更須另籌賑撫屬在人事者臣自當盡力督飭屬在天時者殊非先事所能逆料也至本屆預算本係試辦此外如續有更改增減仍當隨時專案奏咨何敢遇事拘執轉致貽誤除將現造表冊咨送度支部查照外所有豫省宣統三年預算增減表冊續經改訂完竣緣由理合恭摺具陳伏乞 皇上聖鑒訓示謹 奏宣統二年九月初九日奉 硃批度支部知道欽此

湖廣總督瑞澂奏省城內外高等小學堂畢業請獎摺 併單

奏為湖北省城內外各高等小學堂學生考試畢業照章分別請獎恭摺具陳仰祈 聖鑒事竊查湖北迭次各學堂畢業學生均經 奏請獎勵在案茲據湖北提學使高凌霨申稱現在各府州縣所設學生逐漸增多按照學部奏定修改考試章程應由各省提學使司或地方官會同各項學務人員公同考試通計各門分數分別等次給獎茲查省城內外各高等小學堂已屆畢業期限者均由本司遵章詳委學務人員分赴各堂會同各該地方官暨各學堂教員嚴加考試俾得互相稽核認真辦理嗣據各該堂陸續造具畢業履歷分數冊申送前來臣覆加查核除下等例不給獎及肄業期限未滿程度尙屬相符准入升學不給獎勵暨冊內姓名與各該堂歷年歷期一覽表內姓名不相符合由司札行各該堂查明具覆再行詳核彙報外其必修科目肄業期限悉遵章辦理完滿無缺者計天門縣小學堂畢業生最優等五名優等二名中等三名黃梅縣高等小學畢業生最優等三名優等九名中等二十名蘄水縣高等小學畢業生最優等二名優等十名中等二十一名鍾祥縣高等小學畢業生最優等三名優

等二十五名中等二十一名東湖縣高等小學畢業生最優等六名優等七名中等八名黃梅縣高等小學畢業生最優等一名優等六名中等十名利川縣高等小學畢業生優等六名中等六名咸甯縣高等小學畢業生最優等十四名優等二十二名中等十一名省城西路高等小學畢業生最優等十二名優等十二名中等九名省城北路高等小學畢業生優等三名中等一名漢川縣高等小學畢業生優等六名中等十名蒲圻縣羊樓崗高等小學畢業生最優等六名優等十名中等六名恩施縣高等小學畢業生優等一名京山縣高等小學畢業生最優等八名優等二十九名中等二十一名通城縣高等小學畢業生最優等七名優等二十五名中等二十一名潛江縣高等小學畢業生最優等十三名優等二十九名中等十九名雲夢縣高等小學畢業生最優等六名優等八名中等十一名南漳縣高等小學畢業生最優等五名優等十六名中等二十五名棗陽縣高等小學畢業生最優等十五名優等二十九名中等二十三名漢陽縣高等小學畢業生最優等八名優等三十名中等十一名襄陽縣高等小學畢業生最優等六名優等十名中等十八名應城縣高等小學畢業生最優等一名優等三名巴東縣高等小學畢業生最優等四名優等十七名中等三名建始縣高等小學畢業生最優等五名優等六名中等十二名利川縣高等小學畢業生最優等二名優等三名中等五名南漳縣高等小學畢業生最優等六名優等十六名中等二十八名松滋縣高等小學畢業生最優等十名優等十六名中等二名施南府高等小學畢業生最優等三名中等一名通山縣高等小學畢業生最優等六名優等十六名中等二十三名監利縣高等小學畢業生最優等四名優等十七名中等十名所有高

等小學三十一堂計共最優等一百五十九名優等三百九十六名中等三百六十四名照章分別給獎以宏造就而資鼓舞再施南府高等小學原名府中學豫科照章不應請獎惟查該堂各生實已滿八學期科目亦與高等小學無異應改爲高等小學堂比照給獎以符名實等情詳請 奏咨前來 臣覆核無異謹開具清單恭呈 御覽應請 敕下學部核議施行除將各學堂畢業履歷分數清冊咨呈學部考查外理合恭摺具陳伏乞 皇上聖鑒謹奏宣統二年九月初九日奉 硃批學部議奏單併發欽此

謹將湖北省城內外各學堂畢業生照章擬獎開具清單恭呈

御覽

計開

安陸府天門縣高等小學

堂畢業生共十名 最優等畢業生李英敏余占先王祖培劉慶騰周家麒 以上五名擬請作爲廩生 優

等畢業生萬齊年李澤庭 以上二名擬請作爲增生 中等畢業生朱榮實曾慶鈺邵方華 以上三名擬

請作爲附生 黃州府黃梅縣高等小學堂畢業生共三十二名 最優等畢業生王國祥陳文華石儒斌

以上三名擬請作爲廩生 優等畢業生張廷樞余旌張宗浚吳炳勳帥殿甲桂文藻李麟瑞石兆芹蔣宗适

以上九名擬請作爲增生 中等畢業生石鴻愈喻錫齡吳銘鼎鄧裕羣鄧元善石白玉石葆琦龔植芬陳

春陽柳成書梅國石於樹珍石璞吳利川蔣宗培黃階平桂廷魁石山儔胡厚彭吳又庠 以上二十名擬請

作爲附生 黃州府斬水縣高等小學堂畢業生共三十三名 最優等畢業生張英陳定軍 以上二名擬

請作爲廩生 優等畢業生何蔭棠王蔭慈何炎梅黃鼎新胡祖寅謝兆麟胡震旦洪文藻郭步雲吳勳 以

上十名擬請作爲增生 中等畢業生蔡恩培王有光洪恩浩翟振清陳恩詔王運新郭漢英朱國璋郭陸新

張祖書畢宏謨蔡麟湯冠英高繼陽何世杰張貞韓楊國華朱材魁高峙南郭愴黃郭震清 以上二十一名

擬請作爲附生 安陸府鍾祥縣高等小學堂畢業生共四十九名 最優等畢業生劉之楨王傳珍張致澤

以上三名擬請作爲廩生 優等畢業生李順臨李葆仁易明傑曾鳳翔韓冕古正謙周英振蕭道銘范振

序魏明遠張中精張中欽黃秉中陳文俊羅雲遠蔡翰羅錫恩徐天瑞張中柱崔希曾杜蘭如關慶驥毛文炳
樊克莊馬家光 以上二十五名擬請作爲增生 中等畢業生黃祖望蔡正瑤張中悅李海澄董開嶽邵振
烈徐崇國楊緒英蕭子榮夏永清黃在國關慶炎崔光明胡中榮季宜清劉先嗜高邦瞻楊錫玖關壽彭張中
萃樊家瑞 以上二十一名擬請作爲附生 宜昌府東湖縣高等小學堂畢業生共二十一名 最優等畢
業生龍家榮艾上達游上國望宏敷戴浚明黃能元 以上六名擬請作爲廩生 優等畢業生郭興仁曾誠
益沈貽勳張承賢鄒大鎮蔡起元楊萱堂 以上七名擬請作爲增生 中等畢業生董鎮南張大本羅光煇
江玉麟劉海清喻承恩楊孝宋起 以上八名擬請作爲附生 黃州府黃梅縣高等小學堂畢業生共十
七名 最優等畢業生蔣宗述 以上一名擬請作爲廩生 優等畢業生黎國楨李定翹李天衢鄭敬之梅
開第張四維 以上六名擬請作爲增生 中等畢業生鄧保華李祖培趙炳光梅峻曾喻振鏞雷潤章余瑛
何選取李迪忠龔春明 以上十名擬請作爲附生 施南府利川縣高等小學堂畢業生共十二名 優等
畢業生楊熾昌余鴻濤楊玉林楊瑞麟楊光前陶心齋 以上六名擬請作爲增生 中等畢業生藍田李孝
銓陶虞卿劉誦春譚維祺陳于菴 以上六名擬請作爲附生 武昌府咸甯縣高等小學堂第一次畢業生
共四十七名 最優等畢業生吳獻琛周元陳廷金陳治安熊安國余鳳鳴汪振華劉厥敵董策富張四維黃
紹核邵恩榮田家毅黃衍棟 以上十四名擬請作爲廩生 優等畢業生陳旭初李成林劉福蔭余傳鈞阮
昌期黃紹憲鎮安國劉昌振劉兆棠余傳鐸程驥雄劉調元鄭常慎劉壽聃鄭輝揚聶鳴鏘黃自禮黃鳳藻鄭
世棠陸宏僕幸際時余鶴林 以上二十二名擬請作爲增生 中等畢業生游與泮章承宗張紹良王良弼
劉翰屏吳有成章復瑞陳安葵楊林芳張斌元李世椿 以上十一名擬請作爲附生 湖北省城西路高等
小學堂第二次畢業生共三十三名 最優等畢業生王兆祥汪煥洋方進修陳善洪國植楊潤農韓建忠陳
子康劉國梁鄧應角魏華鐸楊昭恕 以上十一名擬請作爲廩生 優等畢業生萬輝庭蘇繼哲丁家琛衛
昌銘金森甲江國璫張文樞龍世存徐祐鄭含輝劉廷驊黃鳳清 以上十二名擬請作爲增生 中等畢業

生徐方庭侯期祥汪世儒王道南汪世官李鴻儒李秀淵劉邦富范鴻鐔 以上九名擬請作為附生 湖北省城北路高等小學堂第二次畢業生共四名 優等畢業生屈家葵呂崑蔣昌華 以上三名擬請作為附生 中等畢業生劉灼 以上一名擬請作為附生 漢陽府漢川縣高等小學堂畢業生共十六名 優等畢業生杜述文潘克勤胡燮雨林芳藻林芳蒸舒朝宗 以上六名擬請作為附生 中等畢業生胡典林段良萃胡獻廷林芳本聶崇貴胡猷為李為澍王通顯鍾相彬周道長 以上十名擬請作為附生 武昌府蒲圻縣羊樓崗高等小學堂第二次畢業生共二十二名 最優等畢業生魏國華汪楚波胡寅斗黃方毅周自新雷純章 以上六名擬請作為廩生 優等畢業生李維楨何少寅程兆鑫田濟川鄧文楚程萬里陳友儒周因材楊逢時姚念祖 以上十名擬請作為附生 中等畢業生汪樹勳石梓卿江麟甲宋逢甲賀新民李冠春 以上六名擬請作為附生 施南府恩施縣高等小學堂補習班畢業生一名 優等畢業生蕭崇恩 以上一名擬請作為附生 安陸府京山縣高等小學堂畢業生共五十八名 最優等畢業生顧方仁秦澍李雲章易振東馮家杰易用曾馬助申國棠 以上八名擬請作為廩生 優等畢業生楊萃南錢大鵬查可樟孫宗海李祖惠王文德劉春炳蔡圻李定中王章振丁化龍陳世楨王榮藻張樹恩胡北翹張楚珍李羨蓮曾聲鈺汪策孫光烈李紹白楊英才曾繁岱袁世英丁憲文張金庸鄧光慶馬俊范希麟 以上二十九名擬請作為附生 中等畢業生高承凱丁高明吳世治楊振中江述堯張啓明李仲章馮致魁曾繁勳周左冉輔清湯致和劉青陽秦雲朱寶善查可梓曾繁煊熊進修許經孜吳正學陳毓雄 以上二十一名擬請作為附生 武昌府通城縣高等小學堂畢業生共五十三名 最優等畢業生李子芳黎國彝熊海泉續乾元章洪道羅炎華王自強 以上七名擬請作為廩生 優等畢業生黎連陞徐靜溪黎國興周煥文陳廷弼吳經心李樹春孔廣華周正華葛先拔鄧棣怡葛紹繁鄧禧堂謝崧生劉祚漢葛宗輔劉兆年夏清和趙際盛曾正藩王興續元棟羅秋雲李穎芳黃金麗 以上二十五名擬請作為附生 中等畢業生趙旺冬王綱熊安瀾章玉瑛戴任之李煥青金嶽冷廷璧李惠和金玉章李蕊金寶善王庸甲鄒映蘭王維翰章嶸楊龍榜周耀廷

吳葆英熊題名周天度 以上二十一名擬請作為附生 安陸府潛江縣高等小學堂畢業生共六十一名
 最優等畢業生帥典五胡士俊蔡驊左行壯田葆初黃廷金張書銘江楚樸張召南楊炳曜陳俊森何泮香
 甘世恩 以上十三名擬請作為廩生 優等畢業生劉瑞臣陳靖清姜德義孫筱山萬德培戴鴻鈞劉炎龍
 丁時俊張名揚劉祝三孫登瀛朱道彬嚴向堃謝雨瓊劉堃陳世安陳炳堃劉楚材張桐明謝銘三李正榮李
 厚宏彭光烈鄧士瀛高春圃朱作堃張書經左周何動能 以上二十九名擬請作為增生 中等畢業生許
 甲三鄧開第索隆駿孫道成劉克善唐祖壁莊晉璋劉炳焜劉其明丁保山吳耀廷陳光炳張學文嚴春鵬王
 海丞歐陽培森喻從金蔣芳明張新銘 以上十九名擬請作為附生 德安府雲夢縣高等小學堂畢業生
 共二十五名 最優等畢業生包光傑程晉戴平與李林春邱英材吳鵬舉 以上六名擬請作為廩生 優
 等畢業生陳從鳳丁耀棗劉葆箴劉培庚程道兩程武喻葆勳左振新 以上八名擬請作為增生 中等學
 業生程銳黃存義劉炳南張楚材王治綱曾憲璵王蔭槐程慶鼎鄒金矩許永佑關長傑 以上十一名擬請
 作為附生 襄陽府南漳縣高等小學堂畢業生四十六名 最優等畢業生王希璞胡玉霖雷峻超王道明
 王永炎 以上五名擬請作為廩生 優等畢業生但功成王芹溪徐文燦李靖衷李明章劉繼漢胡明善邊
 經心陶植倫羅明書陳主中周樹藩黎宗賢胡肇杰陶常均陳一欽 以上十六名擬請作為增生 中等學
 業生王守瑛馮舉鶴蹇必純羅貢田聶厚田任道藩雷進之任述善陶常念金志琦劉發道李紹安楊大舉全
 蔭山郭泰舟周良鵬馮舉大陶智倫金式炎李紹庚盧洪鑑萬開億陶常慰金全壙劉積銓 以上二十五名
 擬請作為附生 襄陽府棗陽縣高等小學堂畢業生共六十七名 最優等畢業生張壽祺馬永祥張元瑛
 侯屏藩陳紹綱鄒炳燐余天文余天衢李鍾奇謝厚德陶天相魯鍾陽張立心劉伯選張正淮 以上十五名
 擬請作為廩生 優等畢業生吳鴻鈞陳宗彝范維新孫遠紹趙永昌魏文閣周家慶錢邦傑蔣成瑞張輝鑾
 王利賓冷逢時王文國王樹勳程啟瑞劉澤溥王錡李潤典唐際昌毛鳳麟邱全琮平明潤趙連貞錢維翰楊
 廷賓高定侯李興仁蔡伯廣李澍典 以上二十九名擬請作為增生 中等畢業生李同生唐紹琦吳鉅祥

任本利隗凌雲劉道達杜華光陳國佐胡發文吳道政文德壽王萬鍾張樹榮姜佐周蔡祥瑞任致耀黃斗明唐肇榮錢維藩王樹聲楊自強陳培善楊國棟 以上二十三名擬請作爲附生 漢陽府漢陽縣高等小學堂畢業生共四十九名 最優等畢業生滕功爽周震球陳華璵方葆光王祖墅羅之翥蕭紹何袁述均 以上八名擬請作爲廩生 優等畢業生楊邦彥戴厚培袁業權劉遠熬馮維邦孫雲龍王國棟金春先李澤培李肇隆熊望張忠鏞姚昌炳袁業惠劉培輝魏國楨譚長清楊業長韓樹錦哈宗漢熊智桓王邦基楊文蔚尹傳貴張傳銘何善初張明珩高超衛昌鑫章秀輔 以上三十名擬請作爲增生 中等畢業生劉國棟孫熬鍾立威周震東鮑化鵬胡鵬程凌錫慶孫德琳戴詩書黃澤溥鄭行健 以上十一名擬請作爲附生 襄陽府襄陽縣高等小學堂畢業生共三十四名 最優等畢業生陶元音馬立朝劉寅呂邦彥張佩青劉續武以上六名擬請作爲廩生 優等畢業生周鴻猷姚蓬山王維藩周鴻舉龔維藩楊釗邱宗儒楊春銀康天民馮建勳 以上十名擬請作爲增生 中等畢業生李有誌王彭齡楊春融陳幼達賀錦雲任明坡李宏昌趙沛霖陶德瑞白耀穎張應時吳化邦謝鳳維楊毓華龔其烈傅殿暢董祖棻何徵文 以上十八名擬請作爲附生 德安府應城縣高等小學堂畢業生共十名 最優等畢業生張述堯 以上一名擬請作爲廩生 優等畢業生程浴芬李逢華張蔭柏范韻珩 以上四名擬請作爲增生 中等畢業生鄒輝儒陳中心范續禹李庭秀李方戩 以上五名擬請作爲附生 漢陽府漢川縣高等小學堂畢業生共四名 最優等畢業生汪世榮 以上一名擬請作爲廩生 優等畢業生周祥禮黃文欽王國棟 以上三名擬請作爲增生 宜昌府巴東縣高等小學堂畢業生共二十四名 最優等畢業生徐祖藩沈孝棻張瑞芳魯士泰 以上四名擬請作爲廩生 優等畢業生張瑞芬費繼晉魯士濬胡明誠趙學魁沈孝增田祥宜韓錫向秀沅陳澤民劉以宸傅盛昌鄧廷桎馬明濬趙學詩沈孝基宋念奎 以上十七名擬請作爲增生 中等畢業生高秀槐鄧廷贊章仲錦 以上三名擬請作爲附生 施兩府建始縣高等小學堂畢業生共二十三名 最優等畢業生何人紀徐厚暄田克昌李昌國羅昌百 以上五名擬請作爲廩生 優等畢業生王國柱齊國昌陳靜

安呂大憲賈書慶黃德興 以上六名擬請作爲增生 中等畢業生邱玉君陳良銘程儒生徐良甫孫慶興
徐德聰劉孔淮陳紹輝謝鴻恩呂大德曾平章劉宗澍 以上十二名擬請作爲附生 施南府利川縣高等
小學堂畢業生共十名 最優等畢業生謝步瀛馬元愷 以上二名擬請作爲廩生 優等畢業生呂耀堂
謝兆鳳蔣克明 以上三名擬請作爲增生 中等畢業生任子肇劉登瀛向南端劉明訓林鴻來 以上五
名擬請作爲附生 襄陽府南漳縣公立高等小學堂畢業生共五十名 最優等畢業生聶宗愷胡玉佩顏
澤焱林桂翹譚翰翰楊松喬 以上共六名擬請作爲廩生 優等畢業生王世秀簡必魁夏維銓葉明軒李
蓮成夏繼榮楊達春陳尙履賀繼昌方樹森傅光華吳慎鈞黃紹烈張洪助李世裔劉德明 以上共十六名
擬請作爲增生 中等畢業生夏繼春陶常坦方懷英江滙漢張世壽周宗鑑王德錦曾廣富趙文明楊文澤
秦正烈陶珣倫秦啟珊胡琳胡映奎任壽昌唐開模彭志澤盧洪濟張世藩董明倫李春鏞路宋儒楊少偉劉
達盛胡益檢楊天文胡家憲 以上共二十八名擬請作爲附生 荊州府松滋縣高等小學堂畢業生共二
十八名 最優等畢業生熊暉原胡世璋胡世鈞胡世華向慶禧胡世琮余有申周國棟黃紹異劉繼煌 以
上共十名擬請作爲廩生 優等畢業生覃文瀾胡世清戴忠蓋孫毓葵楊起鴻梅先甲吳進信熊暉榮范知
仁黃紹謙伍家齊黃紹忠饒春膏吳訓章黃永佺余光烜 以上共十六名擬請作爲增生 中等畢業生馮
仰賢熊德麟 以上共二名擬請作爲附生 施南府高等小學堂畢業生共四名 優等畢業生黃人紀楊
伯準龍見田 以上共三名擬請作爲增生 中等畢業生白淵林 以上一名擬請作爲附生 武昌府通
山縣高等小學堂畢業生共四十五名 最優等畢業生聶元鍾郭鞏焦達春朱廷煥余維新嚴翼 以上共
六名擬請作爲廩生 優等畢業生徐步瀛聶元鼎張金鑾張鐸朱鎮南方則金夏文藩全植夏楚梁徐輔仁
王鶴齡陳寶訓管文質夏敏樹陳騰蛟夏詠梅 以上共十六名擬請作爲增生 中等畢業生阮慕容熊殿
飛謝之楨陳其宗陳彝宗劉鵬壽朱炳南孔憲周王叶謙葉逢潤夏廷冲沈步熬吳著江朱懷明方鳳池夏先
文吳繩武王子濬徐宗勤張若華方朝宗張步渠成己仁 以上共二十三名擬請作爲附生 荊州府監利

縣高等小學堂第二次畢業生共三十一名 最優等畢業生李敬臣孫德峻曾玉田張瑞廷 以上四名擬請作為廩生 優等畢業生劉丙龍劉藻明潘岷山張四維陳常董化麒劉行萱李華高晴嵐姜啟明朱源江胡書林劉濟清周仲揚王自謙蔡光厚蔡必燦 以上共十七名擬請作為增生 中等畢業生彭承述龔章楫王樹林夏開國左廷輔袁揆一張壽堂呂步陞劉耀南陳金階 以上共十名擬請作為廩生 宣統二年九月初九日奉 硃批覽欽此

摺奏類二

陝甘總督長庚奏甘省被災分別蠲緩豁免錢糧摺併單

奏為補報宣統元年甘肅夏秋被災情形分別蠲緩豁免錢糧草束數目繕具清單恭摺仰祈 聖鑒事竊查宣統元年甘肅皋蘭等縣夏秋禾苗被災情形及應蠲緩錢糧業經繕單具 奏並聲明河州等處尙未覆勘應俟催齊另行續辦在案茲據各屬陸續報前來除中衛縣摺造不合飭令更造至日再辦安化文縣勘不成災毋庸核議外其河州金縣渭源伏羌安定會甯甯靈循化秦州等九處據該管道府覆勘成災十分九分八分七分六分五分不等共應蠲正耗銀一千三百二十五兩五分一毫正耗糧二百四十六石九升一合四勺草五十五束九分六釐一毫番貢糧五十六石七斗一升五勺共應緩正耗銀六千二百五十九兩九錢八釐五毫正耗糧七千五百四十二石六斗一升三合五勺草四十四束八分七釐五毫番貢糧二十四石三升四合五勺應請照例分年帶征又甯靈應伏羌縣二處被水衝刷不能墾復地畝應征正耗銀八兩九錢九分閏正耗銀八分四釐正耗糧三十八石一斗四升二合草一百二十五束四分四釐應請永遠豁免又金縣被水衝刷地畝應征正耗銀七十六兩五錢三分閏正耗銀一兩五錢六分九釐正耗糧三十一石三斗六升五合一勺草一束八分八釐應請暫行豁免俟墾復後再行報明啟科據甘肅布政使何彥昇開摺詳請具 奏前來臣覆核無異擬懇 天恩敕部照例分別豁免蠲緩以紓民力而廣 皇仁理合繕單恭摺具陳伏乞 皇上聖鑒訓示謹 奏宣統二年九月初三日奉 硃批著照所請該部知道單併發欽此

謹將宣統元年甘省各屬補報夏秋被災分數分別開列免錢糧草束數目繕具清單恭呈 御覽 計

開 一河州稟報宣統元年東北鄉西南鄉夏禾被旱及六月初旬天降大雨被水沖傷近河及山口地畝禾苗等情批飭該管蘭州府督同覆勘被旱被水民屯地共一千一百九十九頃一十五畝六分六釐實係成災五分應征正銀二千八百四十一兩二錢三分三釐耗銀四百二十六兩一錢八分五釐正糧五千九百一十一石六升四合七勺耗糧八百八十六石六斗五升九合七勺擬請緩至次年帶征以紓民力 一金縣稟報宣統元年東西北三鄉夏禾被旱補種秋禾應俟收穫時再行具報等情批飭該管蘭州府督同覆勘被旱地畝成災十分雖秋禾尚有收成五分民力實異常拮据所有被旱地一十三萬六千一百一十八畝一分七釐應征銀八百四十四兩五錢八分六釐耗銀一百二十六兩八分八釐正糧三百三十七石五斗八升五合耗糧五十五石六斗三升七合八勺草二十三束三分應請照例蠲十分之一正銀八十四兩五分九釐耗銀一十二兩六錢九釐正糧三十三石七斗五升八合五勺耗糧五石六升三合八勺草二束三分三釐其餘應緩九分正銀七百五十六兩五錢二分七釐耗銀一百一十三兩四錢七分九釐正糧三百三石八斗二升六合五勺耗糧四十五石五斗七升四合草二十束九分七釐分作二年帶征又該縣於宣統元年六月初一日夜大雨滂沱被水沖淹地畝亦經蘭州府覆勘被淹地一千三百一十四畝八分五釐成災五六分不等應征正銀三十三兩二錢八分三釐耗銀四兩九錢九分二釐正糧一十三石三斗六升六合五勺耗糧二石五合草九分二釐擬請緩至次年帶征又被水沖剝地三千四百二十五畝一分二釐應征正銀六十六兩五錢四分八釐耗銀九兩九錢八分二釐閏正銀一兩三錢六分四釐耗銀二錢五釐正糧二十七石二斗七升四合耗糧四石九升一合一勺草一束八分八釐擬請自宣統元年起暫行豁免俟墾復後再行啟科以卹民艱 一渭源縣稟報宣統元年七月初二日北鄉秦王寺等莊被雹情形批飭該管蘭州府督同覆勘被雹地二千七百七十二畝四分九釐僅止打傷禾苗二三不在成災之列惟土地瘠薄民情困苦應征下忙正銀一十六兩一錢四分五釐耗銀二兩四錢二分二釐正糧一石三斗五升五合九勺耗糧二斗三合四勺擬請緩至次年麥後帶

政 治 官 報 摺 奏 類 九 月 十 二 日 第 一 千 六 十 四 號 十 五

征以紓民力 一伏羌縣稟報宣統元年六月十五日大雨傾盆山頂倒塌壓斃男女大小四十七丁口壓毀莊房十數座壓地八頃六十七畝五分實已成災十分尙難墾復等情飭令該管鞏昌府督同覆勘屬實擬請將應征正銀三兩一錢八分五釐耗銀四錢七分八釐開正銀七分三釐耗銀一分一釐請自宣統元年起暫行豁免俟墾復後再報啟科以卹民艱 一安定縣稟報宣統元年春夏雨澤愆期夏禾被旱成災等情飭令該管鞏昌府督同覆勘得東北兩區夏禾成災九分地四十六頃七十九畝四分五釐應征正銀七百五十八兩九分八釐耗銀一百一十三兩七錢一分五釐正糧四十二石四斗二升五合三勺耗糧六石三斗六升三合八勺照例請蠲十分之六正銀四百五十四兩八錢五分九釐耗銀六十八兩二錢二分九釐正糧二十五石四斗五升五合二勺耗糧三石八斗一升八合三勺其餘應緩四分正銀三百三兩三錢三分九釐耗銀四十五兩四錢八分六釐正糧一十六石九斗七升一勺耗糧二石五斗四升五合五勺分作三年帶征成災七分地三十四頃七十畝七分八釐應征銀五百五十九兩一錢八分四釐耗銀八十三兩八錢七分八釐正糧三十一石二斗九升三合五勺耗糧四石六斗九升四合照例請蠲十分之二正銀一百一十一兩八錢三分七釐耗銀一十六兩七錢七分六釐正糧六石二斗五升八合七勺耗糧九斗三升八合八勺其餘應緩八分正銀四百四十七兩三錢四分七釐耗銀六十七兩一錢二釐正糧二十五石三升四合八勺耗糧三石七斗五升五合二勺分作二年帶征以紓民困 一會甯縣稟報宣統元年春夏缺雨西北各鄉夏禾黃萎秋禾亦未出齊飭令該管鞏昌府督同各鄉夏禾被旱成災九分地一十萬七千四百九十六畝五分應征正銀四百八十四兩四錢三分一釐耗銀七十二兩六分四釐六毫正糧一百七石四斗九升六合五勺耗糧一十六石一斗二升四合五勺照例請蠲十分之六正銀二百八十八兩二錢五分八釐六毫耗銀四十三兩二錢三分八釐八毫正糧六十四石四斗九升七合九勺耗糧九石六斗七升四合七勺其餘應緩四分正銀一百九十二兩一錢七分二釐四毫耗銀二十八兩八錢二分五釐八毫正糧四十二石九斗九升八合六勺耗糧六石四斗四升九合八勺分作三年帶征成災八分地五萬二千七百七十六畝九分八釐應征正銀一百四十七兩八錢七分六釐耗銀二十二兩一錢八分一釐四毫正糧八十一石三斗七升四合九勺耗糧一十二石二斗六合

二勺照例請蠲十分之四正銀五十九兩一錢五分四毫耗銀八兩八錢七分二釐六毫正糧三十二石五斗五升耗糧四石八斗八升二合五勺其餘應緩六分正銀八十八兩七錢二分五釐六毫耗銀一十三兩三錢八釐八毫正糧四十八石八斗二升四合九勺耗糧七石三斗二升三合七勺分作三年帶征又該縣西北鄉郭城驛秋禾先被亢旱復被水淹亦經鞏昌府督勸各鄉秋禾被旱成災七分地八萬八千七百七十一畝七分四釐應征正銀四百八兩二錢七分一釐耗銀六十一兩二錢四分七毫正糧一百一十七石三斗九升五合二勺耗糧一十七石六斗九合三勺照例請蠲十分之二正銀八十一兩六錢五分四釐二毫耗銀一十二兩二錢四分八釐一毫正糧二十三石四斗七升九合耗糧三石五斗二升一合九勺其餘應緩八分正銀三百二十六兩六錢一分六釐八毫耗銀四十八兩九錢九分二釐六毫正糧九十三石九斗一升六合二勺耗糧一十四石八升七合四勺分作二年帶征成災六分地六萬五千九百四十四畝三分應征正銀三百一十二兩二錢九分五釐耗銀四十六兩八錢四分四釐六毫正糧六十五石九斗九升四合三勺耗糧九石七斗六升四合一勺照例請蠲十分之一正銀三十一兩二錢二分九釐七毫耗銀四兩六錢八分四釐五毫正糧六石五斗九合四勺耗糧九斗七升六合四勺其餘應緩九分正銀二百八十一兩六分七釐三毫耗銀四十二兩一錢六分一毫正糧五十八石五斗八升四合九勺耗糧八石七斗八升七合七勺分作二年帶征以蘇民困一甯靈廳詳報宣統元年六月初二十二及二十二等日連降猛雨山水陡發沖淹田地二千餘畝夏秋禾苗顆粒無收等情飭令該管甯夏府會勘楊馬湖地方被水冲刷淹淤地二千一十畝八分六釐內有地一千二百七十七畝二分五釐不能舉種應征地丁正銀四兩六錢三分二釐耗羨銀六錢九分五釐額征正糧三十三石一斗六升七合耗羨糧四石九斗七升五合草一百二十五束四分四釐擬懇一律豁免又有成災十分地七百三十三畝六分一釐應征地丁正銀三兩五分二釐四毫耗羨銀四錢五分七釐九毫正糧一十七石二斗三升三合六勺耗糧二石五斗八升五合草七十六束六分一釐六毫照例請蠲十分之七正銀二兩一錢三分六釐七毫耗羨銀三錢二分五毫正糧一十二石六升三合五勺耗羨糧一石八斗九合五勺草五十三束六分三釐一毫其餘三分正銀九錢一分五釐七毫耗羨銀一錢三分七釐四毫正糧五石一斗七升一勺

耗羨糧七斗七升五合五勺草二十二束九分八釐五毫應請緩作三年帶征以紓民困 一循化廳稟報宣統元年自春徂夏雨澤愆期馬營鴻化靈臧陸社等處禾苗枯槁等情飭令該管西甯府會勘馬營等處被旱成災十分地四萬五千二十七响應納額征番糧八十一石一升五合照例請蠲十分之七糧五十六石七斗一升五勺其餘應緩三分糧二十四石三斗四合五勺分作三年帶征以紓民力 一秦州直隸州稟報宣統元年六月十四五等日大雨如注山水暴發淹沒雷王集等處秋禾沖塌房屋溺斃人口等情飭令該管鞏秦階道督勘秋禾被水成災七分地六千二百三十六畝應征正銀一百九十五兩一錢五分九釐耗銀二十九兩二錢七分四釐正糧四十七石一斗一合五勺耗糧七石六升五合二勺照例請蠲十分之二正銀三十九兩三分二釐耗銀五兩八錢五分五釐正糧九石四斗二升三勺耗糧一石四斗一升三合其餘應緩八分正銀一百五十六兩一錢二分七釐耗銀二十三兩四錢一分九釐正糧三十七石六斗八升一合二勺耗糧五石六斗五升二合二勺分作二年帶征以紓民力 以上被災之處均經各該廳州縣按時具報因諸多疎漏駁飭另辦以致遲延理合陳明宣統二年九月初三日奉 硃批覽欽此

署江北提督雷震春奏委李端祐代理堰肝同知片

再堰肝同知程松生現在請咨赴引所遺員缺查有候補同知李端祐堪以委派代理除檄飭遵照外謹會同兩江總督臣張人駿附片陳明伏乞 聖鑒謹 奏宣統二年九月初八日奉 硃批知道了欽此

湖廣總督瑞澂奏荆門直牧許鼎鈞續完欠款請免議片

再前准部咨錢糧奏銷各依定限令各該督撫一面具題一面將未完一分以上各員開具簡明清單專摺奏報由部核定處分先行覆奏其有奏後續完者准其奏歸本案開復等因前於查辦宣統元年奏銷時業經臣將南糧驢脚銀米未完一分以上各員開具簡明清單專摺奏報在案茲據彙署湖北布政使高浚爵詳稱荆門州南糧項下原報經征現任知州許鼎鈞未完四分一釐南糧正耗米折銀三千三百兩今已續完清楚應請免議等情詳由前護督臣王乃徵未及核辦移交前來臣覆核無異除咨吏部度支部查核外理合附片具陳伏乞 聖鑒謹 奏宣統二年九月初八日奉 硃批該部知道欽此

西歷一千九百十年十月十五號 星期六

本局設立北京東長安牌樓王府井大街

宣統二年九月十三日第壹仟陸拾伍號

電話內城總局第二百零一號

政治官報

目錄

●宮門鈔○ 諭旨一道○交 旨三道○事由單●電報類○江撫等致憲政編查館電○
 憲政編查館覆江撫等電●摺奏類一○郵傳部奏開徐海清鐵路機料請暫免稅摺○翰林院侍
 讀士榮商奏請申明例禁賭博片○又奏京官薪水漫無限制請定京俸章程片○吉撫奏遵
 旨併議御史趙炳麟等奏請定行政經費摺●摺奏類二○度支部奏請覆滇督奏籌餉振捐請獎
 摺○護桂撫奏遵 旨核減原保剿匪出力員紳摺併單○又奏請將直牧馮錫薇等留桂補用
 片○又奏知縣謝清泰年滿甄別片●廣告

政治官報 目錄

九月十三日第一千六十五號

二

宮門鈔

九月十二日 農工商部 郵傳部 正藍旗值日 吏部引 見二十三名 署綏

遠城將軍瑞良謝 恩 鄒嘉來請假十日 葵公續假十日 郵傳部 盛宣懷

崇芳各遞封奏一件 掌禮司奏十五日祭 奉先殿薄餼行禮 吏部奏派揀選

舉人

派出郭曾忻 陳寶琛

召見軍機 瑞良

諭旨

監國攝政王鈐章

九月十二日內閣奉

上諭瑞良現署綏遠城將軍吏部右侍郎著吳郁生署理欽此

軍機大臣署名奕劻毓朗那桐徐世昌

交旨

九月十二日

監國攝政王鈐章

軍機大臣欽奉

諭旨郵傳部奏派員查明湖南湖北路工暨股捐各款情形一摺知道了欽此

軍機大臣署名奕劻毓朗那桐徐世昌

監國攝政王鈞章

軍機大臣欽奉

諭旨盛宣懷奏捐資籌建上海圖書館成立請賞匾額書籍一摺著賞給御書匾額一方欽此

軍機大臣署名奕劻毓朗那桐徐世昌

監國攝政王鈞章

軍機大臣欽奉

諭旨御史崇芳奏京城銀錢鋪號關閉多家請飭部維護並籌善後之法一摺著該衙門知道

欽此

軍機大臣署名奕劻毓朗那桐徐世昌

九月十二日內摺傳 旨事由單

●吏部奏議處奏報禁煙不實各督撫議以降一級留任公罪可否准其抵銷請 旨事奉 旨准其抵

銷●農工商部奏江蘇省城設立農務總會請給關防事奉 旨依議○又奏廣西潯州府設立商務總會

請給關防事奉 旨依議●郵傳部奏議覆河南巡撫奏擬派洛潼鐵路總稽查事奉 旨依議○又片

奏清還英公司借款事奉 旨知道了●中正殿奏十五日進 養心殿率經喇嘛名牌奉 旨知道了

九月十二日外摺欽奉 硃批事由單

●陳夔龍奏保薦孝廉方正摺 該部議奏○又奏核明北洋陸軍元年分收支餉雜等摺 該部知道單併

發○又奏右營游擊唐維珍補入溝營參將片 陸軍部議奏○又奏安肅縣教諭解整堪膺保薦片 吏部

知道○又奏游擊盧得勝等煙癮未斷請革職永不叙用片 著照所請該部知道○又奏奉到 孝欽

顯皇后升祔寶詔日期摺 禮部知道○又奏圍場同知各缺請仍定為要缺摺 吏部知道●程德全奏蘇

州關百九十八結稅鈔收支數目摺 該部知道單併發○又奏籌認新定賠款等摺 該部知道○又奏旗

餉等項湊還賠款片 該部知道○又奏請將統領太湖水師游擊杜步階等革職等片 著照所請該衙門知道○又奏請將戒煙不力之守備夏大明等革職永不叙用片 著照所請該衙門知道○又奏籌備憲政第四屆接辦情形摺 該衙門知道○又奏松江府印信模糊請換鑄片 該部知道○袁樹勛奏考查州縣事實摺 該衙門知道單併發●韓國鈞奏授奉天交涉使謝 恩請 陛見摺 毋庸來見

●電報類

●江撫致憲政編查館電 憲政編查館鈞鑒查上年十月六日鈞館覆皖撫電內開諮議局議員出缺以各該府直隸州複選候補當選人依次遞補等因惟該府直隸州如無此項候補當選人可否以他府直隸州之複選候補當選人借補抑或必須就該府直隸州舉行補選再補選時係僅就初選當選人補行複選抑仍須補行初選均請核示樹模徑

●憲政編查館覆江撫電 齊齊哈爾撫台鑒徑電悉仍應就出缺議員之本府州初選當選人內補行複選希即查照此覆憲政編查館虞

●魯撫致憲政編查館電 憲政編查館鑒會議廳規則有諮議局議決案件經審查科審定應行公布或更正施行等語是否指諮議局之議決案件督撫視為未協者得有酌改更正之權再議決之案如調查需時或牽連他項問題於本會期內裁奪不能確定者可否劄覆議長及常駐議員或緩至次年會期答覆統乞示遵寶琦東

●憲政編查館覆魯撫電 濟南撫台鑒東電悉會議廳規則所稱公布或更正施行等語係指局章二十二三兩條公布及更正而言至該局議決案件督撫視為未協應查照局章二十二條二項辦理其裁奪期限即另文通告憲政編查館敬

●浙撫致憲政編查館電 憲政編查館鈞鑒會議廳規則第十三條會議日期由督撫指定

分別召集兩科人員屆期到廳會議是否兩科分自召集分自會議抑兩科合議其第十五條所謂兩科會議以到會員過半數之同意爲議決者是否指兩科會議共同表決而言祈速電示增輜支

●憲政編查館覆浙撫電 杭州撫台鑒支電悉會議廳兩科分別召集自應分別會議其十五條所稱仍應分別議決憲政編查館覆

●東督致憲政編查館電 憲政編查館鈞鑒按諮議局章程第二十一條第二款應議決本省歲出入預算事件奉省宣統三年地方行政費預算底册已札清理財政局呈核轉交諮議局惟現准度支部電試辦預算照章先將局存地方行政經費底册一分送交諮議局所有本部核增核減之款已由貴處允許者一併鈔案彙送以備參考等因電內但云參考無交局議決字樣應如何辦理乞酌核示遵良庚

●憲政編查館覆東督電 奉天制台鑒庚電悉奏定清理財政章程第二十條地方行政經費係交局議決希照章辦理憲政編查館灰

摺奏類一

郵傳部奏開徐海清鐵路購用機料請暫免稅摺

奏爲開徐海清鐵路購用機器材料請照成案准予免稅恭摺仰祈 聖鑒事竊前據開徐海清路局稟稱職局開辦以後旋派工程師等分投履勘一俟路線勘定即行興工建築所有需用機器材料有來自外洋者有購自各省者將來轉運於輪船鐵路者甚夥稅釐運費實屬不貲此路款艱工鉅不得不遇事撙節以期克底於成查各省鐵路購用機器材料均經先後

奏明免稅上年吉長張綏兩路亦經奏准免稅職路事同一律擬請援照成案奏明一律免稅等情當以事關稅務卽行咨商稅務處去後茲准復稱開徐海清鐵路購運機器材料擬援照官辦各路成案一律免稅自可奏明辦理惟仍須聲明確係建築所需並以三年爲限以符成案等語咨覆前來查該路不日開工購置物料自不容緩據稟款艱工鉅亦屬實在情形前官辦各路所需物料歷經奏准免稅吉長張綏亦於去年奏明免稅各在案該路事同一律而籌款之艱則更甚於兩路並已妥商稅務處可照成案辦理擬請自開工之日爲始准予免稅三年以節路款而重要工除俟開工之日咨照稅務處查照辦理外所有開徐海清鐵路購用機器材料按照成案暫行免稅情形理合恭摺具陳伏乞 皇上聖鑒訓示謹 奏宣統二年九月初二日奉 旨該衙門知道欽此

翰林院侍讀王榮商奏請申明例禁賭博片

再博筭之戲自古有之但中國今日乃存亡危急之秋稍知忠愛者將臥薪嘗膽之不暇尙忍及時行樂耶乃民間之賭禁頗嚴而京官之賭風仍熾其號爲能員者薪水愈厚則賭興愈豪及其入署辦公不過敷衍塞責甚至學堂子弟相率效尤每當休息之期羣以飲博爲事人才敗壞尤可寒心 臣到京時曾有嚴禁賭博之請而查拏既虛其騷擾規勸又未肯聽從惟有請 旨申明例禁凡違禁聚賭者准同鄉官指名嚴參庶若輩咸知畏忌而賭風自息矣是否有當伏乞 聖鑒謹 奏宣統二年九月初十日奉 旨已錄

●又奏京官薪水漫無限制請定京俸章程片 再近年京官薪水漫無限制丞參以下之所入有較尙書侍郎而更優者驕奢淫佚習爲固然運動鑽營昌言不諱 國家酬庸之典徒供

若輩揮霍之資此卽府庫充盈猶恐後難爲繼况百姓之脂膏已竭而京官之囊橐日豐清夜捫心能無愧怍相應請 旨飭下政務處議定京俸章程力求撙節務使既稟稱事而不至盈滿爲災庶士大夫咸知物力之艱難相與專心供職士氣漸靜而國用亦稍舒矣是否有當伏乞 聖鑒謹 奏宣統二年九月初十日奉 旨已錄

吉林巡撫陳昭常奏遵 旨併議御史趙炳麟等請定行政經費摺

奏爲遵 旨詳議吉林行政經費分別籌計恭摺陳仰祈 聖鑒事竊 臣先後接准內

閣咨開宣統二年四月十九日欽奉 諭旨御史趙炳麟奏請飭議確定行政經費一摺著

在京各衙門各省將軍督撫將九年籌備單內所開各條某年某事需款若干從何籌定分年

列表詳議具奏等因欽此又六月初二日欽奉 諭旨湖北布政使王乃徵奏籌備憲政酌

分緩急一摺著在京各衙門各省督撫歸併御史趙炳麟條陳一併詳議具奏欽此並鈔印原

奏各摺咨行欽遵辦理前來 臣伏念九年立憲乃繼 先朝未竟之功實負薄海其蘇之

望國是早定固無事於遲回世變方深正共圖其猛進有斯責者方且不遑朝夕期濟艱危非

急功而近名濟則 國家之福苟度德而量力不濟則臣民之羞此誠無論財政如何艱難庫

儲如何竭蹶皆當上下分任內外統籌者也詳議趙炳麟王乃徵等原奏雖注重於依次進行

或致疑於後難爲繼更有慮夫同時並舉費重事繁必且緣飾觀瞻寢至有名無實 臣愚以爲

凡此數慮固皆切中事情然原奏不過恐籌款之爲難並非置要政於不辦今但當權其緩急

劑其盈虛不當避籌措之維艱轉致進行之多碍查籌備事宜清單內所列應需各款無過審

判教育地方自治巡警諸大端吉省改辦審判與奉天同時組織省城高等地方兩廳已經成

立其餘長春延吉琿春三處係屬商埠並已立有規模而賓州農安兩府縣則因地方繁富款項易籌得以提前辦理其餘均待擴張計自宣統二年至八年一律完備共應籌銀八百二十一萬餘兩教育一途在邊省爲最要之政而舉辦之困難則較內地爲尤甚因風氣未開待學孔亟而教員則須求諸他省學費尙難收之其人且各屬僻遠之區仍須多方倡導自二年至八年共需籌銀二千五百五十萬兩有奇籌辦地方自治亦因地方樸儻民智未通諸待官家誘掖獎進方能日起有功故於省城籌辦處外並各屬之籌辦公所研究所宣講所又自治日報社一切經費自二年至六年止尙須籌銀一百四十餘萬兩巡警一項則因吉省盜匪充斥業飭提前趕辦各屬城鄉巡警均已粗有規模以後逐年擴充四五年後可期一律完備計自二年至八年共需籌銀一千四百七十萬兩有奇此外如興辦實業就農工商部分年列表應行籌備之事核計自二年至八年共需銀三百三十餘萬兩而移民開墾籌辦森林礦產應集鉅費者不在此數又如民政部分內之醫院及禁煙公所一切應用經費核計自二年至八年需銀八十二萬餘兩而開通道路疏濬水利溝渠有關興築者又不在此數此吉省籌備年限內應需各項經費之約數也綜計前項經費有出自公家者亦有籌之各地方者以吉林全省歲入不過三百餘萬兩而宣統二年分各項費用已達四百六十餘萬兩其他之行政經費軍餉官俸均不在內故地方籌補之款如警學等捐推之審判自治亦有就地自籌者其數已復不少以後逐年擴充其在宣統八年分則需銀九百七十餘萬兩比之於今增加已逾一倍以云籌措部中固無可撥付而本省按年所入亦豈有術以取盈是仍必取之地方然後可期有著論者一主開源一主節流然由前之說則費本無所出由後之說亦搜剔之已窮二者不得

一當以_臣思之惟有就整理之途行清釐之策現正_臣飭各司將田賦捐稅各項逐加清理預計每歲增收之數可成大宗此則下無損於民生上有裨於_臣國計酌劑盈虛無逾此者但須俟預算決算制定之後國家稅與地方稅劃分之期再行斟酌核辦至趙炳麟王乃徵所稱酌分緩急次第施行仍不過爲經費起見按之吉省却有不得不不然者則以事實之關係猶不盡由於經費之問題蓋緣設治各區荆榛初闢人民未集財貨弗通方以殖民通道爲先難以大邑通都相况現時督飭地方官行政只能先辦警察以衛民居繼辦學堂以通民識舍此二者其餘一切新政均無措手之方故_臣於新設各廳州縣但責以人口之多寡商業之盛衰爲其成績等差而於籌辦憲政並不加以責備此正飭司查明各屬情形分別另行奏明辦理至於經費則新闢之區與舊有之域兩相比較所費更多蓋舊治尙有可因而新則無一非創卽施行雖有次第而費則轉必加增此又吉省特別情形與他省不無稍異者也伏念東省阨危日迫一日近年_臣朝廷時屢東顧輿論亦復鼓吹不休_臣謬領疆符責無旁貸往年改定官制卽以東三省爲先導夫豈不計經濟困難程度不齊而_臣朝廷乃毅然行之者爲其事勢已迫不容緩也今又數載矣以今日之時局言之正宜萃天下之能力救此一隅猶不知其能及否也若再以苛法相繩常情相待是進行者受促於前而掣肘者陰隨於後舉動皆疑於浮濫不免懲羹而吹齏行事不論其是非將使削趾以適履馴至危亡不顧傾覆不知此_臣所中夜徬徨罔知攸措者也_臣既沐_臣厚恩惟知圖報無論若何困難要當一意進行他省所不敢知至於吉林則能進而不能退可急而不可緩成敗利鈍固所不計怨謗譏疑亦所弗恤區區愚忱如是而已除將表册咨送政務處查核外所有遵議吉林行政經費分別籌計緣由謹會同東

三省督 臣錫良恭摺具陳伏乞

皇上聖鑒訓示謹

奏宣統二年九月初十日奉

硃

批該衙門知道欽此

摺奏類二

度支部奏議覆滇督奏籌餉賑捐請獎摺

聖鑒事據雲貴總督李經

奏為核覆雲南籌餉賑捐並七項常捐按照新章請獎第三次繕單恭摺仰祈
 義奏稱查雲南辦理籌餉改章加成捐輸業將第二次捐生銜名及收捐銀數造冊奏咨請獎在案茲據雲南
 布政使沈秉堃詳稱續於四月初一日起至月底止收到捐員和士溫等二名各報捐指省共正項銀一百二
 十兩又捐員周丙煦等十一名各捐監生職銜共正項銀三百零三兩二錢均由雲南大清銀行照數代為兌
 收存俟分別撥解等情造冊出結並截存副實收彙單為改章第三次送部查核等因一摺宣統二年七月二
 十八日奉 硃批該部知道欽此欽遵由內閣抄出到部 臣等伏查前據雲貴總督李經羲將雲南籌餉賑
 捐並七項常捐按照新章請獎初二兩次奏獎各在案茲據雲貴總督李經羲將雲南新章代收常例七項捐
 生二名共請獎正項實銀一百二十兩又監生職銜等項捐生十一名共請獎正項實銀三百三兩二錢分造
 履歷清冊列作第三次奏獎前來 臣等督飭司員詳加核算所有常例七項冊開捐生和士溫等二名原案行
 查吏部尚未覆回應俟覆回到日再行核辦又職銜監生等項冊開捐生李植等十一名核與例案銀數均屬
 相符應請照准謹分繕清單恭呈 御覽伏候 命下由 臣部及吏部繕照封發理合恭摺具陳伏乞

皇上聖鑒謹 奏宣統二年八月二十三日奉 旨依議欽此

護理廣西巡撫魏景桐奏遵 旨核減原保則匪出力員紳摺併單

奏為遵 旨核減原保歷年剿匪出力各員紳另行開單請獎籲懇 恩准以勵前勞而策後效恭摺覆

陳仰祈 聖鑒事竊撫臣張鳴岐於宣統二年六月二十日具奏歷年剿辦大股匪徒一十六起在事出力

各員紳擇尤請獎一摺欽奉 硃批所保過多著另行核減具奏單二件發回欽此仰見 朝廷於慎重名

器之中寓激勵戎行之意臣查原奏所保歷年剿匪出力各員紳保各遵 前旨擇尤核實請獎由六百數十員減為一百三十餘員原不敢稍有冒濫惟因積案至十六起之多歷時至三年之久故所保人數仍不免較多自應欽遵 諭旨再行核減茲經臣再四斟酌於原保異常項下核減潘明潤劉樹勳梁有志許孫壁等共四員尋常項下核減陳應忠徐仕清全桂照覃邦青李樹華陳善璋王者香等共七員合共核減一十一員實已於無可核減之中勉為釐剔此外各員均屬尤為出力礙難再事刪減謹開列清單恭呈 御覽合無仰懇 天恩特予照准給獎出自 逾格鴻施又查廣西提臣龍濟光整軍經武調度有方歷年督師剿匪所向有功署右江鎮李國治率隊搜捕勞瘁不辭肅清搖山厥功最偉陝西布政使余誠格前在廣西藩司任內籌餉濟師於調度機宜亦多贊助深裨大局四川布政使王人文前在平樂府知府署任駐軍深冲冒瘴搜捕於剿辦賀縣首匪夏麻生一案尤為出力按察使王芝祥宿嫻軍旅於聚殲夏麻生全股及剿滅大遼江叛勇兩案設謀督剿悉合機宜用能迅速撲滅均屬著有勞勩擬請仍照前奏將廣西提臣龍濟光陝西布政使余誠格均請 旨交部從優議敘署廣西右江鎮總兵補用副將李國治請以總兵 記名簡放四川布政使王人文廣西按察使王芝祥均請 賞給頭品頂戴以示獎勵除查明陣亡各員弁另案請卹並將千總以下各員咨部核獎外所有遵 旨核減原保歷年剿匪出力各員紳另行開單請獎各緣由謹恭摺覆陳伏乞 皇上聖鑒訓示謹 奏宣統二年九月初十日奉 硃批該部議奏單二件併發欽此 謹將歷年剿辦股匪一十六案在事尤為出力文武各員分別異常尋常酌擬獎敘繕具清單恭呈 御覽

計開 丁憂開缺鎮安府知府唐爾錕請俟服闋後免補知府以道員補用 署梧州府知府上思直隸廳同知志琮前署泗城府知府准補明江同知唐神澍均請開缺以知府仍留原省儘先補用志琮並加三品銜 前署潯州府知府丁憂開缺上思廳同知陳仲賓請俟服闋後免補同知以知府仍留原省補用 前署貴縣知縣丁憂開缺奉議州知州呂鑑照請俟服闋後免補知州以直隸州仍留原省補用 前署百色廳同知補用知縣田駿豐前署昭平縣知縣補用知縣王為毅前署宜山縣知縣揀發知縣修承浩前署藤縣知縣補用知縣党其昌補用知縣徐棣宋壽欽許克襄同知銜雲南補用知縣徐儒珍均請免補知縣以同知直隸州

仍留原省補用 管帶巡防隊分省補用知縣呂春瑄請免補知縣以直隸州知州仍分省補用 前署武緣縣知縣補用通判梁學智請免補通判以同知仍留原省補用 裁缺土忠州州同景其銘四川補用直隸州州同秦步衡均請免補本班以知州仍留原省補用 候選知縣楊通管帶線勇陽朔縣教諭盧中權均請以知縣分省儘先補用楊通並加同知銜 代理桂平縣知縣補用縣丞劉錫綸試用府經歷葉霖森試用縣丞王堯勳均請免補本班以知縣仍留原省補用 幫帶提督親軍隊選用府經歷張集林管帶巡防隊選用府經歷段爾源均請免選府經歷以知縣分省補用 候選縣丞閻迺元請免選縣丞以知縣歸部選用 通判職銜附貢生覃恩溥通判職銜增貢生李國選通判職銜于鳳岐劉炳宇均請以通判歸部選用 州同職銜附生梁觀瀾州同職銜趙恒軒均請以州同歸部選用 州判職銜周積功請以州判歸部選用 分省補用縣主簿李華春請免補主簿以縣丞分省補用 候選縣主簿王永昌請免選主簿以縣丞歸部選用 山西候補從九張遂請免補本班以縣丞仍留原省補用 管帶巡防隊總兵銜提標補用叅將陳世華統領巡防隊補用叅將王雲貴均請免補叅將以副將補用 管帶巡防隊補用游擊龔得勝管帶保商營叅將銜補用游擊易鑫督帶巡防隊補用游擊納順洪督帶巡防隊叅將銜補用游擊莊德炳儘先補用游擊麻家發均請免補游擊以叅將補用 管帶巡防隊副將銜補用都司白有祿管帶巡防隊游擊銜補用都司馬占品管帶團防營游擊銜補用都司蔣大觀均請免補都司以游擊補用 管帶巡防隊都司銜儘先補用守備裴廣德管帶親兵營都司銜補用守備任定元管帶親兵營補用守備鄧遠謀都司銜補用守備馬文富管帶巡防隊拔補守備歸宗親均請免補守備以都司補用裴廣德並加游擊銜 前幫帶梧防營都司銜儘先拔補千總鍾鎮藩督帶巡防隊拔補千總莫榮新守備銜千總劉福海儘先拔補千總何汝安儘先拔補千總白定保儘先拔補千總鄭翰品均請免補千總守備以都司補用 管帶巡防隊拔補千總金振邦管帶巡防隊拔補千總張興元幫帶親兵營儘先拔補千總鍾紹益儘先拔補千總黃文藻拔補千總趙雲龍焦振彪王金棠金兆庶周塘秀宋紹湯宋嘉智梁耀祖均請免補千總以守備補用 以上文武各員均係異常出力 左江道紀堪謹太平恩順道李開侁均請加二品銜 桂平梧豐法道張祖祺署右江道二品銜補用道沈秉炎均請給

三代一品 封典 軍機處存記在任候補道桂林府知府歐陽中鵠署潯州府知府在任候補道本任太平府知府彭言孝均請俟過道班後加二品頂戴 甯甯府知府方培愷請以道員在任候補 江蘇試用知府鄧慶乾花翎鹽運使銜廣東補用知府朱朝瑛均請俟補缺後以道員用 前署平南縣知縣准補百色廳同知葉嗣淇請以知府在任候補 廣東試用直隸州知州黃玉鴻補用直隸州知州呂鴻元均請俟補缺後以知府用 在任候補同知直隸州丁憂開缺東蘭州知州楊慶榮請俟服闋補同知直隸州後以知府在任候補 指分直隸試用知州劉瑞沖請俟補缺後以知府用 前署宜山縣知縣直隸州用候補知縣刁光祖請俟補直隸州後以知府用 補用知縣于鳳文祝世儻均請俟補缺後以同知直隸州用 署賓州知州准補河池州知州馬振濱前署河池州知州准補懷遠縣知縣李佑元均請以同知直隸州在任候補 署東蘭州知州補用知縣陳廷傑署河池州知州試用知縣蹇先陶署柳城縣知縣揀發知縣陳文裕均請俟補缺後以直隸州知州在任候補 候補知縣趙紹曾朱承炬指分廣東試用知縣陸顯書均請俟補缺後以直隸州知州用 補用州同謝聖洋請俟補缺後以知州用 選用府經歷李增輝巡防隊哨弁選用府經歷潘燮照幫帶巡防隊候選縣丞劉德漢均請俟選缺後以知縣用 縣丞職銜廖振聲黃玉珍黎鳳岐蔣助純管帶恩縣縣親兵營附生譚昌鴻幫帶巡防隊優廩生李安清幫帶巡防隊附生熊其勳均請以縣丞歸部選用 縣主簿職銜黃志桓請以縣主簿歸部選用 柳城縣典史李澍請以縣主簿在任候補 廩生胡聯鼎附生潘永淵李蔭棠監生覃邦銓莫尙豪陳家駒李京清均請以巡檢歸部選用 補用守備林樹棠儘先補用千總李映榮拔補千總劉成名均請俟補缺後以都司用 以上文武各員均係尋常出力宣統二年九月初十日奉 硃批覽欽此

謹將歷年剿辦股匪一十六案在事異常出力文武各革員酌擬開復查明原案由開列清單恭呈御覽 計開 降補通判前柳州府知府賀源清 查該員係光緒三十二年經前撫臣林紹年於甄別案內以憚於去邪不堪表率奏參以通判降補 該員異常出力擬請以同知直隸州用 已革恩隆縣知縣王宗沂 查該革員係光緒三十一年經前撫臣李經羲於甄別案內以縱丁滋弊藉匪苛罰奏參革職 已革平

樂縣知縣樓守愚 查該革員係光緒三十二年經前撫臣林紹年於甄別案內以物議沸騰操守難信奏參革職 以上二員均異常出力擬請開復原官仍留原省補用 已革懷集縣知縣陳禮 查該革員係光緒三十一年經前撫臣李經羲於甄別案內以虐馭取巧以術濟貪奏參革職永不叙用 管帶巡防隊已革分省補用知縣謝允中 查該革員係光緒二十九年經前兩廣督臣岑春煊於綏遠軍左營逃潰三哨勇丁一案以該革員已委該營管帶尙未到差事前有意推延事後不能拿獲咎無可辭奏參革職永不叙用 管帶巡防隊已革補用守備王冠英 查該革員係於光緒三十年經前撫臣柯逢時於甄別案內以該員失察所部兵丁失槍追拿無蹤奏參革職永不叙用 以上三員均異常出力擬請銷去永不叙用字樣宣統二年九月初十日奉 硃批覽欽此

●又奏請將直牧馮錫薇等留桂補用片 再廣西僻處一隅人才至爲消乏現值籌備立憲要政尤屬殷繁雖迭經博採旁搜仍苦不敷任使茲查有指分廣東直隸州知州馮錫薇丁憂服闋貴州補用通判梁正銘分省補用縣丞錢維騏等三員於警務交涉各有所長馮錫薇錢維騏現充巡警要差深資得力梁正銘現充邊防對汛差使熟悉邊情合無仰懇 天恩俯念邊省得人爲難准將該員馮錫薇梁正銘錢維騏等留於廣西差遣補用仍飭分別遵繳離省指省各銀兩統俟補缺後再行給咨晉引出自 逾格鴻施除將該員等履歷咨部查核外謹附片具陳伏乞 聖鑒訓示謹 奏宣統二年九月初十日奉 硃批著照所請該部知道欽此

●又奏補用知縣謝清泰年滿甄別片 再前准部咨嗣後道府同通州縣無論捐納勞績各項人員應於到省一年後察看考核出具切實考語分別補用又光緒三十四年三月初三日承准憲政編查館咨行奏定甄別辦法應自各該員奉有差委日起扣足供差一年確實試驗開具差委事實甄別留省等因在案茲查有奏明先行到省補用知縣謝清泰供差已滿一年並無貽誤臣於藩司本任會同提學使李翰芬提法使王芝祥出具考語會詳到院臣詳加察核該員謝清泰端謹明練足以有爲堪以留省補用除將該員履歷事實冊送部外謹附片具 奏伏乞 聖鑒訓示謹 奏宣統二年九月初十日奉 硃批覽欽此

●宮門鈔●

九月十三日 理藩部 廂蓋旗值日 起居注引 見四名 禮部引 見三

名 提督衙門引 見六名 侍衛處引 見十二名 廂紅滿引 見四名

內務府引 見二名 圓明園引 見六名 吳郁生謝署吏部右侍郎

恩 岐公假滿請 安 趙炳麟遞封奏一件 曹鴻勳遞遺摺

召見軍機

●諭旨●

監國攝政王鈐章

九月十三日內閣奉

上諭前陝西巡撫曹鴻勳由翰林入直上書房疊掌文衡外任道府洊陟疆圻嗣因開缺奉旨來京派充資政院協理宣力有年克勤厥職茲聞溘逝軫惜殊深加恩著照巡撫例賜卹任

內一切處分悉予開復應得卹典該衙門查例具奏欽此

軍機大臣署名奕劻毓朗那桐徐世昌

●交旨●

九月十三日

監國攝政王鈐章

軍機大臣欽奉

諭旨度支部奏請簡派王大臣盤查金銀庫一摺著派睿親王魁斌尙書唐景崇盤查欽此

軍機大臣署名奕劻毓朗那桐徐世昌

監國攝政王鈞章

軍機大臣欽奉

諭旨本日補行引見取列二等之優生董增恆著以鹽運司經歷散州州判府經歷縣丞舉
籤分省補用欽此

軍機大臣署名奕劻毓朗那桐徐世昌

九月十三日內摺傳

旨事由單

●民政部會奏源豐潤倒閉牽動市面現在辦理大概情形事奉 旨知道了●度支部奏議覆皖北災情

過重請截留京餉事奉 旨依議○又片奏熊希齡榮厚仍充奉天造幣分廠總幫辦事奉 旨依議○

又奏駁覆東三省督練處開支各項經費事奉 旨知道了○又奏駁覆北洋海防經費第七案收支各款

事單二件奉 旨知道了○又奏駁明金銀庫八月分收支各款事單二件奉 旨知道了●禮部奏十

五日祭 歷代帝王廟請改 派分獻事奉 旨派出紹英 榮勳●吏部述 旨奉 旨是●

理藩部奏車臣汗部落扎薩克台吉都特德捐輸銀兩照章給獎翎枝事奉 旨依議○又奏核議科布多

屯田收獲糧石蒙古員弁獎叙事奉 旨依議○又奏籌備藩屬憲政第四屆已辦事宜及調查各事項分

別列表事表一套奉 旨該衙門知道表併發○又會奏庫倫咨續獲章產案內從犯羅布桑擬遣事奉

旨依議

九月十三日外摺欽奉 硃批事由單

●趙爾豐奏征剿德格逆匪一律肅清出力文武員弁請獎摺 該部議奏單併發○又奏關外辦學人員三

年屆期成績卓著擇尤請獎摺 該部議奏片併發○又奏辦學人員到差不齊請限定三年給獎片 覽○

又奏籌設巡警學堂經費等摺 該部知道○又奏籌設印刷官局片 該部知道○又奏已故候選通判楊

維藩因公隕命請卹片 該部議奏○又奏征收德格等處牧場稅銀摺 著照所請該部知道○又奏請將竹且直卡渡口添收茶釐作為邊務經費片 著照所請該部知道○趙爾巽奏川省制營上年分支過養廉造冊報銷摺 該部知道片二件併發○又奏上年分駐防成都滿綠各營俸餉等項造報片 覽○又奏賞給各營兵丁白事銀兩奏銷片 覽○又奏重慶關稅務五結期滿收支數目奏銷摺 該部知道單併發○又奏重慶關一百九十七結征收稅銀摺 該部知道單併發○又奏撫卹被災各屬情形片 知道了○又該部知道○又奏查定川漢路綫請立案片 郵傳部知道○又奏撫卹被災各屬情形片 知道了○又奏籌撥練兵經費片 該部知道○又奏籌辦城鎮鄉地方自治情形摺 該部知道○又奏請將防軍每年給服裝銀兩片 該部知道○又奏已故灌縣令錢璋請入祀名宦祠片 禮部議奏○又奏已故成都縣舉人武謙請入祀鄉賢祠片 禮部議奏○又奏彭水縣職員徐聯輝等助學請獎片 該部議奏○又奏婦劉張氏捐自治局經費請移獎其子職銜片 該部議奏○松壽奏解上年分下忙錢糧銀數摺 度支部知道○又奏解還英德借款片 該部知道○又奏署定海鎮馮英華等接任交卸日期片 知道了○又奏永春州中學堂畢業顏作舟等照章給獎片 學部議奏○又奏二麥收成分數摺 知道了○又奏六月分兩糧情形摺 知道了○周樹模奏第三年上屆籌備憲政成績等摺 該衙門知道○又奏請變通教員獎勵並師範義務年限片 學部議奏○又奏陸軍小學堂光緒三十二年十二月至三十三年年底需過薪津等項銀兩摺 該部知道○又奏前海倫廳同知辛天成請銷去察看字樣片 允行該部知道○又奏邊設幕職分科治事摺 該衙門知道○又奏請將特用內閣侍讀張國淦以道員留江補用片 著照所請該衙門知道○又奏請將陸軍部郎中張志潭等調江差委等片 著照所請該部知道○又奏擬定巡撫司道各官俸銀數目摺 該部知道片併發○又奏民政部養廉請援案酌加片 覽○孫寶琦奏解新案賠款摺 該部知道○又奏故守王揚芳將家藏書籍捐入圖書館請給獎片 允行該部知道○又奏曹州守黃篤瓊飭赴任片 知道了○又奏委張學華兼理提學使片 知道了○又奏請以岳寶樹試署文登令摺 吏部

議奏○又奏解糧直隸海防糧餉片 該部知道○又奏解糧直隸淮軍糧餉片 該部知道○又奏直隸度春等期滿甄別片 覽●忠瑞奏違查蒙旗實地情形摺 該衙門知道○又奏請飭部核定小學堂經費片 該部知道○又奏由阿起程赴塔日期謝 恩摺 知道了●袁樹勛奏籌議逐年行政經費並酌分緩急摺 該衙門知道片併發○又奏調查戶口擬緩辦等片 覽○又奏正月分兩糧情形摺 知道了●張學華奏兼理學筭日期謝 恩摺 知道了●蕭芝美奏交卸領筭日期摺 知道了●丁李陞奏接署領筭日期謝 恩摺 知道了

摺奏類一

度支部會奏遵議浙撫奏擬辦各廳州縣錢糧徵信冊摺

奏爲遵 旨議奏恭摺仰祈 聖鑒事七月十二日內閣鈔出浙江巡撫增韜奏擬辦各

廳州縣錢糧徵信冊一片奉 硃批該衙門議奏欽此原奏內稱此項徵信冊前於光緒十一年即經戶部奏准嗣以各省未能實行奏請變通辦理不久亦復停辦上年浙江諮議局提作議案 臣以此事係杜絕官吏之欺朦清釐征收之積弊自應批准公布施行飭據藩司調查刊刻徵信冊用款一再核實估計竟需洋二十萬七千餘圓之鉅合銀十五萬九千兩浙省庫儲奇絀一時無從籌辦因於宣統三年預算案內列入此款茲准度支部於核減預算費內將此款裁去十五萬兩僅餘九千兩懸殊甚鉅來年恐亦不能實行惟查諮議局議案經督撫批准分布施行者又不容延緩不辦擬請 飭下憲政編查館及度支部會同核議等語 臣等伏查錢糧徵信冊前此部中創辦之意原以杜官吏之侵漁清花戶之完欠乃行之數年迄無寸效節經前直隸總督李鴻章等奏准停辦有謂既辦徵信冊之後所徵亦不加多一切板片紙張工食等項用款浩繁無益國計大損庫儲者有謂疲玩之戶見冊上姓名彙彙謂欠糧不

止一人觀望效尤者衆是於整頓徵收並無裨益已可概見且查直隸停辦徵信冊原奏用款准銷者僅二萬一千餘兩山西則奏由州縣籌墊此次該省請款乃至十五六萬之多所費尤鉅_臣等再四酌度如徵信冊之舉果足以清釐欺隱裕國便民當此庫款奇絀之時亦宜力求樽節况直隸等省所陳辦理之無益款項之耗費已有確證該省前此亦經辦過並未見有成績自未便沿習舊例徒滋糜費所請擬辦錢糧徵信冊之處應請毋庸置議仍由該省另議徵收改良辦法咨明_臣部核辦以重度支所有遵議緣由理合恭摺具陳伏乞 皇上聖鑒再此摺係度支部主稿會同憲政編查館辦理合併聲明謹 奏宣統二年八月二十七日奉

旨依議欽此

都察院奏遵查吏部堂司各官抵銷處分摺

奏爲遵 旨查核抵銷事前經_臣衙門奏吏部挖改檔冊聽人賄買難廢堂司各官議處一摺於宣統二年八月二十六日具奏本日軍機處片交軍機大臣欽奉 諭旨都察院奏遵議處分一摺吏部堂官應得降一級留任公罪吏部丞丞各官應得罰俸一年公罪各處分均著准其抵銷李殿林查係入闈並未盡行著准其免議餘依議欽此欽遵_臣等查吏部咨送應議各員任內得有加級紀錄尙敷查抵之吏部左侍郎于式枚右侍郎瑞良員外郎毓麟主事梁德懋筆帖式郭永泰國碩麟祐所得降一級留任各應銷去加一級郎中劉華主事隋勳禮所得降三級留任各應銷去加三級均抵銷降留處分左丞寶銘右丞孫紹陽左丞議統書右丞議吳敬修郎中李坦員外郎黃允中所得罰俸一年各應銷去紀錄二次均抵銷罰俸處分郎中榮厚主事王闈城施堯章所得罰俸一年任內並無紀錄可抵各應實罰本任俸一年至

筆帖式寶慶所得降三級調用係屬私罪毋庸查級議抵應由吏部查照開缺辦理所有臣等查核抵銷緣由理合恭摺具奏伏乞皇上聖鑒謹奏宣統二年九月初七日奉旨知道了欽此

法部奏新疆法官考試請派監臨考官摺

奏爲新疆法官考試援照廣西成案辦理請旨欽派監臨考官恭摺仰祈聖鑒事本年七月二十六日臣部具奏變通新疆法官考試一摺聲明該省考試事宜擬仍援照廣西變通成案辦理屆時由臣部奏請欽派該省提學使會同鎮迪道兼提法使銜各員遵照考試章程舉辦又法官考試施行細則內開京外考試設監臨官一員外省以辦考省分之督撫任之等語均經先後奉旨允准欽遵電咨各在案旋據新疆撫臣電稱擬定九月十一日開考現距試期已近謹繕具新疆撫臣及提學使鎮迪道兼提法使銜各銜名恭呈御覽俟奉旨派出後即由臣部電知該省悉照奏定法官考試暫行章程及施行細則敬謹咨行以昭慎重除監試提調執事各員即由該撫遴派咨部外所有新疆考試法官請派監臨考官各緣由理合恭摺具陳伏乞皇上聖鑒謹奏宣統二年九月初八日奉旨

派出聯魁杜彤榮需欽此

又奏新疆法官考試請派襄校官片

再臣部奏明新疆考試法官其襄校人員亦即照廣西辦法由該撫遴選合於定章資格人員二三名電咨臣部屆時一併奏派又奏定施行細則內稱外省襄校官以二員爲額各等因茲據該撫將樊耀楠賈晉張培愷劉長炳等四員銜名電咨到部聲稱均係法政畢業或曾充教習之員等謹臚列銜名請旨圈出二員

卽作爲該省此次襄校官恭俟 命下一併由臣部電知該撫將一切考試事宜均分飭各員遵照施行細則辦理謹附片陳明請 旨宣統二年九月初八日奉 旨派出樊耀楠賈晉欽此

湖廣總督瑞澂奏查明前房縣令滕椿被叅冤抑請免繳捐復銀兩摺

奏爲查明縣令原叅案不無冤抑懇 恩免繳捐復銀兩以資策勵恭摺仰祈 聖鑒事

竊准都察院咨查湖北房縣知縣滕椿已另案開復原官現因捐復銀兩無力措繳復據來院呈訴行令查明原叅案有無冤抑奏明辦理等因當經行司確查去後茲據兼署湖北布政使提學使高凌霨提法使馬吉樟會同查明具詳請 奏前來臣查該員滕椿被叅原案係在房

縣任內經前督臣張之洞前撫臣端方於甄別屬員案內以年少氣浮執拗任性彙案奏叅革職一再訪查尙無實在事跡可指聞該員平日居官頗知氣節自持亦無他項劣迹且自覲職以後報効蒙邊勦匪出力著有異常勞績業經升任東三省督臣徐世昌奏准開復原官因非

原案開復照章須補繳捐復銀兩該員無力措繳仍與廢員無異衡情不免向隅今既查明原叅案據不無冤抑可否仰懇 天恩俯准將開復原官前湖北房縣知縣滕椿免其補繳捐復銀兩俾得及時自効出自 逾格恩施除咨吏部都察院外謹恭摺具陳伏乞 皇上

聖鑒訓示謹 奏宣統二年九月初九日奉 硃批著照所請該衙門知道欽此

山西巡撫丁寶銓奏贖陳晉省第四屆籌備憲政情形摺

奏爲贖陳晉省第四屆籌備憲政情形恭摺仰祈 聖鑒事竊查籌備憲政事宜照章每屆六個月奏報一次晉省第三屆籌備成績業由臣於二月間依限奏咨在案茲值第四屆籌備

之期所有籌辦情形自應詳細彙陳以資考核伏查奏定籌備事宜清軍第三年各省應辦之事計分九項除釐定地方稅一項現經度支部奏明與國家稅同時釐定應以本年爲調查年限外其餘八項或已籌辦就緒或須接續籌辦謹將實在情形爲我 皇上分晰陳之其籌辦就緒者一曰彙報人戶總數晉省調查戶數事宜前查報完竣者九十餘州縣其未報到之口外各廳及僻遠數縣由 臣督同巡警道嚴行札催切實調查已於本年四月一律報齊遺冊咨部在案至調查口數原係第四年應辦之事亦飭提前趕辦限於本年十月底前列表申報以爲庶政推行之本此籌辦就緒者一 一曰覆查各省歲出入總數查宣統元年晉省歲出入各款業由清理財政局按季造報詳咨在案嗣准部咨各省歲出入總數應按照預算冊式分類分款詳晰填註當經飭局遵式趕造編訂成冊於七月內咨報核定至本年春夏季各報告亦經分別造送以符部章此籌辦就緒者二 一曰試辦預算決算查財政爲籌備立憲之根原而預算又爲清理財政之張本事屬艱始頭緒紛繁會計既鮮專家編制又無成案兼之財源支絀新政繁多既未有議院以監察財權卽難語人民以增加稅租不能不就固有之收入以定歲出之範圍度支部奏陳試辦預算情形兢兢以量入爲出收支適合爲言蓋亦深悉外省財力艱難舍此別無下手之方晉省綜計出入各款每歲不敷常在一百餘萬此次試辦預算由司局極力撙節設法籌增分別舊案新案編訂正冊副冊符部章收支強合於五月內送部覆核在案至全省財政說明書亦由該局督同科長科員籌辦辨別性質論次得失以類相從都爲八種曰山西全省財政沿革利弊曰藩庫內外銷收支各款曰各廳州縣留支內外銷等款曰各署局所自行經理各款曰運庫內外銷收支各款曰歸綏道收支各款曰歸化關收支

各款曰各府廳州縣地方經理各款洪纖鉅細悉著於篇編訂既成亦依限送部矣此籌辦就緒者三一曰各省省城及高埠等處審判廳年內一律成立查中國司法行政久經混淆今欲尊重法權改良裁判非行之以漸無以資官吏之經驗而釋民志之猜疑晉省現無高埠而省城審判各廳已於四月二十六日一律開廳奏明試辦並將考試法官人員遵章送考俟法部考試後再行正式開廳至省城模範監獄亦於五月間開辦其獄章係取階級制度選派典獄科員及技師等分別教練認真看守其全省各級審判廳及改良監獄事宜業由提法司查照部章分年預算臣於奏覆籌備行政經費摺內開單陳明以重司法此籌辦就緒者四其接續籌辦者一曰續辦城鎮鄉地方自治查地方自治制度分上下兩級而上級自治必以下級自治為基礎晉省各城可稱繁盛中等者尙屬無多而人口滿五萬之鎮尤為寥寥臣前經奏明酌擇地方繁盛風氣較開之陽曲等十廳州縣將城鎮鄉自治提前趕辦限於年內一律成立茲復查照部章飭由自治籌辦處通行各屬將自治區域妥為劃分並繪圖列表詳為說明現陸續報到者已八十六處其未經報到各廳州縣或因調查較難區畫稍緩亦飭催趕辦以促進行此接續籌辦者一一曰籌辦廳州縣地方自治查民政部奏定籌備細目本年省城首縣應籌設議事會參事會此項自治選舉章程憲政編查館咨行到晉即飭自治籌辦處擬定施行規則變通開辦時期先從陽曲縣舉辦藉資表率臣於奏覆籌備行政經費摺內開單陳明在案現查各廳州縣自治研究所已成立者八十一處自治事務所已設立者一百七處其地方僻遠規畫稍難者亦隨時督催依限舉辦蓋有研究所以培養學員事務所以籌備事宜各屬自治當可漸期發達此接續籌辦者二一曰推廣廳州縣簡易識字學塾國民教育為立憲

根本而簡易學塾又爲教育泉源晉省此項學塾前已設立三百五十餘處共有學生一萬七千餘名按之現時財力尙不爲少然晉省山路崎嶇開明較晚若非極力擴充無以增進國民程度現飭由提學司督同地方官紳寬籌經費隨時推廣俾教育得以普及人民識字日多於奏覆籌備行政經費摺內將各鄉鎮逐年增設情形詳細開單陳明以符部章而重學務此接續籌辦者三一曰廳州縣巡警限年內一律完備晉省省城及各屬籌備巡警情形業於上屆奏報在案現據巡警道詳擬變通辦法全省廳州縣分爲四等上等十屬每屬額定八十名以上中等二十六屬每屬額定六十名以上下等四十屬每屬額定四十名以上最下等三十七屬每屬額定二十名以上統計全省應有巡警四千七百餘名歲需經費二十萬餘兩今據各屬稟報已共有巡警四千一百六十餘名籌定的款一十八萬二千九百餘兩衡以預定之額預算之款所差尙屬無多已由該道嚴飭趕辦限於年內一律齊全至各屬教練所前因籌款維艱招生匪易特酌量情形按村保送其經費卽由各村社担認現統計學生已有五千三百九十餘名經費籌有三萬餘兩仍當依次推廣以重警政此接續籌辦者四以上各項或籌措已就完全或推行尙待廣續自應先時籌畫豈容畏難苟安但事依次而進行款亦逐漸而增鉅非統籌款項之盈虛無以定施行之秩序况此後事端至隨期限愈嚴規畫不計夫萬全措施難期於盡善臣忝膺疆寄昕夕弗遑惟有督飭所司認真籌備既不敢因循以誤要政亦不敢操切以病庶民總期事舉而款不虛糜令行而民無或擾以冀仰副 朝廷注重憲政實事求是之至意除分咨查照外所有鹽陳晉省第四屆籌備憲政事宜緣由理合恭摺具陳伏乞 皇上聖鑒訓示謹 奏宣統二年九月十一日奉 硃批該衙門知道欽此

摺奏類二

浙江巡撫增韞奏元年分奏銷案內盤查倉穀摺

奏爲宣統元年分奏銷案內盤查倉穀改題具奏恭摺仰祈 聖鑒事竊查各屬存倉米穀例應嚴飭盤查造冊具 題查據布政使吳引孫詳稱浙江省杭州等十一府屬宣統元年分應造倉穀盤查冊謹以光緒三十四年分 奏銷冊開實在爲舊管並按各屬新收各數由司分別管收除在開報查核查舊管光緒三十四年分共存穀三萬六千一百八十一石零新收宣統元年分官捐穀五百三十七石零開除給過宣統元年分軍流犯口糧穀一百四十六石零實在應存穀三萬六千五百七十一石零內除虧短盤缺參追穀一千一百三十三石零實應存穀三萬五千四百三十七石零實存穀折米無項彙造總冊詳送察核具 奏前來臣覆核無異除將清冊分送度支部給事中查核外理合遵章改題爲奏恭摺具陳伏乞 皇上聖鑒敕部核覆施行謹 奏宣統二年九月初五日奉 硃批度支部知道欽此

熱河都統誠勳奏征收五行斗稅銀兩報銷摺

奏爲征收五行斗稅銀兩報銷遵章由題改奏恭摺仰祈 聖鑒事竊據熱河道徐士佳詳稱承德府併豐甯灤平二縣經征稅務承德府每年額定銀五千六百九十八兩五錢五分三釐四毫豐甯縣每年額定銀二百三十兩六錢四分一釐灤平縣每年額定銀二百四十二兩零三分九釐例應儘收儘解向由直隸總督按年奏銷嗣因口外錢穀案件改歸熱河辦理經部議覆自道光八年爲始由熱河道詳候都統核辦光緒三十四年奏准將承德府五行斗稅改照八溝等四稅新章征收所征課銀解歸清理財政局兌收奏報應於此案奏銷內剔除所有豐灤二縣宣統元年分征收五行斗稅錢易銀兩由該道覆核明確計宣統元年分豐甯縣征收五行斗稅錢易銀二百七十兩零一錢零八釐二毫三絲六忽每兩扣傾鑄解費銀五分共扣銀十三兩五錢零五釐四毫一絲一忽八微實應交稅銀二百五十六兩六錢零二釐八毫二絲四忽二微已據照數完解又灤平縣征收五行斗稅錢易銀二百五十三兩四錢四分三釐每兩扣傾鑄解費銀五分共扣銀十二兩

六錢七分二釐一毫五絲實應交稅銀二百四十兩零七錢七分零八毫五絲已據照數完解至二縣征收稅銀均保有盈無細請銷解費等項亦與部定數目相符已飭將稅銀趕緊解司入撥報部並分別摘造簡明總冊同細冊印結一併詳請奏咨前來臣覆核無異除將冊結咨送度支部外理合恭摺具陳伏乞 皇上聖鑒敕部核覆施行謹 奏宣統二年九月初九日奉 硃批度支部知道片併發欽此

●又奏硃碌科地方等稅局征不敷用酌量裁併辦理片 再查建平縣屬硃碌科地方自光緒三十二年經前升任都統臣廷杰奏明設立稅局征收稅課原為稍裕度支起見不意設局以來迄今四五年之久各處分局分卡分設已至八處之多核計設局至今總分局卡一年所收正雜各款不但不敷一年局用且須由財政局撥款彌補與公家款項均無裨益當經飭據清理財政局以該局既以征不敷用不得不因時變通以重稅課現擬將該處稅務委員於本年六月底酌量裁撤其原設總分局卡距朝陽尚屬相近擬即作為三座塔總局三分局分卡責成三座塔稅員就近兼管酌派司巡前往各處認真征收應需司巡薪工等項飭令在於征收雜款內開支不准於正款內絲毫動用委員薪水亦毋庸再加如此變通辦理經費既可節省似屬兩有裨益等情詳請具 奏前來臣覆核無異除咨部查照外理合附片陳明伏乞 聖鑒謹 奏宣統二年九月初九日奉 硃批覽欽此

吉林巡撫陳昭常奏黃悠愈等署交涉使各缺片

再試署吉林交涉使施肇基業蒙 簡授外務部右丞所有吉林交涉使一缺前經奏請以試署吉林民政使鄧邦述暫行兼署在案現因民政事繁交涉尤關重要勢難兼顧據該司使呈請遴員接署前來自應照准茲查有試署吉林勸業道黃悠愈堪以暫行署理交涉使遞遺勸業道員缺查有留吉補用道曹廷杰堪以接署除分別札委並咨部查照外謹會同東三省督臣錫良附片具陳伏乞 聖鑒謹 奏宣統二年九月初十日奉 硃批知道了欽此

山西巡撫丁寶銓奏請以葛文濬補代州直隸州知州摺

奏為揀員請補要缺直隸州知州以重地方恭摺仰祈 聖鑒事竊照代州直隸州知州聯恩捐離本任接准部咨於本年七月初五日行文按照例限減半計算扣至是月十九日作為代州直隸州知州開缺日期業經截缺報部所遺係衝繁難兼三要缺例應在外揀補該州管轄三縣為晉省北路門戶地居要隘政務殷繁非精明幹練之員不足以資治理查定例直隸州知州遇有題調缺出酌量以候補人員請補時該省如有職取 記名分發人員應先儘酌量補用如果實係人地不宜始准聲叙以各項候補人員請補又遇應用候補時先儘科甲出身人員如不合例或人地不宜方准以別項出身候補人員請補各等語晉省 記名分發以及各項候補班雖有科甲出身人員均與此缺不甚相宜其簡缺直隸州知州亦無堪以調補之員而坐補及實缺郎中改就直隸州知州亦均無人惟查有勞績候補直隸州知州葛文濬浙江秀水縣監生考取膾錄報捐通判職銜光緒 十年充當 會典館謄錄全書告成議叙以通判分省補用二十六年辦理陝西義賑出力保以直隸州知州分省補用經部議准覆奏二十八年十二月初八日奉 旨依議欽此五月二十二日引 見奉 旨著照例發往欽此三十年五月初六日領照到省期滿甄別堪以留省照例

補用歷充文案提調各差委署保德直隸州知州三十三年二月到任六月聞計丁生母憂交卸回籍服滿起復宣統元年十一日回省復加捐三品銜查該員才長心細辦事認真以之請補代州直隸州知州洵堪勝任與例亦符據布政使志森提學使駱成驥提法使王慶平會詳請奏前來合無仰懇 天恩俯念員缺緊要准以候補直隸州知州葛文濬補授代州直隸州知州實於地方有裨如蒙 兪允該員銜缺相當毋庸送部引 見亦無參罰案件所有揀員請補要缺直隸州知州緣由謹恭摺具陳伏乞 皇上聖鑒敷部核覆施行謹 奏宣統二年九月十一日奉 硃批吏部議奏欽此

○又奏河曲令劉鶴年捐升道員開缺片 再據河曲縣知縣劉鶴年稟稱遵例捐升道員並捐離任仍捐分山西試用經部核准請開缺以便交代清楚請咨赴引等情由布政使志森轉詳 奏咨開缺前來所遺員缺應歸改選班照章擬選除飭先行委員接署並咨部查照外所有知縣捐升開缺緣由理合附片陳明伏乞 聖鑒謹 奏宣統二年九月十一日奉 硃批吏部知道欽此

○又奏河曲令劉鶴年捐升道員開缺片 再據河曲縣知縣劉鶴年稟稱遵例捐升道員並捐離任仍捐分山西試用經部核准請開缺以便交代清楚請咨赴引等情由布政使志森轉詳 奏咨開缺前來所遺員缺應歸改選班照章擬選除飭先行委員接署並咨部查照外所有知縣捐升開缺緣由理合附片陳明伏乞 聖鑒謹 奏宣統二年九月十一日奉 硃批吏部知道欽此

西歷一千九百十年十月十七號 星期一

本局設立北京東長安牌樓王府井大街

宣統二年九月十五日第壹仟陸拾柒號

電話 內城總局 第二百零二號

政治官報

目錄

●官門鈔 ○資政院接旨三道 ○交旨二道 ○吏部引見述旨 ○驗放單 ○事由單 ●電報類 ○資政院接旨三道 ○交旨二道 ○吏部引見述旨 ○驗放單 ○事由單 ●吉撫奏報第四屆籌備憲政情形 ○直督奏團場同知各缺請仍定為要缺 ○又奏游擊盧得勝等煙癮未斷請革職永不叙用片 ○吉林奏南路道缺片 ○豫撫奏委孔祥霖等署藩司各缺片 ●涉使摺 ○又奏候補直牧陳揚等期滿甄別片 ○晉撫奏新授廣東高州府知府鮑振鏞請暫緩赴任片 ●廣告 ○本局發售現行刑律定本廣告二則

政治官報 目錄

九月十五日第一千六十七號

一

●宮門鈔●

九月十四日 內務府 八旗兩翼值日 全福假滿請 安 山東知府李維誠

謝 恩 分發道府延壽等謝 恩 憲政編查館遞封奏二件

召見軍機 李維誠

●諭旨●

監國攝政王鈐章

九月十四日內閣奉

上諭盛京副都統兼守護大臣多文由防禦薦升翼長協領遞升盛京副都統兼守護大臣老成穩練克勤厥職茲聞溘逝軫惜殊深加恩著照副都統例賜卹任內一切處分悉予開復應得卹典該衙門察例具奏欽此

軍機大臣署名奕劻統朗那桐徐世昌

監國攝政王鈐章

九月十四日奉

旨盛京副都統著德裕補授並充

福陵

昭陵守護大臣欽此

軍機大臣署名奕劻統朗那桐徐世昌

監國攝政王鈐章

九月十四日內閣奉

上諭盛京副都統德裕著兼署金州副都統欽此

軍機大臣署名奕劻毓朗那桐徐世昌

交旨

九月十四日

監國攝政王鈐章

軍機大臣欽奉

諭旨憲政編查館奏官制未定官俸章程碍難釐訂請將頒布官制及試辦年限提前頒布

官俸章程及實行年限展後一摺著依議欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨憲政編查館奏請將各省循例具奏事件酌擬改咨由各衙門分別彙奏專奏開單呈

覽一摺所有單開各條硃圈者仍行具奏餘依議欽此

軍機大臣署名奕劻毓朗那桐徐世昌

述旨

九月十二日奉

旨漢給事中員缺著蔡金臺補授吏部考功司郎中員缺著毓麒補授卓異升補山東武定

府知府李維誠著准其升補於知縣任內每次卓異加一級分發河南試用道延壽陳超衡湖北試用道鍾熊祥福建試用道陳啟棠江蘇試用知府姜繼襄湖北試用知府黃琮俱著照例發往欽此

九月初十日經內閣奏

派王大臣驗放分發豫河補用同知王憲燾北河試用同知榮濂江蘇試用直隸州知州鄭國賢山東補用知州趙洪年安徽試用通判薛宜瑛梁祖珍山東試用通判李樂斌河南試用通判張光國浙江試用通判胡增威湖北試用直隸州州同李希白福建試用直隸州州同謝壽康四川試用直隸州州同榮華直隸補用知縣孔昭詮袁啟瑞朱霞安徽補用知縣胡同穎山東補用知縣春恒山西補用知縣鄧錦雯王璧河南補用知縣茅謙甘肅補用知縣王兆樞浙江補用知縣譚炤奎廣東補用知縣黃樹榮廣西補用知縣李聯灼雲南補用知縣袁大鈞山西試用知縣劉懷岳周之麟河南試用知縣孫祿清王宗典陝西試用知縣李俊儒福建試用知縣葉培章湖南試用知縣王紹祖廣西試用知縣麥嘉穎梁蔭棠四川試用知縣楊汝庚江西試用布庫大使黃義兩浙試用鹽運庫大使陳步蟾長蘆試用鹽大使任錦堂山東試用鹽大使蔣尊裕隆得中兩浙試用鹽大使程壽慈黃繩祖嚴仕霖福建試用鹽大使柯翹葉舒驤陳鑑虞兩廣試用鹽大使何朝楹四川試用鹽大使馬寬厚雲南試用鹽大使梁爾梅福建試用鹽道庫大使張瓊林畢業分發貴州補用知縣朱得森均堪以照例發往截取內閣中書德祿民政部八品警官楊光海均堪以照例用改用知縣盛京裁缺工部筆帖式良惠

堪以交部記名以知縣用卓異在任候補知府前四川江北廳同知崔寅清堪以准其卓異加一級仍註冊回任候升開復奏留直隸補用同知俞泰初堪以准其開復原官發往直隸照例用直隸候補直隸州知州陳鏡心堪以准其開復原官仍發原省照例用奏留吏部七品小京官翁錫麟堪以准其留部十一日覆奏奉

旨依議欽此

九月十四日內摺傳

旨事由單

●法部奏駁議官犯劉文通等遇赦可否寬免請 旨事奉 旨不准寬免○又奏總管守長胡裕培二

年期滿酌給獎叙事奉 旨依議○又奏丁憂主事李文良等先行進署當差事奉 旨依議○又奏駁議

實緩彙奏事奉 旨依議○又片奏京師秋審絞犯武岐山等按照新定條款辦理請 旨事奉 旨

依議○又片奏秋審江蘇省絞犯謝老么等後尾未經報部暫行扣除請 旨事奉 旨依議○又片奏

舊事情實停勾人犯應按照新定刑審條款辦理請 旨事奉 旨依議○內務府奏請更換 紫禁城

內值年大臣事奉 旨派出奎俊○又奏十月初一日 堂子豎桿大祭前期遇齋戒素服改於二十

五日二十六日烏雲致祭事奉 旨知道了○起居注禮部步軍統領衙門領侍衛內大臣鑲紅旗滿洲內

務府 圓明園各述 旨均奉 旨是

九月十四日外摺欽奉 硃批事由單

●趙爾巽奏川省餉源不繼請援案再辦宣統三年捐輸一次摺 該部議奏片併發○又奏預辦宣統三年

新捐仍准照十成銀數獎給虛銜片 覽○又奏元年分經徵銀米奏銷片 該部知道○又奏解內務府稜

價銀兩片 該衙門知道○又奏解醫局經費片 該衙門知道○又奏請將蓬州牧戴慶唐以直牧在任候

補片 著照所請該部知道○又奏請以張輔周補甯越營都司摺 陸軍部議奏○又奏委朱登五署馬邊

協副將片 知道了○又奏兵餉仍於次年奏銷片 該部知道○又奏本年夏季分委署各缺摺 吏部知

道單併發○又奏請以袁大瓊等補夾江令等缺摺 吏部議奏○又奏漢州牧樓藜然捐升道員請開缺片
吏部知道○又奏試用令余家驥管理懋功屯務期滿請保歸候補班片 吏部知道○錫良奏請修
三陵鹿角摺 該部知道○又奏候守雨霖爲何厚讓求差請革職片 著照所請該部知道○又奏候守
洪汝冲等聚賭請革職片 著照所請該部知道○又奏已革彰武令唐宗源虧款潛逃請緝拿片 著照所
請該部知道○又奏請以協參領伍祥楨充三十九協統領官片 該衙門知道○又奏開原城守尉載專因
病請假片 該衙門知道○又奏請以鄭焯署昌圖守片 知道了○又奏裁撤海龍總管員缺並安插官兵
辦法摺 著照所請該部知道○又奏海龍總管依凌阿請開底缺以副都統候 簡摺 依凌阿著開去
總管底缺以副都統交軍機處記名簡放○又奏直旗奉吉江會館報領圖旗蒙荒請免繳牛價摺 著照所
請該部知道○盤岫奏總管佈音巴達爾琥捐資助學請獎片 著照所請該部知道○盤岫庫魯固木扎布
榮恩奏扎薩克輔國公普爾佈扎布因病請假調理摺 理藩部知道○榮恩奏抵烏里雅蘇台任差日期摺
知道了○誠勳奏承德等府春麥實收分數摺 知道了○松壽奏解一百六期賠款摺 該部知道○又
奏解英德借款摺 該部知道○又奏甘肅新餉銀改解滬關湊作甘省應解賠款摺 該部知道○又奏由藥
釐項下解新案賠款片 該部知道○蘇嚙岱奏巡查 後龍風水火道起程日期摺 知道了○意普蘇嚙
岱奏恭辦要差請續撥銀兩摺 著照所請該衙門知道○袁樹勛奏縣治改隸窒碍請仍復舊治摺 會議
政務處議奏○又奏請以謝士鏞試署合浦令摺 吏部議奏○又奏調署知縣各缺片 知道了○又奏鹽
大使余式鶴等年滿甄別片 覽○又奏知縣都翼清等虧短錢糧請革職勒追片 著照所請該部知道○
又奏請以沈慶林試署仁化令摺 吏部議奏○又奏鹽大使鄧嵩燾等年滿甄別片 覽○又奏臨高令劉
思濂丁憂開缺片 吏部知道○又奏請將樂昌令程璟光開缺察看片 著照所請該部知道○又奏因瘋
殺死義母重犯何亞瀟案審擬摺 大理院覆判具奏

●電報類

資政院接收各省來電

●九月初四日收湖南諮議局電 資政院鈞鑒局章第二十一條第四項議決本省稅法及公債事件今楊撫未交局議違奏准發行公債百二十萬兩顯係侵權違法萬難承認敬遵第二十七條規定呈請核辦伏乞迅賜施行湘議局支

●九月初十日收湖南巡撫電 資政院鈞鑒洪准湖南諮議局呈稱此次湘省奏辦發行公債票一百二十萬兩未經交局議決援照局章呈請批答等情當以湘省本年災亂善後一切需款甚鉅司局各庫羅掘殆盡既不能請撥部款又未便搜刮商民除發行公債別無善策業經度支部核議奉 旨允准是不得已之苦衷當爲紳民所共諒現將奏案章程檢析以備考核此項公債各省通行並非責令湘省人民擔任之款既經奏奉 諭旨照准諮議局是 否有更改奏案之效力應請鈞處核飭遵照再查上年湖北安徽奏辦發行公債亦未交局議決湘省事同一律合併聲明敬候示覆楊文鼎叩蒸

●九月初七日收廣西諮議局電 資政院鈞鑒微電敬悉本日撫劄恭錄 上諭本局當即欽遵准備開會惟 諭旨飭撫照上年公布辦法必係指議案之公布而言查禁煙議案內有八月初一禁臨桂等屬土膏店又土膏店在禁地開設者店貨俱充公等語甲區土店已逾限售土月餘若照公布辦法應即充公今撫劄尙以九月初六日爲實行禁期併限至初九日止將土膏運出甲區以外逾限始照章充公似此辦法不特議案仍不能回覆且與 諭旨不合乞將公布辦法四字詳細解釋迅電護撫照辦爲禱桂諮議局謹叩陽

●九月初八日收軍機處交暫護廣西巡撫請代奏電 奉鈞處魚電宣統二年九月初六日

內閣奉

上諭資政院奏廣西禁煙展限諮議局全體辭職照章核辦一摺著該撫仍照上年公布辦法妥速辦理並飭令諮議局迅速召集照章議事欽此伏查上年禁煙公布辦法係

自禁閉展限之日起予限三日勒令土商將未售之土膏運出本區以外茲欽奉 諭旨飭

仍照上年公布辦法妥速辦理應即欽遵以九月初六奉 旨之日爲實行禁閉之期以期

妥速仍查照公布辦法限至初九日止將存土存膏悉數運出甲區以外逾限照章充公除札

飭禁煙公所切實奉行並恭錄 諭旨札行諮議局迅速召集照章議事外所有遵 旨

辦理情形謹請代 奏景桐叩魚

●九月初八日收湖南諮議局電 資政院鈞鑒湘路由合興公司贖回後曾奉 先帝

上諭借款修路流弊滋多應由三省集股興辦以保利權不准借用外債等因欽此張文襄回

奏黃御史昌年參摺內亦聲明不借外債前年文襄督辦時忽主借外債經全體湖人電阻始

未簽押去歲本局成立由岑前撫發交湘路限年趕修案本局首先議決限五年告成其籌款

各條均見奏案業已公布施行本年三月又舉代表以完全商辦無容借貸等情呈郵部堅請

取銷草合同經郵部加獎允准並責限年趕修在案八月初郵部又派李道于道來湘分查工

程均極切實現今株昭業已開車長株亦准冬季開車株郴長岳已分途購地常年實靠之款

不下五百萬元是湘路確可五年趕修此可分年立限之實在情形也近得京中函電均稱郵

部仍決意借款湘中人心惶駭本局責無旁貸如不得請是法定之言論機關等於虛設議員

等有視面目更何顏立於議局伏維鈞院爲全國議局保障樞機敬乞以湘路爲完全商辦萬

不承認借款各情轉達郵部即懇代請郵部電示以定人心而維大局並候鈞院電覆湘議局

叩庚

●九月初八日收江西諮議局電 資政院鈞鑒贛省稅卡之多甲於各省商民受困屢議請裁併未允近據部院復奏請統稅改征洋碼據稱歲入可增四十萬兩茲以市價每洋一元合錢一千三四百文計算稅率實已驟加十分之四不恤商困羣情惶駭查局章有議決本省稅法之權館奏議覆于大臣摺內聲明本局所得議決者祇有改良增加之事今改征洋碼暗收鉅款絕係加增本省稅法問題撫部院不先定辦法提交局議徑行入奏本局實認爲侵奪權限照章得呈請核辦乞迅賜主持咨部緩議事機急迫謹先電呈江西諮議局叩齊

●九月初八日收湖南諮議局電 資政院鈞鑒接浙議局電稱郵部片奏鐵路公司與普通公司情形不同違商法奪民權浙路受害影響全國已停議立爭等語查公司律並無普通特別條件若可由部變更商民失所依據實業前途爲害滋大鈞院爲全國立法樞機敬乞剖決是非以保全商律湘議局叩庚

●九月初九日收陝西諮議局電 資政院鈞鑒豫算未交無從開議乞速催部洋煙禁種功虧一簣稍縱永無禁日請力持嚴禁再浙路因路事停議請即維持陝諮議局叩齊

●九月初九日收浙江巡撫電 資政院鈞鑒洪初三日諮議局開正式會議當場變更議事日程改議浙路呈請代奏事件未待本部院審核即行表決停議待奏經增韞將未便代奏理由批令復議並劄催迅速開議據呈已經停議無從付議查局章並無議員自行停議之規定除將迭次來往文件於初五六七等日抄錄咨呈並電詢憲政編查館應如何解決外謹奉聞增韞青

摺奏類一

郵傳部奏分年籌辦郵政繕單呈

覽摺併單

奏爲分年籌辦郵政繕具清單恭摺仰祈 聖鑒事竊查 臣部職掌交通凡船路電郵四政在在均與推行憲政有密切之關係必期交通機關組織完備而後庶政敏活消息靈通所寄路政分年籌辦事宜及關於船政電政辦理情形均經陸續奏報在案郵政一項爲無形交通之大端於憲政精神關係尤鉅東西各國近數十年於此項政務銳意講求竭力推廣一國大小郵局多至數萬處所既以宣達上下之情消除隔閡之弊且於滙兌儲蓄等事罔不周備國家人民交受其益我國郵政開辦之初權由稅務司兼理十數年來規模粗具查憲政編查館奏定行政綱目規定 臣部郵政司掌全國郵政注明郵政局現在由稅務司辦理亟應改歸 臣部又查上年八月憲政編查館會同覆核各衙門九年籌備清單內開郵政附屬稅務司本在未設專部以前風氣未開暫歸兼轄今既有專官自應責成該部堂官會商稅務大臣籌備收回方法以符名實各等因均經奉 旨允准是 臣部職司所在責無旁貸當此籌備憲政之時自應力圖推廣以臻完備惟其事務繁多整理不易且與各衙門多有關涉事件所有交接之次序權限之劃分以及對於國內推廣局所及滙兌儲蓄辦法對於國外行駛郵船及定約入會等事非一一預爲籌計不足以臻完密自應酌量情形分別緩急將一切應辦事宜按年籌備開列清單及時陳定以便與各處互相接洽而 臣部亦可按期程功免滋貽誤庶冀郵務日有起色於憲政前途實多裨益所有分年籌辦郵政情形除咨憲政編查館並候接管後將辦理事宜隨時具奏外謹繕具清單恭摺具陳伏乞 皇上聖鑒訓示謹 奏宣統二年九

月初二日奉 旨已錄

謹將分年籌辦郵政清單恭呈 御覽 計開 宣統二年 籌辦接管郵政事宜（調查從前及現在辦理情形並經費等項又各國郵政辦法章程籌備一切經費並各色郵票） 與稅務處協商交接郵政事宜 編訂郵律及一切規則（採各國通行之郵律先行編訂奏明辦理） 設郵電班於交通傳習所 派學生赴奧學習郵政（以上二項均已奏明辦理） 籌畫郵政經常及推廣所需經費（按每年郵稅所入以四分之三充一切辦公雜費而以其餘一分為推廣經費） 籌備歸併驛站辦法 宣統三年 頒布郵政新章（以後按年修改訂價出售） 釐訂郵政職分並薪俸考試任用章程 規定各省總分局設立處所（從前多係按稅務區分應照行政區域改設） 派員赴萬國郵政公會並考察各國郵政（購郵信蓋印機器數具發交工廠仿造以便發各省總局應用） 奏設劃一郵政應用圖記各項物料所 籌辦郵局儲蓄事宜（儲蓄一門在我國為尤急） 籌辦外洋郵船 宣統四年 入萬國郵政公會（與各國提議裁撤客局） 宣布郵律 裁改各處民信局 推廣各府州縣二等郵政局 訂無法投遞信件辦法（各國特設有專局以辦此事並付以拆信權此外無論何員均不得折閱訂為專律） 籌辦蒙古西藏郵局 開辦外洋郵船 開辦各省郵局儲蓄 宣統五年 推廣各郡縣鄉鎮三等郵政局 設郵報（專載郵局事實每七日一發行不出售） 開辦郵局電匯 宣統六年 與各國分別訂立保險郵件及匯兌條約 推廣蒙古西藏郵局 設機器工程局（各局需用機器甚夥非專設局製造必有供不應求之勢） 宣統七年 開行郵政特別快車於通商口岸（凡經過零星小車站用機器收發包封而車不停亦名行局） 推廣四等郵政局於京外各街衢（由殷實舖戶代辦） 推廣匯兌儲蓄兩項於各省二三等郵政局 宣統八年 發行立憲紀念郵票 推廣郵政火車局附設於各路特別快車後 推行郵局電匯並保險信件於五洲郵會諸國

吉林巡撫陳昭常奏報第四屆籌備憲政情形摺
奏為遵章奏報第四屆籌備憲政情形恭摺具陳仰祈 聖鑒事竊查憲收編查館奏定考

核專科章程第三條內載九年籌備事宜責成內外臣工每屆六個月將籌辦成績臚列奏聞並咨報憲政編查館查核自光緒三十四年八月起至十二月底止爲第一屆以後每年六月底暨十二月底各爲一屆限每年二月八月內各具奏咨報一次等語臣於第一二三屆先後會同升任督臣徐世昌暨現任督臣錫良將籌備憲政情形歷次奏報在案茲屆第四屆奏報之期謹按憲政分年籌備清單開列督撫應辦事宜除變通年限提前辦理各項業已節屆聲奏不復贅陳外本年應行籌備各項其前屆之籌備未盡者則接續籌備前屆之已經籌備者則推廣籌備謹將本屆應辦情形爲我 皇上縷晰陳之一續辦城鎮鄉地方自治一項查自治事宜當以研究所爲先導宣講所爲旁助而以籌備公所爲其辦事機關省城研究所學員本年二班畢業仍即分派各屬辦理自治事宜各屬之研究分所凡繁盛中等之屬均已次第成立各屬宣講所首在繁盛次及偏僻均已先後告成其自治籌備公所本年春間即飭繁盛之城一律舉辦並通飭中等偏僻各屬苟力有所逮亦應酌量提前趕辦計中等廳縣之提前辦理者有濱江敦化二處繁盛鄉之提前辦理者有吉林府屬之烏拉鄉一處綜核成績以吉林長春賓州農安新城等屬爲最其他各屬次之間有辦法不合或稍事遷延怠懈者均經分別記過以儆其餘並飭由自治籌辦處派委視察員周列各屬詳細考查以爲殿最他如城鎮鄉自治區域之劃分自治經費捐之規定則以吉省情形迥殊內省凡按之部章有必須略爲變通者均經電部准行庶幾推行無阻至若城鎮鄉自治章程之施行細則及自治選舉事宜之預備已飭由該處分別擬辦凡城鎮鄉自治規模業已大定一籌辦府廳州縣地方自治一項查府廳州縣地方自治雖較城鎮鄉略遲一年而彼此同一進行即先後自相聯屬現經

飭由自治籌辦處按照部章悉心籌議仍仿城鎮鄉辦法分年分級依次推行業已擬具大綱表俟將分辦明白表擬定後當即咨部查核以爲籌辦基礎一彙報人戶總數一項查此項吉省係提前辦理業於前屆奏內聲明以本年爲調查人口總數之期現在填報者已有一十九屬之多所未報者僅祇三屬仍分飭依限趕辦約計本年十月人口總數即可報齊嗣後當再將遷移生歿之數隨時調查更註冊報至新設各廳州縣多因界址未分此項調查事宜均由原管地方官辦理以免參舛一覆查歲出入總數一項查館單宣統元年調查歲出入總數係指光緒三十四年決算而言本年覆查歲出入總數係指宣統元年決算而言次序分明本應遵照辦理惟上年試辦之初疊奉度支部催報宣統元年決算各冊爰飭清理財政局先將本屆覆查一項提前辦理業經編竣元年決算各冊咨經度支部奏明有案本屆覆查歲出入總數即係追辦光緒三十四年決算現已大端就緒俟全部告竣後再行咨部查核一試辦預算一項查是項預算係指本年及宣統三年預算而言當試辦之始或款目不免紛歧或表冊不中程式往還駁造稍致稽遲現已於七月內一律告竣經專摺奏明在案其臨時發生事項現又飭局趕辦追加預算本月即當咨部備核至決算一項係指本年決算而言業由該局先將本年春季收款造冊報部現正接辦春季支款夏季收支各款一俟分別辦竣再行咨送一釐訂地方稅章程一項查釐訂務必先將各項稅源一一證明方有下手方法吉省稅目繁多稅源冗雜調查沿革倍覺繁難業經飭由度支司清理財政局將全省稅目攷其源流辨其性質何者應屬國家稅何者應屬地方稅內又析分省稅府廳州縣稅城鎮鄉稅編定劃分稅目表咨報度支部備核在案茲該局續奉部知本屆釐訂地方稅一項議併入國家稅均

於明年辦理是本屆應辦事項首在調查兩稅情形以爲釐訂張本現正由局詳細調查俾臻周密以上六項皆前屆籌備未盡接續籌備者也一推廣簡易識字學塾一項查簡易識字學塾原爲年長失學及無力讀書者而設吉省風氣閉塞生計艱難此項人民實較他省爲多則推廣此項學塾亦較他省爲急疊經飭由提學司悉心規畫轉飭各屬各就所管地方督同勸學所酌量開辦并飭各屬凡辦理此項學塾當專收年長失學及實在無力入學之人廣爲陶成以期普及不得率將舊有私塾及原班學生改易名稱敷衍塞責界限既明教育乃有實際現查各屬此項學塾成立有案者計學塾新增一百二所合之上年共一百四十六所學生新增一千九百九十一人合之上年共二千七百一十九人一面仍飭各屬隨地隨時再事推廣良以吉省辦法更與內省不同每年冰凍之期幾居半載歲晚務閑等於逸居無教是此項學塾辦法尤應將識字時間量爲加減冬春倍之夏秋倍半之凡屬村屯均用此制如人數過多仍當臨時添設學塾以廣造就如是則勞逸適均就學者當更衆矣一廳州縣巡警年內一律完備一項查吉省巡警籌辦較早并於節屆奏內聲明將鄉巡提前辦理在案吉省原祇二十二屬自上年以迄本年疊經增改府廳州縣共計三十七屬現在城巡已辦者計三十處鄉巡已辦者計二十六處城鄉巡共分一百七十八區馬步長警共一萬一千七百四十三員名此正巡也復籌辦預備巡警二萬六千五百九十一名以輔其不足又奏定每屬設馬步游巡三十八員名新安鎮主簿赫爾蘇州同兩分防各設馬步游巡三十四員名共計一千四百五十四員名此款內舊有捕盜營護墾隊改編作正開銷吉省現時警政雖不足語完全而保衛治安尙資得力由是再加訓練自不難更臻進步一省城商埠等處各級審判廳限年內一律成

立一項查吉省審判各廳除省城及長春成立最早外此外如延吉等處均於上年成立即非商埠地方亦酌飭提前辦理節經分別奏報在案惟依蘭甯安府濱江廳三屬均屬商埠地方以經費未充遲遲待舉現已籌有端緒務於本年一律依限成立刻日程功當無貽誤其他關於司法之應行籌辦者如改良監獄創辦登記兩項實爲切要之圖查省屬舊有監獄規制未完每虞湫隘至新設各治尙未籌議興建如使每屬各設一獄不特無此財力且僻小州縣罪犯稀少徒耗巨資無補實際擬以全省分爲六區每區各建監獄一所全省獄政既可一律整齊而籌措之方亦較輕而易舉此籌辦監獄之大要也吉省客民雜處遇有民事案件涉於田產婚姻者往往奸詐百出判理爲難延吉一隅韓僑尤衆雜居無制交涉愈繁亟應設立登記以資稽查惟登記事項應附入初級審判廳辦理該廳成立各屬尙未編及四鄉辦理多形不便獨延吉則初級六廳節節布置舉辦登記較易爲力擬先從延吉入手再行逐漸推廣此籌辦登記之大要也二者既備司法前途自可日臻完善以上三項皆前屆已經籌備而推廣籌備者也統計九項皆係按照憲政籌備清單所開本年應行籌備之事舉凡各項籌備情形略具於是臣惟國家厲行憲政原以植議院之始基其所以需至九年始行欽頒憲詔者良以逐年籌備非旦夕可以期功然使內政大端得以先期成立提前年限朝廷豈靳予人民凡聖主之苦衷皆微臣所深疚比年曠觀時局事變益繁吉省豐鎬舊都尤爲根本重地稍有知識者無不以速開國會爲補亡救弱之謀其說爲天下之公言即凡事爲疆臣之專責待時乘勢何敢以籌備定限爲衡自當督率司道各員併力進行竭誠圖治憲政先一日完備即國會先一日觀成得以上慰聖明下紆民望微臣所以報國者如是而已所有

第四屆奏報籌備憲政緣由除分咨查照外謹會同東三省督臣錫良恭摺具陳伏乞
皇上聖鑒訓示謹 奏宣統二年九月初十日奉 硃批覽悉該衙門知道欽此

直隸總督陳夔龍奏圍場同知各缺請仍定爲要缺摺

聖鑒事竊查光緒三十一年

奏爲圍場撫民同知並該廳司獄議仍定爲要缺恭摺仰祈 上諭練兵處奏請開辦圍場屯墾事宜以振利源而裕兵食一摺開墾
八月十九日奉

圍場各地藉籌軍食爲寓兵於農之善策著派袁世凱認真督辦所有該處地方事務並歸該
督專轄以一事權原摺均著抄給閱看欽此業經前督臣袁世凱派員前往整頓一切並創辦
各新政以開邊塞風氣又以圍場原爲衝繁疲難四字要缺蒙民雜處政務紛紜與張多獨三
廳情形相似擬請援照該三廳成案將圍場糧捕同知改爲圍場撫民同知其圍場糧捕同知
司獄改爲圍場撫民同知司獄至西圍巡檢仍循其舊改鑄關防印信頒發領用聲明未盡事
宜續議奏明辦理等因會同熱河都統於光緒三十二年十二月二十一日奏奉 硃批

著照所請該部知道欽此欽遵立案嗣准吏部來咨圍場撫民同知是否仍定爲衝繁疲難四
字要缺該廳司獄應定爲何項缺分行令會同熱河都統查酌情形奏明辦理等因當經行司
核議去後茲據藩司凌福彭提學司傅增湘提法司齊耀琳查明圍場廳自歸直隸改撫民同
知以來開闢荒地轄境愈廣管理旗民命盜訟案較前繁劇現又創辦學警工藝農林一切新
政均關緊要且該廳與張獨多三廳事同一律自應定爲衝繁疲難四字題調要缺該廳司獄
原爲單調要缺自歸直隸專轄後改良監獄兼管罪犯習藝等事責任亦較前繁重應仍定爲
邊地要缺西圍巡檢前已奏明仍循其舊毋庸更議嗣後遇有缺出同知則照張獨多等缺辦

理司獄則照直隸繁缺司獄辦理等情詳請會奏前來 臣覆核無異除咨部外理合會同熱河都統 臣誠勳恭摺具陳伏乞 皇上聖鑒敕部核覆謹 奏宣統二年九月十二日奉 硃批吏部知道欽此

●又奏游擊盧得勝等煙癮未斷請革職永不叙用片 再官吏如有煙癮自應陸續調驗以重禁令前經飭調補用游擊盧得勝赴禁煙局查驗去後茲據該局詳稱該游擊屢次稱病延不到局又候補縣丞王國均據保定分局稟稱該員投到查驗搜出丸藥並有煙灰一包自屬煙癮未淨等情詳請辦理前來 臣查補用游擊盧得勝經禁煙局傳驗藉病遷延迄未投到實屬有心規避候補縣丞王國均於投驗時夾帶丸藥煙灰顯係癮未戒除當此煙禁森嚴之際未便稍事姑容相應請 旨將盧得勝王國均二員一併革職永不叙用以示懲儆除分咨查照外謹附片陳明伏乞 聖鑒訓示謹 奏宣統二年九月十二日奉 硃批著照所請該部知道欽此

摺奏類一

東三省總督錫良吉林巡撫陳昭常奏吉林東南路道郭宗熙請升署交涉使摺

奏為遵員升署司缺以重職守恭摺仰祈 聖鑒事竊試署吉林交涉使施肇基欽奉 諭旨補授外務部右丞所遺交涉使缺自應查照奏定東三省官制章程遵員試署茲查有吉林東南路道郭宗熙志趨正大器識深沈由揮春副都統補授今缺在邊年久情形熟悉辦理交涉力持大體因應得宜以之升署交涉使缺堪期勝任相應仰懇 天恩俯准以該員郭宗熙升署吉林交涉使缺以重職守仍由 臣等攷察如能稱職再行 奏請實授所有遵員升署司缺緣由理合恭摺具陳伏乞 皇上聖鑒訓示謹 奏宣統二年九月初九日奉 硃批著照所請該部知道片併發欽此

●又奏請以延吉守陶彬升署吉林東南路道缺片 再吉林東南路道郭宗熙現經 臣等奏請升署吉林交

涉使缺如蒙 俞允所遺東南路道缺自應照章遴員試署查東南路道駐紮延瓚毗連俄韓非熟悉邊情諸習外交之員弗克勝任茲查有吉林延吉府知府陶彬才具明敏辦事穩練前曾游學日本熟諳法律堪以升署合無仰懇 天恩俯准以該員陶彬升署吉林東南路道缺俾資治理仍俟到任後隨時考察如能稱職再行奏請實授理合附片具陳伏乞 聖鑒訓示謹 奏宣統二年九月初九日奉 硃批覽欽此

河南巡撫寶棻奏委孔祥霖等署藩司各缺片

再布政使朱壽鏞現已奉 旨開缺所遺布政使司篆務應行遴員接署以專責成查有提學使孔祥霖堪以委署遞遺提學司篆務查有候補道胡鼎彝堪以委署除檄飭遵照外理合附片具陳伏乞 聖鑒謹 奏宣統二年九月初九日奉 硃批知道了欽此

●又奏候補直牧陳揚等期滿甄別片 再前准憲政編查館考驗外官章程內開正途出身與高等以上卒業學生及歷任重要差使各員毋庸考試嗣後甄別年限應自奉有差委之日起扣足供差一年確實考驗出具考語並將差委事實造冊達部方准留省分別補用等因歷經遵辦在案茲查候補直隸州知州陳揚試用知縣邵銘揀選試用知縣王殿元試用知縣李照岷到省供差均已一年期滿該員等或係正途出身或非正途出身而充當要差并無貽誤照章毋庸考試據藩學法三司會同詳請甄別前來臣查該員陳揚留心新政邵銘任事實心王殿元從公勤奮李照岷年富力強均堪以原銜留省補用除將履歷事實清冊咨部外理合附片具陳伏乞 聖鑒謹 奏宣統二年九月初九日奉 硃批覽欽此

山西巡撫丁寶銓奏新授廣東高州府知府鮑振鏞請暫緩赴任片

再現署歸綏道山西候補道鮑振鏞前經調任兩廣督臣張人駿奏保以知府存記本年五月間奉 旨補授廣東高州府知府當經欽遵轉行在案惟該員在歸綏道署任內經學務大臣信勳於七月間奏明隨辦學事本年口外歲收減色轉瞬冬防尤關緊要該員尙有經手事件合無仰懇 天恩俯准新授高州府知府鮑振鏞暫緩赴任俾得悉心料理以裨學務除咨部查照外理合附片具陳伏乞 聖鑒訓示謹 奏宣統二年九月十一日奉 硃批鮑振鏞著迅即赴高州府新任不准遲緩欽此

西曆一千九百十年十月十八號 星期二

本局設立北京東長安牌樓王府井大街

宣統二年九月十六日第壹仟陸拾捌號

電話內城總局第二百零一號

政治官報

目錄

●宮門鈔○ 諭旨一道○事由單●摺奏類○憲政編查館奏請將各省例奏事件改咨由各衙門分別具奏摺併單○陸軍部會奏遵議鄂督奏湖廣綠營將弁缺出請停補停選摺○涼州副都統奏整頓涼防軍營學務並籌設工藝廠摺○川督奏籌辦城鎮鄉地方自治情形摺○又奏查定川漢路綫請立案片●議案○學部奏酌擬地方學務章程請飭交資政院議決摺併地方學務章程案附說明●廣告○本局發售現行刑律定本廣告二則

政治官報 目錄

九月十六日第一千六十八號

●宮門鈔●

九月十五日 外務部 欽天監 侍衛處值日 吏部引 見一百二十五名 張
 鳴岐抵銷處分謝 恩 明謙授內務府郎中謝 恩 帕王假滿請 安 祥
 普續假十日 世侯續假二十日 外務部遞封奏四件又代遞出使大臣雷補同奏摺
 一封 延昌遞封奏二件

召見軍機 澤公

●諭旨●

監國攝政王鈐章

九月十五日內閣奉

上諭本日引見孝廉方正考取一等之舉貢朱炳靈陳埤陶峻盧慶家黃澤深周鳳璋邱日華
 徐淮生徐讓孟振先教授葛潮縣丞張道瀛藍晉琦八品錄事王進賢教諭夏文彬均著以
 知縣用廩增附監生魏炳文晏祖樹孫嘉錫王泰階項鼎馨羅萬藻沈樹楠譚瀛朱鳳霄曹
 徵藩張樹鼎鄭德佳蘇鍾正薛懋官聶辛鍊陳光榮周紘順劉汝巖舒家駿黃鴻澄韓志璟
 曹亨禮朱家訓王永晉湯松年劉振鏞單金銘曹汝讓李敬珍燕詒黃經閣古華文李士選
 杜履賢溫鳳翔均著以直隸州州判州判鹽運司經歷用考取二等之舉人劉慶鴻劉鑑古
 均著以直隸州州同布政司經歷理問用五貢安于恆高培英張業耀賈善政林挺芝闕士
 相高祖馨鄒開俊王海山景藝林均著以直隸州州判州判鹽運司經歷用廩增附監生王
 調元王世清王興仁吳琨梅寶璣曾韻松孟葵陳公宜邱昆玉羅錫華王錫圭蕭學壽朱炳

華羅紹文屈開坊劉震喻明德殷銘湛李錦心鄧振龍饒應銘劉潤青洪紹慶覆相臣石鳳
翥司椿華游昉錕王培基焦懷炳劉樹杜毓清王亮臣許珪封張青遷凌鴻鼎劉樹聲祝宗
禮張錫盤楊廷俊張牧韓魏夢雲鄭敬濤房步瀛臺世植趙麟臺裘章淦劉子鎮方道南王
緒昌李學宗蘇鵬廣梁文禮尙桂文陳鑾謬張永源王任陳涵章陳仰宸余師端黃漢章趙
澤春高世傑均著以府經歷縣丞州吏目縣主簿道庫大使用其餘未經錄取各員均著賞
給六品頂戴該部知道欽此

軍機大臣署名奕劻 假 毓朗那桐徐世昌

九月十五日內摺傳 旨事由單

●內閣奏驗放無員毋庸奏請 欽派事奉 旨知道了○又奏十五日不進 實錄事奉 旨

知道了●閱兵大臣奏暫行停止秋操事奉 旨依議

九月十五日外摺欽奉 硃批事由單

●袁樹勛奏光緒三十年分支過額外孤貧口糧銀數請銷摺 度支部知道○又奏請以李清華補陽江營
游擊摺 該處議奏○又奏儋州牧陸繼昌調署澄海令片 知道了○又奏清遠令朱永觀調署臨高令片
知道了○又奏隨辦洋務出力人員請獎摺 該部議奏單併發○又奏已革新會令林玉銘被叅冤抑請
開復原官等片 林玉銘著准其開復原銜該部知道●馮汝駸奏第四屆籌備憲政事宜摺 該衙門知道
○又奏採辦額木定期運解摺 該部知道○又奏解東北邊防經費片 度支部知道○又奏解籌備餉需
片 度支部知道○又奏解還俄法本息片 該部知道○又奏早稻收成分數摺 知道了○又奏六月分
兩糧情形摺 知道了●松壽奏改編巡防隊酌定餉章及成軍日期摺 該衙門知道○又奏採辦貢燕作
正開支片 該部知道○又奏提法使鹿學良暫緩 陛見並請 敕部鑄造關防片 已降旨令其暫

緩來見矣○又奏已革馬家巷通判白荃虧款潛行回籍請查抄押追片 著照所請該部知道○又奏違議行政經費摺 該衙門知道●趙爾巽奏命犯肅慎發等案彙奏摺 大理院覆判具奏○又奏囚糧造冊報銷片 該部知道○又奏解俄法借款片 該部知道○又奏解新案賠款片 該部知道○又奏上年通省地糧開銷銀兩數目摺 該部知道○又奏打箭爐關上年分征收茶稅銀兩片 該部知道○又奏打箭爐征收米豆雜稅數目片 該部知道○又奏奏銷解部飯食等項片 度支部知道○又奏解第四批甘肅新餉摺 度支部知道○又奏解抵藥加價銀兩片 該部知道○又奏解貴州協餉片 該部知道○又奏解步軍統領衙門經費片 該衙門知道○又奏六月分兩糧情形摺 知道了●朱家寶奏二麥約收分數摺 知道了○又奏甘新協餉改解滬關作為甘省應解賠款片 該部知道○又奏解俄法英德本息片 該部知道○又奏試用道陶煦甄別片 覽○又奏六月分兩糧情形摺 知道了●鹿學良奏接福建提法使關防日期謝 恩並請 陛見摺 著暫緩來見●張其淦奏署理安徽提學篆務日期謝 恩摺 知道了●吳同甲奏署理安徽布政使篆務日期謝 恩摺 知道了

摺奏類

●憲政編查館奏請將各省循例具奏事件酌擬改咨由各衙門分別彙奏專奏摺 併單
 奏為請將各省循例具奏事件酌擬改咨由各衙門分別彙奏專奏以重治本而歸簡要繕具清單恭摺仰祈 聖鑒事竊維治本之要在省繁文集權所先宜重京署溯查定例各省奏事本分題奏兩項其歸題本者多沿自前代凡循例具報無關興革如文職武職之照例補缺開缺錢穀之奏銷節孝壽民之旌表鄉賢名宦之入祠尋常命盜之擬罪工程之報銷各項或批議奏或 批知道皆由內閣票擬者是也其歸奏件者則多屬軍國機要洋務河工及改制損益並與成例不符請 旨定奪者是也光緒二十七年奉准改題為奏以後外省

循例各件一律改奏其改咨者什無一二於是入 告之疏 批答之旨數倍於前而循

例交議者各衙門又須奏覆近年學務警務之畢業及各項報銷類乎循例者亦無不奏聞於

是無分鉅細悉列封章一有駁難奏且數至現在外交內治艱鉅紛投決策定疑動關理亂若

再以不急之章牘繁瑣之款目煩 萬幾之因應勞 黼辰之精神非所以清政源重治

本也 臣等詳加酌度定制分別題奏原以特重奏章取裨機務刻富預備立憲之時自應量為

更定以省繁文擬請凡各省嗣後循例具奏事件皆改令咨主管之各衙門由各該衙門酌核

應彙奏者彙奏應專奏者專奏均按照例定議奏期限不得遲逾如此辦理既可省外臺章疏

之繁而各衙門遇事仍須 上聞亦無專擅壅隔之弊似於振興治理不無裨益其各省事

關重要及與例不符應專摺奏請者均應照常辦理以示區別而昭鄭重謹將酌擬各省改奏

為否由各衙門分別專奏彙奏事件繕具清單恭呈 御覽如蒙 俞允擬即通行遵照

至各省循例具奏事件單內容有未盡列入者應由各省查酌事體比例辦理所有各省循例

具奏事件酌擬改咨由各衙門分別彙奏專奏緣由理合恭摺具陳伏乞 皇上聖鑒謹

奏宣統二年九月十四日奉 旨已錄

硃圈單 硃批硃圈者仍行具奏

謹將酌擬各省循例具奏事件改咨各衙門分別彙奏專奏繕具清單恭呈 御覽 計開

吏 文職同知直隸州以下告病丁憂終養修墓省親病故開缺邊俸期滿撤回內地及保薦

硃 ○俸滿保薦 硃 ○知府以下循例補缺及署缺 硃 ○知府以下試署期滿補請實

授及銷試俸 候補試用道府以下期滿甄別 硃 ○屬員迴避 保有升階人員捐請離

任 硃○循例錢糧等處分開復應追銀兩全完開復 硃○疏防開叅

民政 諮議局等用款報銷 巡警用款報銷 各項工程報銷及歲修 城垣保固等件

修圖志各件

度支 各項奏銷 已未完錢漕鹽課數目 征過關稅數目 運兌漕糧數目 解餉日期

硃○錢漕未完應議職名 循例請撥 各陵俸餉 硃○循例估撥官兵俸餉

禮 撥兵餉 盤查司道庫錢糧 交代 各省支過廉俸數目 支給孤貧口糧數目

禮 請換請鑄印信關防及開用日期 硃○舉報優生 教職保薦 硃○安插撫恤風漂

番民 五世同堂 壽民壽婦請旌 節烈婦女請旌 捐款建坊 硃○入祀鄉賢名宦

等祠 硃○保舉孝廉方正 硃○廟神請 封號 承襲五經博士

學 硃○各省學堂畢業各件 學堂經費各件 硃○各省請調京員辦學

陸軍 武職綠營副將以下告休告病丁憂終養修墓省親病故開缺 硃○綠營副將以下

補缺署缺 硃○軍政展限 硃○盛京三年一次查驗軍械 邊俸調回及保薦 硃○

副將以下留標補用 硃○循例出洋會哨 硃○循例邊界會哨 武弁遵例甄別 硃

○世職請襲 各項軍餉報銷 各項軍營工程報銷 驛站錢糧奏銷 繳回郵符 硃

○疏防開叅

法 硃○命案彙奏 硃○姦殺專奏 硃○彙報正法盜犯 硃○承緝命盜案犯未獲職

名 各級審判廳建築報銷 經費報銷 各項法官五品以下循例開缺補缺署缺

農工商 各項農務局所及農事試驗場等經費報銷河工海塘江隄及各項河隄等報銷
河工海塘江隄及各項河隄循例估需經費 河工等歲修 工藝局廠等報銷 商務局
等用款報銷

郵傳 各省電綫等用款報銷及歲修

陸軍部會奏遵議鄂督奏湖廣綠營將弁缺出請停補停選摺

奏為遵 旨議奏恭摺會陳仰祈

聖鑒事內閣鈔出湖廣總督瑞澂奏湖廣綠營將弁

裁撤在即遇有缺出擬請停補停選一摺宣統二年六月二十三日奉 硃批該衙門議奏
欽此欽遵到部原奏內稱武職補缺各有一定輪次見缺頂補者無非衰庸陋劣不堪驅策之
人嗣後鄂湘兩省武職無論大小員弁凡遇缺出皆暫時派員署理不復請補庶使實缺人員
漸漸減少一俟十年限滿制兵裁盡撤銷額缺著手當亦較易現在湖北省出有漢陽協副將
等缺湖南省出有衡州協副將等缺一併停補派員暫行署理等因查 部籌備憲政軍事奏
請酌裁綠營擬由各省督撫權衡緩急妥慎籌辦等因業經奏准行知在案該督請將湖廣綠
營將弁停選停補自係為樽節餉項起見惟各省武職補缺輪次係 部奏定章程凡遇補缺
時各該督撫均出具切實考語彼彼衰庸陋劣各員弁諒無希圖倖進之理至湖廣綠營陸路各
缺經前督 臣張之洞奏明除鎮守使兩鎮外自光緒二十九年起儘十年裁盡嗣經調任督
臣陳夔龍奏酌裁綠營將備將汛防較簡各員弁等缺分別裁併經 部議覆奏准在案現在
湖廣綠營已裁十分之七本年即應裁第八批一二年後即可裁盡應查照調任督 臣陳夔龍
原奏將汛防較簡之副參遊都守及千把以下等缺酌量裁併所有擬裁各缺自應毋庸請補
亦毋庸派署裁缺各員按照此次 臣部奏定酌裁綠營原奏辦理騰出餉項專作編練陸軍之

需如所設員缺實係要隘勢難驟裁者應由該督撫分別奏咨派員署理俟一二年後制兵裁盡即將額缺撤銷至防守汛地保衛閭閻各事宜均須預爲綢繆庶於整頓軍事之中仍寓綏靖地方之意如湖廣綠營將弁出有推缺應歸部選者自_臣部奏准奉 旨後亦應停選以歸一律所有_臣等遵議緣由理合恭摺會陳伏乞 皇上聖鑒訓示再此摺係陸軍部主稿會同軍諮處辦理合併陳明謹 奏宣統二年九月初十日奉 旨依議欽此

涼州副都統恩志奏整頓涼防軍營學務並籌設工藝廠摺

奏爲整頓涼防軍營隊學務並籌設工藝廠以期教養兼施恭摺仰祈 聖鑒事竊維法無

歷久而不變事貴因時以制宜古今一致中外同情居今日而理旗務其勢雖殊其理一也查涼州居甘省中權爲北徼屏蔽外達西域南控河湟非練勁旅不足以資捍衛非整巡警不足以保公安非廣學校設工藝不足以普教育而開利源_臣任事以來體察旗營情形多因拘守舊制智識不開加以俸餉微薄事畜不足以致生計日蹙教育失宜人材消乏兵勢日弱於此而不設法補救將何以振士氣而圖自強_臣忝列旗僕世受 國恩當此時艱勢迫之秋曷敢更蹈習故安常之態謹就整頓籌備各事宜敬爲我 皇上縷晰陳之查滿營經前副都統

_臣玉崑奏設陸軍靖遠步隊一營額定官弁兵夫計六百五十一員名數年訓練雖屬略具規模惟管帶各官皆係協佐兼充戰法多不知講求教習仍自本營揀選操課更有所未諳以致步伐多未整齊精神尤形散漫現擬嚴加淘汰去弱留強其中不及格者另行挑選補充期歸一律至應習操法戰術均照陸軍部所訂新章分門教授由淺及深必先開其智識增其材力日異月新以振尙武精神並仿照北洋講武堂章程設一兵學研究所俾管帶以下各官佐輪

流入所研究新理新學庶使將佐諸兵法而精教練士卒嫻技藝而奉指揮或可逐漸進步日起有功至操服靴帽軍容攸關苟使參差糅雜何以肅嚴整之象現該營軍衣每兵每歲只備一套實因旗餉向有定額毫無盈餘以資挹注每致敷衍遷就難壯觀瞻刻擬商諸協佐設法籌有的款再行仿照陸軍服制按季頒發又查巡警係由舊日步軍營改設共計巡弁警兵二百五十二員名於底餉外每名月加津貼銀五錢稍助食資創辦時亦因款項支絀諸多未合定章且巡警站崗原以保衛公安若不按章辦理雖多奚爲况滿城周徑僅止七里有零戶口既不繁盛街市更屬蕭條若以二百餘名巡兵分布於區區一城之內未免事簡人浮虛糜款項現擬將老羸之不合格者裁併一半挑留精壯一百二十六名先設巡警教練所俾官弁巡兵均行入所傳習每日分甲乙兩班甲班入所乙班站街輪流更換兩不致悞則警章警律認真講習俾其有裨實用斯爲得效至所裁老羸巡兵酌留清道夫數十名以資清理街道俾有專責餘令飭歸本旗充當散差所裁津貼酌加各警兵外其餘卽作爲所中經費並添購操衣靴帽及警燈崗亭之用如有不敷再行續籌此

臣整頓涼防陸軍巡警之情形也查學堂爲培植人材之根本工藝又爲籌備生計之要圖滿城已設有高等小學堂一所計學生六十名初等小學堂兩所每所計學生五十名惟教法既未完全課程又多簡略調查八旗滿蒙戶口册以三千餘口之生齒僅挑學生百餘名教育固有所不及而幼丁仍多有賦閒

臣現商之督臣長庚先就省城優級師範畢業生內擇其品學兼優者一員調涼擔任教授并飭兩翼協佐等官各就本翼再行添設初等小學堂一所並遵照學部奏定完全簡易兩科認真講習務使闡通舊理啟發新知俟畢業後逐加推廣以期教育普及且滿營痼蔽太深人多不知向學非

施以強迫教育實不足以除積習再查滿營旗丁除精壯者挑練陸軍暨充巡警并聰穎之子弟選入學堂外其餘亟應籌以謀生之計以爲自立之基現擬就滿營空閒衙署籌款修葺仿照奉天成案創立工藝廠一所挑選旗丁數十名入廠先行學習淺近工藝并聘請教習教以紡織製革木鐵各工俾其能得一技之長以爲自食其力之計庶幾訓迪有方梗頑悉化勤工有法生計日充漸可轉弱爲強不致貽逸居無教之譏矣此_臣籌辦涼防學堂工藝廠之情形也以上諸端事體殷繁無一非款所能集事_臣惟有通盤籌畫移緩就急總期款不虛糜事求實際以仰副 朝廷眷顧旗僕力圖自強之至意其餘未盡各事宜容_臣察閱情形隨時奏報所有整頓陸軍巡警改良學務併籌設工藝廠各緣由理合恭摺具陳伏乞 皇上聖鑒訓示謹 奏宣統二年九月十一日奉 硃批著即認真籌辦該部知道欽此

四川總督趙爾巽奏籌辦城鎮鄉地方自治情形摺

奏爲籌辦川省城鎮鄉並廳州縣地方自治情形恭摺仰祈 聖鑒事竊維城鎮鄉地方自治爲補助官治行政之要圖而府廳州縣自治又與之上下銜聯如駢之勒必二者相輔而行斯治理日臻隆美川省上年籌辦自治情形業經隨時 奏咨在案茲謹將本年上屆所辦事項爲我 皇上縷悉陳之查籌備憲政事宜清單內開本年應續辦城鎮鄉地方自治並籌辦廳州縣地方自治而民政部奏定未盡事宜單開關於自治者計共三事其屬於續辦城鎮鄉自治者有二一曰考核繁盛城鎮議事會董事會辦理成績川省繁盛城鎮業於去歲分別指定通行籌備以宣統二年五六月爲該城鎮議事會董事會成立之期雖創辦之始各屬少諸定章難盡迅速合輟經_臣督同自治籌辦處詳加指示分別嚴催並視其辦理之遲速得失

酌記功過以示勸懲考核既嚴咸知激奮故成都華陽兩首縣先將城議事會董事會合併設立並照章將成都駐防加入合辦以期融洽而樹風聲外則漢州彭縣簡州江北廳等三十餘廳州縣均經選舉完竣先後具報其繁盛各鎮會亦依限告成尙無貽誤綜計繁盛城四十處鎮十處均已一律開辦此辦理繁盛城鎮議事會董事會之情形也一日指定中等城鎮籌設該城鎮議事會董事會按前定籌辦期限清單指定中等城六十餘處限於本年十一十二兩月成立至中等鎮會則期成於宣統三年五月嗣以鎮之中等偏僻本難驟爲區分而籌辦自治事宜城鎮實無甚差異中等城既屆籌備之期則各鎮亦不當紆徐落後業飭自治籌辦處詳定籌辦中等城自治選舉日程單刊發中等各廳州縣照辦並通飭各屬無論所轄之鎮爲中等偏僻均應於籌辦中等城會之時將各鎮會全數籌備或先設一二鎮以符提前趕辦之旨預計本年之內即可次第觀成而中等之巴州新都金堂雲陽新甯大竹宜隴豐都等八州縣及屬於偏僻之鹽亭縣現已將各該城議事董事兩會提前成立此外尙有岳池縣屬之石埡等四鎮簡州屬之石橋鄉新甯縣屬之永安等二十六鄉併已將各該鎮鄉自治職先行選定稟報開辦此指定中等城鎮籌設議事董事等會及各城鎮鄉提前辦理自治之情形也其屬於籌辦廳州縣地方自治者部單列爲一事曰就省會地方首縣籌設該縣議事會參事會川省自奉到府廳州縣自治章程及選舉章程即經斟酌情形擬定籌辦日程單議員分配表等件行令成都華陽縣首將該縣議事會參事會照章籌設以資模範惟此外瀘州江北廳巴縣等屬自治雖不在本年籌辦之列而其繁盛衝要殆與首縣相同自未便置之後圖因並令一體舉行俾促進步其期限均始自本年五月而以九月爲成立之期現均據稟籌備次第進

行當可依限集事此又就省會首縣及提前於繁盛地方籌設廳州縣議事會參事會之情形也統計各屬之內城會成立者四十九處鎮會成立者一十四處鄉會成立者一十七處廳州縣自治之已籌辦者五處以川省風氣後開籌費艱絀幸能致此皆由於任事各員勤奮圖功鏗而不舍故能勉爲其難幸免濡滯抑臣尤有進者自治爲立憲根本欲自治之卓著成功必須一面促其新機卽一面納諸軌物方能徐達所嚮是以籌備之初臣卽詳釋定章參酌通制擬爲地方官監督城鎮鄉地方自治事務綱要通行各屬俾資循守但冀上下咸守範圍官紳毫無隔閼庶幾化行閭里治道以協和而愈彰人重公權民質因磨礱而益進此則臣對於自治前途所兢兢致意不敢或忽者也除督飭自治籌辦處將其餘事宜廣續切實籌備並將各項成績表冊規程咨部查照外所有籌辦川省城鎮鄉並廳州縣地方自治情形理合恭摺具陳伏乞 皇上聖鑒訓示謹 奏宣統二年九月十三日奉 硃批該部知道欽此

●又奏查定川漢路綫請立案片 再據四川商辦川漢鐵路總公司呈稱案准駐宜總理李稷勳照開川路自宜昌開工建築由宜至歸州香溪地方必須穴城通軌當經移州會同工程師集紳前往查勘茲准署湖北歸州知州武延緒移覆州城地方南垣濱臨大江北則山勢太高路綫所經必須由東門之北開洞入城由城隍廟文昌宮後經過所拆民屋無幾核其地勢與各廟祠宇以及民情均無妨礙紳耆人等均皆樂從等由准此伏查該處路綫既經歸州官紳細加審視於地勢民情俱屬無礙衆皆樂從自應援照浙路成案呈請 奏咨立案等情前來除咨部查照外理合會同湖廣督臣瑞澂合詞附片具陳伏乞 聖鑒謹 奏宣統二年

九月十三日奉

硃批郵傳部知道欽此

聖鑒謹 奏宣統二年

西歷一千九百十年 月十九號 星期三

本局設立北京東長安牌樓王府井大街

宣統二年九月十七日第壹仟陸拾玖號

電話內城總局第二百零一號

政治官報

目錄

奏類○蘇撫奏籌備憲政第四屆接辦情形摺○事由單○電報類○資政院接收各省來電○摺
 叙用片○川督奏籌辦川省邊茶公司成立情形摺○又奏請將戒煙不力之守備夏大明等革職○摺
 辦川滇邊務大臣奏籌設巡警學堂並撥給經費摺○又奏徵收德格等處牧場稅銀摺○又奏請
 將竹且直卡渡口添收茶釐作為邊務常年經費摺○又奏籌設印刷官局片○江撫奏擬定巡撫
 司道各官俸銀數目摺○又奏民政司養廉請援案酌加片○議案○印官局片○江撫奏擬訂著作權律摺
 併著作權律案附說明○廣告○本局發售現行刑律定本廣告二則

政治官報 目錄

九月十七日第一千六十九號

●宮門鈔●

九月十六日 吏部 翰林院 廂黃旗值日 唐紹怡到京請 安並謝 恩

盛宣懷謝 賞匾額 恩 劉若曾等遞封奏一件

召見軍機 唐紹怡

本日已刻在

乾清宮覲見比國使臣賈爾膝 參議博賚爾 隨員高博爾 頭等通譯胡伊業 衛隊

統領朗白爾 呈遞國書

●諭旨●

監國攝政王鈐章

九月十六日內閣奉

上諭詔舉孝廉方正本係覃恩特典亟應嚴行甄覈切實選舉查此次各省所保多至百數十人少亦數十人雖因考試縮短年限亦豈可過於冒濫嗣後各省保舉此項員生著各督撫通飭所屬按照定例悉心選擇從嚴甄取必其人品行卓著鄉望素孚確有事實者方准列保以重名器而勵風俗欽此

軍機大臣署名奕劻毓朗那桐徐世昌

●交旨●

九月十六日

監國攝政王鈞章

軍機大臣欽奉

諭旨陸軍部奏請派大員考試陸軍游學畢業生一摺著派載濤段祺瑞那晉考試欽此

軍機大臣署名奕劻毓朗那桐徐世昌

九月十六日內摺傳 旨事由單

●吏部奏議覆山東巡撫奏候補道周學淵請指省直隸序補事奉 旨依議○又會奏議覆雲貴總督奏

雲南鎮康改流添設知州巡檢各缺事奉 旨依議○又奏月選佐雜教職等缺事單一件奉 旨依議

○又片奏外發各直省文件改由郵政局傳遞事奉 旨知道了○又奏各省請補知縣等缺彙奏事單一

件奉 旨依議○又片奏筆帖式鳳崑服滿銷去署任字樣事奉 旨知道了○又片奏議覆兩廣總督

奏粵省救護商船請獎事奉 旨依議○又彙奏河南等省道府以下等官尋常議敘議處事單一件奉

旨依議○又片奏陳昭常查級抵銷處分事奉 旨知道了○又片奏山西省解清元年分京餉議敘事

奉 旨依議○又彙奏河南等省道府以下等官尋常議處事單一件奉 旨依議○又片奏朱家寶等

解清京餉議敘事奉 旨依議○又片奏沈曾植解清籌備餉需議敘事奉 旨依議○又彙奏四川等

省道府以下等官尋常議敘議處事單一件奉 旨依議●陸軍部奏考試陸軍游學生請 派監臨官

事奉 旨派出席昌壽勳○又奏考試陸軍游學生遴派襄校官事奉 旨依議○又奏考試陸軍游學

生遴派執事各官事奉 旨依議

九月十六日外摺欽奉 硃批事由單

●馮汝駮奏南安守孚恆因病出缺摺 吏部知道片併發○又奏贛縣令張學培病故片 覽○又奏知縣

陳慶等虧短交代請革追摺 著照所請該部知道○又奏解步軍統領衙門經費片 該衙門知道○又奏

請以即補令吳孝愷補樂安令片 吏部知道議覆具奏○又奏請將已革新昌令馬肇修開復原官銜翎等片 馬肇修著准其開復原官銜翎仍留原省補用該部知道○又奏代解新疆新案賠款片 該部知道●朱家寶奏第四屆籌備憲政成績摺 該衙門知道○又奏酌擬各司道公費統歸藩庫支給摺 該部知道○又奏暫定撫署公費片 該部知道○又奏請以試用道張其淦署提學使片 知道了

●電報類

資政院接收各省來電

●九月十三日收廣東諮議局電 資政院鈞鑒粵禁賭案前奉粵督交議公決分爲兩題一請定期禁絕一請通盤籌畫另題交議奉劄覆仍照奏案一面與司道籌議隨有改良鹽務籌抵賭餉之奏本年四月開臨時會續請降旨定期禁賭又未施行旋奉行知部處奏准鹽務仍令舊商辦理遞年增餉惟初年增二百萬儘抵不敷前月粵督劄知覆陳鹽務陋規并預籌賭禁實行奏請籌撥牌照捐遞年與鹽餉相繼續而所短祇七十餘萬指定從煙酒另案辦理是粵督籌抵賭餉的有著落籲懇定期禁絕了無疑義况歷經粵京官奏請並張袁兩督疊奏明無論籌得何款儘先抵賭迭奉明旨在先自必示吾民以大信本月初十日開會再議僉以賭博害政病民即無抵餉政體亦應籌禁本局已歷兩會不能仰副 朝廷禁賭至意負咎滋多茲幸籌抵有著非迅請定期實無以爲禁賭善後之預備爰議呈請粵督即日電奏請 旨宣布廣東賭博一律禁絕期限一面電請憲院俯念賭餉不合稅法賭博實足危粵粵危國危利害攸關迅准奏請宣布以慰粵望倘難邀准則是議員誠望未盡當全體辭職以謝君父以謝邦人當經全體議決爰錄案由電乞開議迅准施行粵議局叩文

●九月十四日收兩廣總督電 憲政編查館資政院鑒查部督辦鹽政大臣鈞鑒十二日接准諮議局呈報議案一件據稱禁賭一案迭經開會議決未奉實行茲於本月初十日會集全體議員公同討論擬請電奏宣示禁賭定期以除民害業經全數可決乞督部堂俯順輿情電奏請旨明定廣東賭博一律禁絕期限並請於三日內電奏未奉照准即行停議力爭爭之不達即行全體辭職等語查賭餉必須抵籌歷經奏明在案抵籌先得確數禁絕乃可實行籌抵大宗厥憑鹽務新增款項本署督於議覆鹽務規費並預籌實行賭博摺內陳述綦詳欽奉硃批督辦鹽政大臣知道欽此是鹽務新增款項能否籌抵賭餉尙待督辦大臣之咨覆至本省近辦膏捐亦屬新增款項原可暫資撥抵而收入之款及截留之法開辦未久確定尙難且須會商大部酌核辦理此外尙有菸酒捐兩項或待籌議或未開辦應俟各項抵款確定後方能請旨明定實行禁賭期限現經會議廳公決將上項未便據情電奏理由劄覆諮議局仍令照常議事合先電聞樹勛文

●九月十三日收廣西巡撫電 資政院憲政編查館度支部鈞鑒前奉度支部江電飭照章先將局存地方行政經費底册照錄一分送交諮議局所有大部核增核減之款已由桂省允許者一併鈔案彙送以備參考等因當經查照辦理茲據諮議局呈請函編定宣統三年豫算案交局以便決議應否將全案送交之處伏乞迅速核示遵辦盼切景桐謹叩元

●九月十四日收廣西諮議局電 資政院鈞鑒閩鄂豫算均無歲入殊屬違章乞電督更正交議桂諮議局叩寒印

●九月十五日收貴州諮議局電 資政院鑒桂省禁煙案經張撫裁決旋復展限桂局辭職

又瑞錫二督有借外債築路之議又預算冊交議三事均關大局所鈞院補救黔議局上元
 ●九月十五日收四川諮議局電 資政院鈞鑒中國鐵路事業幼稚宜獎勵商辦助其發達
 郵部片奏過用限制干涉之計足使商民寒心解體終於借款官辦尤損國權而激人怨鈞院
 有議法之權請速定公平路律保商裕國幸甚川諮議局叩

摺奏類

江蘇巡撫程德全奏籌備憲政第四屆接辦情形摺

聖鑒事竊

奏為遵章臚陳蘇省籌備憲政第三年第四屆接續辦理成績恭摺仰祈

讀光緒三十四年八月初一日 諭旨憲政逐年應行籌備事宜必須秉公認真次第推

行即責成內外臣工遵照單開各節依限舉辦每屆六個月將籌辦成績臚列奏聞並咨報憲

政編查館查核等因欽遵在案查蘇省第三屆憲政成績係由調任撫臣寶藜任內分別奏咨

嗣臣於四月到蘇接篆視事是為第四屆期內當經遵章先將前任辦理情形詳細會奏在案

茲際八月應行奏報本屆成績之時所有按照憲政編查館清單依限接續籌辦事宜綜計九

項謹為我 皇上縷晰陳之一曰續辦城鎮鄉地方自治查蘇屬三十七廳州縣城廂自治

本年四月以前業將議事會議長議員董事會總董董事如額選定現已依限一律開會籌議

各該地方利病蘇省士紳素號文明研究自治學員頭班均經畢業故其會場一切秩序井然

足為鎮鄉表率至鎮鄉自治四月間已有武進循理鄉嘉定西門鄉二處選舉告竣嗣又有崑

山之菴葭濱鄉安亭鄉新陽之夏駕橋鄉崑新二縣交界之蓬閬鄉寶山之廣福鄉五處續報

選舉辦齊議事會董事會定期成立其餘各屬提前辦理之鎮鄉或已從事調查或在確分區

域除四月間所報吳縣之梅里鎮香山鄉等四十餘處外近復據崑山之千墩鄉崇明之橋鎮等二十餘處聲請籌辦自治均已分別核准此接續辦理之情形一也一日籌辦廳州縣地方自治查廳州縣爲上級自治有擔任城鎮鄉全體公益事務之責蘇省各屬城自治成立後即由各廳州縣長官增設本廳州縣自治籌備公所以爲上級自治進行機關且以督促各鎮鄉自治公所之成立前於四月間已將自治籌辦處詳定施行細則通飭各屬以期提前辦竣節省經費並由省城設測繪隊分派各廳州縣將所屬區域詳測精繪以資實用又於各廳州縣設宣講員按期派赴所轄各境流通宣講以開通民人知識使得各具自治資格此接續辦理之情形二也一日彙報人戶總數查民政部調查戶口章程本年各廳州縣戶數均須一律報齊卽上年已經查報之各府州屬首縣及商埠地方仍應覆查彙報蘇省自巡警道設缺以來所有調查戶口事宜遵章劃歸該道接辦當經擬定辦事規章勻分四期循序漸進第一期爲預備調查第二期爲實行調查第三期爲編訂門牌第四期爲依限呈報前已通飭各屬遵照辦理於九月內一律辦齊現由該道函電交催並派委員分赴各屬促辦冀得提前蒞事此接續辦理之情形三也一日覆查歲出入總數查宣統元年春夏秋多四季署關局所管校出入各項總冊均經清理財政局查照部頒條款分別編製完全計成季入冊四本本出冊四本舊管實在冊四本司關道局六柱冊四本綱要簡明冊四本江海關經理各款專冊四本共爲二十四本至覆查出入總數前准部咨飭局按照預算冊式分類分款詳晰填注卽經由局逐款鈎稽綜覈四季之出入分門編訂匯成一歲之收支旋將宣統元年歲入歲出各編總冊一本尅期告竣先後核咨在案此接續辦理之情形四也一日釐訂地方稅章程查國家稅與地方稅

渾合不分各沿慣例前經清理財政局分別移行主管署局徵集答覆以爲編製說明書之預備一面先就預算冊內出入各款悉心研究舉凡源流之考訂名義之審查利弊之推闡方法之斟酌在在均關緊要手續極爲繁重正在編訂之中茲准度支部行知奏明國家稅與地方稅同時規定應以本年爲調查年限宣統二年爲釐訂年限於八月十二日具 奏奉 旨 依議鈔奏行文至蘇自應欽遵辦理此接續辦理之情形五也一曰試辦預算決算查蘇屬關署局所管校不下一百四五十處前飭清理財政局遵照部定原冊印刷通行並查照各處歷次報冊逐一考訂性質支配類款項目區分經常臨時擬訂分冊分表式樣開具凡例通發各處詳晰填送由局審訂核編來冊款目間有歧誤悉爲釐正附列訂誤表以備考核當經編製江海蘇州鎮江揚州新常各關試辦宣統三年預算冊並比較表一份計五冊江蘇省蘇屬宣統三年預算冊並比較表一份計一冊蘇屬府廳州縣試辦宣統三年預算冊並比較表一份計一冊都凡七冊連同各處分冊表並代編各關另冊暨訂誤表均於五月底達部又續送江海關經理各款預算冊表計三冊又宣統三年應辦各事預算冊表計一冊亦經編齊出咨以符部限此接續辦理之情形六也一曰省城及商埠各級審判廳年內一律成立查蘇州省城審判廳自仿照奉天吉林辦法將高等地方兩廳聯設一處所有一切經費均可通融布置力求節省當經飭匠繪圖切實估計共需銀九萬四千七百兩長洲元和吳縣初級審判廳三所亦已分別核減估定共需銀一萬五千一百八十兩臨時開辦一切從簡約需銀七千兩又江甯省城合設上元江甯二縣地方審判廳一所並分設上元江甯初級審判廳二所均用舊局所及充公之屋敷設並添建看守所共需銀一萬三百兩開辦費約需銀二千兩又鎮江商埠

設立地方審判廳並初級廳各一所均購置民房修改並添建看守所共需銀二萬八千兩開辦費約需銀二千兩統計甯蘇省城及鎮江商埠設立審判廳並附檢察廳共需建築費銀十四萬八千一百八十兩又臨時開辦費一萬一千兩皆係實用實銷萬一不敷再請籌補至上海商埠應設地方初級兩廳因牽涉外交前飭臬司會同上海道籌議嗣據復稱種種妨礙能就租界外設立詳請咨商籌辦只可暫行剔出另核此接續辦理之情形七也一日推廣簡易識字學塾查蘇省簡易識字學塾自通飭各屬列入政治表按月造報後地方官紳皆知急於赴功現在詳加考核除上屆具報開辦各塾外計蘇屬推廣之塾則有太湖一所靖湖二所長洲一所崑山新陽合三所松屬推廣之塾則有南匯十七所金山四所上海一所奉賢一所常屬推廣之塾則有武進陽湖合四所無錫金匱合三所又無錫五所宜興一所荆溪一所江陰一所鎮屬推廣之塾則有太平一所金壇二所太屬推廣之塾則有寶山五所崇明四所共本學上學期增設五十七所前後統計官立公立各塾共有學生三千三百七十九名其在本年下學期推廣之塾並應歸入下屆具報以昭核實此接續辦理之情形八也一日廳州縣巡警年內一律完備查蘇屬推廣巡警前由巡警道遴派視察員分赴各屬調查並照部章分別事項訂定表冊頒行飭填嗣經該道覆核蘇松常鎮太各屬開呈各表大致尙符蘇州省城及上海商埠巡警均係該道直接管理本年省城擴充公所整頓警務增設辦事科員並組織騎巡偵探巡邏等隊合之原有八路三十一區長警統計一千一百八十九員名又上海商埠華界水陸巡警偵捕消防騎巡各隊共有一千六百四十二名鎮江商埠地面較隘亦有巡警一百三十六名其餘各廳州縣合計已達長警一千八百名數練所亦皆一律開辦綜核學

生人數共計一千七百餘名現正廣續增添以求進步此接續辦理之情形九也以上各節皆爲第三年依限舉辦之事宜卽爲第四屆應行臚列之成績臣到任四月以來悉心籌畫已辦者力求進步未備者加意經營雖尙能勉赴程限實難謂成績可觀但此後應辦之事務益繁籌款之來源益涸如期布置已羅掘之俱窮苟且補苴非庸愚所敢出臣受恩深重際此艱難要惟有殫竭誠認眞督率以期仰答聖朝勤政愛民之至意所有依限奏報第三

年第四屆成績緣由除咨憲政編查館考核外理合會同兩江總督臣張人駿恭摺具陳伏乞皇上聖鑒訓示謹奏宣統二年九月十二日奉硃批該衙門知道欽此

又奏請將戒煙不力之守備夏大明等革職永不叙用片再禁煙爲自強要政官吏尤人民表率臣迭次嚴申誥誡隨時飭禁烟公所切實調職業將未經遵戒人員奏參在案茲又據該公所司道詳稱奉飭調驗城守中軍守備夏大明楓橋汛千總陳雲路西城汛外委談承恩均發癮不能支持顯係玩視功令來所嘗試請照章懲處前來經臣覆查無異相應請旨將守備夏大明千總陳雲路外委談承恩一併革職永不叙用以示懲儆而肅禁令除分咨外謹會同兩江總督臣張人駿附片具陳伏乞聖鑒訓示謹奏宣統二年九月十二日奉

硃批著照所請該衙門知道欽此

四川總督趙爾巽奏籌辦川省邊茶公司成立情形摺

奏爲籌辦川省邊茶公司成立情形恭摺仰祈聖鑒事竊光緒三十三年准外務部電咨以川茶入藏受損令卽設法維持等因經前護督臣趙爾巽遵集司道籌議僉以川茶行銷藏衛每歲以百萬計上爲公家課稅攸關下爲商民生計所繫近年茶業日衰一由種植焙製

守舊習一由偽造掩和意圖欺飾而商力薄弱不能運銷事權操於番商債欠成爲習慣利微則產薄累重則銷疲此又川茶之特別大原因也是非合羣合力籌設一大公司整頓改良不足以資挽救富經定議飭由產銷各屬勸導商民妥爲籌辦旋即交卸臣到任後查知公司關係川省邊藏茶業前途至爲重要斷難任其延緩復集司道籌議剋期成立開辦之始雖不能侈談宏大然非有資本銀四五十萬兩亦不敷展布惟商情渙散招股甚屬爲難隨飭於雅州府城設立公司籌辦處即以該府知府總辦其事公舉茶商中身家殷實事理明通者爲總協理分認招股開辦一切事宜先儘茶商入股並於打箭廳設立督銷處專司查驗僞茶以爲治標之計而邊務大臣趙爾豐亦就近剴切勸諭力助其成該官商等實力籌辦一年之內各茶商所繳股銀三十三萬餘兩其認而未繳者即陸續繳交當可如五十萬之數已於本年四月委員查驗按照商律參酌川省情形訂章實行開辦所有南路額行引票概歸公司領配運銷課息等款即由公司擔任照繳茲據鹽茶勸業兩道詳請 奏咨立案前來臣竊查川省產茶色味俱佳成本亦不昂貴祇以道路險阻商情散漫未能發展今公司既經成立商人漸知合羣已飭令該公司迅於藏衛繁盛各處擇要籌設支店自運自銷一面講求種植焙製嚴杜撓雜俾番民樂於購求信用日昭即可隨事推廣而一切轉運保護大凡商力有所爲難之處無不官爲補助使得一意進行以副 朝廷振興實業之至意除督飭勸業鹽茶兩道及所屬各文武認真考查補助並章程分別咨部外所有籌辦邊茶公司成立情形緣由是否有當理合恭摺具陳伏乞 皇上聖鑒訓示謹 奏宣統二年九月十三日奉 硃批該部知道欽此

●又奏請將防軍每兵年給服裝銀兩片 再查川省幅員遼闊沿邊一帶伏莽素多防軍星羅棋布遇事徵調數百里偵探巡緝備極艱辛餉項既減於新軍服裝又扣於兵食月之所得不特無以贍家亦幾難於餬口查奉天改編防軍章制每兵每年額定服裝銀十兩作正開支不於口糧坐扣川省事同一律自應查照辦理惟當此財力奇絀不能不格外撙節擬請將各防軍每兵年給服裝銀六兩庶公家所費無多而士卒感深挾纊軍心鼓舞願効馳驅於軍事前途不無裨益據營務處司道等詳請 奏咨立案前來除咨部查照外謹附片具陳伏乞 聖鑒謹 奏宣統二年九月十三日奉 硃批該部知道欽此

督辦川滇邊務大臣趙爾豐奏籌設巡警學堂並撥給經費摺

奏爲籌設巡警學堂按年撥給經費銀兩恭摺具陳仰祈 聖鑒事竊維保民衛國警務實爲內政之本根而選賢任能學堂尤爲儲才之淵藪近年內地各行省皆設巡警道以專其事而憲政編查館奏明分年籌備事宜巡警一端且推及於鄉鎮誠以整飭內治非警政不爲功凡有人民之區均應一律興辦 查邊務地方甫經改流漢蠻雜處良莠混淆而且民皆新附心志未一更須早爲整齊化導俾使毋入歧途此警政必宜亟辦者也惟是經費支絀何敢侈言新政警務乃要政所關亦不能不先爲籌備况巡警乃專門之學非不學者可以濫竽充數 臣於本年夏間在巴塘籌設巡警學堂一所遴派委員教習將巴塘裏塘等處官話學堂畢業之蠻學生挑選年在十六歲以上二十歲以下誠樸耐勞者一百名作爲警兵正額學生復選二十名爲附額共計一百二十名教以科學限三年畢業將來分派新設各府廳州縣充當教習以爲開辦巡警之預備該學生漢蠻語言均已通曉且粗知漢字再加三年科學堪以合用

所設學堂通盤籌畫委員教習薪水學生衣履口食及雜支各款樽節動用計每年實需經費銀五千兩應請在邊務開辦經費項下按年作正開支所有籌設巡警學堂撥給經費緣由是
否有需理合恭摺具陳伏乞 皇上聖鑒訓示謹 奏宣統二年九月十三日奉 硃批
該部知道欽此

督辦川滇邊務大臣趙爾豐奏徵收德格等處牧場稅銀摺

奏爲關外牧場請徵馬牛羊稅恭摺具陳仰祈 聖鑒事竊查德格春科高日三土司地方
改土歸流所有民間耕種地畝應徵之糧經頭人百姓等懇請援照巴塘裏塘等處章程分爲
三等上等地下種一斗納糧一斗二升中等地下種一斗納糧一斗下等地下種一斗納糧八
升該民等每年將下種實數開報照章納糧等情 查巴裏徵糧章程曾經奏咨在案自應准
其援案辦理惟該民等均稱關外地土耕種少而牧畜多從前土司於種地徵糧之外並於牧
場徵銀多寡不齊一年之內或徵一二次三四次不等每牛馬一頭或徵銀一二錢三四錢無
定以及牛羊皮肉乳酥等項無不誅求且令百姓自備口糧爲之供應牛差馬差步差等事請
將徵收馬牛羊稅銀改訂以紓民困 臣即飭該頭人百姓公議酌定嗣據稟覆凡民間所養牛
馬除不及二歲者免稅外其餘每頭年納藏圓一嘴合市秤銀八分羊十隻合牛一頭納稅等
情請示前來 臣以該蠻民等壓制於土司虐政歷數百年困敝可憫茲既改流自應示以寬大
之政除准照所議外並定章程養牛僅十頭馬二匹羊十隻者不納稅其畜牧多者亦免其牛
十頭馬二匹羊十隻此外方始抽稅以示體恤復宣布 朝廷德意照巴裏等處將一切雜差
概予裁革以後如用烏拉無論何人按站給予腳價群皆歡忻鼓舞願照章上納不惟此也如

江卡貢覺乍了左貢桑昂察木多等處各蠻民無不稱羨德格春科高日三處百姓從此皆安享優待之福而企望早爲改流之心愈形急切故凡_臣所到之處勸令興學百姓人人樂從爭將其兒女名姓開出送由頭人呈遞似較巴裏辦學之始尤易十倍其歸誠之心於此益見將來涵濡漸染群情觀感不難遍及於西陲除將章程咨部立案並飭各屬委員遵辦外所有徵收德格等處牧場馬牛羊稅緣由理合恭摺具陳伏乞 皇上聖鑒訓示再巴塘裏塘等處畜牧之地將來擬一併照此收稅合併陳明謹 奏宣統二年九月十三日奉 硃批著照所請該部知道欽此

●又奏請將竹且直卡渡口添收茶釐作爲邊務常年經費片 再查登科地方及前德格春科高日三土司屬地交界之所有大河一道卽金沙江之上游與西甯接壤漢蠻商人由打箭鑪販買川茶運往西甯邊地售賣經過此河卽由登科之竹且直卡渡口及石渠之夕午渡口兩處過渡該處頭人喇嘛私收過渡釐金已歷多年嗣因春科土司故後藏中派一堪布駐春科寺卽將釐金又添收一分查此項川茶自打箭鑪上納關稅之後運往蠻地銷售向由該頭人喇嘛私抽_臣恐有碍川茶銷路本擬禁革嗣經_臣奏明將土司改土歸流委員管理地方該茶商人等懇稱過渡釐金土司管轄之時上納年久近又被喇嘛橫征強取茲改設漢官免去喇嘛一分商人深爲感激請將土司從前所抽者仍願照舊上納歸官况每茶一畝計值銀二十兩今只納銀四分爲數無多且沿途皆賴兵勇保護納此微釐實出情願等情_臣查所納釐金原屬甚微無裨邊用而該商等甘願上納者蓋欲遇事官爲維持經行蠻地方可無虞自應准如所請卽飭登科委員照收如有險難由駐防營勇保護惟該處過渡向用皮船每次只能

運茶一二駄且河水洶湧失事堪虞現飭委員由內調僱船匠赴登科修造木船以利行旅而便商運所有造船費用及水手口食串票等費即在所收茶釐項下作正開支每年徵銀計在一千兩上下撥作邊務常年經費仍將收支數目據實造冊報部除將抽釐章程咨部外理合附片陳明伏乞 聖鑒謹 奏宣統二年九月十三日奉 硃批著照所請該部知道欽此

●又奏籌設刷印官局片 再政令推行端賴文化關外係屬夷地文字向與漢人不同聲教故難徧及近年興辦學堂教以漢字無非令其同文使文告頒布羣皆通曉以免繙譯之錯誤舞弊現在各處學生凡知漢語識漢字者無不樂購漢字之書惟購運既屬艱難翻刻更不容易特仿照各省設立刷印官局由滬購買機器鉛字運到巴塘租房設局刷印學堂應用書籍並及公私文牘章程告示糧稅串票等項無論書籍文件均取工科價值以作匠人工資口食局中只設委員一員司書二名經管一切事宜如果將來刷印事繁再行添設其機器價值運費等項開辦經費約需銀一萬餘兩常年經費除工匠口食由刷印工料項下收回外其員司薪水房租各款樽節支用計需銀一千餘兩均在邊務經費項下開支將來印品發達漸次獲利即將常年經費截止倘有贏餘仍歸公用所有籌設刷印官局緣由理合附片陳明伏乞 聖鑒謹 奏宣統二年九月十三日奉 硃批該部知道欽此

黑龍江巡撫周樹模奏擬定巡撫司道各官俸銀數目摺

奏為江省擬定巡撫司道各官俸銀數目籲懇 飭部立案恭摺具陳仰祈 聖鑒事竊

江省自光緒三十三年改建行省分設巡撫暨民政提法度支各司並先後奏設與東瓊瓊呼倫各處兵備道缺所有巡撫以下俸銀尙無規定迄今亦未開支經_臣飭由司局遵照

欽定大清會典暨新舊官制品秩援照吉林成案擬定食俸數目計巡撫俸薪銀二百零七兩五錢七分五釐民政司俸薪銀二百零七兩五錢七分五釐提法提學兩司俸薪銀各一百五十九兩三錢三分九釐東瓊瓊呼倫各道俸薪銀各九十九兩三錢九分三釐暫飭各署照辦並各自設缺到任之日起支一俟官俸章程頒布後再行遵照據民政使趙淵會同清理財政局會詳請奏前來除分咨吏部度支部查照外所有擬定巡撫司道各官俸銀緣由謹會同東三省總督_臣錫良恭摺具陳伏乞 皇上聖鑒飭部立案施行謹 奏宣統二年九月十三日奉 硃批該部知道片併發欽此

●又奏民政司養廉請援案酌加片 再江省各司養廉於光緒三十四年奏准暫照奉天成案給發計民政司年支銀五千兩提法度支兩司各年支銀六千兩提學司年支銀四千兩歷經遵辦在案查民政司從前事務尙簡自上年七月升爲從二品復將度支司併入該司辦理所有民事吏治統歸核辦又復總筭度支兼管巡警秩級較爲優崇職務復極繁重而原定公費等於各司養廉則視提法司尤爲減少一年以來尙照舊例開支於稱事勸功之意似有未符茲擬援照奉吉兩省奏准新案將民政司養廉銀酌加三千兩共年支銀八千兩俾資辦公應請 敕部立案以便遵守除分咨外理合會同東三省總督_臣錫良附片具陳伏乞

聖鑒謹

奏宣統二年九月十三日奉

硃批覽欽此

西歷一千九百十年十月二十號 星期四

本局設立北京東長安牌樓王府井大街

宣統二年九月十八日第壹仟柒拾號

電話內城總局第二百零一號

政治官報

目錄

●宮門鈔○事由單●電報類○署粵督等致憲政館等電○憲政館覆署粵督等電○資政院接
 收各省來電●摺奏類○直督奏保薦孝廉方正摺○江撫奏第三年上屆籌備憲政成績等摺○
 又奏違章設立幕職分科治事摺○又奏請變通教員獎勵并師範義務年限片○署粵督奏縣治
 改隸窒礙請仍復舊治摺○贛撫奏第四屆籌備憲政事宜摺●議案○續民政部奏擬訂著作權
 律摺并著作權律案附說明●廣告○本局發售現行刑律定本廣告二則

宮門鈔

九月十七日 民政部 都察院 正黃旗值日 溥頤等由 西陵回京請

安 吳祿貞等觀操回京請 安 吳重憲抵銷處分謝 恩 倫貝子請假五日

都察院遞封奏一件

召見軍機

本日已刻在

養心殿覲見英國署使臣麻穆勒 香港總督盧嘉 駐紮天津陸路提督庫巴 軍務參

贊章樂沛 署漢務參贊費理伯 駐紮天津游擊周訥斯

九月十七日內摺傳 旨事由單

●民政部奏覈銷甘肅修建蘭州黃河鐵橋工程用款事奉 旨知道了○又片奏運赴萬國衛生博覽會

物品擬請免稅事奉 旨依議○又奏覈銷奉省罪犯香礮所建築工程用款事奉 旨知道了○又片

奏覈銷陝西存古學校各工用款事奉 旨知道了○都察院奏議處吏部司員議以罰俸一年係公罪可

否抵銷請 旨事奉 旨依議○又奏揀派給事中御史查齋事奉 旨知道了○步軍統領衙門會

奏東荷包巷內寶華齋刻字鋪不戒於火事奉 旨知道了○又奏營翼添練游緝各隊應用槍枝請由鄂

省運解事奉 旨依議

九月十七日外摺欽奉 硃批事由單

●寶案奏查明舞陽令鄧希端恭款摺 著照所請該部知道○又奏民女李冷姐因調姦不從羞忿自盡請

旌片 禮部知道○又奏試用通判胡鳳蓀等甄別片 覽○又奏查明鞏縣令張書紳恭款摺 著照

所請該部知道○又奏元年分徵收新舊地丁比較摺 該部知道單併發○又奏商邱令洪之霖試暑期滿

請實授摺 吏部議奏○又奏委石庚署提法使何廷俊署彰德懷道片 知道了○又奏實任永城令陶珙調署河內令片 知道了○又奏請將代理修武縣事林有慶原委摘頂處分開復片 著照所請該部知道

●電報類

石庚奏署臬篆日期並謝 恩摺 知道了

●署粵督致憲政編查館等電 憲政編查館資政院度支部鈞鑒諮議局開會要求預算草案交議事樹勛擬就權宜辦法於先日電達在案本日又據該局呈稱預算與行政息息相關苟非經本局之承認微特行政經費不能確定且凡屬行政議案之表決皆有衝突殊失設立諮議局之本旨請電明度支部迅賜交議等由前來謹據電達即請示遵助江

●閩督致憲政編查館電 憲政編查館鈞鑒據福建諮議局呈稱按照局章本省預算事件照第二十五條應由督撫提出現開會已過三日未蒙提出乞明示提交時期等語查預算冊照清理財政章程第二十條應俟度支部奏交督撫再行議決現度支部尚未咨交無從訂期交議應請鈞館會商度支部速定電示以憑遵辦壽支

●憲政編查館覆署粵督等電 廣州福州制台鑒江支電悉已由度支部通電各省令將送部地方行政經費預算冊照鈔交局矣憲政編查館元

●浙撫致憲政編查館電 憲政編查館鈞鑒初三日諮議局開正式會議當場變更議事日程改議浙路呈請代奏事件未待本部院審核即行表決停議待奏經增韞將未便代奏理由再令覆議並另劄迅速開議據呈已經停議無從付議查局章並無議員自行停議之規則此等問題應如何決解除將來往文件於初五六七等日咨呈資政院查照並電聞外乞核示增韞青

●憲政編查館覆浙撫電 杭州撫台鑒青電悉查諮議局章無自行停會之文今該局自行停會是其自棄職務如所提議事件實係踰越權限不便代奏又不受勸告者應由貴撫按照局章第四十七條第一項飭令停會若屢經停會仍不悛改卽照第四十八條第三項辦理除知照資政院外特此電覆憲政編查館寒

資政院接收各省來電

●九月十六日收福建諮議局電 資政院鑒豫算地方費不列歲入與無豫算等卽與無諮議局等前上一電請示標準久未見覆會期逾三之一懇卽咨部電督列歲入並電覆閩諮議局呈刪

●九月十六日收湖南諮議局電 資政院鈞鑒湘省預算僅交地方行政支出之部全冊屢催不交無從著手會期短促務懇急催度支部電湘撫速交以免延誤湘議局叩刪

●摺奏類

直隸總督陳夔龍奏保薦孝廉方正摺

奏爲保薦孝廉方正恭摺仰祈 聖鑒事恭照光緒三十四年欽奉 恩詔飭舉孝廉方正當經轉行遵照在案茲據布政使凌福彭提學使傅增湘先後會同詳稱准通永道清河道天津道大順廣道轉據各該州縣紳士公保東安縣優廩生王開文完縣副貢生譚奎午安州附生田敬涵河間縣附生葛寶琛馬蓉溪靜海縣附生高令詒河間縣廩生陳恩樹肅甯縣增生全銓樂城縣增生王景奎撫甯縣附生張宗海優附貢生楊畫橋完縣增生張仲奎河間縣附生林之桐雞澤縣優廩生葉樹維香河縣貢生羅際光安肅縣貢生王淇高陽縣廩生苑同

宣吳橋縣監生侯昭懋曲陽縣拔貢生彭錕垣廩生趙秉琛等孝廉方正各該州縣會同學官查明屬實造具事實結冊申由府廳州呈道加結咨司遞相訪查無異轉送到臣因值駐津飭委提法使齊耀琳署清河道謝崇基代考驗得該生王開文才長品正譚奎午學品兼優田敦涵學裕品端葛寶琛文行交推馬蓉溪學識俱優高令詒品望素孚陳恩澍文理清通鄉望夙著全銓文理明暢望重士林王景奎文詞明順品行端潔張宗海學品端正文理明通楊畫橋華實並茂文行交修張仲奎學粹品端林之桐敦品勵學文理清晰葉樹維躬行端謹文理清超羅際光孝型於家文亦清暢王淇廉慎持躬文理清晰苑問宣孝友可風文理妥適侯昭懋孝行足式文藝清通彭錕垣品行端方文筆朗暢趙秉琛宅心廉正文藝可觀均堪保薦詳覆核辦前來臣查定例欽奉 恩詔保薦孝廉方正直省督撫轉飭府州縣衛正印各官採訪公評詳查事蹟其所舉或係生員會同該學教官查核造具事實清冊取具各結呈由本管上司逐加訪察督撫核實保題給咨呈部俟到部後吏部會同九卿翰詹科道公同驗看如果衆論相符吏部禮部定期具 奏考試帶領引 見候 旨錄用今東安縣優廩生王開文完縣副貢生譚奎午安州附生田敬涵河間縣附生葛寶琛馬蓉溪靜海縣附生高令詒河間縣廩生陳恩澍肅甯縣增生全銓樂城縣增生王景奎撫甯縣附生張宗海優附生楊畫橋完縣增生張仲奎河間縣附生林之桐雞澤縣優廩生葉樹維香河縣貢生羅際光安肅縣貢生王淇高陽縣廩貢生苑問宣吳橋縣監生侯昭懋曲陽縣拔貢生彭錕垣廩生趙秉琛等據各該州縣紳士人等合詞公舉堪膺孝廉方正之選各該州縣會同學官查明屬實造具事實冊結申呈府廳州呈道加結咨司遞相訪察無異經 臣委驗亦復相同自應照例保薦除將事實

册結咨部俟部覆到日再行給咨赴部聽候驗看辦理外理合恭摺具陳伏乞
皇上聖鑒
敕部議覆謹 奏宣統二年九月十二日奉 硃批該部議奏欽此

黑龍江巡撫周樹模奏第三年上屆籌備憲政成績並下屆辦理情形摺

奏爲臚報江省第三年上屆籌備憲政成績並下屆辦理情形恭摺仰祈 聖鑒事竊查光

緒三十四年欽奉

諭旨令將九年籌備事宜每屆六個月臚列成績奏聞等因欽此江

省第二年下屆籌備憲政成績業於本年二月奏報在案所有接續上年應辦事宜經 臣嚴定
考成酌擬各項表式通飭主管各員認真籌辦分晰填報去後茲屆第三年上屆奏報之期據
各處將籌備成績依限列表呈報前來 臣按照清單逐加察覈計本省第三年上屆應行籌備
者凡八項謹將辦理情形爲我 皇上詳晰陳之一續辦城鎮鄉地方自治上年籌辦期內

業在省城設立自治研究所養成自治人才本年五月自治學員畢業已飭分回各屬責令襄
辦自治並飭民政司按照籌備清單暨奏定章程體察本省情形酌擬舉辦各屬城鎮鄉地方
自治各種辦法釐訂詳細章程表式分別進行秩序逐件詳加說明通飭遵照認真舉辦並將
本年應辦事宜開列依限清單嚴飭依限辦理現在各屬自治宣講所均已成立繁盛屬境自
治研究所業經開設各屬籌辦城自治公所次第成立者十居六七而繁盛地方間有推及於
各鄉者惟調查人口劃分區域各屬未及報齊全省自治區域尙未核定現已疊飭嚴催其已
經劃定區域組織較易者即令先行成立自治各會以期迅速現在龍江府巴彥州等處城議
事董事各會業經成立其餘各屬應督催趕緊辦理其府廳州縣地方自治應於本年籌辦惟
此項部章本年二月始經頒布到江維時各屬正在調查戶口籌劃城鎮鄉自治區域並組織

各會若將府廳州縣地方自治責令同時並舉不惟力有未逮抑恐歧誤滋多擬俟全省城鎮鄉自治區域劃定議事董事各會成立後再行分飭認真籌辦此辦理地方自治之情形也一彙報全省人戶總數上年十二月業將各項調查表冊依限奏報一次本年辦理覆查前已飭司安速預備並飭各屬查報人戶總數即將人口總數一併查照提前報部以免勞費而省繁文現在各屬舉辦自治事務正繁調查戶口事宜尙未一律報竣應飭迅速查明填注表冊於年內送省核定依限報部另案奏明辦理此調查戶口之情形也一覆查歲出入總數照章上季報告應於下季造送江省本年春季應辦冊報前經將宣統元年秋季出款冬季出入各款並於三十四年及宣統元年春夏兩季續經查明出入各款編成總分各冊彙同一次送部夏季應辦冊報復將宣統二年春季出入各款并各屬續報宣統元年冬季出入各款編成正補各編依限送部備核先後附片奏明在案現飭清理財政局根據各屬報告將本年夏季出入各款暨續經查明春季出入各款趕緊彙核編成於九月內續行送部屆時再行奏明辦理此覆查歲出入總數之情形也一試辦預算江省宣統二年省預算業於上年奏明提前試辦藉資練習所有宣統三年預算本年二月經度支部將各項表式冊式頒發到江當經刷印多分通飭遵照辦理旋據各處將三年預算表冊填送前來經飭清理財政局嚴加核減遵照部式編立宣統三年歲出入預算總表一冊預算總冊一冊歲出入預算比較表一冊國家行政經費預算比較表一冊地方行政預算比較表一冊並以各種款項有由民政司經營者有由地方官紳及官業各局廠公司經營者非詳加分晰盈虧比較易滋混淆復編訂管理分部報告冊一份附入預算各冊於七月間奏明送部嗣經部覆覈以出入比較尙不敷六十餘萬金

電令將出入各款再加增減務求收支適合復將入款再增七萬餘兩出款再減七萬餘兩預備金籌還舊欠暨移民經費等項共減二十四萬兩業將增減理由另表填注並改定預算總表送部再核以覈經費確定此試辦預算之情形也一設立省城暨商埠各級審判廳江省高等審判廳及龍江府地方以下各廳業於上年十月提前成立現在規模大定裁判日漸改良辦理尙有成效其齊齊哈爾商埠與省城近在咫尺原擬不設專廳呼蘭綏化兩府地方以下各廳擬於年內先行開辦惟各屬就地籌款情形殊覺爲難迭經文電交催現惟呼蘭府籌定之款二萬餘兩擬於九月開辦所有任用法官應照奏定章程辦理其綏化府屬現尙籌款無著應卽嚴飭趕辦至建築高等及地方審判廳庭業經勘定地址繪圖估工省城模範監獄亦將草圖繪就正在估計應俟建築落成後再行詳細奏報此籌辦審判之情形也一推廣廳州縣簡易識字學塾本年正月經學部將簡易識字課本刷印樣本頒發到江當飭提學司分行遵辦現查籌備第九年人民識字者應得二十分之一江省丁口約一百五十餘萬二十分之一約得七萬五千餘人業將各種課本寄由奉天代印七萬五千冊按各處人口多寡分別札發飭官民各學堂一律附設此項學塾以資提倡各屬人口較繁之區均令每千人中設立一塾每塾定額五十人現當推廣之初據教育總會暨各屬陸續呈報已經成立一百五十六所嫩江黑河等屬人口較少地方已將額定課本如數繳價領訖其餘各屬因人口較多尙未照原定額數具領迭經嚴飭札催並擬定推廣辦法先令各署局附設一塾以教僕役並由官立各學堂分割學區責成辦學各員分途倡導其已設學塾尙未足額擬設學塾尙未開學者均分別考核嚴飭認真辦理應俟下屆再行奏報此推廣簡易學塾之情形也一府廳州縣巡警

年內一律完備江省各屬巡警開辦最爲提前除新設治各屬現時始能成立外其餘各府廳州縣不惟城廂巡警業經完備卽鄉鎮巡警亦漸次成立惟從前成立各巡警辦法未盡合宜現正悉心考察極力整頓業飭省城警務公所擬定詳細章程俾辦事人員一體遵守並令各地方官將本管地方巡警官弁嚴加考核隨時詳報備查並一律添設警務長一員稟承地方官管理全境警務兼督飭教練所認真舉辦在經費充裕地方並令專招學兵數十名入所講習其經費不足之處則就各區警兵更番訓練現據各屬巡警教練所呈報畢業者已有數處將來仍飭設法推廣力求進步此辦理巡警之情形也餘惟釐訂地方稅章程應與憲政編查館度支部會同辦理業經遵照部章將全省各項收支分別門類訂成全省財政沿革利弊說明書八十七篇並再三討究辨別各款性質闡述分配理由附纂劃分國家地方兩稅意見書一通奏明送部備核現經度支部將國家稅暨地方稅章程奏明同時釐定頒布議以本年爲調查年限宣統三年爲釐定年限宣統四年同時頒布等語奉 旨俞允欽遵行知到江應卽遵照另案辦理 臣維國非政不立政非財不行財非民不出江省初建省治戶口極爲稀零新政雖較易推行而民間之負擔已重地方尙未盡開發而財計之羅掘已多現查逐年清單所開約計本省應辦各事需費既浩穰無極進境尤推暨無窮其已經施行者既款有可籌事體固斷無中輟其未經推廣者如籌無定款辦法似尙宜變通 臣維有隨時隨事體察情形分別認真辦理無迂遲以廢事亦不敢操切以圖功庶仰副 聖朝實行憲政之至意除分咨外所有江省疆報第三年上屆籌備憲政成績並下屆辦理情形謹會同東三省總督 臣錫良恭摺具陳伏乞 皇上聖鑒謹 奏宣統二年九月十三日奉 硃批該衙門知道欽此

黑龍江巡撫周樹模奏遵章設立幕職分科治事摺

奏爲江省遵章設立幕職分科治事恭摺具陳仰祈 聖鑒事竊光緒三十三年五月准考

核官制王大臣咨行奏定直省官制通則第四條載總督巡撫衙門各設幕職分科治事第五條內開幕職員數職掌祕書員掌理機密摺電函牘凡不屬各科之事皆隸之各科參事員就主管事務掌理各項文牘有事簡不必備設者得以一員兼任三科之事統由督撫自行徵辟並酌設助理及繕寫人員辦事章程由督撫自行訂定各等因編制極詳用意甚遠洵足以資遵循江省於是年三月改設行省經升任督 臣徐世昌釐訂東三省官制行省公署設承宣諮議兩廳並置祕書各員分任文牘機要等件江省仍就舊有文案處酌設祕書官科員分科辦事均經奏陳在案當時文案之組織與幕職之規定形式不盡相同實際尙無差異數年以來籌辦一切頗獲集思廣益之功現在籌備憲政事益繁劇應即按照定章改設幕職庶幾各有專責益勵進行惟原章祕書員僅設一員綜理機要實覺不敷擬仿照山東等省成案酌添一員其餘各項政務照章分爲十科江省蒙旗雜處籌防理藩均關緊要宜增設旗蒙邊務兩科都爲十二科擬設參事六員各兼兩科之事查有內閣侍讀張國淦分省補用道何煜擬派爲祕書員候選道吏部七品小京官盧弼擬派爲交涉科兼邊務科參事陸軍部郎中張志潭擬派爲法科兼軍政科參事奉天補用知府楊寶森擬派爲吏科兼民政科參事吏部主事沈澤生擬派爲禮科兼學科參事留江補用知府涂鳳書擬派爲度支科兼旗蒙科參事分省試用知縣蕭延年擬派爲農工商科兼郵傳科參事將來各科事繁再行隨時添派此外助理繕寫各員均經 臣酌核名額分別委派照章毋庸奏咨並分設摺本電報管卷庶務收發各處遵員

分任以期完備所有辦事章程均經詳細核定飭令遵守應用薪公等費較前略有增加飭民政司由豫備金項下作正開支臣維幕僚之設由來已古漢之分曹置掾唐之長史參軍莫不妙選通才自行徵辟而士之入幕府者往往卓有樹立爲時名臣蓋襄理庶政之地卽爲培養賢能之資徵之我朝中興諸臣多係起家幕僚其效固可觀也江省內政外交均稱艱棘邊地人材缺乏延攬維艱此次派委各員或相從有年學行久堪共信或因材器使資望亦屬相孚惟有隨時督率認真辦理近取諮詢之益遠以功業相期對於求治育才兩有裨益所有違章設立幕職緣由除分咨外理合會同東三省總督臣錫良恭摺具陳伏乞 皇上聖鑒謹

奏宣統二年九月十三日奉

硃批該衙門知道欽此

●又奏請變通教員獎勵並師範義務年限片 再學部奏請變通邊境教員獎勵並師範義務年限一摺於宣統元年十一月初九日具奏奉 旨依議欽此欽遵行知前來查原奏內開凡京師及內地人員派往新疆雲南貴州廣西四省及附近蒙藏各處學堂充當教員者三年屆滿如果成績優著卽照異常勞績請獎如師範畢業生在堂三年准其作爲義務年滿如果成績優著並照五年屆滿之條給獎等語查黑龍江省北隣俄境南接三蒙地方本屬邊荒風氣向稱閉塞維省東各屬設治較早而文化程度較之雲貴廣西等省尙屬不逮至索達各旗語言不通文字各異興學之難視新疆尤爲棘手自提學使張建勳到任以來苦心經營勿論民旗蒙部均經一律設學漸臻進步並擬隨時擴充期於教育普及惟以邊方寒苦民志錮懣諳習學務人員往往視爲畏途是非優予獎勵不足以策將來合無仰懇 天恩俯念江省邊遠所有獎勵年限准與雲貴等省一律辦理以昭平允之處出自 鴻施除咨部查照

外理合會同東三省總督臣錫良附片具陳伏乞 聖鑒訓示謹 奏宣統二年九月十三

日奉 硃批學部議奏欽此

署理兩廣總督袁樹勛奏縣治改隸窒礙情形擬請仍復舊治摺

奏爲縣治改隸窒礙情形擬請仍復舊治恭摺具陳仰祈 聖鑒事竊維建置之沿革不妨

因時以變通輿論之從違亦宜原情而體察廣東陽江直隸同知一缺濱臨洋面島嶼紛歧實

爲海疆重鎮非品秩較崇之員不能控制陽春恩平二縣地處肇慶之南距府城各數百里距

陽江僅百數十里節節毘連其間彈壓巡緝會辦之事尤多是以光緒三十二年間經前署督

臣岑春煊奏請將陽江直隸同知改爲直隸州知州以肇慶府屬之陽春恩平二縣撥歸管轄

仍隸高雷陽道經部核議覆奏奉 旨依議欽此欽遵在案前督臣張人駿任內疊據恩

平縣紳梁錫慶等陽春縣紳蘇培桂等以改隸窒礙懇請奏覆未經核准臣抵任後適值廣東

諮議局成立據各該紳等以改隸窒礙聯懇照舊仍隸肇慶呈由諮議局議決恩平仍隸肇慶

陽春行司核議當經飭行查議去後茲據廣東布政使陳夔麟會同署提學使沈曾桐兼理按

察使勸業道陳望曾詳稱查恩平與開平新甯三縣形如品字新甯隸廣州府屬開平隸肇慶

府屬恩平壤地相接形勢聯絡出自天然附趁輪渡一日可達乃今改隸陽江州屬恩平紳民

遇事赴州控訴必須經過州屬之那龍合山尖山等處地係咽喉要隘素爲盜藪邑人語言不

同匪徒易於識別往返艱險實非所以便民擬請如議仍隸肇慶府管轄以順輿情至陽春陽

江一水可通朝發夕至語言性情習慣與恩平情形迥異似可仍隸陽江毋庸輕議改復等情

前來臣查疆理規畫固當以民情向背爲衡而議論紛歧亦當以形勢分合爲斷恩平一縣既

於陽江控制不便一切呼應不靈衆議僉同自應仍請復隸肇慶府屬以從民便所有民刑訴訟以及應辦各事宜悉歸肇慶府審轉考核仍統屬於慶肇羅道不歸陽江管領恩平僅將縣缺復隸並無升降其現任大小官員印信鈐記應請悉仍其舊至陽春一縣距陽江州甚近語言情性習慣相同自應仍隸陽江州屬毋庸輕議更張查廣東南雄連州欽州各直隸州亦止管轄一縣今陽江專轄陽春一縣與南雄等州體制相等應仍歸高雷陽道統轄所有縣治改隸輿情不願請復舊治分別辦理各緣由是否有當理合恭摺具陳伏乞 皇上聖鑒訓示敕下會議政務處吏部議覆施行謹 奏宣統二年九月十四日奉 硃批會議政務處議奏欽此

江西巡撫馮汝駉奏第四屆籌備憲政事宜摺

奏爲贛省第四屆籌備憲政事宜據實臚陳恭摺仰祈 聖鑒事竊贛省分年籌備憲政情形歷經 臣遵照考核定章自第一屆至第三屆依限 奏報在案茲值第四屆考核之期按照憲政編查館奏定清單內開本屆事宜應由督撫暨該館各部同辦者共計九項其屬於自治者二屬於民政者二屬於財政者三屬於司法及教育者各一或以續前歲未竟之緒或以立本年經始之基進步則愈覺其難造端則尤貴乎慎 臣督同司道暨在事員紳統籌全局協力進行半年於茲幸免逾限謹將辦理實在情形爲我 皇上縷晰陳之查贛省地方自治前已訂章飭辦嗣又督飭籌辦處員紳於部頒表式之外復將城鎮鄉各項選舉方法及辦事細則表例分別擬定凡二十餘種刷印通行務使家喻戶曉咸有遵循其有函電詢示疑義者必爲之根據法理詳晰解釋現在各屬城自治議事董事兩會業已稟報成立者凡七十餘廳州

縣其因路途較遠稟報稍遲者僅止數縣又已飛札飭催至繁盛之吳城樟樹河口景德四鎮亦經文電交馳提前趕辦約八月當可觀成省城前辦自治研究所第一班學員已於五月畢業當即分派各屬飭令照章設所以次傳習并於省城續開第二班飭屬按額送學以廣造就自治區域圖表前遵部電通飭分區繪造惟各鄉區域有宜於分晰者亦有宜於合併者當以地形便利爲主未便慕繁盛之空名強合數鄉以成鎮亦不必守偏隅之界限分裂團體以爲鄉斟酌適宜極應詳慎業將部頒圖表尺寸式樣迅速轉行限期具報其有壤地插花變通辦法亦令一併陳明似此自治初基逐項規定嗣後鎮鄉及廳州縣籌辦事宜接續進行均有標準此籌辦城鎮鄉及廳州縣地方自治之情形也查贛省上年應報各屬戶數船戶及商埠首縣人數均經查齊彙表專咨在案城鄉戶數清冊已據五十三廳州縣陸續造報其未到二十六廳縣案由巡警道勒限嚴催并擬訂調查人口細則分札各屬提前清查仍飭由各屬先撰白話告示偏貼曉諭慎選正紳從容將事俟冊報到齊再行彙核咨部省城警務迭經實力振興漸著成效其總務衛生行政司法四科所辦事宜本屆期內審判違警案件共計二百餘起施醫診治人數共計一萬五千八百餘名餘如測繪省城街巷支幹圖以興路政定街巷寬闊規則以利交通續修全城支溝以便行旅查修先哲名人祠墓以存古蹟一切詳情疊由該道分造表冊先後專咨又前因駐省兵隊與警界時有齟齬當飭該道督率各員與軍隊長官妥籌弭釁方法剴切訓誡由是軍警調和地方賴以安謐現又擬於省城對河各洲增設警區暨辦理河面警察以戢奸宄而擴規模至各屬巡警前已次第辦齊茲又督催推廣名額添設消防清道夫役器具及官醫牛痘局又將擬定之各廳州縣及鄉鎮巡警章程覈定頒行以期劃

一並派選熟諳警章人員分往巡視認真考覈又省城高等巡警學堂前辦簡易科已於五月畢業現訂見習章程將此項畢業學生一百十五名分駐省會各警區實地練習兩月期滿分派各屬整理警務並於該堂改辦三年正科學額一百二十名遵章選取本省舉貢生員及中學本科以上畢業生即日開課省城巡警教練所第一班學生已於六月畢業派出站崗另招新生一百二十名入所練習各屬巡警教練所通計全省先後成立七十七區學生二千四百餘名惟是豫算全省警費需款浩繁非籌定鉅資未易一律完備現將統籌全省警費及劃分警區各問題列入議案由_臣發交諮議局取決衆論再圖擴充此彙報人戶總數及廳州縣巡警亟等完備之情形也查贛省清理財政上年已將調查歲出入辦竣本年應再覆查其試辦豫算決算一項除決算應歸宣統四年辦理外宣統三年豫算冊前已飭造送部共計不敷銀二百七十餘萬兩昨准部電增減各款又將元年實用及三年豫算出入細數嚴加覆覈凡可以增入減出者無不悉心釐剔綜計裁減刪併銀一百二十三萬餘兩並擬請減解銀四十二萬餘兩擬請增籌銀五十餘萬兩出入覈計尙不敷銀五十餘萬兩均先後電覆另案奏咨應俟_臣 敕部覈議施行至改良稅法尤爲勵行憲政之根本地方稅章程應於本年釐訂自不容緩惟地方稅不外附加獨立二種均與國家稅有密切之關係若非同時釐訂勢難酌劑得宜昨經_臣 於遵議御史趙炳麟湖北藩司王乃徵各摺案內敬呈管見籲懇_臣 敕下憲政編查館度支部稅務處提前辦理_臣 自當督飭司道會同正副監理官將贛省財政沿革利弊彙訂說明書並擬訂改良收支及徵收辦法簿票冊式陸續送部以備參酌此覆查歲出入試辦豫算及擬訂地方稅辦法之情形也又贛省前於城內小校場建築高等地方審判檢察各廳

及檢驗學習所均係西式樓房規制尙稱宏廠南昌縣初級審判檢察廳以按察司經歷署改造新建縣初級審判檢察廳以按察司司獄署改造九江商埠各級審判檢察廳係於九江府署舊址建設各項工程均經由司嚴切督催限令八月內一律完工無誤成立昨奉 諭旨改按察使爲提法使所有該司考試屬官章程暨屬官辦事細則業經分別擬訂核咨一面先於該署設立司籌辦處遴選明習中外法律人員分任釐訂規則調查習慣清理檔案考核工程各事以爲遵章分科之豫備前於法政學堂附設之司法講習科暨紳辦之司法講習所現均次第畢業將來審判推行堪資任使省城模範監獄前已奏報成立該管理各員教授工作講求衛生尙稱合法又飭將南昌新建二縣監獄首先改建以爲通省改良監獄制之先聲此籌辦各級審判廳之情形也又贛省簡易識字學塾前就省城區學附設十所以爲各屬之倡並轉發學部頒行課本通飭一體遵照辦理已於上屆陳明在案近來各屬遵報成立者連省城併計共有學塾二百三十八所學生四千四百九十九名其僅報創設尙未指明處所及學生人數者均不在內容再催飭詳細補報並派省視學員分往調查督同規畫務期識字之日增教育得以普及此籌辦簡易識字學塾之情形也以上各項凡在第三年限內者已於本屆勉力遵籌具有端緒其有未盡事宜遵於下屆依次續辦自應鏗而不舍以底於成第念贛省財政艱難達於極點就目前已辦之事豫算度支已虞不給再求推廣需費甚繁 祇有夙夜兢兢惟力是視得寸得尺稍効涓埃以仰副 朝廷慎重憲政之至意所有贛省第四屆籌備憲政緣由除咨憲政編查館暨各部察核外謹恭摺具陳伏乞 皇上聖鑒訓示謹 奏

宣統二年九月十五日奉

硃批該衙門知道欽此

皇上聖鑒訓示謹 奏

西歷一千九百十年十月二十一號 星期五

本局設立北京東長安牌樓王府井大街

宣統二年九月十九日第壹仟柒拾壹號

電話內城總局第二百零一號

政治官報

目錄

●宮門鈔○事由單●電報類○陝撫致民政部電○民政部覆陝撫電○署督督致民政部電○民政部覆署督電○護桂撫致民政部電○民政部覆護桂撫電○蘇撫致民政部電○民政部覆蘇撫電○江撫致民政部電○民政部覆江撫電○閩督致民政部電○民政部覆閩督電○資政院接收各省來電六則●摺奏類○憲政編查館奏擬將官制提前官俸展後辦理摺○桂撫奏籌備憲政擬請酌量變通摺○東督奏直隸旗奉吉江會館報領國旗蒙荒請免交半價摺○閩督奏并議御史趙炳麟等奏請定行政經費摺○皖撫奏臚陳院省第四屆籌備憲政成績摺●議案○憲政編查館奏覆核報律請 旨交議摺并修正報律條文案附說明●廣告○本局發售現行刑律定本廣告二則

政治官報 目錄

九月十九日第一千七十一號

宮門鈔

九月十八日 度支部 宗人府 正白旗值日 江甯將軍鐵良請 訓 湖北提

學使王壽彭請 訓並請假二十日 吉陞續假五日 掌禮司奏二十二日祭

奉先殿恭王行禮

召見軍機 鐵良 王壽彭

九月十八日內摺傳 旨事由單

●宗人府奏留司員事奉 旨依議●度支部奏議覆兩廣總督奏粵省市面危迫請趕鑄龍毫事奉

旨依議○又奏查覈上海一切款項事宜事奉 旨知道了○又片奏調派山東分銀行總辦事奉 旨

依議○又奏調充甘肅正監理官事奉 旨依議○又奏秋撥冊籍逾限未到循例奏參事奉 旨依議

○又奏會議浙江漕項津租等款未完一分以上職名事單一件奉 旨依議○又奏留司員事奉 旨

依議○又奏覈覆江蘇混成協新軍收支各款事單一件奉 旨知道了○又奏覈覆陝西財政局收支各

款並外銷款項事單三件奉 旨知道了○又奏覈覆四川省光緒三十三年分台費奏銷事單二件奉

旨知道了○又片奏覈銷西藏靖西關邊費事奉 旨知道了○又奏覈覆熱河巡警局支用各款事奉

旨知道了○又片奏覈覆河南省兵報銷事奉 旨知道了●鹽政處奏已革運判被參冤抑懇

恩開復原官事奉 旨著照所請該衙門知道○又片奏調知縣李延真辦理淮北鹽務事奉 旨依

議

九月十八日外摺欽奉 硃批事由單

●楊文鼎奏添改防營勇隊成軍日期摺 該部知道○又奏請銷津貼銀兩摺 該部知道○又奏解加復

傳銷等銀片 該部知道○又奏解清折銀兩片 該部知道○又奏解步軍統領衙門經費片 該衙門知道○又奏六月分兩糧情形摺 知道了○又奏第四屆籌備憲政情形摺 該衙門知道●錫良陳昭常奏請以李澍恩試署吉林西南路道摺 著照所請該部知道○又奏陸軍小學堂學生畢業請將在堂出力人員擇尤保獎摺 該部議奏單併發●聯豫奏布資綑布僧衆因 賞匾額 呈進哈達等物片 知道了○又奏降調道員何光燮等調職差委片 著照所請該部知道○又奏請將迎回本寺之呼畢勒罕免其掣瓶并 賞給名號摺 著照所請該部知道○又奏廓爾喀王恭奉 敕書進 呈謝表摺 知道了●孔令貽奏服滿請 陞見摺 著來見

●電報類

●陝撫致民政部電 民政部鈞鑒陝省地方自治辦法係由城而鎮而鄉所有繁盛中等城區議事董事各會已漸次成立現正調查鎮之區域惟各縣舊有之鎮人口滿四萬五千以上者甚少若照定章均應改名爲鄉似城區之外僅止鄉區所有鎮區議董各會均付闕如是否可行抑應如何變通之處又荒僻州縣城區戶口稀少選民人數若不足議員二十名之額者應如何辦理據自治籌辦處請示前來謹此奉詢希即電覆壽歌

●民政部覆陝撫電 西安撫台鑒歌電悉鎮之區域人口難符城鄉自治章程第二條規定者應改爲鄉鎮之名稱亦可暫付闕如至選民過少之處議員名額自應甯缺毋濫希飭遵此覆民政部篋

●署粵督致民政部電 民政部度支部鈞鑒現廣東澄海縣紳擬請於稅契項下酌量提捐一成以充自治經費查城鎮鄉地方自治章程第五章規定自治經費得從官府徵收之捐稅

附加若干作爲公益捐惟不得過原徵捐稅定數十分之一而頒行稅則新章又有除買價一兩徵稅銀九分典價一兩徵稅銀六分外不准絲毫加抽致滋擾累明文究應如何辦理之處乞核示樹勛虞

●民政部覆署粵督電 廣州制台鑒虞電悉稅則新章所定徵額爲防差役擾累起見與本部奏章原無牴觸希仍查照本部奏定章程辦理此覆民政部皓

●護桂撫致民政部電 民政部鈞鑒據自治籌辦處詳稱城鎮鄉自治區域繪圖辦法前准鈞部佳電開示自應遵照惟查該圖尺幅定爲紙長一尺五寸寬九寸是否以縱爲長以橫爲寬又一寸代十里而應州縣面積有長至三百里寬不止九十里者茲擬面積長在一百三十里內寬在八十里內者將圖幅外限定爲長一尺三寸寬八寸仍以營造尺一寸代十里其面積長逾一百三十里寬逾八十里者圖幅外限依其長寬之度爲止卽將圖紙展長繪成後仍將圖紙疊折適符長一尺五寸寬九寸是否有當詳請電詢前來敬懇核覆以便飭遵景桐謹叩元

●民政部覆護桂撫電 桂林撫台鑒元電悉自治區域圖幅部定尺寸原期各省一律以便彙繪州縣轄境過廣卽數紙成一圖亦可繪式應就形勢酌定毋庸拘定縱長橫寬希飭統照佳電辦理此覆民政部督

●蘇撫致民政部電 民政部鈞鑒上月發奉皓電諒蒙台察城鎮總董擬由院選定後札行該地方轉諭任用以免紛繁而符體制是否可行迅望示遵德全銜

●民政部覆蘇撫電 蘇州撫台鑒銑電悉晤電已詳咨覆希查照此覆民政部督

●江撫致民政部電 民政部鈞鑒查江省舉辦城鎮鄉地方自治如本城旗員實並他城旗缺尙未到任是否以本地方官吏論不得於本地方有被選舉權請核示樹模沁

●民政部覆江撫電 黑龍江撫台鑒沁電悉旗員實缺尙未到任者不得以本地方官吏論於本地方仍有被選舉權此覆民政部佳

●閩督致民政部電 民政部鑒城鎮鄉章程尙有疑義伏希解釋以便執行一據章程六十二條議事會議員當選爲董事會職員應辭議員之職若總董正陪二名均由議員中選出經督撫選任一名應否復議員之職二自治章程第七條城鎮鄉得公定自治規約公定是否指議事會董事會合定而言董事會辦事細則是否屬四十一條執行方法之一種由董事會自定壽禡

●民政部覆閩督電 福州制台鑒碼電悉未經選任爲總董之議員應照舊就職自治規約應由議事會議決參看該章程第三十六條第二款文義即明董事會辦事細則即係執行詳細方法應由董事會自定設議事會視爲不當即照第四十一條辦理此覆民政部佳

資政院接收各省來電

●九月十六日收廣西巡撫電 資政院憲政編查館度支部鈞鑒前奉度支部電令將地方行政經費底冊送交諮議局參考嗣據局呈請將宣統三年豫算全案發局核議當於元日電請核示未蒙示覆茲復據諮議局催請前來究竟應否將豫算全案發交諮議局准其決議伏乞即日電示以便遵辦不勝叩禱景桐謹叩銑

●九月十六日收廣西諮議局電 資政院鈞鑒公債應歸諮議局議決湘撫不交議侵權違

法乞速核辦桂諮議局叩銑

●九月十六日收江蘇諮議局電 資政院鈞鑒各省既奉欽定諮議局章程則奏行公債是

否以經局議決爲條件之一乞覆示江蘇諮議局叩

●九月十七日收廣東諮議局電 資政院鈞鑒粵省禁賭經呈督院請 旨定期未奉照

准現照議決案停議待命粵議局鈞

●九月十七日收直隸諮議局電 資政院鈞鑒督憲所交豫算案有歲出無歲入各國無此

辦法敝局已交督憲更正望貴院主持向部力爭順直議局篠

●九月十七日收湖南諮議局電 資政院鈞鑒前以湘路不認外債電懇轉達郵部未奉覆

人心惶駭敬懇即日將轉達情形電示盼切湘局全體議員叩篠

摺奏類

憲政編查館奏擬將官制提前官俸展後辦理摺

奏爲官制未定官俸章程礙難釐訂擬將頒布官制及試辦年限提前頒布官俸章程及實行

年限展後以利推行而免窒礙恭摺仰祈 聖鑒事竊查奏定逐年籌備事宜清單釐訂官

俸章程爲 臣館及會議政務處本年應辦之件當經 臣等督同在事各員詳加核酌暨檢察現

在京外文官支給廉費津貼各項並參之各立憲國官俸成法反覆考求知官俸實應以官制

爲根本未有官制不定而能先議官俸者也今京外各項文官多與立憲官制不合一經釐定

裁併添改不可枚舉使僅議現行之官俸則與憲政何裨使遂議新制之官俸則與今制迥殊

此一難也在京各署廉費等項多因烏布而異議者詫其支款之懸絕名目之參差而不知皆由官制之未定今欲整齊畫一則必先爲之釐改名稱確定職掌增損員缺庶所訂官俸乃適宜而非虛受然此皆官制內事而非官俸內事此又一難也至外官司道公費各省雖漸次奏定然未盡協於平均而州縣等公費尙多未經奏定現在庫款支絀既不能悉資於正供則原有規費平餘不能不詳查以資挹注倘未考核明確遽定支數款項從何取給若仍虛擬俸額將來必無望實行此又一難也積此數難本年頒布官俸章程實多窒礙惟變通籌備清單關係較重非臣館所敢遽出再四思維憲政預備究竟重在官制現在內治難振雖非一端而權限之混淆官缺之冗濫實爲受病之本欲謀憲政之進行非先從官制入手亦恐別無辦法查逐年籌備事宜清單第三年頒布文官官俸章程第四年實行文官官俸章程第五年頒布新定內外官制第七年試辦新定內外官制可否將頒布官制提前一年試辦官制提前二年頒布官俸展後一年實行官俸展後二年以免凌躡之弊而收整理之效伏乞 宸斷施行如蒙 俞允卽由臣等欽遵辦理至文官考試任用兩項章程亦係本年應行頒布之件查文官考試任用爲 朝廷整理庶政之要端關係於治忽者甚大現在法官考試業已提前舉行各項文官未便漫無限制自應將文官考試任用各章程欽遵定限頒布俾便明年實行以爲改定官制之預備所有擬將官制提前官俸展後各緣由理合恭摺具陳伏乞 皇上聖鑒 謹 奏宣統二年九月十四日奉 旨已錄

廣西巡撫張鳴岐奏籌備憲政當從本原著手擬請酌量變通摺
奏爲籌備憲政當從本原著手擬請酌量緩急略予變通以紓民力而固邦本恭摺仰祈

聖鑒事竊臣前在廣西任內先後接准內閣咨開本年四月十九日欽奉 諭旨御史趙炳

麟奏請飭議確定行政經費一摺著在京各衙門各省將軍督撫將九年籌備單內所開各條

某年某事需款若干從何籌定分年列表詳議具奏等因欽此又六月初二日欽奉 諭旨

湖北布政使王乃徵奏籌備憲政酌分緩急一摺著在京各衙門各省督撫歸併御史趙炳麟

條陳一併詳議具奏欽此並鈔印原奏各摺咨行欽遵辦理到桂臣彼時因北上在即未及覆

奏除廣西逐年需款數目應俟各主管署局預算列表詳由護撫臣核奏外尋繹趙炳麟王乃

徵兩奏之意大抵均以量度財力分別緩急爲言目下各省覆奏雖尙未齊謹就已載邸報者

考之直隸奏報則預算需款三千數百萬兩山東奏報則預算需款四千餘萬兩江蘇奏報則

預算需款二千數百萬兩以上各省不過僅舉巡警教育司法自治四項其他各事尙不在內

或並自治之費亦未計入需款已及此數若將清單以內所載各事悉數計入尙需增加若將

清單以外陸軍部農工商部郵傳部續奏之事悉行計入尙需大加以此推之每省經費所增

平均當在四千萬全國卽當在七八萬萬果使民力能勝雖多何害而無如閭閻生計凋零在

今日實有不支之勢今歲以來各省民變之警相繼見告固由官吏辦理之不善實亦民窮財

盡之見端於此而不亟籌窮變通久之方萬一奸宄之徒乘機煽惑元明末造流寇之禍豈可

不爲寒心也乎夫籌備立憲之 明諭頒自 先朝國是所關斷無反汗臣雖至愚

亦知此理然臣竊讀中庸之言達孝曰善繼人之志善述人之事孝而曰達繼志述事而曰善

可知有觀光揚烈之思者固當審與時消息之宜而不當墨守成規泥小節而誤大計矣欽惟

我 孝欽顯皇后 德宗景皇帝以天下爲公之心建先天弗違之極將以成一代

之大憲昭萬世之貽謀我 皇上志切繼揚惟當務其大者遠者以先端憲政之本原但使有簡單入手之方足以速大政進行而仰成 先朝垂裕後昆之志者雖於當時最初之規畫有所增損而要不得以三年無改之義繩之夫憲政本原何在責任內閣也國會也司法獨立也肇肇大端不過三事使一一實見施行則正本清源之道已足其他庶政皆枝葉耳查現行九年籌備各事項中惟清理財政調查戶口改訂官制編纂各項章程法典實爲籌備之要端至如教育巡警自治則當屬普通行政範圍無論立憲以前立憲以後儘可視民力之盈虛爲進行之遲速且皆累世莫究窮年莫殫之事業亦必非九年限內所可尅期告成若夫各部續奏逐年籌備未盡事宜固不能謂其與憲政無關似不得謂爲預備之必要微臣愚見以爲但使九年之內內閣必組成司法必獨立國會必召集則雖他事未遑舉辦而立憲政體大綱既具已足下慰薄海臣民之望上昭 聖明作述之謨倘不於本原之地求審端致力之方竊恐新政愈繁度支愈絀租稅愈加民生愈困平時水旱偏災民間瑣尾流離尙仰賴 宮庭軫念發棠振贍頒帑蠲租極 宵旰之憂勞猶慮不足迴久涸之元氣今則雖遇豐年足歲而蓋藏猶有不給之虞啼飢號寒聲徧閭左金融迫蹙萬方一概終窶之歌鮮飽之嘆已成爲全國普通之形象矣夫民必有納稅力而後可以得稅今者舉國國民之納稅力已如羸夫舉鼎行將絕贖矣征求不已能無激變內訌一起外患交乘本欲以立憲圖存轉不期而召亂此臣所爲夙夜旁皇不勝墜心危涕者也臣前蒙 召對略陳梗概未罄所懷比聞度支部明年預算不敷之數約在五千萬外明年支絀情形已如此以後歲歲進行需財益鉅若不酌分緩急雖竭澤亦恐無魚擬請我 皇上深維大計俯念民依 飭下憲政編查館會

議政務處王大臣將九年籌備清單酌議修改現在資政院不日開院抑或提交該院議員悉心核議分別緩急辦理以紓民力而固邦本臣不勝屏營待 命之至是否有當謹恭摺具奏伏乞 皇上聖鑒訓示謹 奏宣統二年八月二十八日奉 硃批該衙門知道欽此

東三省總督錫良奏直隸旗奉吉江會館報領圖旗蒙荒援案請免繳半價摺

奏爲直隸旗奉吉江會館報領圖旗蒙荒援案籲懇 天恩免繳一半地價恭摺仰祈 聖鑒事竊查奉省圖什業圖王旗蒙荒於光緒三十二年正月經前將軍臣趙爾巽奏明派員設局丈放嗣因直隸保定府創設旗奉吉江會館並於館內附設學校凡各直省駐防旗人及東三省人之在直隸者皆可入校肄業據升任浙江撫臣增韞前在直隸布政使任內派員來奉請領荒地以爲該校常年經費其時適值奉省圖什業圖旗蒙荒開放當飭來員赴局報領該旗上等毛荒七千五百餘响除不可墾外照章三七折扣計實荒四千四百八十七响三畝五分經該局丈明照數撥領所有該會館應繳此項地價正款庫平銀一萬九千七百四十四兩三錢四分又經費庫平銀二千九百六十一兩六錢五分一釐迭經飭催迄未呈繳旋據該會館以財力竭蹶勸募罔應請援照吉江成案將該會館前領蒙荒奏免繳價當以奉省丈放蒙旗荒地應收地價定章以一半歸王旗以一半歸公且查圖什業圖墾局開辦數年經費不敷甚鉅全賴各處收款以資挹注該會館應繳銀兩爲數不貲礙難全數免繳即經往復磋商始據該會館請將王旗應得一半地價並經費銀兩照數籌繳其歸公一半地價委因籌措維艱仍請奏免前來臣查黑龍江省湯旺河荒地並興東瓊瑯呼倫貝爾沿邊招墾均經奏准免

收地價上年奉省靖安縣放贖扎薩克圖蒙旗餘荒亦經奏准免價在案現在旗奉吉江會館創設學堂報領圖旗蒙荒作為學產係為造就八旗並東三省人材起見經營伊始集款匪易亦係實在情形合無援案籲懇 天恩俯准將該會館應繳公家一半地價正款計庫平銀九千八百七十二兩一錢七分如數免繳以廣 皇仁而資興學除咨部查照外所有直隸旗奉吉江會館報領圖旗蒙荒擬請免繳一半地價緣由理合恭摺具陳伏乞 皇上聖鑒飭部立案施行謹 奏宣統二年九月十四日奉 硃批著照所請該部知道欽此

閩浙總督松壽奏併議御史趙炳麟等奏請定行政經費摺

奏為遵 旨詳議閩省遞年行政經費謹陳管見恭摺仰祈 聖鑒事竊查本年四月十

九日軍機大臣欽奉 諭旨御史趙炳麟奏請飭議確定行政經費一摺著在京各衙門各

省將軍督撫將九年籌備單內所開各條某年某事需款若干從何籌定分年列表詳議具奏

等因欽此又於六月初二日軍機大臣欽奉 諭旨湖北布政使王乃徵奏籌備憲政酌分

緩急一摺著在京各衙門各省督撫歸併御史趙炳麟條陳一併詳議具奏欽此先後由軍機

處片交內閣刷印原奏恭錄 諭旨咨行到 臣仰見 朝廷慎重憲政博訪周諮之至意欽

佩莫名伏思九年籌備事宜條貫精詳莫非立憲應有之要政自 先朝特旨頒定

皇上繼述遵循凡在臣工固宜奮勉圖功力襄 盛治惟是事項過繁經費過鉅兼營併進

竭蹶時形比年各省辦理雖幸勉赴期而艱難支絀之隱當早在 聖明洞鑒之中此後

籌備逐年進行用款即逐年增益民力有限政費無窮責效者以恪遵期限而繩督不敢寬奉

令者以力顧考成而補苴有弗恤充其流弊誠恐不免有如趙炳麟王乃徵所陳者自非先事

圖維不足以利推行而臻實在惟詳釋各該原奏均以經費艱窘爲慮而注意微有不同趙炳麟之意則在因事定款通盤籌計以求財力之能勝王乃徵之意則在就款辦事斟酌變通以冀實事之有濟欽奉 諭旨併案籌議自應以趙炳麟原摺爲討論之前提以王乃徵原摺爲辦法之歸宿謹就管見所及爲我 皇上一一陳之查籌備事宜內凡憲政編查館清單所臚列與各部院所奏定者除清理財政調查戶口等項逐歲所需尙非甚鉅改行官制俸給公費未奉新章尙難預計添練陸軍一項應另案辦理外其餘各項需款之鉅以司法教育巡警地方自治實業五者爲大宗茲查閩省司法一項凡各級審判檢察廳建築開辦常年經費以及模範監獄檢驗學習所監獄學堂經費自宣統三年起算至八年約共需銀五百二十六萬餘兩已經按年指定者共銀九十三萬餘兩實不敷銀四百三十二萬餘兩教育一項凡師範普通專門實業各學校除紳民自立不計外爲公家所應籌設及補助者自宣統三年起算至八年約共需銀一千二百五十一萬餘兩已經按年指定者共銀一百二十三萬餘兩實不敷銀一千一百二十八萬餘兩巡警一項凡官吏公費廉薪以及省城廳州縣鄉鎮巡警薪餉服裝自宣統三年起算至八年約共需銀二千八百九十三萬餘兩已經按年指定者共銀九十六萬餘兩實不敷銀二千七百九十七萬餘兩地方自治一項除省城籌辦處及各屬自治公所自治研究所宣統三四兩年經費十四萬餘兩業經指定外其各廳州縣城鎮鄉自治會經費自宣統三年起算至八年約共需銀八百萬餘兩此項經費本應就地籌款惟現在地方稅未定官之補助有限民之擔任維艱不敷之款計亦不下七百萬兩實業一項凡關於公家倡辦之農工商礦各局廠場所經費自宣統三年起算至八年約共需銀一百九十三萬餘兩

此項經費未經籌備的款以上各項遞年通計約共不敷銀五千二百五十餘萬兩閩省目前可籌之款業已羅掘殆盡其他如推廣印花稅改辦釐金統捐等類或可望稍加歲入然創辦甫在籌議收效實無把握且以所需之款與指定之款相懸如此之鉅即能添籌一二亦覺杯水車薪所益無幾與其敷衍牽合終道空虛何如審量施行力求實際此王乃徵酌分緩急變通辦法之說爲不可易也雖然就變通之道言之如王乃徵所陳酌減海陸軍備以充實業之資本節省大學高等以益國民之教育又如近時各疆臣所陳審判自治爲立憲直接之關繫宜急起以直追巡警教育僅行政助長之設施可從容以進步其於緩急輕重之宜固已挈其大要可以隅反類推而臣愚以爲凡此問題若不由中央政府爲解決而僅提議於督撫則無論各部有奏定之程限疆臣以意爲增損卽來部臣詰問之詞抑且憲政以統一爲準繩行省各自爲變更亦增全國紛歧之象就臣愚見應俟各省奏齊後請旨飭下會議政務處會集憲政編查館王大臣及各部院主管大臣按照各省現有之財力就原定籌備各事項內逐一體察核議何者爲九年內必應舉辦之事何者爲可以酌辦之事何者爲可以緩辦之事編具草案交付資政院詳悉審議而仍令原議各大臣出席互相討論務期折衷至當議決之後請旨裁可頒示嗣後各省督撫恪遵此次更定之案於必應舉辦者全力以赴之於可以酌辦及緩辦者量力而爲之如是則內外之脈絡相通舉動無虞其牽掣緩急之權衡有準變化不失其整齊不迫蹙以擾民亦不迂迴以誤事似於憲政進行前途裨益匪細臣愚昧之見是否有當惟聖明裁擇除將表冊咨送政務處並分咨主管各部查核外所有詳議閩省遞年行政經費謹陳管見緣由理合恭摺具奏伏乞皇上聖鑒訓示謹奏宣統二年

九月十五日奉 硃批該衙門知道欽此

安徽巡撫朱家寶奏贛陳皖省第四屆籌備憲政成績摺

聖鑒事竊查籌備憲政每屆

奏爲皖省籌備憲政遵將第四屆成績據實臚陳恭摺仰祈
六個月應將成績臚列具奏一次皖省第三屆籌備事宜業經奏咨在案所有本年正月分起
至六月分止應辦事宜即經 臣分別督催切實進行茲值第四屆奉報之期迭據司道局處陸
續詳報前來 臣詳加覆核謹將籌備情形爲我 皇上縷晰陳之伏查逐年籌備清單第三
年即宣統二年各省應辦事宜其自有九凡爲賡續籌備者六經始籌備者三一曰續辦城鎮
鄉地方自治查地方自治所有劃分區域調查人口核定甲乙各級選民名冊分配議董兩會
職員額數並擬定投票通則籌款條例前經通飭遵辦嗣各屬於二月間舉行議事會選舉投
票三月間舉行董事會選舉投票遵章將正陪總董覆選一名加劄任用城廂自治一律辦齊
其鎮鄉自治按照清單本屬分年籌辦惟皖省少滿五萬口以上之鎮則宣統三年無鎮之州
縣事將中輟由諮議局議請鎮鄉自治提前辦理當飭司道折衷定議擬自本年六月起至明
年六月止將鎮鄉自治一併籌辦其偏僻之鄉或因事未能依限准由紳董呈明展緩統限宣
統三年年底一律告成業經分飭遵辦至官立自治研究所二班畢業現招三班此外省城公
立之自治研究所及公立法政學堂附設之自治研究所陸續畢業足敷傳習之用各屬稟報
設立者已有三十餘處其未報設立之各州縣均勒限嚴催迅速設立一日彙報人戶總數查
皖省第一次人戶總數已於年前列表咨部其未經報到之望江等六州縣人戶現已一律報
齊惟查上年曾經報部之戶數時經數月不無遷移據今表列戶數較上年頗有增減仍飭隨

時覆查彙報以符定章一日覆查歲入總數查皖省宣統元年歲出入總數業經清理財政局按季編報詳咨惟其中間有缺漏數目恐致參差當飭分行各署局重造全年總冊送局覆核一面按照預算表冊分類分款逐細詳查計編成全省歲出入各款簡明總數冊一本歲出入詳細總數冊二本刪除重款冊二本另編三關詳細總數冊三本凡元年款目與三年預算不同之處另單開列加註按語依限造報業經咨部查核一日省城及商埠各級審判廳年內一律成立查地方省設高等初級審判廳各一所蕪湖商埠設地方初級審判廳各一所所有估工築建情形業經奏咨在案現商埠各廳工程告竣經籌辦處委員驗收核明詳報其蕪湖兩廳工程月內亦可蒞事應俟工程委員造報核明一併咨部刻就新建廳內派員練習並將開廳事宜妥爲布置至模範監獄擬就城北習藝所改良建造現正購地擴充預算經費計建築費需銀一萬五千兩開辦費二千兩常年費四千七百六十餘兩臨時費六千一百九十餘兩惟因經費支絀仍擬量減其考試法官員生早經咨送統俟試竣分別委用卽行正式開庭一日推廣簡易識字學塾查此項學塾於上年十二月間准學部咨到章程卽飭司通行各屬先由官立以資倡率一面將部頒課本飭屬購領遵用上屆籌畫僅具端倪現屆由司於省城半日學堂內附設兩塾嗣據懷甯縣稟設二處又公立私立者二處合計六塾學生五百餘人其外各屬州縣後先稟辦計共五十餘處仍飭司嚴飭各屬未辦者趕速舉辦已辦者逐漸增設俾人人盡識字義以蕪普及一日廳州縣巡警一律完備查各屬辦理巡警上屆略有基礎現省城暨蕪湖巡警規模較備惟高等巡警學堂去秋開辦畢業爲期尙遠籌辦鎮鄉巡警人敷用因擇定北門內廟宇爲校舍另開簡易一科由道招取學生三百三十餘名並附取客籍

生四十名分爲三班於本年三月開學一年畢業開辦費一千元由紳捐助常年費即以所收學費儘數開支此外各州縣巡警視地方之繁簡經費之盈絀量爲酌定其市鎮較鉅如銅陵之大通和悅洲休甯之屯溪鎮壽州之正陽關既經提前辦理仍飭認真整頓俾臻完全至巡警教練所各屬次第設立惟需材孔亟請先設速成一科一學期畢業再招二班准予變通辦理以應急需其經始籌畫者一曰籌備廳州縣地方自治查廳州縣自治選舉章程前經憲政編查館頒行到皖卽飭籌辦處詳訂施行細則通飭各屬依限辦理惟按廳州縣自治選舉章程選舉區以本府廳州縣所屬城鎮鄉之區域爲率現既鎮鄉併辦應俟各屬查報鎮鄉居民選民竣事卽將廳州縣自治一律成立一曰釐訂地方稅章程查清理財政第九條有分別國家稅地方稅性質編訂說明書送部等語現值釐訂之期卽分飭主筦財政之司關道局悉心調查劃分何項應屬國家行政何項應屬地方行政依類列表妥速議覆總期勿誤期限以備編查之用一曰試辦預算決算查清釐財政局章程自宣統二年起預算次年出入款項彙編列冊嗣復頒發冊表各式經飭局擬定表冊式開具凡例通飭各處依限照填並由局遵式分門分款分項編成總分冊二十本先行咨部查核計歲出入差數及明年籌備經費不敷銀二百一十五萬七千八百四十餘兩其各州縣預算表冊一俟編造齊全一併咨部以上九項或廣續而新求其備或經始而甫引其端論條目則日趨於重繁論財力乃愈形其竭蹶茲幸按照籌備單依限無誤臣惟有督飭所司廣續精進刻日程功盡心力之所能爲以期仰副聖主慎重憲政實行求是之至意除分咨查照外所有臚陳第四屆籌備憲政緣由理合恭摺具陳伏乞 皇上聖鑒訓示謹 奏宣統二年九月十六日奉 硃批該衙門知道欽此

宮門鈔

九月十九日 禮部 學部 正紅旗值日 禁煙大臣遞封奏一件 文治遞遺摺

召見軍機

交旨

九月十九日

監國攝政王鈐章

軍機大臣欽奉

諭旨禁煙大臣恭親王溥偉等奏禁煙期限緊迫宜促進步一摺著各直省將軍督撫認真查

禁切實整頓不得稍有懈弛欽此

軍機大臣署名奕劻毓朗那桐徐世昌

九月十九日內摺傳 旨事由單

禮部奏恭辦 孝欽顯皇后 德宗景皇帝大典禮用過銀兩奏銷事單一件奉 旨知道

了○又奏改鑄湖北提法使司印鑄模呈 覽事奉 旨知道了○又奏添鑄福建巡警勸業兩道關防

鑄模呈 覽事奉 旨知道了○又奏前陝西巡撫曹鴻勳病故請 賜卹事奉 旨依議○又奏

九月二十九日忌辰服色事奉 旨知道了○又奏九月二十七日忌辰照例素服事奉 旨知道了○

又奏十月初六日禁止屠宰事奉 旨知道了○學部奏議覆山東巡撫奏請將捐學義丐武訓事實宣付

史館立傳事奉 旨依議○又片奏河南巡撫電調朱學曾等免扣資俸事奉 旨依議

九月十九日外摺欽奉 硃批事由單

李經羲奏請以張漢皋調補彌勒令摺 吏部議奏○又奏善後賑捐第五次請獎摺 該部知道○又奏

委運京餉水脚等項報銷摺 該部知道○又奏宜良縣屬東南二保南羊等村被災請分別蠲緩片 知道了○又奏騰越關第一百九十三結至一百九十七結收支稅數摺 該部知道單併發○又奏騰越關第一百九十九結收支稅數摺 該部知道單併發○又奏羅次令王元齡過班直隸州請開缺片 著照所請該部知道○又奏劉隘巡檢王含華夷疆俸滿保在任候升片 吏部知道○又奏試用令蕭桂祥期滿甄別片 覽○又奏思茅巡檢李孔訓煙瘴俸滿請撤回候升片 吏部知道○又奏南甯縣屬東南西等鄉被災請分別蠲緩片 知道了●陳夔龍奏駐京護衛馬步隊收支雜餉報銷摺 該部知道○又奏籌堵李遂鎮口門合龍後請准保異常數員片 俟合龍後准擇尤酌保數員○又奏永定河歲修經費請另案報銷片 該部知道○又奏席吉士願現留充上業學堂教務長並免扣資俸等片 著照所請該部知道○又奏駐防高等小學開辦日期摺 該部知道○又奏核明北洋測繪學堂等上年分報銷摺 該部知道單併發○又奏高等農業學堂在事出力各員請獎摺 該部議奏單併發●楊文鼎奏酌裁湖南同通佐貳各缺摺 吏部知道○又奏岳州關一百九十九結征收各項稅銀摺 該部知道單併發○又奏夏季分委署同通州縣各缺摺 吏部知道單併發○又奏保薦孝廉方正摺 該部議奏●儒林奏山海關駐防半日學堂暫行裁撤摺 知道了●械與奏庚戌趕運委解摺 該衙門知道

●電報類

●吉撫致憲政編查館電 憲政編查館鈞鑒篠電敬悉會議廳規則已見八月十七日官報當飭行政會議處遵章改辦惟尙有疑義之處謹條列於後一規則第三條第一項及第四條第一項所稱司道府廳州縣官是否僅限現任二規則第九條第二項照原條文義凡行政大小事件必經參事科議決方能實行既慮貽誤事機復恐滋生窒礙應請明定事限俾本廳與行政官各有遵守且原條所稱以不經諮議局議決者爲範圍但查諮議局章程第二十一條

所列如第一第七等項範圍甚廣經議決者既難確定不經議決者便無依據應請將本條已定範圍再行明示再諮議局會期每年不過四十日其非在諮議局開會期內凡行政事件有合與局章等事十一條所列各項者應否交廳議決三規則第十三條會議日期由督撫指定又第十九條常年會期之長短由督撫詳細具擬細繹兩條文義似本廳會期每年僅止一次而按該第九第十第十一各條兩科平時各有應辦事項均係立候施行勢難專待每年一次之會期併時議決應請明釋四規則第十九條所稱會議細則是否指本規則施行細則而言以上各條統祈分別詳釋示遵昭常謹肅庚

●憲政編查館覆吉撫電 吉林撫台鑒庚電悉第四條一項道府以下官應先選現任者充之候補各員亦可酌委參事科為贊助督撫機關本館前覆江督範電聲明督撫對於兩科議決事件不以爲然可另定辦法交令再議等語自可按照辦理無庸再定遵守事限諮議局議事範圍已於去歲本館覆于大臣摺內明定限制其不在覆摺權限之內者自應統由督撫分別交科議決核辦凡照章有應交諮議局議決事件非在會期又事屬急行者自應交廳議決核辦俟該局開會時再行宣布十九條所定常年會如係創行各屬地方官會議則常年可行一次或二次自須酌定會期若會議廳通常會議則每月一次或數次及召集臨時會等均可由督撫酌情形規定辦理至細則即指本廳規則而言此覆憲政編查館囑印

●浙撫致憲政編查館電 憲政編查館鈞鑒寒電謹悉查浙江諮議局於初三日停議後屢經剴催開議該局迄置不理誠如鈞電是其自棄職務即按照局章四十七八兩條辦理固屬正當惟四十七條之規定係督撫令其停會今該局係自行停議並停議已逾十日若再用飭

令停會之手續轉已近閉會之期至四十八條第三項之規定係不遵停會命令今該局係不遵督促開議命令情形亦不相同似此自棄職務可否即認爲辭職照十六條第三項以候補當選者遞補期得迅速招集開會兼省再選之煩祈核覆增韜叩刪

●憲政編查館覆浙撫電 杭州撫台鑒刪電悉查議員停議與辭職不同未便認爲辭職亦無全體議員以候補當選人遞補之法前電因其自行停議無此規定故須另由貴撫飭停以警告之仍不悛改再行照章奏請解散致輾轉耽延無論如何辦法業已誤期如果聽命開會日期過促尙可展期以補不足仍以查照前電辦理爲是憲政編查館囑印

資政院接收各省來電

●九月十八日收廣西巡撫電 資政院憲政編查館度支部鈞鑒前奉度支部來電僅令將地方行政預算冊送交諮議局參考嗣經諮議局兩次具呈請將預算全案發局核議當於元日銑日兩次電請核示迄今未蒙示覆現又據諮議局函催殊難再緩當經先行函覆告以已電京請示俟得覆再分別辦理究竟應否將預算全冊發局並應否准其核議伏乞卽日電示遵辦不勝叩禱之至景桐謹叩巧

●九月十八日收四川諮議局電 資政院鈞鑒湘募公債不議逕奏顯違定章各省事同一律藩籬一破法度成空憲政法治國之前途何堪設想懇據章維持蜀諮議局篠

摺奏類

吏部奏遵議吉林等省奏報禁煙不實各督撫處分請 旨摺

奏爲遵 旨議處事內閣鈔出宣統二年八月二十四日奉 上諭禁煙一事禁吸尤要

於禁種各省督撫希圖邀功急於禁種禁運而疏於禁吸已屬非是前飭度支部派員密查茲據查明覆奏各省於禁種亦不免粉飾卽如吉林黑龍江河南山西福建廣西雲南新疆等省均經奏報一律清除其實並未淨盡各該督撫失察及奏報錯誤殊難辭咎均著交部議處其山西吉林雲南等省從前保案均著撤銷以示儆戒嗣後各省務當仰體朕意分別緩急嚴切查禁總期吸煙日少痼疾漸除庶爲正本清源之計其限期內一切善後事宜著度支部會同民政部土藥統稅大臣通盤籌畫妥定辦法奏明請旨辦理欽此欽遵到部除山西雲南等省保案撤銷應由 臣部另案辦理外當經片查度支部將奏報失察錯誤之職名詳細分註去後茲於八月二十八日接准度支部覆稱吉林巡撫陳昭常於宣統二年二月初六日奏報黑龍江巡撫周樹模於宣統元年十月十二日奏報河南巡撫吳重熹於宣統二年四月十一日奏報山西巡撫寶葵於宣統元年七月二十七日奏報山西巡撫丁寶銓於宣統二年正月二十七日復奏報閩浙總督松壽於宣統二年四月初三日奏報廣西巡撫張鳴岐於宣統元年三月十五日奏報護理雲貴總督沈秉堃於宣統元年十月二十一日奏報甘肅新疆巡撫聯魁於宣統元年十一月十三日奏報等因咨覆到部查 臣部會同民政部奏定各省地方官禁煙考成章程內開冊報不實者交部嚴加議處照錢糧文冊不分晰明白者降一級留任公罪例從嚴降二級留任公罪等語此次欽奉 諭旨交議並無嚴加字樣自應照本例定議擬請將吉林巡撫陳昭常黑龍江巡撫周樹模開缺河南巡撫吳重熹前任山西巡撫現任河南巡撫寶葵山西巡撫丁寶銓閩浙總督松壽廣西巡撫張鳴岐前護理雲貴總督雲南布政使沈秉堃開缺甘肅新疆巡撫聯魁均照冊報不實降一級留任公罪例議以降一級留任係公罪

例准抵銷可否准其抵銷之處恭候 欽定所有 等遵議緣由理合恭摺具陳伏乞
皇上聖鑒謹 奏宣統二年九月十二日奉 旨准其抵銷欽此

郵傳部奏遵議豫撫奏請派員充洛潼鐵路總稽查等摺

奏爲遵 旨議奏恭摺仰祈 聖鑒事內閣抄出河南巡撫寶棻奏請派員充洛潼鐵路

總稽查坐辦一片宣統二年八月二十七日奉 硃批郵傳部議奏欽此欽遵到部原奏內

稱洛潼路纔開辦伊始查有翰林院侍讀學士楊捷三擬請派爲該路總稽查其該路協理係

候補四品京堂四川清理財政正監理官方碩輔兼充暫難回豫查有翰林院編修葛成修擬

請派爲該路坐辦暫兼協理並予免扣資俸轉據洛潼鐵路公司呈請奏咨等語查各省商辦

鐵路除總理協理由公司呈請奏派外其餘執事各員並無奏派之案此次該撫奏稱擬添派

總稽查一員尙可照准惟核以部章成案應由該公司直接報部委任毋庸另行奏派至該路

協理前經該公司呈請奏派候補四品京堂方碩輔大理院推事史緒任接充嗣准大理院咨

稱院務殷繁請將推事史緒任開去洛潼協理一職等因正核辦間復據該撫奏稱前因查協

理職任重要未便久懸方碩輔史緒任均難兼顧路事擬請開去該兩員洛潼協理職任仍飭

該公司照章公舉協理兩員報部奏派接充以專責成並無庸奏派坐辦至免扣資俸一節

部業於議覆浙江巡撫請將檢討濮登青等留籍辦路免扣資俸摺內奏駁在案應請毋庸置

議所有遵議各緣由理合恭摺具陳伏乞 皇上聖鑒訓示謹 奏宣統二年九月十二日

奉 旨依議欽此

民政部會奏市面均已安謐摺

奏爲恭摺會陳奏

聞事竊查本月初七日源豐潤票莊周轉不靈暫時停支以致京師市面恐慌異常旋據京師商會總理趙玉田等稟稱現因源豐潤票莊倒閉牽動京師各處銀錢商號市面紛擾請設法維持等情臣等飭屬妥協辦理去後茲據覆稱現與大清銀行借撥銀五十萬兩交爐房商會以利周轉並令呈交切實押據約定分期歸還現在市面均已安謐照常交易至源豐潤倒閉其各項賬目能否相抵另行詳細調查分別追償等情申覆前來除飭將源豐潤倒閉一案另行清理外理合會同奏聞再此摺係民政部主稿會同步軍統領衙門辦理正繕摺間奉到軍機處交片一件俟會商辦法再行議覆合併聲明伏乞 皇上聖鑒謹 奏宣統二年九月十三日奉 旨知道了欽此

署理兩廣總督袁樹勛奏籌議逐年行政經費并酌分緩急摺

奏爲遵

旨籌議逐年行政經費並酌分緩急詳晰陳奏恭摺仰祈

聖鑒事竊宣統二

年四月十九日軍機大臣欽奉

諭旨御史趙炳麟奏請飭議確定行政經費一摺著在京

各衙門各省將軍督撫將九年籌備單內所開各條某年某事需款若干從何籌定分年列表詳議具奏欽此由內閣恭錄並鈔原摺咨行到粵正在欽遵籌議間又准續咨六月初二日軍機大臣欽奉 諭旨湖北布政使王乃徵奏籌備憲政酌分緩急一摺著在京各衙門各省督撫歸併御史趙炳麟條陳一併詳議具奏欽此等因當即恭錄轉行各主管官廳一併欽遵籌議茲據各該司道撮要議覆並將逐年款項可以預算者分別列表臣彙加閱核就粵言粵其輕重緩急不敢謂各省皆然惟困難情形或不甚相遠敢爲我 皇上縷晰陳之查趙炳麟王乃徵前後兩摺均注重於籌備憲政目前財力能否擔任酌分緩急次第施行尤兢兢

於紆民力遏亂機其言至爲詳盡沈痛惟趙炳麟原奏僅依據九年籌備清單其實各部院尙各有分年辦事細表故外省主管各官廳均照細表籌備九年籌備清單不過挈其大綱而已今既以財力能否擔任爲前提則全國有全國之財力一省有一省之財力無論在九年籌備清單或在各部院分年細表或並未列入上次單表內者均宜通盤籌畫就粵省財政而論除關稅另列專表外目前統計經常臨時歲入各款共庫平銀二千五百三十八萬有奇今據各主管官廳呈列籌備事項約計巡警一項自開辦至宣統七年鄉鎮完備時止籌自公家者應六百七十萬零一千餘兩籌自地方者應一千八百四十五萬餘兩每年勻攤約共三百五十九萬三千餘兩調查戶口自開辦至宣統四年彙報總數時止共需銀七十萬零一千餘兩每年勻攤約十七萬五千餘兩司法一項各級審判廳及各項監所自開辦至宣統七年全省成立時止計臨時費共需銀一百六十六萬餘兩經常費共需銀四百二十二萬五千餘兩每年勻攤約共九十八萬餘兩教育一項合普通專門實業預計自宣統三年至八年止應籌自公家者六百一十一萬九千餘兩籌自地方者七千七百六十七萬二千餘兩每年勻攤約共一千三百九十餘萬兩地方自治一項自本年起到宣統五年成立時止應共需銀四十六萬九千七百餘兩每年勻攤約十一萬七千餘兩實業一項除地方紳商組織及各團體辦理者不計外照部表所列事項自宣統三年至八年止應共需銀二百六十五萬八千餘兩每年勻攤約四十四萬三千餘兩其不列在籌備清單者如編練新軍一項自本年起到宣統六年練成兩鎮時止共需銀一千五百二十五萬六千餘兩每年勻攤約三百零五萬一千餘兩海軍一項計開辦費四年勻攤共一百二十萬兩常年費歲二十萬兩現在每年勻攤共五十萬兩此

皆出款之大者如果同時舉辦每年勻攤之數約共需銀二千二百七十六萬兩左右除巡警教育地方自治實業內有應籌自地方者居多數尙難確指出處外其應籌自公家者照上項所開雖非確定將來核實追加預算爲數亦必不貲按之粵省公家歲入之款若以本年爲比例除向來支出經常各款照清理財政表冊凡官署公費各項行政經費本省水陸軍餉及解京正雜各款解還賠款各省協款補助賑卹等款將占入款五分之四所餘之數以之舉辦上項新政固已岌岌不支矣臣維原奏用意既在分別緩急次第施行則自當於事實上問其有益與否此數年以來所舉辦者於國家人民究受若何之利益抑受若何之損害此正當及時研究者也臣敢就所經驗而斷言其必應辦而仍宜變通者有三應辦而尙宜酌緩者有二應辦而更宜審慎者亦有二教育爲萬事之母王乃徵原奏謂宜注重實業及國民學校似已然不去科舉之獎勵則牙科進士織染翰林取義已覺其無謂甚或工商畢業而予以民社之膺則所用仍非所學矣高等小學尙沿廬增之目的其名更非其實矣糜經費固可惜誤人才尤可惜應請 敕下學部酌章程斟酌改良並預計全國籌備期內教育經費孰緩孰急各行各省通力進行此必應辦而仍宜變通者一也巡警所以保治安而防危害粵省匪黨充斥出沒無常非照章推廣鄉鎮巡警則無成效之可言然際此新陳代謝之時一省之中有編練之新軍有未裁之防綠營擔負方增加而未已且糗雜羣居兩不相下各省遂時釀有兵警交關之案故居今日而言巡警違責以搜捕鎮壓尙非其時然綠營既在必裁新軍尙難得力則維持地方舍巡警又將誰屬惟粵省沿邊數郡如羅定信宜既爲匪徒嘯聚尙有十萬大山毗連桂越幅幘縣長目前情形似祇能分駐防營不能專恃巡警將來逐漸推廣一視巡警能否

得力再行酌量裁併其繁盛城鎮仍照章依期辦理此必應辦而仍宜變通者二也司法獨立凡立憲各國皆然惟吾國當司法人才缺乏之時又當財力困窮之候照章徧設於事實上頗覺其難臣在山東巡撫任內曾奏陳變通府州縣審判廳辦法謂酌量歸併於全國司法經費可銳減十分之九嗣准部臣核議格未能行今屆各省城及商埠應設審判廳之期拮据情形已不堪設想此項經費曾准部電須通籌核定再咨行各省照辦其監獄建設及獄官支配所有經費亦須候部議辦理粵省惟看守所一事業已辦有端緒經臣於本年二月間奏明有案按之事實於罪犯大有裨益歲費亦尙無多自應廣續進行爲監獄改良之入手此必應辦而仍宜變通者三也調查戶口亦立憲國所必有事在吾國舊時清鄉保甲藉以戢匪類而靖盜源用意本亦相似近則與選舉更有關繫而教育一項所謂應有全國幾分之幾又視此爲支配然目前情形舉辦各項新政此最爲有名無實微論各州縣編送各冊其戶口之數多不得實也即使得實而今日之戶明日或遷徙矣今日之口明日或增減矣照章雖有廣續編訂之機關而纍纍之冊目前已不能爲事實上之依據且各省因抗釘戶口門牌聚衆滋事者屢有所聞此非可專咎官紳辦理之不善也教育未能普及則編氓之知識既見少而怪多鄉鎮未設巡警則臨時之強制更無備而多患似宜暫予展緩或俟巡警徧設及識字學塾稍多之時再補行調查此應辦而宜酌緩者一地方自治如在富有知識之國民則藉此爲參預政治之練習亦何嘗不可吾國政體既不同蚩蚩者氓懷有政治思想者百不獲一非鄉黨自好卽武斷橫行均不足語於自治之資格本年山東撫臣孫寶琦奏請變通地方自治一摺亦以緩設鄉會爲言誠有見乎此也臣愚以爲地方自治之範圍無一不待財力而舉今地方附加各稅

既未確定則將以何者爲舉辦之資而先廣集此數十百職員奔走號呶又歲需鉅款以爲薪膳之費恐舊有款項亦將剝蝕俱盡而未來者更不可知矣此應辦而尙宜酌緩者二至不在九年籌備清單而經費爲尤鉅者莫如海陸軍兩項陸軍創辦業已數年其中利害臣於新軍善後摺內曾剴切言之凡辦一事必有一事之目的陸軍之設非僅對內亦對外也吾國歷史最近如髮捻之亂以湘淮勁旅平之而有餘對內成効固尙可睹今日新軍無意識之舉動既徧聞於各省甚有受外來之誘脅而心懷不軌者王乃徵原奏謂新軍成績可觀而亂事屢出此亦可流涕太息者矣夫兵無新舊攻心爲上語云兩軍相對哀者勝矣今新軍入手即染甜嬉傲惰之習不知何者爲哀其各級官長能練習行間與士卒共甘苦者更十不獲一今防營未撤而危機已如累卵將來全鎮練成誠未知收效何似以粵省財力而言僅成一鎮亦已精力俱疲其照原案應編兩鎮屆時酌量情形或當奏咨核減務求因時制宜有一兵得一兵之用此應辦而更宜審慎者一現在立國之道所恃以縱橫角逐者陸軍而外海軍而已吾國亦嘗倣法泰西矣前大學士臣李鴻章於北洋創練海軍甲午一役全師俱燬固係輕於開釁所致而士卒之臨難授命者轉不如前平髮捻時之踵項相望者何哉威天下不以兵革之利苟非其人適以資敵耳今海軍自係國防要圖應如何造就海軍人才製備海軍器械分年籌辦以自強之精神赴必達之目的尤要在任事諸人日日以殺敵致果爲心時時以致命遂志爲念一旅中興或在今日茲事體大似應 敕下軍諮處海軍籌辦處陸軍部切實統籌並預算歷年經費應占全國歲入幾分之幾於吾國目前財力能否擔任此應辦而更宜審慎者三以上數項僅就臣見所及而酌分緩急並有僅切於粵省情事者抑又有說焉吾國富國家稅

地方稅未分之時以上所籌事項即使權其緩急而次第施行究竟某項某費應出何處如全由政府擔任則吾國現時財政既斷斷不及若謂地方亦有應籌之款倘漫無限制則未予以憲法之權利而先欲易吾民之義務未必爲人民所樂受而經濟界之恐慌尙有不止如王乃徵原奏所慮者故籌備清單於確定預算決算在第九年而一切施行政策均在第九年以前宜乎有目前轆轤之現象今趙炳麟原奏既請確定行政經費王乃徵復請提前設會計檢察院似皆有鑒於此而爲正當之救濟惟以臣所聞會計檢察院在各國對於行政官廳純然處於監督之地位原奏謂請

欽派政務大臣及度支長官充之則誰肯操矛而攻其盾者似宜獨立一機關以尊崇其職務而微臣鯁鯁過慮則尙有不盡於此者夫各部院各有主管事務即各有籌備之事項而外省各主管官廳則一以各部院所定事項爲準其不肯退讓而居於人後者情也然欲盡照所列之事項而一一舉辦則此數年內入不敷出之數既如前所云矣再合全國言之其入不敷出亦猶是則必設一通力合籌之法使各部院咸承認何者先辦何者緩辦使全國財力偏重於最要最急之一端然後分別負擔何者屬於國家何者屬於人民故即就財政一項而論亦非組織內閣共負責任不能解決況地方應籌之款視公家爲尤多將來人民增加負擔誠慮如王乃徵所云是否吾民所欲此尤非由議院議決俾人民咸曉然於共同負擔之意不足示輿論之公而收推行之益現時國會未開或暫交資政院議員核議此亦趙炳麟原奏所已及而必不獲已之辦法也總之民爲邦本而聚人曰財如民且救死不贍則憲政於何有趙炳麟王乃徵均諄然以亂機所伏爲言誠爲知本宋元豐後廷臣昌言變法元祐則盡反之至紹聖而又反元祐所爲迨建中靖國時又以元祐紹聖爲均有所失

調停其間而是非愈淆宋亦因以不振蓋無確定之政策朝令夕更財力既銷歸於何有其禍遂中於國家孟子曰無政事則財用不足非細故也方今時局日艱必先有確定之政而後有確定之財顧爲政在人有人斯有財有財斯有用此尤理之不可易者臣既有所見不揣冒昧披瀝直陳除將各主管官廳開列細表分咨查照外所有遵 旨議覆各緣由理合恭摺具

奏伏乞

皇上聖鑒訓示謹

奏宣統二年九月十三日奉

硃批該衙門知道片併

發欽此

●又奏調查戶口擬緩辦等片 再各項新政就目前而論以調查戶口最爲有名無實臣於議覆御史趙炳麟等條陳摺內已詳陳之矣廣東一省自開辦調查迄今屢滋事端如新安大埔連州等州縣尤爲劇烈每一聞報輒須調兵前往彈壓蓋粵省風氣强悍素有械鬪之風尤恐匪徒羸雜其間勾結外匪乘間起事故卽此一項新政各州縣已疲於奔命遑論其他試察其滋事之由則半由於鄉愚無知不明調查之理由忽覩編釘門牌譁然謂將抽丁抽稅官有文告而無奈不識字者多紳爲勸解而不免池魚之及地方官紛紛請示欲卽停止而慮碍考成欲仍進行而更虞激變然苟於目前事實有益則冒險爲之猶可說也今則調查而後而他項籌辦之新政尙未能通盤計畫相輔而行而調查之冊籍尤多不盡不實州縣懼干譴責既粉飾以應之上官敷衍門面遂隱忍以受之自欺欺人莫甚於此竊思此事疊釀風潮不惟廣東一省爲然而廣東爲尤甚臣於前摺內業經 奏請將此次調查戶口擬酌緩至鄉鎮巡警備設及識字學塾較多之時再行補辦目前或先就繁盛城鎮風氣開通之處先行試辦俾民間耳濡目染曉然於調查戶口之理由再逐漸推廣庶不致徒事虛文滋生意外愚昧之見是

否有當謹再附片具陳伏乞 聖鑒敕部籌議施行謹 奏宣統二年九月十三日奉
硃批覽欽此

河南巡撫寶琴奏查明舞陽令鄧希端叅款摺

奏爲查明知縣被叅各款據實覆陳恭摺仰祈 聖鑒事竊查接管卷內宣統二年三月十

八日承准軍機大臣字寄宣統二年三月十二日奉 上諭有人奏舞陽縣知縣鄧希端

縣知縣張書紳等貪黷各款等語著吳重憲按照所叅各節確切查明據實覆奏毋稍徇隱原

片均著抄給閱看欽此遵 旨寄信前來等因承准此當經前撫 吳重憲密委候補直隸

州知州張濂前往各處分別查覆未及核辦卸事移交到 臣比復遴委卸署開封府候補知府

寶綱馳往舞信兩州縣嚴密覆查茲據開摺呈覆 臣以兩次委員所稟互証叅觀並稽諸案牘

所查尙覺翔實除張書紳一案另摺覆陳外謹將舞陽縣知縣鄧希端被叅各款謹爲我

皇上縷晰陳之如原奏人本齷齪性尤狠鄙官項城時曾以匿喪爲衆口所不容一節查鄧希

端前官項城時具報光緒三十年六月二十一日接家報生母張氏於二十九年十一月初三

日病故遵例丁憂回籍守制彼時卽經升任撫 臣陳夔龍密飭前署該管陳州府知府端謹暨

後任知縣王頤安查明實緣該員籍隸雲南黑鹽井郵電不通程途窵遠專足送信因病耽延

以致聞訃較遲並無匿喪情事稟覆有案該委員等詳加訪詢均無異辭惟外間不知其中原

委未免滋生疑義原叅所指殆卽因此又原奏追任舞陽一事不辦專以金錢爲主義民間詞

訟經年積壓多方拖累自製站籠於去年十月間先後站斃尋常人犯常彥陳遂張五常三名

一節查鄧希端任舞陽將及兩載新舊各政類能按部就班奉行不失第因缺分較遜昔日遇

事或存省嗇之見若竟謂一事不辦專尙金錢主義未免苛論該員於詞訟案件誠有積壓拖累之處讞獄才絀非出有心至常彥即常燕先在葉縣犯案擬徒限滿釋回仍不安分前縣李文烈奉府飭拿獲訊認伙同李占魁搶奪泌陽過客馬古田煙土并牛客銀兩解府翻供發回訊辦旋於宣統元年十月間在習藝所病故陳遂即程老二訊明隨同巨匪屈五妮擄捉葉縣辛店陳國棟勒贖得贓并迭次搶劫之犯正擬解葉即行病故張五常本著匪與石生材同時獲案供認聽從董文奇行劫該縣項莊事王張濤家得贓不諱旋亦在監病故以上三犯均係搶劫擄捉重犯先後患病身亡俱經該員驗明有卷可據既非尋常人犯亦非站斃原叅當係傳聞之訛又原奏遇事科罰不及一年已至萬餘串如陳鴻猷邢大會邢子雲等均各勒罰至四五百串或八九百串不等一節查該員因辦新政籌款維艱於自理詞訟酌量斷罰隨時發交辦事員榜示周知統計在任共罰錢五千三百七十餘串銀五百五十兩尙無不及一年至萬餘串之多亦無入己情事陳鴻猷邢大會涉訟有案科罰無據惟陳鴻猷曾捐女學堂錢二百串該員爲之詳請提學使獎給五品功牌其爲非因案科罰自屬可信邢子雲即邢運昌因媒說價賣有夫之婦被控到案追繳人價銀二百二十兩之外又罰捐女學堂銀二百兩原叅所稱四五百八九百串者或即指此又原奏搶劫之案層見迭出不報省亦不緝兇如此者不下數十起一節查該縣毗連裕州葉縣近歲該處一帶匪擾頗甚上年各鄉報案二十一一起尙無數十起之多該令到任前後捕獲要匪二十餘名其具詳通報各案曾獲趙欽霍堆董如章王八拉任蒼張二卯丁禿子劉書興等八名訊明擬辦尙非概置不緝又原奏命案則需索陋規不飽其慾壑不止一節查命案陋規該員遵飭禁革每次下鄉驗屍刑件丁役概給飯資并

先發高脚牌示不准民間絲毫供應而陳鴻猷一案確有屍場勒錢五十五串之事蓋該員人近柔懦故禁令雖明難保書役等不暗中需索必謂該員於個中求飽慾壑實尙不至如是貪劣又原奏署中所養小隊縱賭抽頭以致關廂衙署賭局林立四民均受其害一節查該員到任亦嘗迭次出示禁賭細加察訪仍不免有視爲具文之處小隊抽頭則查無確據四民亦無控告縱賭受害案件原系賭局林立係屬傳言之甚又原奏差役四出搶掠鄆城閭閻被劫一案拿獲盜犯史得功朱二妮訊明均係該邑捕役其平日之縱庇可想一節查史得功卽石得功經該員拿獲訊係鄆城縣閭閻案內正賊移解審辦朱二妮則係鄆城縣緝獲均自認曾在舞陽充過捕役而調查該員任內外簿並無其名或係前官革退犯經該員自行獲解其非縱庇可知又原奏書則麻雀夜則鴉片每出署時民間男婦不准站旁觀看去歲三月間該令出行香偶有二老婦迴避稍遲立命捉去一責之五百板一責六百三十板衆憤所激幾釀事變一節訪之同城各官該員到任正值籌備立憲加以民刑訴訟之繁日不暇給未聞從事麻雀該員現未吸食鴉片光緒三十四年蒞舞陽時取有同鄉官及該管知府保結該委員張謙察其形容並無吸煙痕跡該員平時出署並不驅逐閒人惟查宣統元年二月十五十六等日城隍廟會期燒香婦女與廟內所設之巡警教練所衝突砸壞該所傢俱該員查獲滋事之向楊氏楊張氏二口各予戒責三月初三日西關天啟廟會民婦聚集多人欲俟該員行香滋鬧洩忿當被扭獲周王氏陳周氏二婦重責解散並無激成事變婦女悍潑至此該員酌予懲儆辦理尙無不是此各委員查明鄧希端被系各款之實在情形也臣查鄧希端被系匿報母喪一節既經前撫臣飭查有案並由司府取具供結送部應請勿庸置議此外如審理詞訟經

辦盜案籌措新政經費等事或因才之未充不免疲於屢照或因操之過急未能悉洽輿情若論心迹尙可白其無他惟治獄既非所長而於陳鴻猷一案差役訛勒錢文亦復疏於覺察民瘼所繫實未便稍事姑容相應請 旨將河南舞陽縣知縣鄧希端以府經縣丞降補俸肅吏治除先已撤任並飭現任該縣官將各盜案認真緝辦禁止苛罰清釐積案查明訛詐陳鴻猷差役盡法嚴懲以安民生而除積弊外所有查明知縣被參各款緣由理合恭摺據實覆陳伏乞 皇上聖鑒訓示謹 奏宣統二年九月十七日奉 硃批著照所請該部知道欽此

御史陳善同奏參河南舞陽縣知縣鄧希端貪贖各款片

再現在預備立憲各地方州縣應如何勤求民瘼匡濟時艱乃以 臣所聞河南省舞陽縣知縣鄧希端人本齷齪性尤狠鄙官項城時曾以匿喪一節爲衆口所不容迨任舞陽一事不辦專以金錢爲主義民間詞訟經年積壓多方拖累自製站籠於去年十月間先後站斃尋常人犯常彥陳遂張五常三名遇事科罰不及一年已至萬餘串如陳鴻猷邢大會邢子雲等均各勒罰至四五百串或八九百串不等搶劫之案層見疊出不報省亦不緝兇如此者不下數十起命案則需索陋規不飽其欲壑不止署中所養小隊縱賭抽頭以致關廂衙署賭局林立四民均受其害差役四出搶掠鄆城閭閻被劫一案拿獲盜犯史得功朱二妮二名訊明均係該邑捕役其平日之縱庇可想而猶復晝則麻雀夜則鴉片每出署時民間男婦概不准站旁觀看去歲三月間該令出行香偶有二老婦迴避稍遲立命捉去一責之五百板一責六百三十板衆憤所激幾釀事變似此貪酷不法實屬憲政妨民應請 飭下河南撫 臣撤任確查認真參辦以彰國紀而肅吏治是否有當伏乞 聖鑒謹 奏

西歷一千九百十年十月二十三號 星期日

本局設立北京東長安牌樓王府井大街

宣統二年九月二十一日第壹仟柒拾叁號

電話內城總局第二百零一號

政治官報

目錄

●宮門鈔○交 旨二道○事由單●電報類○憲政編查館致各省督撫電●摺奏類○會議
 政務處奏會議度支部奏試辦宣統三年預算請 飭交資政院辦理摺○度支部奏遵章試辦
 宣統三年預算並瀝陳財政危迫情形摺○理藩部奏籌備藩屬憲政第四屆已辦事宜等摺○學
 部奏議覆魯撫奏請將捐學義丐武訓事實 宣付史館立傳摺○禁煙大臣奏禁煙期限緊迫宜
 促進步摺○豫撫奏查明鞏縣令張書紳叅款摺○御史陳善同奏叅河南鞏縣令張書紳貪贖各
 款片●廣告

●宮門鈔●

九月二十日

陸軍部

鑾輿衛

廂白旗值日

直隸大順廣道文冲謝

恩良

泰續假十日

陸軍部

會議政務處

潤貝勒等各遞封奏一件

內閣奏派驗放大

臣

派出恭王

廷杰

張英麟

麒德

陸軍部奏派查齋大臣

派出德麟

成章

恒順

成安

常英

全福

善豫

瑞啟

召見軍機

文冲

●交旨●

九月二十日

監國攝政王鈐章

軍機大臣欽奉

諭旨會議政務處王大臣奏遵議度支部試辦宣統三年預算請旨飭交資政院照章辦理一

摺著依議欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨貝勒載潤等奏陳明學堂甄別考試情形一摺又奏擬將額外學生均作為正額一片均

知道了欽此

軍機大臣署名奕劻毓朗那桐徐世昌

九月二十日內摺傳 旨事由單

●陸軍部奏議覆各省綠營武職補缺彙奏事單一件奉 旨依議○又奏八月分月選官缺事奉 旨

依議○又片奏議覆兩江總督奏宿遷營守備以陳東友請補議駁事奉 旨依議○又奏酌擬陸軍審判

試辦章程單一件奉 旨依議○又奏駁覆福建省光緒三十三年分驛站錢糧報銷事奉 旨知道了

○又片奏駁覆黑龍江重丈郭爾羅斯沿江荒地委員車價報銷事奉 旨知道了○又片奏駁覆塔城光

緒三十二三兩年收支餉需正雜各款報銷事奉 旨知道了○又奏駁覆江北陸軍光緒三十二三兩年

訂購軍裝等項銀兩報銷事奉 旨知道了○又片奏駁覆甘省光緒三十二年分轉運新餉用過銀兩事

奉 旨知道了○又彙奏荊州等處疏防處分事單一件奉 旨依議○又片奏副軍校馬錫蕃改獎事

奉 旨依議○又片奏山東守備張廷輝等改獎事奉 旨依議○內務府奏考覈功過事奉 旨知

道了○御前乾清門吏部陸軍部海軍處各奏月摺均奉 旨換出●國史館進大臣傳奉 旨留

九月二十日外摺欽奉 批硃事由單

●陳夔龍奏北洋牧馬廠元年分開支各款報銷摺 該部知道單併發○又奏逆倫重犯馬凍節審明正法

摺 法部知道○又奏試用典史王勳勳戒煙未淨請革職永不叙用片 著照所請該衙門知道○又奏元

年分地丁錢糧等項征收數目摺 該部知道○又奏東海關百九十三結至百九十七結洋稅收支各數摺

該部知道單併發●瑞澂奏併案詳議行政經費等摺 該衙門知道○又奏元年財政報冊編造完竣摺

度支部知道○又奏補用知縣蕭方驥等期滿甄別片 覽○又奏設法籌匯甘新協餉等片 該部知道

○又奏委解步軍統領經費片 該衙門知道○又奏沙市關一百九十八結收支各款稅銀摺 該部知道

單併發○又奏宜昌關一百九十八結收支各款稅銀摺 該部知道單併發○又奏補用道盛春熙期滿甄

別片 覽○又奏委解湖北綠營兵餉片 該部知道○又奏解巡警經費片 該部知道●孫寶琦奏客籍

高等學堂開辦五年請獎在堂出力人員摺 該部議奏單併發○又奏七月分兩糧情形摺 知道了○又
奏查明先賢祭田年遠無據請照案津貼祭費摺 著照所請該部知道●施炳燮奏謝署交涉使 恩並
請 陛見摺 著來見●清銳李芳奏請將傷發成廢之京口佐領文蔚以原品休致並 賞食全俸摺
著照所請並賞原俸該部知道●趙淵奏謝授民政使 恩並請 陛見摺 著來見●增韞奏平陽

縣監生陳謙等捐助學堂經費請獎等片 該部議奏○又奏第四屆憲政籌備事宜摺 該衙門知道○又
奏四月分兩糧情形摺 知道了○又奏學務公所各員供差期滿請獎摺 該部議奏單併發●誠勳奏查
明倉庫現存米石銀數摺 知道了○又奏 園庭弁兵異常饑困請 賞銀兩摺 著照所請該衙門知

道

●電報類

●憲政編查館致各省督撫電 各省制台撫台鑒所有貴省與諮議局異議事件應送資政
院核議者統應將全案理由先行分別咨明在京主管各衙門以資接洽憲政編查館效

●摺奏類

會議政務處奏會議度支部奏試辦宣統三年預算請 飭交資政院照章辦理摺
奏為遵議度支部試辦宣統三年預算請 旨飭交資政院照章辦理恭摺仰祈 聖鑒

事本年八月二十七日奉 諭旨度支部奏遵章試辦宣統三年預算繕表呈覽並瀝陳財
政危迫情形請飭會議政務處會同集議奏請施行一摺著會議政務處議奏欽此原奏稱統

計京署各冊預算不敷二千五百餘萬兩外省各冊預算不敷三千六百餘萬兩而籌備追加
之款尚不與焉數月以來悉心考核於各署表冊凡出入相符者暫仍其舊至預算不敷之部
院自行刪節除認減外仍不敷銀二千四百八十餘萬兩其餘外省各冊與各督撫電商增減
亦第就其不敷之多少以為乘除據各省認增歲入認減歲出外仍不敷銀二千九百餘萬兩

惟三年籌備事宜另列附冊又有追加各冊合之亦在二千萬兩以外如照預算辦法皆宣統三年需要之款也現在試辦預算端緒紛紜誠不足語完全之式然於全國財政實已舉其大綱以歲入之來源遠遜東西各國釐訂稅率改良收支其責自在_臣部至歲出之政要權衡操自朝廷尤賴部院大臣共體時艱以治理之後先酌財用之損益庶不至竭蹶不遑應否由政務處集議後轉交資政院之處恭候 聖裁等語_臣等遵查各國預算之法典古者冢宰制用之意相似而不同者一則量入爲出於節流之意爲多而政策常偏於保守一則量出爲入於開源之道爲重而政策常主於進行所謂積極與消極主義既有不同辦法遂以各別大抵國家文明程度愈進則其經費愈繁歷觀往史中外皆然理無可易中國歲入之數向稱一萬萬兩經度支部奏派各省財政監理官認真清理而登諸冊表者歲入遂逾兩倍非盡近年多取於民亦由從前並無確實之調查詳晰之報告隱漏紛歧難於統覈一自上年分別清理或本隱以之顯或化私以爲公內外洞然至臻倍蓰方今預備立憲之際新政百端非財莫舉按照原奏所稱京外各冊不敷銀數固應亟籌彌補卽其餘籌備事宜另列追加各費事關憲政亦屬必不可少之需 國家財政如此之艱人民生計如此之窘誠如原奏所稱存亡危急之秋不可不急謀補救者也查各國預算辦法先由各部大臣預定各部經費概算書送交度支大臣度支大臣詳加覆覈編成總預算案請求閣議而後提出於議院如有不敷之數或起公債或加稅法以補足之必求出入相當而後預算案乃能成立今我 國家立憲甫經預備按照籌備清單試辦全國預算應在第六年至第九年制定確當預算案向議院提議此次預算係度支部查照清理財政章程先行試辦誠未足語完全之式惟現值資政院開院伊始按

照奏定該院院章首在議決國家歲出入預算事件該院職掌所在必能恪遵權限共體時艱擬請 聖明裁奪即將度支部此次試辦預算原案表冊飭交資政院照章辦理再臣處正核辦間復准度支部咨送法部預算修正案表冊一本陸軍部咨送軍政費清單一件應請飭交該院併案辦理所有 臣等遵議緣由是否有當謹恭摺具陳伏乞 皇上聖鑒訓示再度支部係原奏衙門是以 臣載澤未經列銜合併陳明謹 奏宣統二年九月二十日奉旨已錄

度支部奏遵章試辦宣統三年預算并瀝陳財政危迫情形摺

奏爲遵章試辦宣統三年預算謹繕總表呈 進並瀝陳財政危迫情形籲懇 朝廷早定政策以維全局恭摺仰祈 聖鑒事竊查清理財政章程第二十條 臣部自宣統二年起逐年將京外各處預算冊詳細覈定奏請施行等語本年爲試辦預算初期業經奏頒冊式在案茲自五月以後據各處將預算冊陸續咨送到部 臣等伏維預算之義本周官制用之書其精意失傳已久在東西各國相沿辦法於國家地方釐其稅項歲入有區分之數政費始可以開支以治內防外決於僉謀歲出有趨重之途稅課始從而加取蓋必預定行政宗旨然後以措施之執急孰緩酌劑其爲盈爲虛其責任統之內閣又有國庫以經理之所謂完全之預算也今之中國不然政權渙散意見既不免紛歧財用雜糅清理尙難言精確以此而試辦預算誠非易易何以言之即如在京各部院職務所繫彼此各不相謀但求盡其在我者爲極意經營之舉以撥款委之計 臣以奏限責諸疆吏不得議其逾分也顧財力能否勝任則非其所知矣故統計京署各冊預算不敷二千五百餘萬兩若在外各督撫固習知籌款艱難者也然一收一

支假手於人不敢信其盡實冗事冗費觸處皆是不能必其盡裁計各省常年所需已岌岌不可終日又以頻歲進行新政主管各衙門督催孔急張皇草創以顧考成自贖者藉以鋪張無力者逼爲敷衍兼營並驚之下頓成鉅虧故統計外省各册預算不敷又三千九百餘萬兩而籌備追加之款尙不與焉此京外造送預算册之情形也數月以來臣等督率臣部財政處提調總辦以次各員悉心考覈於京署各册凡出入相符者暫仍其舊至預算不敷之部院則司法行政各乘專章非臣部所能置喙惟有以款絀用繁之故求曲諒於同官是以文牘往還皆乞其自行刪節現除各部認減之數外仍不敷銀二千四百八十餘萬兩其餘外省各册稽覈尤難地方之貧富不同政理之弛張亦異一入款也或可溢收或則寡取一出款也或相倍蓰或甚細微不特比例未能卽寬嚴亦難悉合若新政奉行之事章制非一魄力相懸有某省所支某費已逾百餘萬而某省所支某費不及數萬者臣部實無憑遙斷迨欲展轉咨查又虞延誤故此次與該督撫電商增減亦第就其不敷之多少以爲乘除其於准駁之間並非有所歧視幸各督撫深明其意電允居多現據各省認增歲入約一百六十萬兩認減歲出約八百六十餘萬兩抵除之外仍不敷銀二千九百餘萬兩惟三年籌備事宜有另列附册具報者又有續報之追加預算各册合之亦在二千萬兩以外大抵均無著之款此臣部覆覈京外預算册之情形也統計全年歲入共二萬九千七百萬兩以田賦爲大宗鹽課關稅釐捐官業收入亦略相等歲出以軍政爲大宗已占入款三分之一而還款償款又五千一百萬其留作行政等費應用者不及歲額之半故以京外各册分數合算共不敷銀五千四百萬兩加以籌備事宜另列及追加各費實共不敷銀七千八百萬兩如照預算辦法皆宣統三年需要之款也臣等

忝掌度支引躬負疚目覩艱危之狀曷敢緘口不言竊念庚子辛丑以前論中國財政者舉其收入輒稱一萬萬兩乃不十年之間倍其數而遠過之亦無非取之民間而已說者謂各國通例預算不敷大率皆主增加租稅中國稅率輕於歐美無妨量予加徵然富實業未興之際災荒屢告之餘一時亦遽難收效或又謂中國累於洋款其理誠然然以來年支出之虧計之已不下五六千萬且籌備之資方與未艾縱無洋款中國果足以自立乎歲計溢於曩時而憂貧轉甚其故可深長思已日本之維新原於勤儉即歐美富厚不聞以並舉爲雄况當此存亡危急之秋能不亟謀挽救試以全年歲入而論除支銷最要之京餉洋款外尙有二萬萬兩以上若於全國歲出各費酌理準情適中分配即責成主管衙門與行政各督撫通盤籌畫除不急之務祛浮濫之需然後以騰挪餘款於籌備宜先之事擇要而行之則重輕得序次第觀成庶可以仰副

先朝之

詔旨如不計財力之盈虧而一意進趨將出入之數必愈懸

而愈遠美其名若百廢具舉稽其實則一事無成憲政前途殆不堪設想矣此則臣等夙夜徬徨所不能已於言者也現在試辦預算之初端緒紛紜誠不足語完全之式然於全國財政實已舉其大綱以歲入之來源遠遜東西各國則釐訂稅率改良收支其責自在臣部至歲出之政要權衡操自朝廷尤賴部院大臣共體時艱同心協力以治理之後先酌財用之損益庶不至竭蹶而不遑此則非臣部權限之所及也總之處今日而謀國是宜就量入爲出辦法速圖擴充舍此別無良策伏望 聖明剛斷於上諸大臣襄贊於下庶幾憲政克底於成謹繕

宣統三年試辦預算歲入歲出總表各一分並京署外省各關各邊歲出入總表各一分恭呈

御覽請

旨飭下會議政務處由軍機大臣會同各部行政大臣集議奏請施行再查

憲政籌備事宜清單內開第九年制定明年確當預算案預備向議院提議又資政院續擬院章清單內開國家歲出入預算事件於開會時交議此次試辦預算應否由政務處集議後轉交資政院之處伏候 聖裁除將總分各表咨送政務處外所有違章試辦宣統三年預算並瀝陳財政危迫情形各緣由謹恭摺具陳伏乞 皇上聖鑒訓示謹 奏宣統二年八月二十七日欽奉 諭旨度支部奏遵章試辦宣統三年預算繕表呈覽並瀝陳財政危迫情形請飭會議政務處會同集議奏請施行一摺著會議政務處議奏欽此

理藩部奏籌備藩屬憲政第四屆已辦事宜等摺

奏爲籌備藩屬憲政謹將第四屆已辦事宜及調查各事項分別臚陳恭摺仰祈 聖鑒事竊 臣部典屬藩封蒙藏回番風氣未開惟有因機利導不計近功以冀徐收實效是以先從調查入手已於上年九月本年三月將內扎薩克各旗外扎薩克圖車二部落先後奏報在案現經各將軍大臣沿邊督撫次第報到如彙報人戶總數查上年民政部奏定調查戶口章程內開凡未設行省如內外蒙古青海西藏等地方應由各該管長官按照章程另訂細則分別調查一律按款彙報民政部等語當經 臣部通行各路將軍大臣遵照先後准伊犁將軍烏里雅蘇台將軍西甯辦事大臣庫倫辦事大臣科布多參贊辦事各大臣等造具各該所屬戶數表冊咨送前來並准新疆巡撫科布多辦事大臣送到回部並哈薩克戶口表冊除未到各處分別咨催外已到各表冊均經 臣部咨送民政部核辦旋准民政部咨以伊犁西甯二處所送表式不合已由 臣部咨回另行填註此皆指明藩部應辦之件也此外如地方自治歲出入豫算決算審判廳簡易識字學塾巡警等項皆各省應辦事宜其未設行省之處未能一律照辦惟烏里雅蘇台將軍瑩岫奏在烏城創建初級師範學堂調取三扎兩部落子弟四十名烏梁海

子弟五名習學滿蒙漢語言文字學成回旗轉授於各盟長處自立滿蒙漢小學堂各旗均設蒙養學堂前挑巡警四十名巡官一員外復添練巡警二十名加派巡官一員分巡城市另派教習一員司書一名並試辦開墾勸立商會自治所當經 臣部會同各主管衙門遵 旨分別議覆在案又庫倫辦事大臣三多奏明於庫倫添練蒙古巡警隊四十四名駐藏辦事大臣聯豫奏明在前藏設立巡警總局分派巡官巡長帶領修業步警兵一百四十名馬警兵二十四名一律站崗梭巡俟警兵畢業較多再行挑選撥往亞東江孜兩處分別開辦復據庫倫辦事大臣三多電稱庫倫原設半日學堂二所現擬酌改簡易識字學塾庫倫二處應設審判廳正在組織此三處皆於新政極力規畫稍有端倪需以歲時當可漸著成效仍由 臣部隨時查共圖進步以期相與有成至調查事項 臣部於本年三月初九日會將續行調查事項列表進呈奏請交由該管將軍都統總督暨各大臣等覆查在案其烏里雅蘇台將軍所屬之三扎兩部落新疆巡撫所屬之回部熱河都統所屬之錫拉圖呼圖克圖科布多辦事大臣所屬之新圖爾扈特各應查事項均於本年開報到部 臣等督飭司員逐條譯漢詳核除回部一項太略據其原表附說聲明自光緒九年改設新省以後除哈密回王之土地人民照舊管轄外其餘要政均歸廳縣管理諸項事宜故多闕略綜計該將軍等所陳各節尙屬實在情形除科布多參贊大臣所報事項甫經到部尙待詳核其餘各處原報雖有事項而含混未清尙須詳查者由 臣部行文該將軍等處再行詳查開報外茲就其所報事項明晰者列表呈 進仍由 臣部按照所開各項咨行各該管將軍都統巡撫大臣等實地覆查查究竟所開各項是否屬實有無漏略并應如何籌辦可免窒礙之處一併查覆咨明 臣部會同各該衙門切實辦理務期調查一次即收一次之成效謹將本屆調查事項分別列表恭呈 御覽伏乞 飭交憲政

編查館考核備案所有籌備藩部憲政暨臣部第四屆調查各事項理合恭摺具陳伏乞
皇上聖鑒謹 奏宣統二年九月十三日奉 旨該衙門知道表併發欽此

學部奏議覆魯撫奏請將相學義巧武訓事實 宣付史館立傳摺

奏爲遵 旨議覆恭摺具陳仰祈 聖鑒事宣統元年五月二十九日內閣鈔出升署兩

廣總督山東巡撫袁樹勛奏堂邑義巧武訓積資興學請 宣付國史館立傳一摺奉 硃

批學部議奏欽此欽遵到部遵卽行咨該省造具事實清冊去後茲據該省送到該義巧武訓

興學記並請核議施行等因前來臣等竊維教育之普及端資民力而所以提倡鼓舞之者則

在國家日本之福澤諭吉英國之魯濱孫皆以興學之故國家極其尊崇風聲所樹私校日多

遂有舉國皆學之盛伏念自奉 明詔停罷科舉以來建設學堂亦復歷有年所而國民

教育仍未能至於普及者則以在上者倡導雖宏而在下者感奮尙有未至也查原奏內稱該

義巧武訓以一乞人興學三州縣積資萬餘串僅予尋常旌表誠恐苦操奇行不足以示來茲

而風薄俗前者恭逢 恩詔採訪義行如武訓之行可謂至仁大義擬懇 天恩宣付史

館立傳等語竊查前史獨行一行孝義等傳苟其人有一節之可取有一行之可傳莫不爲之

列諸史冊俾得傳後信今况義巧武訓道雖未聞而孝思篤於齧齒身雖行乞而義性本於天

生終一生之所獲惟以興學爲己任實於今日世道人心大有裨益前山東巡撫臣張曜於光

緒十四年奏請建坊給予樂善好施字樣業蒙 恩允准在案綜核該義巧生平行誼深

得扶翼世教要領若僅予建坊似猶未足彰 聖朝闡揚幽隱之意擬懇 天恩准如所

請將該義巧武訓生平事實 宣付國史館立傳以章奇節而振學風除將該義巧興學記咨

送 國史館並將事實清冊咨催該撫迅行造送外所有遵議緣由理合恭摺具陳伏乞

皇上聖鑒謹 奏宣統二年九月十九日奉

旨依議欽此

禁煙大臣奏禁煙期限緊迫宜促進步摺

奏為禁煙期限緊迫宜促進步請 旨飭下各省將軍督撫認真切實整頓以收實效恭摺

仰祈 聖鑒事竊維禁煙一事官吏為庶民所觀瞻而京師尤賴直省為協贊法令所在期

於必行要非持以毅力矢以恒心難保不前功盡棄臣等奉 命總理禁煙已將三載其京

署送驗人員現雖無多顧既驗之後難保無恃有給憑私行復吸之事且分發到部人員亦無

時無之除照章通咨各衙門每屆三個月查明有無情形可疑及重染嗜好人員取具印保各

結咨報臣所備案暨隨時查明調驗外本年八月因各衙門季報參差不齊誠恐各該管長官

視取印保各結為具文復通咨各衙門是否尙有情形可疑之員抑或曾經驗過發有執照復

行吸食情事應再行確切查明咨復以憑核辦其餘確無嗜好實已斷淨各項人員亦一併取

具印保各結咨送備核各在案惟鴉片之流毒既深且久各省地方遼遠耳目究恐未周臣等

專司禁吸固屬責無旁貸尤賴各將軍督撫同心并濟恭查宣統元年二月二十四日 上

諭禁吸一事文武職官責之禁煙大臣及京外各衙門長官務須認真糾查不得徇情避怨等

因欽此詳繹 諭旨各長官與臣等同負責任相助為理之義至為深切著明惟本年山西

陝西等省均有奏報將禁煙局所裁併歸併等事雖因節省經費起見而禁煙要政即恐因之

懈弛伏讀本年八月二十四日 上諭禁煙一事禁吸尤要於禁種各省督撫希圖邀功急

於禁種禁運而疏於禁吸等因仰見 聖明無微不至各省禁吸之漸涉懈弛固已早邀

洞鑒臣等以凡事非始終精神貫注鮮不功敗垂成况官吏為庶民標準官吏若未戒除淨

盡庶民益將觀望效尤臣等責有攸歸既有所見曷敢安於緘默相應請 旨飭下各省將

軍督撫認真切實整頓凡禁煙公所未經裁併者固不可徒具形式其已經裁併者尤宜妥籌善後辦法不得稍形懈弛至京內各衙門等仍當隨時咨商各該管長官認真訪查如有情形可疑及重染嗜好人員仍即章奏咨辦以杜鬆懈而重功令所有禁煙期迫宜促進步緣由謹恭摺具陳伏乞 皇上聖鑒訓示謹 奏宣統二年九月十九日奉 旨已錄

河南巡撫寶棗奏查明鞏縣令張書紳參款摺

奏爲查明知縣被參各款據實覆陳恭摺仰祈 聖鑒事竊查接管卷內承准軍機大臣字

寄宣統二年三月十二日奉 上諭有人奏舞陽縣知縣鄧希端鞏縣知縣張書紳等貪贓

各款等語著吳重熹按照所參各節確切查明據實覆奏毋稍隱徇原片均著鈔給閱看欽此

遵 旨寄信前來等因承准此當經前撫 吳重熹密委候補直隸州知州張濂前往各處

分別查覆未及核辦卸事移交到 臣比復遴選卸署開封府候補知府寶網馳往舞信兩州縣

嚴密覆查茲據開摺呈覆除鄧希端一案另摺覆陳外 將前署信陽州知州張書紳被參各

款覆加查核如原奏光緒三十四年秋間該令使差役至州東北鄉捕盜路過蕭王村饒梅鶴

家門首以與盜同姓入門索賄恫喝不遂而去夜間忽有羣盜撞入饒家搜劫踏斃事主小孩

一名鄰村聞喊兜拿捕獲盜夥二名認係差役送州該役等竟捏報饒梅鶴窩盜被捕該令信

之卽令收押經紳士保釋該役等復剝其衣服毒毆之幾斃一節查是年九月間蕭王村民人

高順仁家被劫控州牽涉梅黃村民饒乃謙該員飭差饒正新協保緝拿該役等稔知饒乃謙

赤貧串通保夥張三麻子於是月二十五日突至饒乃謙族叔饒鶴成家訛索因值饒鶴成外

出飯畢走散夜間復率多人入室搜索饒鶴成不獲其母致將頭部碰傷誤扯女孩墜地隕命

鄰右聞聲往看當遣人信知饒鶴成一面將差保送州饒鶴成未及回家查看於二十六日先

赴州以強劫財物砍傷伊母踏斃伊女等情具報該役亦以饒鶴成窩主奪犯等詞稟訴該員次日詣驗以饒鶴成所報不實伊母傷由自碰女死係屬驚風遂當場取具甘結完案差役饒正新保夥張三麻子兩名均責釘鐐事主饒鶴成並未收押至於剝衣毒毆則其事並非一人而言之亦未免過甚當鄰右送差保到州時衙役護黨爭扭適饒鶴成族弟饒鶴梅道經署前瞥見勸阻遂致互相詬誶饒鶴梅呈控該員以無傷痕可驗復未指名毆者姓名批斥未准似尙非有意袒庇又原奏附城火車站成記商號被劫事主控案該令伴置不理私賠銀元二百七十元勒令銷案一節細查信陽州車站附近一帶今昔並無成記牌號惟車站北首謝家河地方有福記洋油分棧於光緒三十四年九月二十四日夜三更時分被賊用火燒門鋪夥阮運法驚起開門喊捕賊即將其拒傷入室強劫錢衣等物而逸經棧主郭文源報經該員勸估詳緝賊未獲該員並無賠洋確據亦未聞置之不理又原奏州北尙家河黎姓被劫焚燬房屋多間殺斃事主親丁一人人事主赴報該令用自置重板責五百逐之去一節查該員任內尙家河並無黎姓被盜之案訪有倪永順雜貨鋪光緒三十二年十月二十八日夜被賊行劫轟斃伊姪倪開緒越日隕命一案情形與原奏相同此案係前州任內失事事主層遞上控飭州嚴緝迄未獲辦該員受篆之初亦據該事主呈催批候換票比緝揆度情理案非本任無所庸其責遂又原奏州北鄉新店民葉有林家被劫於盜去時同鄰右躡偵盜穴掩捕盜夥多人並獲窩主劉承麟及贓物等送州請驗該令竟坐事主以擅捕罪令將劉承麟肩輿送歸贓物悉入官餘盜開釋一節查葉有林家居衛北村光緒三十四年十月二十八日夜被賊撞開大門劫去牛驢錢物當同鄰右人等尾追十餘里見賊進劉家岡莊而回次日邀保驗明誤信捕役

陳大萊之言同至劉承麟家搜去衣物十餘件遂於三十日報案衣物則未送官是否原贓今已無可究詰劉承麟亦於十一月初一日以率搶等詞控州旋經紳保調停兩造均即罷訟劉承麟係保釋並非肩輿送歸該員當日堂判有葉有林不應冒然率人至劉承麟家搜贓之語所云坐事主以擅捕罪當由此訛傳又原奏城北八里生員盛正昆家被劫報案該令改報不從將正昆衣頂褫去杖責數十勒令改劫爲竊改八里爲二十五里始釋歸一節查生員盛正昆又名世昆家居城南十里之大土門村卷查光緒三十四年十一月二十八日該生呈報被賊強劫銀錢衣飾該員詣勘因所失贓數正昆與妻劉氏各異其詞越日傳訊取具被竊甘結釋歸尙無褫去衣頂杖責之事至盛正昆家在於大土門迤南三里許勘單內填爲十四里蓋就其居址而言並未改八里爲二十五里又原奏該州稅契向例每百兩價銀收三兩旋因賠款加至六兩近年乃私加至十一兩經官紳議定除正稅六兩官提火耗解費二兩房書五錢勸學所五錢餘二兩提作辦理該州實業學堂之需每歲約提三千餘兩該令到任此項提款前任移交實銀一萬三千餘兩合以該令署任中續提之數應共一萬六千餘兩乃該令意圖吞蝕揚言此項新舊提款業已歸巡警局教練所開支淨盡其實辦理巡警局及教練所各村均籌有的款原無需此宣統元年二月該令卸任欲附火車挈貲潛遁各學堂學生及閩州紳民聞之譁然遂聚集多人攔守衙署及城門至十餘晝夜幾釀事變經後任祝鴻元出爲調停乃移交錢九千七百二十四千銀二千三百八十七兩零其餘欠銀四千兩由後任立字擔保迄今尙未清償然冒開報銷之巡警局教練所開辦費二千兩及該令署任中續提之三千餘金已盡數化爲烏有一節查該州稅契先年每契價銀一百兩征正稅三兩平餘三兩火耗三

錢光緒二十八年因攤認賠款奉飭加征捐輸銀三兩共征銀九兩三錢嗣三十三年稅書舞弊案內重訂新章則每百兩統收銀十一兩內分正稅三兩捐輸三兩平餘二兩五錢火耗解費八錢其餘一兩七錢爲開辦本地實業之用事經藩司釐定不得謂之私加此項盈餘該員接受前任移交暨本任續收之款確有一萬六千兩之譜該員開辦巡警教練所稟報動用前款兩千金雖巡警常年經費已由稅契中人筆資內酌提三分之一應用此則係開辦之需該員卸篆候算交代之際前項盈餘未及移交紳學界疑爲吞蝕出而干涉事誠有之博訪周諮僉謂除教練勸學兩所撥用之外該員先後交出錢九千七百二十四文銀五千八百八十七兩零均經後任知州祝鴻元核收有案至開辦教練所報銷清單查核尙無浮冒又原奏該令於民間詞訟任意拖延動輒勒罰由百金以至千金不等州南鄉民婦劉氏首其子忤逆該令兩押之罰劉氏銀八百兩罰其子六百兩盡入私囊民間詫爲異聞一節查劉氏爲州南青河村劉成升之妻光緒初年劉成升以劉氏與妾張氏均無所出買養北方許姓九歲子爲嗣命名維新由劉氏撫養成人爲娶妻室劉成升病歿遺田十六石其文約盡入維新之手後劉氏查知維新盜賣遺田八石富同張氏邀集族親議定未賣之田留爲該氏等養贍不准維新再行盜賣詎卽此八石之田維新亦已私當在先復議劃出田四石賣絕得價生息其餘四石歸劉氏等掌管藉資日用維新阻撓不允劉氏等遂於三十四年七月間首送忤逆維新則以姊婿孟本珠等惑母賣產等詞捏訴迭控不已該員以事係倫常始終但批飭親族理處雖罰銀查無確據而責以措置不當詞訟拖延誠難自解此各委員查明張書紳被索各款之實在情形也查該員張書紳在信陽州時加收稅契係照定章經營盈餘一項已於交卸後陸續

交出倪永順劫案係在三十二年該令到任經事主呈催即經批飭比緝應請均無庸議惟於差役訛索饒鶴成致釀人命一案疏於覺察未能平情審究事主高順仁葉有林盛正昆等被盜各節或含糊了結或辦理遲延迹其才能實未足以副牧民之任相應請旨將前署河南信陽州知州試用知縣張書紳以府經歷縣丞降補以示懲儆除通飭嚴禁苛罰整頓捕務並飭該州現任官將以上命盜各案分別認真訊緝滋事差保盡法懲辦暨責成南汝光道就近將該州實業學堂款項辦法實力清查悉心規畫外所有查明知縣被叅各款緣由理合恭摺據實覆陳伏乞 皇上聖鑒訓示謹 奏宣統二年九月十七日奉 硃批著照所請該部知道欽此

御史陳善同奏叅河南鞏縣知縣張書紳貪黷各款片

再查有河南鞏縣知縣張書紳遇事顛預居心貪鄙前在信陽州署任內劣迹多端其最爲蠹害於地方者尤莫如養盜殃民吞款肥己二事光緒三十四年秋間該令使差役至州東北鄉捕盜路過蕭王村民饒梅鶴家門首以與盜同姓入門索賄恫喝不遂而去夜間忽有羣盜撞入饒宅搜劫踏斃事主小孩一名鄰村聞喊兜拏捕獲盜夥二名認係差役送州該役等竟捏報饒梅鶴窩盜被捕該令信之即令收押經紳士保釋該役等復剝其衣服毒毆之幾斃又附城火車站成記商號被劫事主報案該令伴置不理私賠銀洋二百七十元勒令銷案又州北尙家河黎姓被劫焚毀房屋多間殺斃事主親丁一人事主赴控該令用自製重板責五百逐之去又十一月州北鄉新店民葉有林家被劫於盜去時同鄰右躡偵盜穴掩捕盜夥多人並獲窩主劉承麟及贓物等送州請驗該令竟坐事主以擅捕罪令將劉承麟肩輿送歸贓物悉

入官餘盜開釋又城北八里生員盛正昆家被劫報案該令命改報不從將正昆衣頂遞去杖責數十勒令改劫爲竊改八里爲二十五里始釋歸自此盜賊益橫行無忌劫案日常十數起事主呼籲無門飲泣而已其養盜殃民有如此者該州稅契向例每百兩價銀收三兩旋因賠款加至六兩近年乃私加至十一兩經官紳議定除正稅六兩官提火耗解費二兩房書費五錢勸學所五錢外餘二兩提作辦理該州實業學堂之需每歲約提三千餘兩該令到任時此項提款前任移交實銀一萬三千餘兩合以該令署任中續提之數應共一萬六千餘兩乃該令意圖吞蝕揚言此項新舊提款業已歸巡警局教練所開支淨盡其實辦理巡警局及教練所各村均籌有的款原無需此宣統元年二月該令卸任欲附火車挈費潛遁各學堂學生及閩州紳民聞之譁然遂聚集多人攔守衙署及城門至十餘晝夜幾釀事變經後任祝鴻元出爲調停乃移交錢九千七百二十四千銀二千三百八十七兩零其餘欠銀四千兩由後任立字擔保迄今尙未清償然冒開報銷之巡警局教練所開辦費二千兩及該令署任中續提之三千餘金已盡數化爲烏有矣該令於民間詞訟任意拖延動輒勒罰由百金以至千金不等州南鄉民婦劉氏首其子忤逆該令兩押之罰劉氏銀八百兩罰其子銀六百兩盡入私囊民間詫爲異聞贖貨無鑿之情形概可想見其吞款肥己有如此者以上各節應請 飭下河南撫 臣澈底確查從嚴叅辦以肅吏治至該州轄境瀕臨長淮盜風素熾應嚴飭後任整頓捕務免滋蔓延其稅契之額亟應恪遵奏定部章切實核減爲九分此外分毫不准多取所有此項新舊提款與該令冒報及拖欠之款應一併認真清理速行開辦該州實業學堂毋任虛糜以重公款 臣職在剝劾謹附片具陳伏乞 聖鑒謹 奏

西曆一千九百十年十月二十四號 星期一

本局設立北京東長安牌樓王府井大街

宣統二年九月二十二日第壹仟柒拾肆號

電話內城總局第二百零一號

政治官報

目錄

●宮門鈔○事由單●電報類○憲政編查館覆護桂撫電○資政院接收各省來電三則●摺奏類一○法部奏酌擬監獄專修科畢業員生分別委用辦法摺○陸軍部會奏軍官學業黃治坤服閱擬補官階摺○又奏游學陸軍警察經理學生授官片
 ○東督奏裁撤海龍總管員缺并安插官兵辦法摺○閩督奏改編巡防隊酌定餉章及成軍日期摺○皖撫奏酌擬皖省各司辦公費摺○又奏暫定撫署公費片○湘撫奏添改防營勇隊成軍日期摺●摺奏類二○川督奏夏季分委署府廳州縣各缺摺併單○又奏漢州牧樓斐然捐升道員請開缺片○又奏請將蓬州牧戴廣唐以直牧在任候補片○署粵督奏知縣鄒翼清等虧款請革追片○贛撫奏知縣陳夔等虧款請革追摺○又奏請將革令馬肇修開復原官銜翎片○東督奏東省陸軍小學堂在事人員請獎摺併單○又奏請以李樹恩試署吉林西南路道摺●廣告○本局發售現行刑律定本廣告二則

政治官報 目錄

九月二十二日第一千七十四號

一

宮門鈔

九月二十一日 法部 大理院 廂紅旗值日 于式枚等考試法官覆 命 于

式枚謝抵銷處分 恩 克公續假十日

召見軍機

九月二十一日內摺傳 旨事由單

●法部奏第三年第一屆籌辦成績事奉 旨該衙門知道○又奏秦曾蔚請補大理院推事員缺事奉

旨依議○又奏駁議已革副將劉漢釐發往新疆當差事奉 旨依議○又彙奏七月分擬結現審斬立

決人犯事奉 旨知道了○又彙奏地方審判廳判決死罪案件事單一件奉 旨依議●大理院奏覆

判伍鈺衡圖財謀殺誤斃旁人一家三命事奉 旨依議○又奏覆判包瀆莒謀殺胞兄身死事奉 旨

依議○又奏覆判孫小峰樺搶劫盜案事奉 旨依議○又奏覆判吳張氏等立決人犯彙奏事單一件奉

旨依議○又奏覆判王三等盜案彙奏事單一案奉 旨依議○又奏覆判周來城等尋常命盜各案

彙奏事單一件奉 旨依議○又奏覆判王六等監候人犯彙奏事單一件奉 旨依議○又奏覆判宋

洛二等命案由咨改奏事單一件奉 旨依議●吏部學部陸軍部法部內務府驗放官缺各覆 命均

奉 旨留●陸軍部驗放游學生覆 命奉 旨留

九月二十一日外摺欽奉 硃批事由單

●誠勳奏歲修 園內水旱河道各工用過銀兩報銷摺 該衙門知道○又奏挑挖河道在工人員循例酌

保片 准其擇尤酌保數員●溥良盛桂奏揀選驍騎校護軍校員缺擬定正陪摺 允行○又奏揀選六品

捕盜官員缺擬定正陪摺 允行○又奏調查鑛產設法興辦摺 該部知道○又奏擇尤擬保拿獲著名

匪出力文武各員摺 該部議奏單併發●增編奏元年奏銷案內收租收放各數摺 度支部知道○又奏

解協甘賑款摺 度支部知道○又奏請將已革黃巖令周延祚開復原官片 周延祚著開復原官該部知道○又奏司道庫籌撥餉需用銀數摺 該部知道○又奏報解浙東釐金片 該部知道○又奏代奏學司袁嘉毅請假回籍省親摺 知道了○又奏委郭則澐等署提學使各缺摺 知道了●彬格奏大運委員起程日期摺 該衙門知道片併發○又奏代江南織造緞疋裝箱附解片 覽●核與奏違章報銷歷年運務摺 該衙門知道冊片併發○又奏歷年收支匠糧款項片 覽

●電報類

●憲政編查館覆護桂撫電 桂林撫台鑒銑巧電均悉已由度支部電覆矣此覆憲政編查館寄

資政院接收各省來電

●九月十九日收廣西諮議局電 資政院鈞鑒豫算應歸局議乞電撫速交桂諮議局叩效
●九月二十日收兩廣總督電 憲政編查館資政院度支部鈞鑒元電諒達十七日續據諮議局呈覆賭餉爲各國所無賭博障礙憲政籌抵已非正辦現既未奉照准惟有堅持已決原案停議以待求盡責任應再呈請查照原案迅予電奏請 旨宣示期限等由樹勛當以該局所請似爲急除地方敝政起見且一再陳議情詞迫切未敢壅於上聞已於巧日電請軍機處代奏請 旨辦理仍一面勸令照常開議合併電聞樹勛叩皓
●九月二十日收吉林諮議局電 資政院鈞鑒預算案僅交歲出無歲入並無分表礙難決議現已送還乞飭催速將歲入並交是懇吉林諮議局叩

●摺奏類一

法部奏酌擬監獄專修科畢業員生分別委用辦法摺

併單

奏爲酌擬監獄專修科畢業員生分別委用辦法恭摺仰祈 聖鑒事准修訂法律大臣咨

稱法律學堂附設專修科學員畢業陳明原案酌擬辦法一摺原奏內稱光緒三十三年十一月間奏明在法律學堂內附設監獄學專修科由法部大理院遴員肄業畢業後專備京外各署管理監獄之用等因奉 旨依議欽此計自光緒三十四年五月開學至宣統二年五月

畢業除試驗不及格外計取列最優等五名優等十四名中等二十四名下等二十六名均經給予畢業文憑擬請 飭下法部將此項畢業學員凡得有文憑者一律歸法部分別錄用

在京凡有監獄衙門籌畫改良及實行管理均取材於此並分交各省提法使按察使酌量委任等因咨行前來 臣等竊維治獄之要端在得人是以 臣部於議奏改良監獄摺內請於法律學堂附設監獄學一科爲實行儲才之法現屆兩年畢業既經該大臣認真試驗分別等第造冊咨送前來亟應酌量分別委用庶不負設學儲才之本意謹擬辦法十一條恭呈 御覽

如蒙 俞允 臣部即將該員生等分發京外各有獄衙門量才委用並行知各衙門暨各省提法使一體遵照所有酌擬監獄專修科畢業員生分別委用辦法緣由謹恭摺具陳伏乞

皇上聖鑒訓示謹 奏宣統二年九月初八日奉 旨依議欽此

謹將酌擬監獄專修科畢業學員委用詳細章程十一條恭呈 御覽 一凡考列最優等優等中等者均照以後各條酌量委用 一本部郎員主各員如現在並無烏佈者准其呈請改派典獄司當差俟到司後果能得力再以相當烏佈酌量派充 一各廳候補推事各員如

願補行政官者遇有對品所長缺出准由廳丞酌量呈請錄用 一各廳錄事准由廳丞考驗得力以所官酌量請署 一各廳候補錄事俟補缺後亦准由廳丞以所官酌量請署 一原係各衙門候補人員准其呈明札派各廳當差俟考驗得力再行奏留 一已分省候補之列中等及未分省之考列最優等暨優等各員均准呈明願就京職者札派各廳當差俟考驗得力再行奏留願歸外用者由本部咨行各省督撫轉飭提法使分別以原官辦理監獄看守事宜 一原無官階僅有拔貢附生出身者准其呈明札派各廳以錄事候補俟考驗得力補缺後再行酌量派充看守之差 一以上各項願就京職者亦可酌量派充模範監獄之差 一以上各項如有酌量委派之處均應按照原試驗等第名次先後委用 一考列下等各員生均令聽候俟有相當之差再行酌量委用

陸軍部會奏軍官畢業學員黃治坤服闋擬補官階摺

奏為軍官學堂畢業學員丁憂起復擬補官階恭摺會陳仰祈 聖鑒事竊查本年三月二十六日陸軍部會同軍諮處具奏陸軍軍官學堂深造科頭班畢業學員請獎摺內聲明丁憂人員俟服闋後酌核請獎等語茲據該堂中等畢業學員黃治坤一員服闋起復到部 臣等公同商酌查軍官學堂深造科頭班畢業各員均由 臣處 臣部擬定官階奏准後帶領引 見恭候 欽定今黃治坤係考列中等人員核其學術軍職擬請補授陸軍步隊副軍校如蒙 俞允卽由陸軍部彙案帶領引 見以資鼓勵所有軍官學堂畢業學員丁憂起復擬補官階緣由謹恭摺會陳伏乞 皇上聖鑒訓示再此摺係陸軍部主稿會同軍諮處辦理

合併陳明謹 奏宣統二年九月初十日奉 旨依議欽此

●又奏游學陸軍警察經理學生考試授官片 再查 臣部於光緒三十四年奏定陸軍各學

堂及出洋游學生考試授官章程摺內聲明陸軍警察等學堂學生應授官階及考試辦法容

臣部陸續詳擬具奏奉 旨允准欽遵在案現游學各國肄業陸軍警察及經理科之畢

業學生先後回國 臣部已分咨調考亟應擬訂考試及授官辦法以備遵循查陸軍警察職任

監察軍人經理則職司軍需與陸軍各科同屬重要現時游學警察經理科之學生均係由陸

軍中學畢業入聯隊充入伍生轉入各該項專門學校年限程度與兵官學堂畢業學生相埒

此項學生考試辦法及給與出身補授官階均擬照前奏定游學各國兵官學堂學生一律辦

理並照章於所授出身官階分別冠以警察軍需字樣以昭劃一而勵人材除中國自設陸軍

警察經理等學堂暨游學外國程度較優之警察經理學生其考試授官辦法容 臣部另行詳

擬具奏外所有游學陸軍警察經理畢業學生擬照游學各國兵官學堂學生考試授官各緣

由謹附片具陳伏乞 聖鑒訓示謹 奏宣統二年九月初十日奉 旨依議欽此

東三省總督錫良奏裁撤海龍總管員缺並安插官兵辦法摺

奏為遵議裁撤海龍總管員缺並籌擬官兵安插辦法恭摺仰祈 聖鑒事竊准陸軍部咨

稱會奏前東三省總督徐世昌奏稱海龍總管員缺職務太簡裁歸地方官辦理並酌擬裁撤

各官員兵丁辦法等因一摺請 旨飭下新任東三省總督錫良到任後體察情形悉心妥

籌奏明辦理會同吏部度支部具奏欽奉 硃批依議欽此欽遵行知到奉 錫良自到任

後檢查奏牘詳細考覈按原奏係以海龍圍場自府縣設治總管員缺職務太簡幾同虛設擬請裁撤總管及所屬佐領防禦騎校筆帖式等缺援照五部裁缺章程准其對品安插仍留領催兵等以實邊荒不裁底餉意在釐定官制裁併旗署以明權限而專責成部議則以總管裁缺奉省武職並無對品可補佐領防禦等官全行裁撤兵丁漫無統攝不免百弊叢生如以責成知府核與定制不合意在酌留旗官俾資管理以免失所而廣生計臣伏思東省爲八旗根本之地國初分旗定制旗民事務皆由旗官管理至先後設治劃分府縣旗署唯經理官兵俸餉別無所事遂同虛設現值變通旗制之期應爲因地制宜之計唯額缺雖不妨徐議裁改而官兵必先爲妥籌安插海龍總管本爲管理圍場而設今既改設府縣明定職守總管已成虛設久無責任可言應請仍照原奏將海龍總管員缺裁撤該總管依凌阿係實缺旗員並蒙恩旨三次以副都統記名存記應如何改用之處另摺奏明伏候聖裁原設佐領二員防禦騎校各四員有管理兵丁之責領催兵丁係由各城額兵抽調戍守多年既未便遽令歸伍仍與各城經制官兵一律食餉所有原設佐領以下各官均請毋庸裁撤並將兵丁隨時選充地方巡警以期逐漸裁改該處應辦旗務應卽責成佐領直接公署仍歸旗務處考核辦理筆帖式一員專司總管衙門冊檔自應一併裁撤援照各部裁缺筆帖式成案請改外用以廣出路至總管衙門徵收地糧田房稅契均歸海龍知府徵收報解原奏部議意見皆同應請照辦仍將府縣界址額糧飭司造冊繪圖送部立案以備稽核以上所擬誠能照辦既與原奏釐定官制裁併旗署之議適合亦與部議酌留旗官俾資管理之意相符地方官之權限以明官兵等之失所無慮實於官制旗務兩有裨益所有遵議裁撤海龍總管員缺及籌

擬官兵安插辦法緣由是否有當謹恭摺具陳伏乞 皇上聖鑒謹 奏宣統二年九月十四日奉 硃批著照所請該部知道欽此

閩浙總督松壽奏改編巡防隊酌定餉章及成軍日期摺

奏爲閩省巡防隊照章先行改編八營謹將編訂並酌定餉章及成軍日期恭摺仰祈 聖鑒事竊照前准陸軍部咨行奏定巡防隊暫行章程行令各省按照改編等因當經轉行遵辦嗣經 擬就廈門汀漳各屬原設防練各營並分次裁撤綠營騰出底餉悉心彙酌改編巡防隊十六營畫分全省區域爲五路現因餉需尙有不繼五路暫先編練十二營分配駐紮業將籌辦情形 奏明在案覆查閩省原設各營營制餉章參差不一已先後查照奏定章程將提督所統駐紮廈門之衛隊親兵四棚官弁兵夫五十一員名福健親軍中營福健軍親兵前營福銳中軍左營均係防營每營官弁勇夫三百七十餘員名駐紮興化之福銳前軍右營係屬練營官弁兵夫二百六十三員名駐紮漳州之福毅前左兩防營官弁兵夫教習七百五十四員名駐紮汀州邵武之福銳右軍中左兩營勇練弁兵共六百一十四員名通行分別改編舊章所無者增之新章所無者省之俾歸一致每營官弁兵夫共三百零一員名計中路四營右路二營後路二營共計八營中路四營仍由福建提督洪永安統領已於宣統元年正月初一日成軍右路二營以漳州鎮總兵馬金叙爲統領係於宣統元年十月初一日成軍後路二營以汀州鎮總兵崧煜爲統領係於宣統二年七月初一日成軍刊刻關防分別移給啟用應給薪餉按照原有之數酌量改訂惟後路巡防隊二營餉項除撥抵外計尙不敷銀七百一十兩零八錢應卽在於福健福銳福毅等營改編中右二路巡防隊餘贖餉內照數撥抵支放其餘

八營應俟分次裁撤綠營騰出底餉再行添練成軍等情據福建布政使會同兵備處司道詳請 奏咨立案前來 臣覆核無異除將營制餉章另開清摺分咨軍諮處度支部陸軍部查照外理合恭摺具 奏伏乞 皇上聖鑒訓示謹 奏宣統二年九月十五日奉 硃批該衙門知道欽此

安徽巡撫朱家寶奏酌擬皖省各司道公費摺

奏爲酌擬皖省各司道公費數目統歸藩庫支給恭摺仰祈 聖鑒事竊查部定清理財政章程二十七條內開各省官俸未定之先應由財政局調查各處情形稟承督撫酌定公費一面提出各項規費盈餘津貼公費外其餘一概歸入該省正項收款等因遵經督飭司道會同監理財政官迭次公同商酌檄令各將本缺一切歲入款目悉數澈查和盤托出報明彙核經各司道等分別開呈維時升任皖南道李清芬現署臬司皖北道毓秀先後因公來省復由司局面與酌議分別缺分優瘠移盈補絀酌量變通遵照部章以化私爲公實行勻給爲主茲查安徽司缺有三曰布政司提學司提法司道缺有四曰巡警道勸業道皖南道皖北道在新設者事係創始政務固屬殷繁而舊有者力求進行擘畫亦倍艱鉅今既酌定公費皖省各官俸銀溯自髮匪平後久經停支暫從緩議並將養廉及例支役食等項按章循舊辦理外綜計各署原有歲入之款布政司每年約銀三萬一千六百餘兩提法司約六千一百餘兩皖南道約六萬兩皖北道約四萬三千兩其新設各署如提學司每年由藩庫原領銀五千兩巡警勸業道每年由藩庫原領各四千兩又各該司道設立學務警務勸業各公所每月各支銀三百兩遇閏照加統共每年原應支銀十六萬四千四百兩閏年加增九百兩此次核實清釐凡有入

款不問官私鉅細悉數歸公以後除公費外不得再有他項進款布政司爲統一財政專官兼管行政近復將支應牙釐各局暨籌議公所等處併歸該司管理任重事繁有倍曩昔擬請每年實支公費銀二萬四千兩比較原有規費歲省銀七千六百餘兩提學司爲學務專官擬請每年實支公費銀六千兩又學務公所仍照原數每年支三千六百兩全年實共支銀九千六百兩比較原有領款歲增一千兩提法司爲司法專官擬請每年實支公費銀九千六百兩比較原有各費歲增三千六百兩巡警勸業兩道擬請仍照原數每年實支公費銀各四千兩其警務勸業兩公所亦請仍循其舊歲各支銀三千六百兩全年共各支實銀七千六百兩該兩公所與學務公所領款向係月支茲擬改爲年支遇閏勻攤比較常年原有領款均無甚懸殊至該兩公所每年另由民政部領巡費農工商部領調查費各二千兩仍請照舊一併支發以濟要需皖南道兼管蕪湖常洋兩關並通商交涉事宜最爲繁劇擬請每年實支公費銀三萬六千兩比較原有各費歲省二萬四千兩皖北道兼管鳳陽稅關事亦較繁擬請每年實支公費銀二萬六千四百兩比較原有各費歲省一萬六千六百兩該兩道本署行政經費皆在其內以上所定各數均就各署現情詳察熟籌持平定議共計每年實支公費銀十二萬零八百兩計節省銀四萬三千六百兩但皖省各署向有分認提解練兵經費每年共銀二萬四千兩目下公費既已核定餘款業經歸公前項報効應請卽以節省項內提撥抵補俾示平允除分別支抵外計每年可餘銀一萬九千六百兩應以本年十月初一日爲始爲實行之期省垣各司道公費按月赴司具領造報皖南皖北兩道應准照定數按月坐支其節省之款按季攤勻解司候撥至藩司節省之款亦卽由該司自行劃存分別勻撥歸公如遇交替截日核算將來

各署倘或收解不及原報數目卽於應支公費內按數減抵不得短解此次節省銀兩倘有漏未查出之款不論年月遠近均自本年十月初一日起照數飭繳其有更名巧取仍蹈積習者一經查實應由臣從嚴叅處以昭核實而肅法紀至各府州縣正佐公費現正遵照部文切實調查各項規費一俟查明確數卽當次第釐定接續奏明辦理據清理財政局司道造具表單詳請 奏咨前來臣覆加審核現定公費較之歷年原支並撥抵報効款項每年約節省銀已將二萬兩核與部章提出規費津貼各署餘概歸入正項辦法尙係相符日後酌議各府州縣公費時卽可藉作先導以次廓清辦法均尙周妥除將表單分咨彙核外所有酌擬司道公費緣由理合會同兩江總督臣張人駿恭摺具陳伏乞 皇上聖鑒敕部查核立案施行謹奏宣統二年九月十六日奉 硃批該部知道欽此

●又奏暫定撫署公費片 再督撫公費照章應由會議政務處議籌嗣准度支部電暫先自行酌定等因應卽遵照辦理查皖省缺分夙稱貧瘠此次酌定各公費本非一人一時之事然當此庫帑奇絀支付萬難臣忝長羣僚受 恩深重自應力求撙節以身爲先經飭司局公同會議臣覆加核定除養廉役食等項循舊辦理外擬暫限每月實支公費銀二千二百兩自本年十月初一日起由藩司按月支解應請作正開銷其各屬局所尙解臣署一切公費銀兩均檄令悉數彙解司庫存儲具報通盤核計每年約較尙有數目可省銀三千兩仍俟會議政務處議定公費數目咨行到日再行遵辦除分咨查照外理合會同兩江總督臣張人駿附片具陳伏乞 聖鑒敕部立案施行謹 奏宣統二年九月十六日奉 硃批該部知道欽此

湖南巡撫楊文鼎奏添改防營勇隊成軍日期摺

奏爲湘省本年添改防營勇隊成軍日期彙案恭摺具 奏伏祈 聖鑒事竊照湘省巡防各隊原屬單薄自本年三月省城痞徒肇事以後各處餘匪乘機滋擾迭據地方文武各員稟電交馳呈請撥派實屬不敷分布經前撫 臣岑春煇暨 臣接准鎮筸鎮周瑞龍咨請添募練兵三百名編爲鎮標第三隊於三月十八日成軍又飭管帶中路巡防第五隊徐振岱添募勇丁一隊編爲中路巡防第二十隊於三月二十二日成軍又飭管帶水師中營劉鷲添募勇丁一百名於四月初一日成軍又飭將撫標原有新軍衛隊改爲督練處親軍隊以上均爲保護省城及附近教堂暨往來各國洋人並隨時抽調援應各屬防緝又 臣由鄂省隨帶弁兵一隊改爲撫標親軍衛隊自四月起薪餉由湘省發給又飭統領中路巡防隊補用道吳耀金另募護勇三十名於四月初一日成棚並將原有中路巡防第一隊改編爲中路第十九隊仍歸前帶一隊之陳鑫管帶又另募勇丁一隊編爲中路巡防第一隊卽歸該統領吳耀金兼帶於四月十六日成軍又准湖南提 臣曹志忠咨常德府城暨各屬防勇單薄另募勇丁兩隊編爲提標巡防第一第二隊於四月十六日成軍又飭委湖北候補知縣杜焯綸等添募巡勇一百二十名於四月二十日成棚分段協防餘匪巡查省城內外又長沙關暫募護兵四十名於五月初一日成棚又因瀏醴兩縣匪徒出沒飭管帶中路巡防第十隊趙春廷添募一隊編爲中路第二十一隊仍歸該員兼帶專防瀏醴及攸縣等處於六月初七日成軍又將分駐衡永兩府兼緝粵私之南路二三四五九十一七隊改編爲南路一二三四五六七隊歸永州鎮馬文翰統領將分駐郴桂兩州之南路第一六七八四隊改編爲南路八九十一隊歸遊擊李忠達

分統勻分別仍駐原處以上各隊當省城亂後各屬匪徒聞風響應事機緊急之際隨時增添
移改係爲防患弭亂之計經_臣於籌辦善後摺內陳明在案現幸秋收稔熟防務解嚴一面辦
理清鄉其首要匪犯竄伏未就弋獲者分飭各路委員嚴密搜捕以冀翦除餘孽保衛閭閻所
有添募各軍隊應卽酌分緩急或卽行撤遣或仍須留防其營制餉章用款節經兵備處善後
局司道具詳前來除俟裁留一律核定後另飭造具清單清冊彙案咨部外所有湘省因亂添
改軍隊及成軍日期各緣由理合會同湖廣督_臣瑞澂恭摺具奏伏祈 皇上聖鑒敕部
查照謹 奏宣統二年九月十八日奉 硃批該部知道欽此

摺奏類一

四川總督趙爾巽奏夏季分委署府廳州縣各缺摺併單

奏爲宣統二年夏季分川省委署調署及實缺到任回任各府廳州縣員名彙繕清單恭摺仰祈 聖鑒事
竊查道府丞倅州縣等缺委署代理及實缺人員到任回任應照例章按季開單彙奏一次歷經遵辦在案茲
查宣統二年夏季分所有委署調署過府廳州縣各缺及實缺人員應行到任回任者均經先後分飭赴任理
合循章將各員缺銜名彙繕清單呈 御覽伏乞 皇上聖鑒謹 奏宣統二年九月十四日奉
硃批吏部知道單併發欽此

謹將四川省宣統二年夏季分各府廳州縣委署調署及實缺到任回任各員彙繕清單恭呈 御覽 計
開 一署清溪縣知縣林殿香因病請假遺缺以候補知縣張煜署理 一內江縣知縣慶福丁憂遺缺以試
用知縣錢永達署理 一署奉節縣知縣陳韜調省遺缺以補用同知屈德澤署理 一署井研縣知縣張燿
林因病請假遺缺以試用通判周國鈞署理 一署眉州直隸州知州曾朝祐請假遺缺以試用知府許時中

署理 一署溫江縣知縣周誠調省遺缺以試用知縣粟宗琦署理 一署崇甯縣知縣蘇家樹請假遺缺以試用知縣王運璣署理 一署犍爲縣知縣賀家勳丁憂遺缺以准補會理州知州寶震署理 一署理番直隸廳同知王治瀛因病請假遺缺以補用知州沈恒署理 一新繁縣知縣缺以本任知縣余慎飭回本任 一署榮昌縣知縣武鍾調省遺缺以試用知縣沈炤圻署理 一安岳縣知縣王志昂調省遺缺以補用知縣婁棟署理 一署墊江縣知縣李端榮調省遺缺以截取知縣王國賓署理 一署金堂縣知縣鄭其超調省遺缺以試用知縣周沅署理 一署青神縣知縣曾習經調省遺缺以現署清溪縣知縣張焜調署遞遺清溪縣知縣缺以本任知縣武丕文飭回本任 一署雙流縣知縣沈頌康調省遺缺以試用通判吳江清署理 一署江北廳同知祿勳調省遺缺以現署重慶府知府本任江北廳同知郭鍾美飭回本任所遺重慶府知府缺以現署華陽縣知縣准補邛州直隸州知州鈕傳善署理遞遺華陽縣知縣缺以准補梁山縣知縣周詢署理 一委署簡州知州謝廷麒捐升遺缺以試用知縣陳啟運署理 一署隆昌縣知縣袁家聲調省遺缺以現署遂甯縣知縣准補是缺之陳金華飭赴新任遞遺遂甯縣知縣缺以補用知縣王振聲署理 一署銅梁縣知縣張煦春因病請假遺缺以補用知縣唐紹皋署理 一署奉節縣知縣屈德澤丁憂遺缺以揀選知縣曹彬孫署理 一署閬中縣知縣張炳璜撤省遺缺以現署南部縣知縣侯昌鎮調署所遺南部縣知縣缺以現署蒼溪縣知縣准補是缺之伏衍義飭赴新任遞遺蒼溪縣知縣缺以試用知縣于繼綏署理 一署梓潼縣知縣楊燦春撤省遺缺以准補是缺之許長齡飭赴新任 一榮經縣知縣缺以准補是缺之夢祥飭赴新任 一代理東鄉縣知縣吳士椿撤省遺缺以試用知縣羅培署理 一江北廳同知郭鍾美請假遺缺仍以現署江北廳同知祿勳署理宣統二年九月十四日奉 硃批覽欽此

●又奏漢州牧樓藜然捐升道員請開缺片 再查有四川漢州知州樓藜然年五十七歲浙江諸暨縣舉人由大挑知縣籤分四川光緒十七年八月到省二十六年因辦川省賑務出力保歸本班儘先補用三十一年因辦計岸官運鹽務告成出力奏保免補本班以知州仍留原省補用三十二年奏補漢州知州三十三年十

一月二十九日到任三十四年六月交卸前於三十二年遵辦廣西賑捐例報捐道員雙月選用經部核准領有執照在案茲該員懇請開去漢州知州底缺赴部候選稟由藩司查明詳請 奏咨前來臣查該員已捐升道員自應准其開缺除分咨外理合附片具陳伏乞 聖鑒敕部查照開缺施行再所遺漢州知州缺係選缺應請扣留外補合併聲明謹 奏宣統二年九月十四日奉 硃批吏部知道欽此

●又奏請將蓬州牧戴慶唐以直牧在任候補片 再查川省川北各屬水利未興旬月不雨即形亢旱以致頻年歉收現已禁種驚粟驟失利源一遇災浸民生愈覺彫敝臣於光緒三十四年到任即經通飭各屬督勸紳民廣開塘堰藉資灌溉而川北地方瘠苦農守故習雖經遵辦而著有成效者尙少惟蓬州一處經該州知州戴慶唐切實督勸民間認真興辦勞怨不辭經營兩年之久共修成塘堰水井三千餘區本年入夏以來該州雨澤稀少竟得此項塘堰洩水灌田賴以補救不致成災民情歡洽迭據詳報飭由勸業道覆查屬實似此盡心民事爲地方興永久之利實屬牧令中不可多得之員合無仰懇 天恩俯准將蓬州知州戴慶唐以直隸州知州在任候補用昭激勸之處出自 逾格鴻慈除咨部外理合附片具陳伏乞 聖鑒訓示謹 奏宣統二年九月十四日奉 硃批著照所請該部知道欽此

署兩廣總督袁樹勛奏前任歸善令鄒翼清等虧短錢糧請革追片

再據廣東布政使陳夔麟詳稱查有前任歸善縣知縣鄒翼清征存正雜款銀七千七百九兩零米一千八百三十一石零又前署佛岡同知林齊賢征存正雜款銀一千四百六兩零米八十八石零均經分別嚴催未據完解據各該管道道府揭報詳請叅追具 奏前來相應請 旨將正任歸善縣知縣鄒翼清已故前署佛岡同知補用通判林齊賢等二員一併革職嚴行著追勒限該革員及該故員家屬等於四個月內即將征存正雜銀米掃數解清一面行查各任所有無寄頓資財並分咨各原籍查封家產備抵偷該革員及該故員家屬等回籍潛匿亦即提解來粵追繳以重庫款所有叅追同知知縣欠解征存銀米各緣由理合附片具陳伏乞 聖鑒訓示謹 奏宣統二年九月十四日奉 硃批著照所請該部知道欽此

江西巡撫馮汝駉奏知縣陳夔等虧短交代請革追摺

奏爲知縣虧短交代銀兩據實參追恭摺仰祈 聖鑒事竊照州縣交代如有虧空例應參追茲查另案參革知縣陳夔前署德化縣任內短交地屯項下串捐共錢一千五百九十七千八百九十五文又另案參革知縣邱錫淵前代理德化縣任內短交捐雜各款銀一千四十七兩一錢二分六釐地屯等款項下糧捐共錢一千七百九千六百七十六文又病故知縣李宗洛前署德興縣任內短交雜款共銀四百二十七兩八錢二分一釐丁漕項下糧捐錢一千五百一十四千三百七十九文又病故知縣阮保泰前在宜春縣任內短交地丁項下串捐錢七百五十四千二百九十七文各該員交代雖已算明定冊然短交款項定限已逾迭催未據完繳現在清理財政查辦豁免未便稍事姑容據布政使劉春霖署提法使巡警道張檢轉據各該管道府揭報前來相應 旨將前署德興縣事病故知縣李宗洛前任宜春縣病故知縣阮保泰二員暫行革職同另案參革之前署德化縣知縣陳夔前代理德化知縣邱錫淵均勒限兩個月責令該故員家屬暨該革員等將所短銀兩錢文掃數完解如各該員並家屬等果知愧奮依限解清再爲分別奏請開復倘敢仍前延宕另行從嚴參辦所有達部冊結容俟參限屆滿分別核送除咨度支部外謹會同兩江督臣張人駿恭摺具陳伏乞 皇上聖鑒訓示謹 奏宣統二年九月十六日奉 硃批著照所請該部知道欽此

●又奏請將革令馬肇修開復原官銜翎片 再前准吏部咨議覆奏保刺辦南安會匪在事出力各員案內已革江西新昌縣知縣馬肇修請開復原官銜翎仍留原省補用並免繳捐復銀兩未將被參原案聲叙碍難核議請 旨飭下查明該革員馬肇修被參原案詳細聲叙另摺奏請以符定制等因奉 旨依議欽此遵查該革員馬肇修經前撫臣吳重憲於光緒三十二年甄別案內以玩視要案藉病延誤奏參革職嗣據新昌縣紳耆彭衣言等六十八人臚陳該革員在任政績並稱該革員卸任後虧短交代經該縣紳商士庶公議籌繳銀一萬兩俾清代務尤見去思彌永民不能忘真請察核等情前來臣調查案卷該革員官聲尙好任內亦無積壓未結要案原參實係冤抑本應卽爲奏請開復適值該革員派赴南安隨辦剿匪清鄉事宜異常出

力經臣於前案列單請獎漏未暨叙原案茲奉前因理合查明該軍員被參原案仰懇 天恩俯准將已革江西新昌縣知縣馬慶修開復原官銜翎仍留原省補用並免繳捐復銀兩出自 逾格恩施除咨部查核外謹會同兩江督臣張人駿附片覆陳伏乞 聖鑒訓示謹 奏宣統二年九月十六日奉 硃批馬慶修著准其開復原官銜翎仍留原省補用該部知道欽此

東三省總督錫良奏奉省陸軍小學畢業謹將在事人員請獎摺併單

奏爲奉省陸軍小學堂學生先後畢業謹將在堂出力人員照章擇尤請獎恭摺仰祈 聖鑒事竊查奉省前於光緒三十一年九月創辦陸軍小學堂當以需才孔亟變通定章選取年齡稍長之學生一百五十名入學肄業嗣遵練兵處兵部奏准改作速成班此班學生除選送保定陸軍速成學堂外餘於三十三年四月畢業八十三名經前督撫臣考驗執照派往各軍隊試充軍職續於三十二年九月選招第一班學生六十名扣至宣統元年十二月三年期滿復經臣考試畢業送入陸軍第一中學堂並經先後咨部各在案伏查政務處奏定各省武備學堂請獎章程學生畢業成就在六七十名以上者在事人員准獎文武十六員內准獎異常勞績二三員又練兵處奏定陸軍小學堂章程內開每屆年滿按其成效擇尤爲出力之員咨明練兵處兵部照章請獎各等語今奉省陸軍小學堂開辦已逾五載學生畢業多至一百四十餘名均能振奮精神服從職務內堂外場功課尤能及格在堂執事教習各員數年以來阻勉從公成就多材不無微勞足錄該堂總辦呈請 奏獎前來臣覆加詳核無異查上年 京師直隸各陸軍小學堂頭班學生畢業均將在事出力人員奏請獎叙奉省事同一律自應照章請獎謹擇其尤爲出力者擬保異常勞績三員尋常勞績十八員該堂學生兩班畢業核之定章所獎員數尙屬核實敬繕清單恭呈 御覽合無仰懇 天恩俯准照擬給獎以勵勞勩之處出自 逾格鴻施除將履歷咨部外所有奉省陸軍小學堂管理教授各員照章請獎緣由恭摺具陳伏乞 皇上聖鑒訓示謹 奏宣統二年九月十八日奉 硃批該部議奏單併發欽此

謹將奉省陸軍小學堂辦事出力各員分別異常尋常勞績酌擬保獎繕具清單恭呈 御覽 計開 通判職銜何紹賢請以通判不論雙單月歸部選用 知縣用不論雙單月儘先選用府經歷朱述曾請免選本班以知縣分省補用 通判職銜馬國禮請以通判不論雙單月歸部選用 以上三員係異常出力 揀選知縣唐忠行請以知縣不論雙單月儘先選用 布政司理問職銜童輔國請以府經歷不論雙單月儘先選用 府經歷職銜附貢生楊壁請以府經歷不論雙單月儘先選用 縣丞職銜魏春元樂毓昌莊其人王彥寶吳長安徐兆光蕭維楨李恭杜春陽均請以縣丞不論雙單月儘先選用 府經歷職銜陳瑞銘請以府經歷不論雙單月儘先選用 步兵科副軍校蘇國棟鄭崇贊劉玉珂邱震均請升補步兵科正軍校 步兵科協軍校房廷棟請升補步兵科副軍校 以上十八員係尋常出力宣統二年九月十八日奉 硃批覽欽此

東三省總督錫良奏請以李澍恩試署吉林西南路道摺

奏為邊員試署吉林西南路道缺以資治理恭摺仰祈 聖鑒事竊准吏部咨宣統二年八月二十五日欽奉 諭旨吉林西南路道顏世清著照部議革職等因欽此所遺西南路道缺自應查照奏定東三省官制章程邊員試署查西南路道駐紮長春巡防吉林西南一帶兼管長春關稅及商埠交涉事宜員缺至為重要非精明幹練熟悉情形之員弗克勝任 臣等公同遴選查有調署吉林府知府本任賓州府知府李澍恩年富才優通達治體由候選通判投効吉林奏留補用保升同知前赴日本游學由宏文學院畢業回吉委署農安縣知縣奏補賓州府同知升補賓州府知府調署吉林府知府歷任繁要任事勇敢所至有聲籌辦各項新政條理秩然成績昭著以之升署西南路道缺堪期勝任相應仰懇 天恩俯准以該員李澍恩試署吉林西南路道俾資治理仍由 臣等隨時考察如果稱職再行奏請實授所有邊員請署道缺緣由除咨部外理合恭摺具陳伏乞 皇上聖鑒訓示謹 奏宣統二年九月十八日奉 硃批著照所請該部知道欽此

西曆一千九百十年十月二十五號 星期二

本局設立北京東長安牌樓王府井大街

宣統二年九月二十三日第壹仟柒拾伍號

電話內城總局第二百零一號

政治官報

目錄

●宮門鈔○ 諭旨一道○交 旨七道○事由單●摺奏類一○陸軍部奏擬將本部應歸各衙門掌管事件酌量劃分摺併單○湘撫奏酌裁湖南同通佐貳各缺摺○直督等會奏駐防高
 等小學開辦日期摺○又奏試用典史王勳勳戒煙未淨請革職永不叙用片○鄂督奏元年財政
 報告冊編造完竣摺○摺奏類二○鄂督奏前署襄陽令徐久緒虧款請暫行革職勒追摺○護桂
 撫奏請以邱學慎補懷集令摺○湘撫奏委署同通州縣各缺摺併單●廣告○本局發售現行刑
 律定本廣告二則

●宮門鈔●

九月二十二日 農工商部 郵傳部 正藍旗值日 吏部引 見二十九名 民

政部引 見二名 廣西巡撫張鳴岐請 訓並請假二十日 山東提學使陳榮

昌請 訓 朱侯致祭明陵回京謝 恩 葵公假滿請 安 倫貝子 鄒嘉

來各續假五日 桂公續假十日 溥善請假五日 農工商部遞封奏二件 張鳴岐

遞封奏一件 現換珍珠毛一套 吏部奏派驗看月官

派出吳郁生 郭曾忻 廷杰 王埈 恩順 張英麟 陳名侃 劉若曾 聯豫 陳應

禧 朱顯廷 崇芳 葉芾棠 石鏡潢 盛昆 張瑞蔭

召見軍機 澤公 張鳴岐 陳榮昌

●諭旨●

監國攝政王鈐章

九月二十二日內閣奉

上諭此次補行驗放陸軍游學畢業生考列優等之黃承恩著賞給陸軍工兵科舉人並授副軍校世銘著賞給陸軍步兵科舉人並授副軍校考列上等之彭琦著賞給陸軍砲兵科舉人並授協軍校該部知道欽此

軍機大臣署名奕劻 毓朗那桐徐世昌

●交旨●

九月二十二日

監國攝政王鈐章

軍機大臣欽奉

諭旨農工商部奏贖陳第三年第一屆農工商籌備事宜一摺著該衙門知道又會奏續訂直省勸業道職掌事宜一摺著依議欽此

軍機大臣署名奕劻 假 毓朗那桐徐世昌

監國攝政王鈐章

軍機大臣欽奉

諭旨本日引見之明保江蘇試用道吳璆著交軍機處存記欽此

軍機大臣署名奕劻 假 毓朗那桐徐世昌

監國攝政王鈐章

軍機大臣欽奉

諭旨本日引見之俸滿開缺候選道熱河承德府知府管廷獻著以道員發往直隸補用欽此

軍機大臣署名奕劻 假 毓朗那桐徐世昌

監國攝政王鈐章

軍機大臣欽奉

諭旨本日引見州縣事實列入最優等之在任候選道山東武定府知府李維誠著在任以道員儘先補用升列最優等之直隸棗強縣知縣李盛鑾著在任以直隸州知州儘先補用欽此

軍機大臣署名奕劻 假毓朗那桐徐世昌

監國攝政王鈐章

軍機大臣欽奉

諭旨本日引見之查辦起用已革道員用湖南候補知府徐槩著以知府用欽此

軍機大臣署名奕劻 假毓朗那桐徐世昌

監國攝政王鈐章

軍機大臣欽奉

諭旨本日引見之漢正二品廕生張德成著以通判用並加五品銜欽此

軍機大臣署名奕劻 假毓朗那桐徐世昌

監國攝政王鈐章

軍機大臣欽奉

諭旨本日補行引見孝廉方正考取二等之舉人蔡以時著以直隸州州同布政司經歷理問

籤掣照例用欽此

軍機大臣署名奕劻 假毓朗那桐徐世昌

九月二十二日內摺傳

旨事由單

●吏部奏酌擬請假逾限開缺人員銷假後收缺辦法事奉 旨依議○又片奏撤銷拔貢王成英等錄事

事奉 旨知道了●郵傳部奏陳明正太鐵路上年營業情形及收支大數事奉 旨知道了○又片奏

萍昭鐵路改名萍株刊給關防事奉 旨知道了●那彥圖等會奏酌擬八旗挑補兵缺章程事單一件奉

旨依議

九月二十二日外摺欽奉

硃批事由單

●劉廷琛奏親病未痊懇請給假摺 著賞假一箇月

摺奏類一

陸軍部奏擬將本部應歸各衙門掌管事件酌量劃分摺

併單

奏為擬將部應歸各衙門掌管事件分別酌量劃分以一事權而符名實繕單具陳仰祈

聖鑒事竊查部於宣統元年閏二月間具奏遵擬陸軍籌備事宜當經附片陳明應訂陸

軍新官制擬於宣統三年實行在尚未實行以前所有部接管前兵部太僕寺應辦各項事

宜自應分別酌核以類相從劃歸各衙門掌管其詳細辦法容等隨時籌擬具奏等語奏蒙

俞允欽遵在案等伏維陸軍行政事類殷繁部為軍政總源之區責任尤重即前兵

部太僕寺歸併事項亦關緊要均待核議施行現在近畿六鎮復奉旨歸部直接管轄

一切訓練規畫頭緒紛紜籌辦更難延緩必精神有所專注斯治理無叢脞之虞現查各司承

辦事務有與軍事毫無關係者雜出其間舊制相沿未議併改際茲擴張軍備部務日見繁多

若仍將此項事宜照常經理不惟兼綜並顧與部專司陸軍行政之旨不符抑亦非漸規統

一之道等公同商酌所有部現行事宜擬將無關軍事各條按類相從分別劃歸他部衙

門掌管以期事權專一而名實庶可相符謹繕具清單恭呈御覽伏候 飭交憲政編

查館核覆後即由部遵照辦理除續經查有應行劃分事宜另案奏明請 旨遵行外所

有擬將部應歸各衙門掌管事件分別酌量劃分緣由理合恭摺具陳伏乞 皇上聖鑒

訓示謹 奏宣統二年九月二十日奉 硃批該衙門知道單併發欽此

謹將部應行劃歸各衙門掌管事件敬繕清單恭呈 御覽 計開 一挑補鑾輿衛更

夫事宜 按此項更夫例載於各旗漢軍另戶閑散內挑補遇有隨 圍差使給與官馬乘

騎等語核與軍事無關擬劃歸鑾輿衛自行辦理 一鑾輿衛請領更香及黃布挖單等項事宜按此項更香黃布挖單遇有 圍差鑾輿衛將應用數目咨 臣部轉行禮部內務府給發亦與軍事無涉擬劃歸鑾輿衛自行分咨辦理 一 陵差鑾輿衛咨取校尉車馬及武備院應用夫役水缸事宜 按此項車馬除 臣部馬館應付至關廂外向據鑾輿衛咨取數目轉行直隸總督預備應付作正開銷核與軍事無關擬嗣後此項車馬應由鑾輿衛徑行直隸總督順天府一律雇備辦理 一 東陵 西陵咨取運送祭品夫票事宜 按此項夫役向由 臣部馬館雇用擬改由該承辦衙門咨行直隸總督順天府雇覓辦理 一內務府致祭泰山轉行山東巡撫事宜 按此項致祭香供現係內務府自備川資派員賫送並不行走驛站只由 臣部將所賫供物名色轉行山東巡撫查照擬嗣後改由內務府徑咨該撫辦理以免周折 一俄員回國請領勅合及每年寄遞恰克圖箱隻事宜 按此項勅合向由外務部咨取其箱隻由理藩部片送驛遞現該國西伯利亞鐵路暢通擬請由外務部照會該使館嗣後均由西伯利亞鐵路行走寄遞以蘇台因 一欽天監頒發東三省時憲書事宜 按此項事件向係送交 臣部由驛簽發現該省鐵路暢通應由該監督徑送該省文報局辦理 一轉送蒙文事宜 按奉天屬烏蘭察普及綏遠城屬伊克昭二盟呈遞理藩部蒙文向係由 臣部轉送擬即咨明各將軍等徑送理藩部辦理 一馬田租稻事宜 按安徽額設馬田每年征收租稻除籽種錢糧修理農具外專供各驛夫役口糧向由 臣部會同吏部核辦第他省驛站夫馬支用米麥料豆均歸度支部辦理此項馬田報銷事屬田賦擬劃歸度支部核辦以昭劃一 一各省墾務報銷事宜 按此項銷款雖有運送車價皆非軍需之款擬即劃歸度

支部核辦 一

東陵

西陵大差車夫脚價報銷事宜

按此項銷款屬於

皇室事項與軍事無涉擬即劃歸度支部核辦 一廣東海防案內魚雷水雷局夫馬報銷事宜 按雷艇各項已劃歸籌辦海軍處核辦該局夫馬一款亦應劃歸辦理 一廣東海防案內電報局一切經費報銷事宜 按此項銷款雖有運輸脚價皆係該局轉運各項之款現既立有專部擬即劃歸郵傳部核辦 一各省電報費信資號費各款報銷事宜 按此項銷款事隸交通除軍用電報仍由_臣部核銷外餘應劃歸郵傳部核辦 一各省滙費報銷事宜 按此項銷款除滙兌軍用銀兩仍由_臣部核銷外餘應劃歸度支部核辦 一各省銷案內遣報官員出差川資事宜 按此款分隸_臣部暨度支部核銷未能一律且官員出差應給盤費及兵丁川資均向歸度支部核辦擬將此款亦劃歸度支部以昭劃一 一恭遇 皇上巡幸調用差馬差竣解回原牧事宜 按此項差馬中樞政考內載恭遇 聖駕巡幸由兵部統計隨圍官兵需用馬匹如數調取差竣回收核與軍事無關擬嗣後恭遇 巡幸由隨圍官兵各該衙門徑行咨行內務府分別調取 一奏派監收監放馬匹大臣並副都統稽察交馬事宜 按此條中樞政考內載遇有 圍差調馬由兵部奏請 欽派大員監收監放又八旗官兵出差於交馬時由該旗副都統一員親往稽察等語均核與軍事無涉調馬一項既擬劃歸內務府此條自應一併劃歸辦理 一承辦隨 圍官兵領交馬駝並奏補不敷馬匹事宜 按此項馬駝中樞政考內載遇有 圍差各處隨 圍官兵應領馬匹咨由兵部由各旗營在拴養馬匹內分別調取交領應用又武備院等處應需駝隻均於一月以前將應領駝隻數目咨由兵部核計在於直隸餵養駝隻並存駝價銀內購買調撥領用差竣

交還直隸收駝官領回又隨 圍馬匹不敷兵部臨期的量或奏派大臣購買或將商都達布遜諾爾達里崗巖牧廠調撥之處奏明請 旨等語均核與軍事無關擬請劃歸內務府辦理 一承辦 圍差馬駝賠補定限及馬匹疲瘦變價事宜 按此項馬駝中樞政考內載如有倒失分別責令原領馬駝官兵依限賠補又扈從官兵乘騎察哈爾馬匹如有疲瘦由監收大臣點驗後奏明變價解交內務府廣儲司備用等語調取馬駝既擬劃歸內務府此條自應一併劃歸辦理 一武備院等處駝馬倒斃分數事宜 按此項駝馬倒斃中樞政考內載武備院及茶膳房隨 圍所用駝馬倒斃不及一成者免其賠補一成以外者著落司幄等賠交十分之七等語核與軍事無關應即劃歸內務府併入調用馬駝案內辦理 一恭遇陵差調用馬駝並馬匹折價各項事宜 按此項經 臣部於宣統元年二月初六日附片奏准各部院隨 扈官兵應需馬匹按照例定數目概行改折銀兩由度支部發給擬嗣後劃歸內務府轉行度支部給領 以上各條係應行劃歸內務府事件查察哈爾左右兩翼牧羣馬匹經 臣部於宣統元年二月初六日附片奏准專備軍用復於本年五月二十二日奏准改設北軍馬分監預備供給近畿東三省各處十九鎮軍馬供給之所各等因將來如遇以上各項及其他非關軍事調用馬匹應請統由察哈爾都統所轄之商都達布遜諾爾馬羣撥用其兩翼牧羣馬匹一律免調備差以符奏案合併聲明 一承辦察哈爾牧場所屬喇嘛更換家譜度牒割付事宜 按此條喇嘛更換家譜等件向由察哈爾都統咨行 臣部轉行理藩部辦給擬嗣後徑由察哈爾都統或左右兩翼牧羣統轄總管行文理藩部辦理 宣統二年九月二十日奉 硃批覽欽此

湖南巡撫楊文鼎奏酌裁湖南同通佐貳各缺摺

奏爲酌裁湖南同通佐貳各缺恭摺仰祈 聖鑒事竊查前准總司核定官制考察政治館王大臣咨 奏定續訂直省官制清單內開從前各省直隸州直隸廳及各州縣所設佐貳雜職應卽一律裁撤酌量改用咨行查照等因經前撫 臣岑春煇於光緒三十四年酌裁茶陵州州判等六缺 奏奉 諭旨允准在案茲查常德府同知長沙府通判衡州府通判布理問按照磨長沙縣縣丞善化縣縣丞七缺均與本管長官同城位屬閒曹缺亦清苦既無緊要公事相視實若贅疣又寶慶府長安營同知寶慶府桃花坪通判桂陽州州同三缺名雖佐理分防實則無所職掌在昔固稱繁要近今已等閑官又鳳凰廳得勝營知事晃州廳涼傘巡檢茶陵州視度巡檢武岡州石門巡檢湘陰縣大荆巡檢瀏陽縣永安巡檢攸縣鳳嶺巡檢甯遠縣九嶷巡檢宜章縣赤石巡檢桂陽縣益將巡檢臨湘縣桃林巡檢沅陵縣馬底巡檢會同縣堡子巡檢十三缺所駐之地均距各廳州縣城六七十里地方僻陋並非不可少之員况職小位卑缺瘠事簡狡黠之輩既慮紛擾安靜之吏又難自存其地均與各印官相距非遙亦非鞭長莫及有事既能兼顧似無須多此冗員以上二十三缺考察情形均今昔繁簡互異應請分別裁撤以符定章而歸核實至裁缺各官內如有升階者卽令請咨赴引未捐升階者照例歸裁缺卽用班補用懸缺未補者卽行停補其裁缺之布理問湖南現無別缺可補應請以州同及正八品之府經歷縣丞借補又直隸州州同亦止一缺應請以州同及從七品之直隸州州判借補按照磨亦無別缺可補應請以縣主簿及從九品借補候補試用人員亦卽照此辦理惟現任之桂陽直隸州州同旂煒係由大挑知縣借補現任按察司照磨卜雲吉係由試

用府經歷借補茲既裁缺應請將該員等各歸本班以裁缺即用班補用俟接准部覆後分別辦理據湖南布政使趙濱彥提學使吳慶坻提法使周儒臣會詳請 奏前來 臣覆核無異除咨部查照外所有酌裁湖南同通佐貳各缺緣由理合會同湖廣總督 臣瑞澂恭摺具陳伏乞 皇上聖鑒訓示謹 奏宣統二年九月十九日奉 硃批吏部知道欽此

直隸總督陳夔龍山海關副都統儒林會奏駐防高等小學開辦日期摺

奏爲駐防高等小學開辦日期並辦理情形恭摺會陳仰祈 聖鑒事竊 臣儒林前因籌設駐防高等小學堂一處以爲山海關等五處駐防初等小學提陞之地一切章程查照臨榆縣高等小學辦理歲需銀約在一千六七百兩經前直隸督 臣端方飭由提學使司自宣統元年起歲撥京平銀一千兩以資協助其餘不敷之款爲數尙鉅曾經 臣儒林專摺 奏請山海關駐防禁煙察驗所一年事竣按月支領經費銀一百兩自宣統二年正月起仍由山海關道衙門照舊支領移作學堂的款並聲明俟由提學使司解到款項再將如何撙節款項酌籌辦法報部立案等因由部議覆奏蒙 俞允在案 臣夔龍到任後即飭提學使司將所撥宣統二年學款一千兩滙解到關並由提學使傅增湘委派省視學陳恩榮來關相度地勢規畫應行建築各堂舍暨商訂辦法因限於款項所有一切費用無不力求節省俟將來籌有餘款再當擴充故於校內現擬暫不修葺禮堂學生寄宿皆於初等辦事所內遷就居住至堂內各員司薪金僅教習二員係邀自外來查照定章每員每月按關市平銀支給薪金飯費雜費各二十六兩其餘提調二員卽以初等提調兼充並不再加津貼管理堂堂長各一員均以初等管理兼充按月每員僅加飯銀四兩惟堂長一員擔任漢文教授另加津貼銀八兩司事兼書記二名

每名每月各給薪金四兩飯銀各二兩堂役五名每名每月各給工食銀三兩以上員司夫役皆係本衙門派委均照二兩平銀支給以期節省覈計常年開支各項薪金工食暨一切茶水爐添換圖書校具等項樽節動支共需銀一千七百餘兩再加活支獎賞歲修裱糊等項約用銀二百六七十兩覈其常年所入的款京平銀二千二百兩之數有盈無絀第以本年開辦伊始所有建蓋堂舍置買圖書校具操衣操帽操靴等項用款較重除上年與本年應入的款外其不敷之數約在一千兩上下擬暫由儒林衙門各項公款內通融挪墊一俟歷年學款樽節盈餘卽行陸續歸還此項虧款已無庸另籌抵補等往返函商意見相同遂於本年二月興修校舍共二十二間現已落成招集學生不分滿漢共一百名分作兩班授課教習二員均係直隸師範學堂畢業由提學使司割派到關卽於七月二十三日開辦名爲駐防高等小學仍照前設之駐防初等小學堂一律歸臨榆縣監督該堂一切課程並按季考試均由該監督提調督同教員堂長等認真經理並隨時就近由儒林派員監察務期教育得法規模完善以期仰副朝廷作養人材之至意除將建築開辦以及常年應支各款先行造册咨部立案一俟年終再將動用過一切細數造册報部覈銷所有開辦駐防高等小學日期暨辦理情形謹會同合詞恭摺具陳伏乞 皇上聖鑒再此摺係儒林主稿合併聲明爲此謹 奏宣統二年九月十九日奉 硃批該部知道欽此

●又奏試用典史王勵勳戒煙未淨請革職永不叙用片 再據直隸禁煙總局司道詳稱試用典史王勵勳經保定分局復調查驗藉病請假迨赴局投到夾帶藥末當卽搜出查明此藥確爲戒煙之物見其形容憔悴顯係戒後復吸未便稍事姑容等情詳請 奏參前來 查調

驗人員到所不得携帶各種戒煙藥品倘不遵守一經察出應即照章叅辦今試用典史王勵勳經局調驗潛帶藥物實屬有違禁令相應請旨將該員即行革職永不叙用以示懲儆除分咨查照外謹附片陳明伏乞聖鑒訓示謹奏宣統二年九月二十日奉 硃批著照所請該衙門知道欽此

湖廣總督瑞澂奏元年財政報告册編造完竣摺

聖鑒事竊照前准度支部奏定

奏爲湖北省宣統元年財政報告册編造完竣恭摺仰祈 聖鑒事竊照前准度支部奏定章程條款內載各省出入款項截至光緒三十三年年底止概作舊案自光緒三十四年至宣統元年年底止作爲現行案各項收支存儲確數按款調查編造詳細報告册並盈虧比較表呈由督撫陸續咨送到部等因鄂省遵設清理財政局派委各司道會同監理財政官督率科員分別調查先將內結外銷各款據實呈報並造齋光緒三十四年出入報告各册連同盈虧比較表一併呈由調任督臣陳夔龍暨護理督臣楊文鼎先後奏咨在案茲據該局司道詳稱宣統元年出入各款迭經咨行省內外各署局接續造册送局復經督同各科委員仍照上年辦法無論何年之款均以本年實收實支爲主無論何項外銷均以逐項列收列支爲斷分門別類且審且編並將光緒三十四年列爲比較綜計歲入十四款共一千七百十八萬有奇歲出十三款共二千七萬有奇現已一律由局編竣分爲二函共計宣統元年歲入册十本歲出册十二本又教育費細册二本詳請奏咨等情前來前護督臣王乃徵未及核辦移交到臣覆核無異除各册咨送度支部查核外所有辦理宣統元年出入報告總册情形理合恭摺具陳伏祈 皇上聖鑒謹奏宣統二年九月二十日奉 硃批度支部知道欽此

摺奏類二

湖廣總督瑞澂奏前署襄陽令徐久緒虧款請暫行革職勒追摺

奏為知縣虧欠公款已逾二參延不清解請 旨暫行革職勒限嚴追恭摺仰祈 聖鑒事竊照交代例

有定限不容稍有延欠查有前署襄陽縣知縣徐久緒虧短正雜各款共銀一萬七千六百六十九兩六錢二

分五釐屢經嚴催迄今已逾二參例限仍未清解並據襄陽縣知縣吳本義查明真經該管府揭由兼署湖北

布政使本任提學使高凌霨詳請參追前來 臣覆核無異自應據詳 奏明參追以重公款相應請 旨將

前署襄陽縣知縣徐久緒暫行革職勒限兩個月照數完繳倘若逾限不完或完不足數再行從嚴參追除咨

吏部度支部外理合恭摺具陳伏乞 皇上聖鑒謹 奏宣統二年九月初九日奉 硃批著照所請該

部知道欽此

護理廣西巡撫魏景桐奏請以邱學慎補懷集令摺

奏為請補知縣恭摺仰祈 聖鑒事竊照懷集縣知縣廖廷銓捐升知府遺缺接准部咨歸宣統二年三月

分出缺應以改選班人員擬選現在並無改選班知縣無從選用應按升調撤迴輪次改歸外補伏查酌改外

補知縣新章內開輪補班次中酌用一人無論本班先本班及科分名次到省先後到班時一體統酌又升調

撤迴知縣輪次表載第一缺遇缺先第二缺即用進士註云截取進士亦改照即用第三缺遇缺先第四缺候

補註云委用人員歸併本班軍功亦同各等語茲查廣西升調撤迴選缺知縣一項現出之懷集縣知縣係奉

新章後第一次出缺按班應用遇缺先查遇缺先無人即用知縣潘紹周久不在省張雲翼回籍省親馮志超

丁憂湯之楷由籍省親回省在出缺後新案分發即用班補用之倪隆德等甫經報到均不應補此外無人截

取進士亦無人應即過班用候補人員請補 臣與司道逐加遴選查有歸併候補班委用知縣邱學慎現年三

十九歲貴州畢節縣人由廩生考取光緒二十九年癸卯科優貢甲辰科恭應 朝考 欽定一等第十

一名六月二十四日由禮部帶領引 見奉 旨以知縣歸部選用欽此三十一年六月十七日蒙

欽派大臣揀選二十三日由吏部帶領引 見奉 旨著以知縣發往廣西差遣委用欽此

領照起程十一月初三日到省歷委署理恭城縣知縣龍勝理苗通判調署永甯州知州宣統二年三月十五日到任查該員精力強實明幹有為以之請補懷集縣知縣員缺實屬人地相宜與例亦符經臣與藩司本任會同提學使李翰芬提法使王芝祥巡警道王秉必具詳前來相應仰懇 天恩俯准以歸併候補班委用知縣邱學慎補授懷集縣知縣如蒙 俞允該員邱學慎係由委用知縣歸併候補班今請補知縣銜缺相當毋庸送部引 見亦毋庸核計叅罰惟係初任候補仍照例試署一年期滿如果稱職另請實授合併陳明謹會同署兩廣總督臣袁樹勛恭摺具 奏伏乞 皇上聖鑒敕部核覆施行謹 奏宣統二年九月初十日奉 硃批吏部議奏欽此

湖南巡撫楊文鼎奏委署同通州縣各缺摺併單
奏為委署同通州縣各員缺恭摺仰祈 聖鑒事竊查定例各省同通等官及試用州縣委署員缺應按季具題嗣奉新章改題為奏歷經遵照辦理在案茲據湖南布政使趙瀆彥將宣統二年夏季分委署員缺詳請

奏咨前來除咨部查照外理合繕具清單恭呈 御覽謹會同湖廣總督臣瑞澂恭摺具 奏伏乞 皇上聖鑒謹 奏宣統二年九月十九日奉 硃批吏部知道單併發欽此

謹將宣統二年夏季分委署同通州縣各員缺繕具清單恭呈 御覽 計開 一酌委各缺 委署桂陽直隸州知州胡鑑瑩過班遺缺委署長沙株洲同知准補靖州直隸州知州李見荃署理 長沙株洲同知遺缺委衡州府通判陳祖貽署理 衡州府通判遺缺委試用通判孫兆基署理 益陽縣知縣恭正因病請假

遺缺委准補辰谿縣知縣王紹鈞署理 辰谿縣知縣缺委試用知縣董勗署理 署未賜縣知縣邢驥飭赴永順縣知縣任遺缺委部選甯鄉縣知縣畢東藩署理 甯鄉縣知縣缺委准補永定縣知縣張致安署理 署

湘鄉縣知縣補用直隸州知州陳繼良年滿遺缺委候補知縣申錫綬署理 黔陽縣知縣蔣燮琦病故遺缺委試用知縣周濬署理 署通道縣知縣李典三因病請假遺缺委准補城步縣知縣趙協莘署理 署新田

縣知縣譚叙知縣秦匯生年滿遺缺委試用知縣鄧振鋒署理 署會同縣知縣大挑知縣蔣亮顯撤省遺缺委試用知縣俞壽璋署理宣統二年九月十九日奉 硃批覽欽此

縣知縣譚叙知縣秦匯生年滿遺缺委試用知縣鄧振鋒署理 署會同縣知縣大挑知縣蔣亮顯撤省遺缺委試用知縣俞壽璋署理宣統二年九月十九日奉 硃批覽欽此

宣統二年九月十九日奉 硃批覽欽此

西曆一千九百十年十月二十六號 星期三

本局設立北京東長安牌樓王府井大街

宣統二年九月二十四日第壹仟柒拾陸號

電話內城總局第二百零一號

政治官報

目錄

●官門鈔○交 旨一道○驗放單○事由單●電報類○資政院接收各省來電二則●摺奏類一○農工商部奏蘇省設立農務總會請予立案摺○度支部奏遵議江督等電奏皖北災情甚重請截留京餉摺○湘撫奏保薦孝廉方正摺○鄂督奏遵議御史趙炳麟等奏請定行政經費摺●摺奏類二○理藩部奏扎薩克台吉報捐銀兩照章獎給翎枝摺○江撫奏請將內閣侍讀張國淦以道員留江補用片○川督奏請以袁大棧等補夾江令等缺摺○浙撫代奏學司袁嘉穀請假回籍省親摺○又奏委郭則澐等署提學使各缺片●廣告○本局發售現行刑律定本廣告二則

政治官報 目錄

九月二十四日第一千七十六號

一

宮門鈔

九月二十三日 理藩部 廂藍旗值日 安徽布政使連甲請 訓 烏拉喜春前

往口外 賜奠請 訓 桂公因姪以文職用謝 恩 郭曾忻因子署提學使

謝 恩 吉陞假滿請 安 張翼遞封奏一件

召見軍機 連甲

交旨

九月二十二日

監國攝政王鈐章

軍機大臣欽奉

諭旨張鳴岐奏請設責任內閣以尊皇極而鞏政權一摺著憲政編查館知道又奏桂省礦利

可與擬請借用外款一片著度支部議奏又奏請調人員赴桂差委一片著照所請該部知

道欽此

軍機大臣署名奕劻 毓朗那桐徐世昌

九月二十日經內閣奏

派王大臣驗放揀選一等截取揀選舉人薛勉發復陳眉翰劉明驥郝喬年閻光祖宋汾年那

啟詢均堪以知縣用揀選二等截取揀選舉人何燿榮張自新劉佩毓劉禮伍毓焜潘行

道夏敬恂熊符夢張昂談海周瑞祺蘇兆元魏景儔楊士衡陳洛書劉于宣傅崇光吳慶

祺均堪以直隸州州同鹽庫各大使掣用保送撫民同知都察院滿經歷玉振堪以交部

記名以撫民同知用分發江蘇試用布庫大使賀增齡堪以照例發往二十一日覆奏奉旨依議欽此

九月二十三日內摺傳 旨事由單

●度支部奏議覆兩江總督奏滬市空虛由各業商貨產押借洋款事奉 旨依議○又奏議覆守護大臣奏永濟庫常年款項入不敷出擬請變通辦法議駁事奉 旨依議●禮部奏 孝欽顯皇后二周年致祭請 遣王恭代行禮事奉 旨派出禮親王世鐸○又奏已故副都統多文請 賜卹事奉 旨依議●吏

部民政部各述 旨均奉 旨是●理藩部會奏核覆熱河蒙犯陳全保聚衆中途打奪擬絞事奉 旨依議○又會奏核覆車

臣汗盟長報蒙犯溫布等偷竊銀兩擬遣事奉 旨依議○又奏八月分銀庫月摺奉 旨知道了

九月二十三日外摺欽奉 硃批事由單

●彬格奏織辦丙午丁未戊申三年運務緞疋等項報銷摺 該衙門知道○又奏辦解各項活計報銷摺 該衙門知道

電報類

資政院接收各省來電

●九月二十一日收福建諮議局電 資政院鑒豫算不列歲入兩電未得覆督劄轉度支部咸電釐訂國家稅地方稅係明年應辦事今年先事調查無從劃分該局不得藉口本局迭次呈督並電貴院所求在地方歲入歲入無款即議定歲出何從開支所議終歸無效釐訂地方稅與劃定地方歲入本屬兩事地方稅未訂以前將以何款供地方之用斷無不能暫劃之理

一省之事悉關財政歲入不提豫算不能成立將無一政之可舉斷無地方無政而國能自存者况局章明定議決歲出入豫算事件有出無入法律何在本局至不得已惟有停議以待解釋現會期已半乞貴院即日咨部力爭迅電閩督照章提出地方歲入豫算以便會議迫切待命福建諮議局呈號

●九月二十一日收廣東諮議局電 資政院鈞鑒文電銑電計達憲鑒現奉粵督劄知本局議決請旨定期禁賭案准電軍機處代奏請旨辦理抑交憲院議決並飭照常開議等由遵卽照常開議靜候辦理惟舍以賭承餉爲環球立憲國所無卽我國亦廣東所獨有以區區數百萬賭餉失政體貽笑外人竊爲朝廷痛之粵民負痛忍辱望禁止如望歲徒以疆臣藉口籌抵遷延至今現抵款有著若再觀望恐國民誤以朝廷爲不卹粵難人心一去大局攸關且此項賭餉於國家稅地方稅究將何所附麗將來如奉 旨交由憲院議決懇請大力主持上願國體下保民生迅予決議請 旨宣布將廣東各項賭博一律限期禁絕不勝迫切待命之至粵議局叩皓

摺奏類一

農工商部奏江蘇省城設立農務總會請予立案摺

奏爲江蘇蘇州府省城遵章設立農務總會請予立案並發給關防恭摺仰祈 聖鑒事竊 臣部於光緒三十三年九月間具奏酌擬農會簡明章程一摺奉 旨依議欽此通行欽遵在案本年八月間接准江蘇巡撫咨稱據蘇州農務總會紳董呈稱遵照部章公舉河南候補知縣陶惟坻爲總理分部郎中吳本齊爲協理擬定章程辦法公懇詳咨核辦據蘇屬農工

商務局轉詳咨部等因並附該會簡章會員姓名清冊到部_臣等伏查江蘇地方毗連魯豫皖浙各省土壤饒沃古稱上腴其出產物品向以絲茶米稻爲大宗比以農智未開種植尙少新法偶逢水旱動致歉荒亟應設立農務總會利導整齊藉爲振興農業之基礎該紳董等遵照部章請設農會洵能力圖本計所舉總理陶惟砥協理吳本齊二員核與_臣部奏定章程尙屬相符應請准予立案由_臣部札派以資經理再查農會章程各省設立農務總會均應頒給關防直隸奉天安徽河南山東山西福建四川甘肅等省設立農務總會業由_臣部先後奏明發給關防各在案江蘇事同一律應請援案辦理所有江蘇蘇州府省城遵章設立農務總會請予立案並發給關防緣由謹恭摺具陳伏乞 皇上聖鑒謹 奏宣統二年九月十二日奉

旨依議欽此

度支部奏遵議江督等電奏皖北災情甚重請截留京餉銀兩摺

奏爲遵 旨議奏恭摺仰祈 聖鑒事九月初八日內閣奉 上諭前因皖北災情甚

重當經電飭張人駿朱家寶查明現在情形妥擬辦法詳細電奏茲據電陳皖北匪平後善後方法及現辦賑撫並籌款情形等語皖省地方漸就安靖惟連年災歉仍須嚴密設防所擬分布各營辦法尙屬妥協卽著該督等嚴飭各營認真防範毋稍疏懈至所稱各屬災區過廣爲日方長民生困苦已極殊堪惻憫著再賞給帑銀二萬兩由度支部撥給交該督撫分飭印委各員妥實散放以資拯救所請截留京餉十萬兩之處著度支部議奏餘著照所請欽此欽遵並由軍機處將前件電奏抄交到部原奏內稱冬春兩賑爲日方長司庫支絀異常勸捐勢成弩末查光緒二十三年鳳潁泗各屬水災二十七年沿江各屬水災先後經前巡撫鄧華熙王

之春奏請動撥漕折銀十萬兩辦理賑撫均邀 俞允今民生困苦災情迫切度支奇窘十倍曩時目擊心驚不得不爲民請命查皖屬漕銀早經抵撥洋款無可截留前蒙 恩賞給帑銀四萬兩 深仁厚澤感戴同欽惟此次災情過重災區過廣屈計經冬歷春非十萬金不克活此子遺擬再仰懇 天恩續發帑金並准截留應解京餉銀十萬兩等語 臣等伏查皖省兵荒以後元氣彫傷辦理善後自應亟籌賑撫本年二月間奉 旨賞給帑銀三萬兩七月間又奉 旨賞給帑銀四萬兩先後均由 臣部撥給在案茲稱災情過重屈計經冬歷春非十萬金不辦深念薦饑情形似非過情呼籲現蒙 恩再賞帑銀二萬兩當即由 臣部飛電撥給截留京餉一節近日庫款支絀本難輕議截留仰惟 朝廷眷念災區有加無已該省辦理賑撫亦實虞竭蹶自應稍示權宜以資接濟查該督等電奏稱經冬歷春需銀十萬現蒙 恩賞帑銀二萬兩擬請准其截留京餉八萬兩以符原請十萬之數如蒙 俞允即由 臣部咨行該督等遵照辦理所有 臣部遵議緣由謹恭摺具陳伏乞 皇上聖鑒謹 奏宣統二年九月十三日奉 旨依議欽此

湖南巡撫楊文鼎奏保薦孝廉方正摺

奏爲舉薦湘省孝廉方正恭摺仰祈 聖鑒事竊查接管卷內准禮部咨恭照 皇上登極 恩詔條款內開各直省每府州縣各舉孝廉方正暫賜以六品頂戴榮身以備 召用務期採訪真確毋得濫舉又准吏部咨各省保舉孝廉方正舊例八年限期 奏明酌減爲四年應於宣統二三四三年中每年八月舉行考試一次各等因均經前撫 臣岑春萱轉飭遵辦去後茲據湖南布政使趙瀆彥提學使吳慶坻按察使周儒臣將各屬保舉各員生遵例覆

核造冊詳送考驗前來經臣覆加考驗得郴州遇缺選用訓導歐陽壽永綏廳考職典史優附生李德壽未陽縣優附生陳壽顯益陽縣優附生夏書醴陵縣優廩生易隆馨桂陽縣增生朱傳聞東安縣選用訓導優廩貢生謝維翰常甯縣優貢生鄧鏡醴陵縣優貢生文俊猷興甯縣附生胡薰南清泉縣童生甯湘英澁浦縣貢生向寶翰衡陽縣附生李毓嵩沅陵縣同職銜優貢生張克楨益陽縣優貢生熊國梁等十五名均屬品端學粹才識並優堪膺保薦以備召用又宜章縣優廩生陳維藩郴州附生羅方壇衡陽縣附生劉代灝善化縣附生周壽鴻桂東縣優附生鍾愷元東安縣增生黃剛中嘉禾縣優附生李鎮湘常甯縣通判職銜王起愷清泉縣優附生廖懋楨未陽縣優附生何登梯藍山縣增生鄧耀南常甯縣優廩生詹炳光未陽縣優附貢生梁輝亥興甯縣優增生袁紹筠郴州附生張庚明安化縣優貢生阮斌士永興縣附生何居怡安仁縣州判唐名珪桂陽縣增生范世幹清泉縣附生羅欵森安仁縣優廩生李沐未陽縣優附生李嘉猷沅陵縣試用訓導蔡霖煒麻陽縣優廩生陳肇域清泉縣優附生陳常附生李梅安化縣優貢生周晋琛安仁縣優貢生龍子癸嘉禾縣優貢生李慶明未陽縣優附生李明遠永綏廳恩貢生宋澤森安化縣優貢生夏德澀澁浦縣貢生舒立淇常甯縣優貢生吳越秀等三十四名暨年老免考之湘陰縣歲貢生彭勳附貢生蔡培劫甯鄉縣監生彭訓世等三名均屬持躬端謹衆望交孚應照例給予六品頂戴榮身以爲里閭矜式其餘清泉縣廩貢生李嗣庚衡山縣同職銜劉衡祝未陽縣優貢生陳宜鳳常甯縣優貢生郭壽祺衡陽縣監生高尚志桂陽縣附貢生葉楨清泉縣附生王者貴常甯縣優貢生歐陽葵清泉縣廩貢生劉汝霖優附生羅兆屏衡陽縣附生劉炎城安化縣附生熊焱衡陽縣附生劉承元劉煥

堯漱浦縣貢生譚伯瑞衡陽縣附生劉榮炳清泉縣監生黃鶴雲試用訓導現署安化縣訓導段炳珪監生廖榮衡山縣指分湖南試用巡檢譚庭玉藍山縣附生陳鎮元善化縣藍翎五品頂戴指分湖北試用從九品朱昂臧桂陽州附貢生魏光庭常甯縣廩貢牛譚駿等二十四名亦均樸實不苟克踐躬行由臣分別給予匾額以示獎勵除將齋到各事實冊結分送吏禮二部查核並將堪備 召用各員依限給咨赴部驗看考試外謹會同湖廣總督臣瑞澂恭摺具 奏伏乞 皇上聖鑒敕部議覆施行再此外尙有未經考試各生及舉報冊結未到現在分別行催容俟歸入續案辦理合併陳明謹 奏宣統二年九月十九日奉 硃批該部議奏欽此

湖廣總督瑞澂奏遵 旨併議御史趙炳麟等奏請定行政經費摺

奏爲遵 旨併案詳議行政經費並分別緩急各項擬陳辦法以紓國用而定政本恭摺具

奏仰祈

聖鑒事竊

臣先後接准內閣咨開宣統二年四月十九日軍機大臣欽奉

諭旨御史趙炳麟奏請飭議確定行政經費一摺著在京各衙門各省督撫將九年籌備單內所開各條某年某事需款若干從何籌定分年列表詳議具奏等因欽此又六月初二日軍機大臣欽奉 諭旨湖北布政使王乃徵奏籌備憲政酌分緩急一摺著歸併御史趙炳麟條陳一併詳覆具奏等因欽此臣循繹該御史該布政使原摺類皆灼見財用困乏之源深虞辦事敷衍之弊瞻言百里臣亦抱爲隱憂况際此試辦預算決算之年所有度支匱絀情形既已畢露無遺更無所用爲深諱惟是臣愚以爲籌備憲政逐年經費何一非國民義務之增加卽全賴上下精神之貫注今日言補救者多謂款絀事繁必須量入爲出不知國家有就事籌款

之計畫決無待款辦事之迂謀要之以生財之道理財雖持急進之主義或可收其成效尙不致於病民以守財之道理財則泥緩進之空言既無補於患貧必終趨於誤國臣自奉 詔旨即將九年籌備各事宜分飭主管官署按照原奏所開各項分年分款詳加籌擬茲據各司道等造具預算各表陸續詳覆前來除光緒三十四年爲籌備之第一年宣統元年爲籌備之第二年所有籌備各項經費業經作爲決算外其餘巡警經費由宣統二年起至八年止計省城警務公所高等巡警學堂游民習藝所武漢巡警暨拘留所教練所消防隊共需銀二百六十三萬餘兩各廳州縣巡警共需銀二千九百六十三萬餘兩學務經費自宣統三年起至八年止全省共需銀二千三十九萬餘兩司法經費自宣統二年起至八年止經常費六百八十七萬餘兩臨時費二百四十一萬餘兩自治經費自宣統三年起至八年止計籌辦處局用全屬自治公所研究所及籌辦公益事項共需銀一千一百七十一萬餘兩以上各項預算無非循照清單加以推測或已有的款或尙待寬籌然收支兩抵約計不及十之三四此雖就湖北一省而言推諸全國大都一致若以今日不能生利但能分利之政策行之無改則束手坐困勢必至舉逐年籌備要政徒襲空名絕無實效故分別緩急誠爲今日之急務茲就趙炳麟原奏所稱需款較繁各項權其緩急擬爲變通謹貢管見請爲我 皇上縷晰陳之夫地方所恃以輔助行政者無如巡警此雖非立憲時代猶將銳意經營今則宣號施令弭亂保安調查統計無一不資爲助故自省會推及鄉鎮巡警未能完備則一切行政皆將失其效力是宜視爲要圖通盤規畫不可稍緩者也如教育則與國民尤有直接之關繫世界公例斷無不識字之人民而能具國家思想者故兩等小學無論如何總以普及爲目的而養成教育人才先宜

注重師範其餘高等專門實業各學校儘可合數省之力擇適宜之地公立一所以臻完全而節糜費至於審判一項議者多謂司法與行政分而爲二必生無窮之窒礙不知官制未改州縣以一身而兼萬能遂以一官而叢衆過審判獨立名則與州縣分權實則爲州縣分責且釐定官制已有明文考試法官行將派用自應盡清權限循序進行不宜墨守故常致生阻撓至地方自治實藉民力以輔官治雖經始之初籌辦處研究所各項經費皆係公家撥濟各州縣對於調查選舉各事亦多挪借別項公款挹注究之自治經費部章已定目下各屬城議事會董事會陸續成立清查公款公產稟辦附捐特捐自治團體可自爲謀董勸整齊官紳共負其責此則不必代爲限制者也此外如調查戶口分屬於巡警自治試辦預算決算附屬於清理財政需款本不其繁籌備無須預計綜核以上各項既爲分年所籌備實無可緩之理由然則現今必不得已之計惟有稍緩擴張海陸軍耳查王乃徵原奏內稱裁減海陸軍費夫海軍之關繫極重籌備須有次第臣去歲在江蘇巡撫任內業經具摺奏陳仰荷 聖明俯察其愚

飭下議奏至陸軍就鄂省而言原設之混成一協方以餉項無著擬歸湘省若再續成一鎮誠恐益形竭蹶臣非敢謂擴張軍備之與國無裨也不過揆諸我國今日情勢實則力有未逮語云足兵必先足食教民而後卽戎是軍備與各項憲政緩急之分有斷然矣伏查鄂省歲入除抵付賠款外耗於軍餉協餉者十之五六而地方行政經費不及其半是故言財政則有捉襟見肘之虞言羣治則有削足適履之歎循此不變必致民窮日甚軍備終亦無由擴張而所謂九年籌備恐塗飾耳目爲天下所詬病以臣之愚竊謂欲籌政費非紓國用不可欲紓國用非定政章不可何以紓國用惟借資與興業兼營並進乃可收生衆用舒之功何以定政章

惟內閣與國會相輔而行乃能有監督執行之實蓋行政經費不外國家地方兩項之支額然必悉出於國中以我國現勢衡之欲求國家稅地方稅之與各項行政預算收支適合此必不可得之數也一有不足自不能不取之於民民力困乏亦已久矣勢又不能先迫以飢寒乃徐謀其溫飽故即今爲計惟有貸款興業以養成國民生利之能力而已誠如是則地無棄利人無曠工國民實力日益充足即令擔負增加無虞操切非一人之私言稍知時局者類能言之且驗諸事實行之三年當小效行之十年當大效所謂紓國用者此也然果行借資興業之政策使在上者無執行之樞紐在下者無監督之機關京外各不相謀彼此自爲風氣今日立一部則必有一部組織之要需明日設一處則必有一處經營之費用以有限之財政供多方之取求勢必至緩其所急急其所緩即借資興業能有小效亦恐歸於無補况借資而不興業則生機愈蹙國脉愈危是宜急設責任內閣以主持之庶幾經緯萬端獲有統一部互相研究乃知量力而行之宜疆得所維持可免因噎廢食之誚然無國會監督則所謂責任內閣者猶恐一任私意所爲易滋流弊也所願朝廷明詔特頒定期召集示天下以同民好惡之意使人民有與國休戚之心上下相維各盡其職秉承先朝之謨訓漸躋全國於文明憲政實行功在萬禩所謂定政章者此也願紓國用而言借資興業不敢謂行之無弊也有內閣有國會則有百利而無一害定政章而言內閣國會同時成立亦知其爲時稍促也然外患憑陵內情惶迫三年蓄艾有不能濡忍以待者聞狂夫之言聖人擇焉伏願我皇上宸衷獨斷毅然決行則政章可定國用可紓轉危爲安之機其在是矣是否有當仰乞聖裁除將各表分咨外所有遵旨覆議行政經費分別緩急並擬辦法以紓國用而

定政章各緣由理合恭摺具 奏伏乞 皇上聖鑒再 旨入 觀八月甫經回任是以覆奏稍遲理合聲明謹 奏宣統二年九月二十日奉 硃批該衙門知道欽此

摺奏類一

理藩部奏扎薩克台吉報捐銀兩照章獎給翎支摺

奏為扎薩克台吉報捐銀兩照章獎給翎支恭摺具陳仰祈 聖鑒事竊據車臣汗部落扎薩克頭等台吉都特德呈報世受 聖恩毫無報稱情願遵例報捐銀二千四百兩照章以四成實銀九百六十兩兌交懇乞獎給花翎此項銀兩差護衛圖們齊京赴部呈交等因呈報前來臣等查扎薩克台吉捐銀至二千四百兩如無翎支者准其奏明 賞給花翎照章以四成實銀兌收歷經辦理在案今扎薩克台吉都特德報捐銀二千四百兩照章以四成實銀九百六十兩兌交請獎給花翎等情臣等核與成案相符理合據情陳明恭候 命下即由臣部將此項銀兩先行兌收聽候度支部撥用所有扎薩克台吉報捐銀兩照章獎給翎支緣由謹恭摺具陳伏乞 皇上聖鑒訓示謹 奏宣統二年九月十三日奉 旨依議欽此

黑龍江巡撫周樹模奏請將特用內閣侍讀張國淦以道員留江補用片

再臣到江以來目覩夫邊事之艱難非才不濟時以網羅俊乂儲備邊材為心求其不急利名堅苦耐事者卒難多覩茲查有特用內閣侍讀張國淦前在憲政編查館及會議政務處充差於光緒三十三年五月經前任撫臣程德全奏調來江派委文案處秘書官兼調查局總辦等差疊准禮學館及憲政編查館先後奏調均由升任督臣徐世昌等奏留江省差委旋經東三省督撫臣會同保薦人才蒙 恩特賞今職及臣到任後仍派原差管理機要事件並襄理各項要政深資臂助該員天懷渙定志慮深沈中學極有根柢新政靡不會通且在江年久練達邊情辦理交涉尤能曲中機宜實為體用兼備之才合無仰懇 天恩特准將該員張國淦以道員留江補用以裨邊局之處出自 逾格鴻慈臣維 朝廷正當求賢之際邊徼尤賴激勵之方且

保薦幕職定章所許而該員才具學行復歷經中外臣工交章論薦早在 聖明洞鑒之中用敢據實上陳
是否有當伏乞 聖鑒訓示謹 奏宣統二年九月十三日奉 硃批著照所請該衙門知道欽此

四川總督趙爾巽奏請以袁大棧等補夾江令等缺摺

奏為揀員更補各選缺知縣恭摺仰祈 聖鑒事竊照四川夾江縣知縣熊振朝彰明縣知縣姚良椿參革

遣缺前因軍功班無人仍以候補知縣萬里恩張焜請補嗣准部覆該省既無軍功人員自可於即用截取大
挑三項人員中按照新章酌量抵補所請仍以萬里恩補授夾江縣知縣張焜補授彰明縣知縣之處碍難照

准應令另揀合例人員更補等因自應遵照辦理查例載知縣參革所遺選缺專以軍功人員酌量請補又奉
通行知縣參革選缺出時先儘軍功人員請補如其人地實在不宜即於即用進士截取舉人大挑三項人員

酌量抵補各等語今奉 聖旨更補前籤掣第二之夾江縣知縣缺查有即用進士知縣袁大棧年六十一歲湖南
長沙縣廩生中式光緒二十年甲午科本省鄉試舉人二十九年癸卯補行辛丑壬寅 恩正併科會試

中式貢士 殿試三甲 朝考三等閏五月初九日引 見奉 旨以知縣即用欽此籤分四

川二十九年十二月十九日到省核計到省在先缺出在後例准酌補奉 聖旨更補前籤掣第三之彰明縣知縣
缺查有大挑知縣顏學序年四十四歲甘肅皋蘭縣人原籍山東由廩生中式光緒己丑 恩科本省鄉

試舉人二十四年戊戌科會試後大挑一等閏三月初七日引 見奉 旨照例以知縣分省試用

欽此籤掣四川遵例捐免截留十月十六日到省年滿甄別留省補用因辦甲辰賑務出力保俟補缺後以直
隸州知州補用三十四年三月委署渠縣知縣四月到任現署斯缺核計到省在先出缺在後例准酌補提學

使劉嘉琛代理巡警道王棧到任未及三月例不註考據布政使王人文按察使江毓昌註考會詳請 奏前
來臣查該員袁大棧安詳勤勉體健才明顏學序勤政愛民事有條理以之請補夾江縣彰明縣缺均堪勝任

合無仰懇 天恩俯准以該員袁大棧請補夾江縣知縣顏學序請補彰明縣知縣俾資治理如蒙 俞
允該員等請補知縣均係銜缺相當毋庸送部引 見該員袁大棧毋庸另請實授該員顏學序仍令試署

期滿如果稱職另請實授以符定例除咨部外理合恭摺具陳伏乞 皇上聖鑒敕部核覆施行謹 奏宣
統二年九月十四日奉 硃批吏部議奏欽此

浙江巡撫增韞奏代陳學司袁嘉穀請假回籍省親摺

奏為學司稟請給假回籍省親謹據情代陳籲懇 天恩恭摺仰祈 聖鑒事竊據署理浙江提學使袁

嘉穀稟稱嘉穀籍隸滇南幼年失怙母教是依通籍後照例庶常冀得請假省親乃蒙 先朝殊恩到館

一月即因 召試特准留館詞臣職業從事秘文嗣列學部丞叅襄力教育頻年京邑久違晨昏暨荷

天恩權學兩浙大好山水迎養為宜比接家書奉母命以山川萬里年老憚行並以專心報國勿念家事為

囑嘉穀年方強仕念國步之多艱膺學務之至重 主知未報母命彌嚴何敢一日偶疏一念稍懈惟念母

年七十有五遠定省者九載於茲五中輾轉魂夢難安擬暫行請假三月回籍省親伏維 聖朝以孝治天

下凡大小臣工請假省親者無不迎邀 恩准上年江甯提學使陳伯陶回粵省親曾由兩江督臣代 奏

此次嘉穀請假省親事同一律稟請據情代 奏並委員接署一俟假滿即當馳回供職斷不敢久耽家居致

負 君國厚恩等情前來日查該署司所稟母年垂暮莫遂烏鳥之私情晨省久疏彌悵鷗程之遠阻所請

給假回籍省親情實出於至誠未便阻其孝思除批飭准予給假三月一俟假滿即行銷假並由臣邊員接署

另行附片 奏明外所有學司稟請給假回籍省親緣由謹據情代 奏伏乞 皇上聖鑒訓示謹 奏宣

統二年九月二十一日奉 硃批知道了欽此

●又奏委郭則澐等署提學使各缺片 再署浙江提學使袁嘉穀稟請給假回籍省親業經 臣據情代 奏

在案所遺學司篆務應即委員接署以專責成查有溫處道郭則澐堪以委署遞遺溫處道印務查有試用

道惲毓珂堪以接署其惲毓珂未到任以前所有溫處道篆由署溫州府知府馮敷典暫行兼護除分檄飭遵

外理合會同閩浙總督臣松壽附片陳明伏乞 聖鑒謹 奏宣統二年九月二十一日奉 硃批知道

了欽此

西歷一千九百十年十月二十七號 星期四

本局設立北京東長安牌樓王府井大街

宣統二年九月二十五日第壹仟柒拾柒號

電話內城總局第二百零一號

政治官報

目錄

●宮門鈔○ 諭旨一道○交 旨二道○吏部引 見述 旨○事由單●摺奏類一○會議政務處奏議覆御史葉芾榮奏官多流雜有害治安請量予停止摺○御史葉芾榮奏官多流雜有害治安請量予停止摺○浙撫奏臚陳第四屆籌備憲政事宜摺●摺奏類二○度支部會奏遵議魯撫奏擇尤酌保監金出力人員摺○又奏選員調充甘肅正監理官摺○晉撫奏兩級師範學堂出力人員請獎摺併單○東督奏革令唐宗源虧款潛逃請飭嚴緝片○又奏候守雨霖等不安本分請革職片○又奏署昌圖守洪汝冲等聚賭請革職片○魯撫奏山東客籍高等學堂出力人員請獎摺併單○鄂督奏知縣蕭方駟等期滿甄別片●章程類○資政院秘書廳辦事細則●廣告○本局發售現行刑律定本廣告二則

政治官報 目錄

九月二十五日第一千七十七號

一

●宮門鈔●

九月二十四日 內務府 八旗兩翼值日 河南提法使和爾廣額請 訓 恩存

百日孝滿請 安 倫貝子假滿請 安 山東知府李維誠謝 恩 山西知

府恩聯謝 恩 直隸補用道管廷獻謝 恩 江蘇試用道吳璆謝 恩 江

蘇補用知府徐榮謝 恩 額勒春請假十日 會議政務處 惲毓鼎 袁大化各

遞封奏一件 掌禮司奏二十七日祭 奉先殿濤貝勒行禮 又奏二十九日祭

奉先殿潤貝勒行禮 關防衙門奏初一日 大高殿拜表恭王行禮

召見軍機 澤公 倫貝子 和爾廣額 李維誠 恩聯

●諭旨●

監國攝政王鈐章

九月二十四日內閣奉

上諭鑲紅旗漢軍都統恩存現在百日孝滿著改爲署任照常當差欽此

軍機大臣署名奕劻 假 毓朗那桐徐世昌

●交旨●

九月二十四日

監國攝政王鈐章

軍機大臣欽奉

諭旨會議政務處奏議覆御史葉芾棠奏官多流雜有害治安請量予停止一摺著依議欽此

軍機大臣署名奕劻 毓朗那桐徐世昌

監國攝政王鈐章

軍機大臣欽奉

諭旨袁大化奏皖北災情奇重民困已深籌款賑濟並瀝陳被災各處情形各摺片著該部議奏欽此

軍機大臣署名奕劻 毓朗那桐徐世昌

●述旨●

九月二十三日奉

旨廕生德秀著以文職用徐克廣著外用掌廣西道監察御史員缺著海觀補授擬補協理遼瀋道監察御史孫培元著准其補授掌湖北道監察御史員缺著溫肅補授熱河都統衙門辦事司員著阿林去吏部文選司員外郎員缺著汪述祖補授內閣中書員缺著文光補授貴州遵義府溫水經歷員缺著梅資先補授月選 孝陵禮部員外郎普霖內閣服滿應補中書恩露擬補內閣中書曾毓驥劉煥書俱著准其補授俸滿山西澤州府知府恩聯著回任欽此

九月二十四日內摺傳 旨事由單

●武備院奏查覈司員功過事奉 旨知道了

九月二十四日外摺欽奉 硃批事由單

●成聚奏報巡洋日期摺 知道了

摺奏類一

會議政務處奏議覆御史葉芾棠奏官多流雜有害治安請量予停止摺

奏爲遵

旨覆陳恭摺仰祈

聖鑒事本年七月二十六日欽奉

諭旨御史葉芾棠

奏官多流雜有害治安請量予停止一摺著會議政務處議奏欽此等查閱原奏稱自捐納既停以來捐票之移獎舉人之截取舉貢之保送優拔貢之朝考慮增附之考職留學學堂畢業之獎勵歲入仕途者不下數千人此外如各局所學堂辦事人員莫不皆有保舉以致各部各省人浮於事幾數百倍又稱直隸州州同鹽庫大使鹽按經歷等官每省不過十餘缺或數缺或一二缺而候補者至數百人擬請飭下政務處詳議何項停止奏明辦理各等語其於近日官方吏治之弊固能洞見癥結惟等竊以爲凡事當統籌全局有不必枝枝節節而爲之者謹就該御史所陳各節爲我皇上縷晰陳之查宣統元年度支部會同吏部議覆御史饒芝祥奏實官移獎弊混滋深請定章程摺內陳明所有從前未經核准實官捐案各捐生呈請移獎子弟者應以二年爲限限滿一概不准移獎是此項捐票截至明年二月卽當永遠停止現在爲日無多無庸再議舉人之截取舉貢之保送優拔貢之朝考慮增附之考職諸途並進爲數誠不免過多然拔貢一項自此次後卽行截止舉貢保送生員考職優貢朝考本限三次停止現均已考試兩次詳繹光緒三十二年政務處原奏固於疏通之中仍寓限制之意留學生考試學部歷屆悉遵奏章辦理廷試錄用章程亦經該部會同憲政編查館奏明欽遵在案內地學堂畢業獎勵亦欽遵奏定章程按照畢業分數給獎並未溢於定章之外當科舉甫停學堂初設之際辦學需才不得不藉保舉爲鼓勵之資是辦學人員之保舉

亦出於一時權宜之計已迭經政務處嚴加限制奏明在案此外各局所保舉冒濫誠所不免惟當嚴覈虛實則用當其才亦不失 朝廷有勞必錄之至意至原奏稱直隸州州同鹽庫大使鹽按經歷等官缺少人多自係實在情形查舉人揀選截取之列入二等者五貢之就職者皆以此項官缺掣項分發歷年註冊者不下千數百人然既寬於前已得者未必藉此而見疏通若忽阻於後未得者必因此而生缺望辦理亦殊多窒礙恭查九年籌備清單宣統二年頒布文官考試章程任用章程宣統三年實行文官考試章程任用章程現此項章程 處方與憲政編查館悉心釐訂明年即爲實行之期屆時既有整齊畫一之規條自收澄叙官方之實效不特移獎勢在必停之列即無論何項官吏亦必有相當之試驗以爲量才錄用之途該御史請將各項量予停止之處應暫無庸置議所有 臣等遵議緣由是否有當謹恭摺具陳伏乞

皇上聖鑒謹

奏宣統二年九月二十四日奉

旨已錄

御史葉芾棠奏官多流雜有害治安請量予停止摺

奏爲官多流雜有害治安請量予停止以清仕途恭摺仰祈 聖鑒事竊維致治之道才患其少而官患其多自捐納既停以來捐票之移獎舉人之截取舉貢之保送優拔貢之 朝考廩增附之考職舉貢之就職留學生學堂畢業之獎勵歲入仕途者不下數千人此外如各局所學堂辦事人員莫不皆有保舉以致各部各省人浮於事幾數百倍差缺難得百計鑽營則害在人心矣請託者衆長官不能因缺擇人轉致爲人擇缺則害在吏治矣始猶暮夜苞苴繼且公行賄賂則害在風俗矣需次既久債累盈身偶得一缺正如置犬羊於餓虎之前勢必擇肥而噬則害在民生矣最可異者直隸州州同鹽庫大使鹽按經歷等官每省不遇十餘缺或

數缺或一二缺而候補者至數百人嘗有數年不得一差因而仰藥自盡者寒士來自田間方冀博取升斗爲仰事俯蓄之謀豈知槁餓他鄉欲歸無路名爲疏通正途實則納諸陷阱而已擬請 飭下政務處詳議何項停止奏明辦理庶於官方政治兩有裨益 臣爲澄清仕路起見是否有當伏乞 皇上聖鑒訓示謹 奏

浙江巡撫增韞奏臚陳第四屆籌備憲政事宜摺

聖鑒事竊照憲政編查館奏准考

奏爲第四屆憲政籌備事宜遵章臚陳成績恭摺仰祈 核專科章程內開九年籌備事宜責成內外臣工每屆六個月將籌辦成績臚列奏聞並咨憲政編查館查核等因 臣查逐年籌備事宜業於本年二月間將第三屆成績 奏明在案現屆八月奏報之期謹將此半年中籌備情形爲我 皇上縷晰陳之查憲政清單內開宣統二年各省應辦之事凡九項惟釐定地方稅章程前飭清理財政局分別性質酌擬辦法編定說明書依限分咨應俟館部諸 臣參酌會商辦理其餘八項一曰城鎮鄉自治查浙省各廳州縣自治研究所原定本年正月一律成立而開明地方提前開辦者有仁和錢塘山陰會稽嘉興秀水嘉善臨海長興餘姚金華永康永嘉十三縣均經先後畢業接續辦理其石門奉化上虞三縣亦開辦較早現已畢業餘均次第依限開辦調查選民資格已有仁和錢塘平湖嘉善四縣分別辦竣惟分劃區域爭執頗多前經札飭該管地方官剴切勸導先後劃定業由自治籌辦處製成城鎮鄉自治區域及人口數自治職員額表印發各屬遵照辦理其固有區域亦列在自治區域以下統系豁然查核亦易並派員分赴視察以資督催此籌辦城鎮鄉自治之情形也一曰廳州縣自治查廳州縣自治與城鎮鄉自治在制度上實有上級下級之不同惟就

籌辦方法言之大抵一方面爲籌辦城鎮鄉自治而他方面卽所以籌辦廳州縣自治現在城鎮鄉區域漸次劃定下級自治轉瞬成立上級自治亦宜早日預備前已籌議辦法通飭各屬遵照惟各廳州縣有壤地插花不便行政之處行查移復殊費時日且查報糧賦戶口更非倉卒所能告竣現正分別催辦俾可如期觀成此籌備廳州縣自治之情形也一日人戶總數查民政部奏定章程以本年十月爲報齊戶數之期浙省人戶總數於宣統元年十月間業經彙報一次本年春季巡警道出巡復飭詳細考察分別督催並飭遵照進行表認真舉辦按月報告所有上年未經呈送戶數現已一律報齊至各屬口數總冊亦經先期舉辦依限具報以期不誤要政此籌備彙報戶數之情形也一日歲出入總數查期限清單於上年調查本年覆查雖未指定應查何年之數惟宣統元年既將三十四年出入總數查明則本年所覆查者自係宣統元年之數當將元年四季分款總數彙成一表並將元年與三十四年逐款比較編一盈虧比較表又附全年百分比列表綜合各數彙成四柱簡明總冊於五月間咨部爲編定預算案之根據此籌備覆查歲入總數之情形也一日試辦預算查清理財政章程各省自宣統二年起預算次年出入款項彙編報告冊咨送到部等因當經督飭清理財政局按照部頒冊式分別門類編成報告總冊比較總冊四冊另編本色預算冊一冊附編各署局所報告分冊比較分表二十二冊以總冊總表爲出款入款之經分冊分表爲出款入款之緯破除積習逐節爬梳業於五月內咨部並經_臣具摺奏報在案其應行追加裁節各款亦陸續商同部_臣辦理此籌備試辦預算之情形也一日省城及商埠各級審判廳查司法官吏關係最重上年設立審判研究所於七月間畢業甲乙兩班共一百六人並擇資格相符者送京應法官考試司法

警察教練所亦於五月間畢業共六十名現已分派各區服務俟開廳時足可敷用至修建廳舍以經費迭次核減議將前經動工之初級廳擴充增築作為浙江高等審判廳並附設杭州府地方廳於其中省城應設之仁錢初級廳二所即以裁撤綠營之官署改造甯波溫州之商埠地方初級各廳亦就廢署改造惟杭州拱宸橋商埠酌設初級廳一所無相當之官署可改不得不從新建造均擬於十一月間開廳以符欽限所需司法人員現擬酌量分設各員薪俸因預算不敷暫照遞年加俸辦法先以六成給發至模範監獄已就罪犯習藝所大加擴充看守教練所亦就附設之監獄專科辦理檢驗傳習所俟高等檢察廳開廳後再行開辦此籌備各級審判廳之情形也一日簡易識字學塾查部頒課本到浙後即飭提學司翻印通發並擬定進行表考核各屬功過章程藉資督促五月間派員携帶表式分往調查現計全省自創辦起截至六月杪止已設學塾七百三十四所學生二萬三千二百四十二人核與上年議案規定全省之數溢額已逾百所惟各屬情形不同官紳各有勤惰此項學塾若按照各廳州縣分別大中小治規定所數核計其中有逾原額多至數倍以上者有適符原額者亦有不及原額者比較成績實行考核嚴定功過以資懲勸總期大加推廣俾識字人民日多一日此籌備推廣簡易學塾之情形也一日廳州縣巡警查浙省廳州縣城關巡警早經成立本年二月巡警道巡視各屬辦理均尙完備間有因經費不足名額未足者已飭寬籌經費照章擴充鎮埠巡警已經開辦派有副巡官者五十二處四鄉巡警仁和錢塘已擇最要區域先期成立鄞縣永嘉亦依限於本年八月成立其餘各屬已飭查照所報區域早日開辦水路巡警計浙東西各處設巡船一百零三隻分布梭巡消防一項辦有端倪者計三十餘處省城消防已成三隊衛

生事項省城設清道夫役一百二十名外廳州縣亦分別舉辦現仍添委委員分往觀察以期年內一律完備此籌備廳州縣巡警之情形也以上數項或辦理已經完竣或籌措已具規模而歲月駸駸預計憲政完備之年已去三分之一此後事機愈迫籌備愈艱非有精意以灌輸未必初終之一轍臣於議覆確定行政摺中曾將憲政萬不可緩情形披瀝以陳上備聖明採擇亦知財政艱窘百廢具舉竭蹶堪虞然時局艱危舍此別無圖救之策臣身任地方行政何敢故爲其難亦斷不敢以畏難而稍阻進步總冀直追急起如期告成以仰副朝廷實事求是慎重憲政之至意所有第四屆籌備憲政遵章臚陳成績緣由除分咨外謹恭摺具陳伏乞皇上聖鑒訓示謹奏宣統二年九月二十日奉硃批該衙門知道欽此

摺奏類二

度支部會奏遵議魯撫奏擇尤酌保釐金出力人員摺

奏爲遵旨議奏恭摺會陳仰祈聖鑒事山東巡撫孫寶琦奏擇尤保獎東省光緒三十一二二三等年釐金出力人員一摺宣統二年五月二十二日奉硃批該部議奏欽此欽遵由內閣鈔出到部並准該撫將該局造送履歷清冊鈔送前來據原奏內稱東省釐金從前歲收止十數萬兩光緒二十七年十二月前撫臣袁世凱奏明歸併籌款局兼辦舉向來一切弊竇悉予掃除收數遂日有起色就中尤以館陶爲最綜計全省河路五卡暨省局抽收之鹽貨釐捐膠關代收之郵件抽釐二十八年分即收銀十三萬九千餘兩較前已有加增至二十九年收銀十九萬五千六百餘兩三十一年各收銀二十萬兩有奇三十二年收銀十七萬兩數雖較次實由銀價增漲並非短征查館陶縣釐卡原辦委員山東已故候補知州程丹桂幫辦委員山東試用同知馮慶恩山東試用通判吳鶚接辦委員山東候補知府彭履謙經征光緒二十九三十及三十一

等年釐金均較向常年分溢征一倍或半倍以上姜家溝黃河釐卡前辦委員已革山東候補直隸州知州王翰琛已故山東候補知縣趙爾賁幫辦委員山東候補知縣陳永修經征光緒三十一年等年釐金均較向常年分溢徵兩倍有奇以上各員均屬異常出力又前省局經徵鹽釐委員現任山東布政司庫大使沈懋祺前辦維口併岔河分卡委員山東候補知縣黃文治韓宗獻原乘密經徵光緒二十九三十暨三十一等年鹽貨各釐均溢征一倍及半倍以上又前幫辦姜卡委員府經歷職銜王德棹經徵三十二年釐金溢徵一倍以上該五員核係尋常出力東省地方瘠僻出產無多該員皆能於無可擴充之處實力招徠集成鉅款實不無微勞足錄欽奉 硃批准令擇尤請獎除知州程丹桂知縣趙爾賁先後身故由外量給撫恤外擬請將異常出力之山東候補知府彭履謙俟補缺後以道員用並加三品銜山東試用同知馮慶恩免補本班以知府仍留原省補用山東試用通判吳鶴山東試用知縣陳永修各免補本班以直隸州知州仍留原省補用其尋常出力現任山東布政司庫大使沈懋祺以知縣在任候補並免離任直隸州知州山東候補知縣黃文治請加四品頂戴知州銜山東候補知縣韓宗獻同知銜山東候補知縣原乘密均俟補缺後以直隸州知州在任候補府經歷職銜王德棹以府經歷歸部雙月選用懇准分別給獎以勸勤勞而責後效等語度支部查本年二月間據該撫奏報光緒三十一年二三等年收支釐金案內聲明比較前三年收數多有溢徵請將出力各員擇尤獎叙奉 旨允准當經臣部行令遵照政務處會奏限制保舉章程辦理等因在案今據該撫將該省經徵釐金出力各員擇尤獎奉 旨交議查此案請獎既係光緒三十一年二三等年經徵釐金出力各員各員經徵銀數多寡自應以各該年收數為斷迺該撫原奏竟將光緒二十九三十兩年收數連聲叙作為本案溢徵銀數殊屬不合自應劃清界限以免牽混 臣等詳加查核所有此案請獎各員除試用同知馮慶恩到差離差均在本案徵收年分以前試用通判吳鶴候補知縣黃文治均在光緒三十一年正月離差所請獎叙無庸置議此外各員核其經徵年月均與本案年分相符既據原咨聲明係在未奉政務處新章以前自可無庸拘定該章程辦理應即以光緒三十年分收數為比較按照各該員任差日期及經徵銀數有無溢

徵分別核辦查候補知府彭履謙府經歷職銜王德緯經徵餉陶縣姜家溝等處釐金比較三十年分收數均有短徵候補知縣原秉密經徵維口釐金比較三十年分雖有溢徵惟任差未滿一年所請獎叙均屬碍難照准試用知縣陳永修布政司庫大使沈懋祺經徵光緒三十一年分姜家溝釐金及省城鹽釐候補知縣韓宗獻經徵光緒三十一二兩年分岔河釐金比較三十年分均有溢徵自應准其給獎按照各該員原請異常尋常獎叙分別辦理藉資鼓勵至光緒三十三年分共收銀十三萬五千五百九兩零較之三十年分短徵銀七萬餘兩究係因何鏡減原奏並未聲叙應請 飭下山東巡撫確切查明咨覆臣部核辦吏部查此案請獎之馮慶恩吳鸚黃文治彭履謙王德緯原秉密等六員既經度支部聲稱或經徵年月不符或銀數短徵及任差未滿所請獎叙均毋庸置議外其准其按照原請異常尋常給獎之山東試用知縣陳永修請免補本班以直隸州知州仍留原省補用山東布政司庫大使沈懋祺請以知縣在任候補並免離任知州銜山東候補知縣韓宗獻請俟補缺後以直隸州知州在任候補等三員所請獎叙均核與章程相符應請照准所有等違議緣由理合恭摺會陳伏乞 皇上聖鑒訓示遵行再此摺保度支部主稿會同吏部辦理合併聲明謹奏宣統二年九月初八日奉 旨依議欽此

度支部奏遴員調充甘肅正監理官摺

奏為遴員調充甘肅正監理官請 旨遵行恭摺仰祈 聖鑒事竊甘肅正監理官劉次源現經吏部議處革職於本月初六日具奏奉 旨依議欽此鈔錄原奏咨行到部查該監理官劉次源既得革職處分自應撤差所遺甘肅正監理官差使亟應由臣部遴員開單請 旨簡派以重職任惟是該省地處邊遠一經派員前往動需時日雖現在試辦預算業經粗具規模而覆查歲出入總數亦關緊要臣等公同商酌擬於鄰省正監理官就近調派庶辦公既無虞延誤而時日亦不致虛糜查有新疆正監理官丁憂甘肅候補知府傅秉鑒服官甘省多歷年所於該省情形素稱熟悉且新疆甘肅地屬毗連馳驛赴差較便應請 旨將新疆正監理官傅秉鑒調充甘肅正監理官俾收人地相宜之效恭候 命下即由臣部飭知遵照至新疆清理

財政事務較簡擬援照吉林黑龍江蘇州兩准各派副監理官一員之例即由副監理官專辦毋庸再派正監理官遇有重要事件仍會同甘肅正監理官商辦以歸簡易而專責成所有邊員調充甘肅正監理官緣由理合恭摺具陳伏乞 皇上聖鑒謹 奏宣統二年九月十八日奉 旨依議欽此

山西巡撫丁寶銓奏兩級師範學堂出力各員請獎摺併單

聖鑒事竊查山西兩級師

奏為山西兩級師範學堂辦學出力人員照章分別請獎繕具清單恭摺仰祈 聖鑒事竊查山西兩級師範學堂自光緒三十一年經調任撫臣張曾敷奏明開辦迄今已逾五年先後成就初級簡易科畢業學生二百八十名優級選科畢業學生一百九十八名體操專修科畢業學生四十六名業經迭次奏請獎勵並咨部查照在案現該堂畢業各生由提學司陸續派赴各府廳州縣中小學堂充當教員以盡義務均尚克稱厥職所有在校之教授管理各員殫心教育勞瘁不辭其任事有歷五年以上或三年以上各教員並編輯講義呈送學部實屬著有勞勩又日本教習一員開辦優級選科時即膺聘到堂亦編有專門講義足供教科之自用應照章分別請獎以昭激勸據兼署提學使翁斌孫詳請 奏咨前來臣查奏定學務綱要學務員紳每屆五年准獎一次嗣經政務處會奏以成就學生人數在六七十名以上為衡學部核獎成案分別任差年限滿五年者照異常勞績給獎滿三年者照尋常勞績給獎歷經各省遵辦在案今晉省兩級師範學堂開辦已五年有餘成就學生共五百餘名在堂各員不無微勞足錄察閱冊開異常一員尋常十三員核與請獎成案相符並無冒濫其日本教習一員請獎三等寶星亦係援照學部會奏福建師範學堂日本教員請獎寶星成案辦理合無仰懇 天恩俯准照擬給獎以示鼓勵而勸將來除將各員履歷各冊咨部查照外所有山西兩級師範學堂辦學出力人員照章分別請獎緣由理合恭摺具陳並繕清單敬呈 御覽伏乞 皇上聖鑒訓示謹 奏宣統二年九月十一日奉 硃批該部議奏單併發欽此

謹將山西兩級師範學堂辦學出力各員照章分別請獎繕具清單恭呈 御覽 計開 擬獎異常勞績一員 就職教諭拔貢王秉擬請免選本班以知縣分省補用 擬獎尋常勞績十三員 學部七品小京官

郭象升擬請俟提升主事後以員外郎補用 同知銜陝西試用知縣范儒煜擬請俟補缺後以同知直隸州
升用 翰林院典簿銜鳳生蘭承榮擬請以縣丞府經歷分省試用 府經歷職銜寇煜擬請以府經歷不論
雙單月選用 府經歷職銜陳捷擬請以府經歷不論雙單月選用 分省補用知縣優貢馮曦擬請以本班
儘先補用 同知銜陝西試用知縣劉效文擬請以候補班補用 候選直隸州州判拔貢張杜蘭擬請俟選
缺後以知縣分省試用 揀選知縣舉人梁允濟擬請以知縣俟指分到省後試用 揀選知縣舉人王鴻遇
擬請以知縣俟指分到省後試用 直隸試用直隸州州判拔貢雷慎德擬請俟補缺後以知縣分省補用
河南試用直隸州州判拔貢劉克篤擬請俟補缺後以知縣分省補用 分省試用直隸州州判拔貢石映樞
擬請俟補缺後以知縣分省試用 擬獎寶星一員 日本理科大學畢業學士大森千藏擬請 賞給三
等第三雙龍寶星 宣統二年九月十一日奉 硃批覽欽此

東三省總督錫良奏已革彰武令唐宗源虧款潛逃請飭嚴緝片

再已革彰武縣知縣唐宗源前在彰武縣任內有應解光緒三十四年並宣統元年分地糧正耗等項銀一萬
八千六百二十八兩六錢九分一釐七毫又應解支發廉俸役食餘贖耗羨並減平等款銀三千九百九十三
兩九錢四分九釐七毫三絲一忽又欠解錦屬二十二處丈放地價銀四千八百零九兩二錢六分一釐七毫
四絲五忽該革令於宣統元年七月二十日交卸後所有應解各款分文未解迭次嚴札飭催置若罔聞前經
臣奏請監追奉 旨著照所請該部知道欽此當經欽遵鈔奏咨行山東查抄該革員原籍財產並飭司將
該革員拿送審判廳監追一面將該革員歷過任所寓所財產查抄備抵在案迨由司飭由奉天府轉飭承德
縣帶同差役往拿而該革員已先期遠颺僅抄得寓所留存器具物件約值銀圓一百四十二圓據度支提法
兩司會呈核辦前來臣查該革員虧款甚鉅輒敢潛逃殊屬膽玩相應請 旨飭下各直省一體嚴緝解奉
監追以懲刁滑而重公帑除飭將查抄器物趕緊變價解司歸款並咨部外謹附片具陳伏乞 聖鑒訓示
謹 奏宣統二年九月十四日奉 硃批著照所請該部知道欽此

●又奏候補守雨霖等不安本分請一併革職片 再仰辦黑龍江電報分局候補知府雨霖於呈報丁憂後派員代理尙未接替之時適有用該省警局委員何厚謨之名電致奉天電報總局賄求雨霖遺差當據總辦電報總局奏調河南候補道董應書揭稟經臣飭提兩霖何厚謨暨領班司事人等來奉發交特別審判廳審訊何厚謨供係候選府經歷伊姪何澤雷在安東采木公司充差曾函囑其在安東代謀差使嗣聞安東道署收支委員周姓丁艱故電致伊姪有前員丁憂出缺速電託等語越日有賄求雨霖遺差之電係屬冒名伊實不知據領班司事僉供電底送經兩霖看過囑發原底鉛筆所寫漢文勸與雨霖筆跡相似難保非雨霖疑何厚謨圖伊遺差從中作偽意圖傾陷雖堅不承認而以此等關係之電並未照章問明扣阻又不即時查究情弊固已顯然至何厚謨無論是否營求雨霖遺差而其函電交馳謀託差事亦屬不安本分相應請 旨將丁憂黑龍江候補知府雨霖候選府經歷何厚謨一併革職以示懲儆除咨部外謹附片具陳伏乞 聖鑒訓示謹 奏宣統二年九月十四日奉 硃批著照所請該部知道欽此

●又奏署昌圖守洪汝冲等聚賭請一併革職片 再官員賭博大干例禁近來宦場惡習講會而外麻雀盛行際品誤公莫此爲甚臣到任以後疊經嚴申誥誡詎查有署昌圖府知府留奉補用知府洪汝冲性溺博不理民事一切案件假手於人與其幫審委員留奉補用知縣姚鴻鈞暨幕友人等時在署內聚賭罔知顧忌經臣數次密查並飭民政使查明屬實殊屬有玷官箴相應請 旨將該員洪汝冲姚鴻鈞一併革職以示懲儆除咨部查照外謹附片具陳伏乞 聖鑒訓示謹 奏宣統二年九月十四日奉 硃批著照所請該部知道欽此

山東巡撫孫寶琦奏山東客籍高等學堂出力人員請獎摺併單

奏爲山東客籍高等學堂開辦已逾五年照章將在堂出力人員擇尤保獎繕單恭摺仰祈 聖鑒事竊查東省客籍高等學堂自光緒三十年十月創立旋即添設高等班將高等學堂正備齋畢業之客籍學堂歸入該堂肄業歷經 奏者在案茲據署提學使羅正鈞詳據客籍高等學堂監督候補道陳兆琛詳稱本堂學生

高等補習班徐仁鈺等三十四名於三十二年十二月畢業高等甲班趙錫圻等五名於三十三年十二月畢業高等小學甲班張鼎立等五名高等乙班徐仁錦等九名於三十四年冬間畢業高等小學乙班吳巨元等八名於宣統元年十二月畢業通計先後畢業學生共六十一名均經詳咨給獎升學計自開辦至今早逾五年所有在堂出力之教習管理員率皆勤奮將事未便沒其勞動謹擇其素稱出力者分別異常尋常酌保十員以示鼓勵等情開具清單履歷由司轉請 奏獎前來臣覆加查核所保各員實係朝夕從公始終不懈其當差年限及該堂畢業人數核與政務處獎案學部定章均屬相符合無仰懇 天恩俯准照案給獎俾策將來出自 鴻施逾格除將履歷清冊分咨吏學兩部查照外謹繕清單恭摺具陳伏乞 皇上聖鑒

謹 奏宣統二年九月二十日奉

硃批該部議奏單併發欽此

謹將山東客籍高等學堂請獎教員管理員分別異常尋常繕具清單恭呈

御覽 謹開 分省試用知

縣徐紹曾請免補本班以直隸州知州分省補用 候選知縣林振峯請免選本班以直隸州知州不論雙單

月歸部儘先選用 議叙本班儘先補用知縣金谷春請免補本班以直隸州知州仍留原省補用 山東試

用縣丞劉軒請免補本班以知縣仍留原省補用 指分江蘇試用縣丞曾琛請免補本班以知縣仍留原省

補用 候選縣丞羅璟請免選本班以知縣不論雙單月歸部儘先選用 花翎同知職銜江雲章請以同知

分省補用 通判職銜林心照請以通判不論雙單月歸部儘先選用 縣丞職銜李聖傳請以縣丞不論雙

單月歸部儘先選用 附貢生崔麟臺請以府經歷不論雙單月歸部儘先選用 以上十員均任學務五年

請照異常勞績給獎 候選縣丞勝安請俟選缺後以知縣用 縣丞職銜李世英請以縣丞不論雙單月歸

部儘先選用 以上二員均任學務三年請照尋常勞績給獎 宣統二年九月二十日奉 硃批覽欽此

湖廣總督瑞澂奏知縣蕭方騏等期滿甄別片

再查各項分發補用人員經憲政編查館會同吏部奏定新章應自奉有差委日起扣至一年期滿確實試驗開具差委事實冊咨部甄別奏留等語業經遵照辦理在案茲查有五品銜候補班補用知縣蕭方騏年三十

三歲四川三台縣人由附貢生在山西股票案內請獎雙月從九品捐加縣丞分發試用並加五品銜光緒三十四年因救護黑山島洋面商船出力經前署直隸督臣楊士驤會同前署山東撫臣吳廷斌彙奏奏保請免補縣丞以知縣分省補用奉 硃批著照所請該部知道單併發欽此遵例捐指湖北宣統元年五月十日

五日經 欽派王大臣驗放堪以發往覆 奏奉 旨依議欽此六月十八日繳照到省七月十八日委

充善後局管理印花稅處文案嗣善後局歸併度支公所復委充稅務科秘書課員計自到差之日起扣至二

年七月十八日供差一年期滿又試用知縣王金相年三十五歲河南鎮平縣人由丁酉科拔貢中式庚子辛

丑 恩正併科舉人光緒三十二年遵例報捐知縣指分湖北試用七月二十四日引 見奉

旨著以知縣照例發往欽此九月十七日領照到省三十三年經督辦土藥大臣柯逢時委赴山西土稅分

局管理照花總核報銷三月十六日到差嗣改委該局提調現供漢口土稅卡差使並於宣統元年五月捐加

花翎同知升銜計自供差之日起扣至三十四年三月十六日早已一年期滿又試用知縣吳桂森年四十一

歲廣東饒平縣人由優廩貢生遵例報捐知縣指分湖北試用光緒三十三年十二月初五日經 欽派

王大臣驗放堪以發往覆 奏奉 旨依議欽此三十四年正月十八日到省捐加同知升銜宣統元年

六月委充財政局編輯科副科員七月初五日到差計自到差之日起扣至二年七月初五日供差一年期滿

又試用知縣沈爾昌年二十六歲係浙江山陰縣人由監生報捐知縣指分江蘇試用並加花翎同知銜嗣改

指湖北宣統元年四月初十日蒙 欽派王大臣驗放堪以發往覆 奏奉 旨依議欽此八月十一日

領照到省是月十五日委充省城地方審判見習所檢察副復委充度支公所會計科秘書課員等差計自到

差日起扣至二年八月十五日供差一年期滿據署湖北布政使提學使高淩爵提法使馬吉楨署巡警道

黃祖徵取具各該員事實清冊詳請甄別具奏前來臣查該員蕭方騏學茂才長王金相才具明敏吳桂森年

壯才明沈爾昌識裕才優均應列為優等堪以留省補用除將清冊咨部外理合附片具 奏伏乞 聖鑒

敕部查照施行謹 奏宣統二年九月二十日奉 硃批寬欽此

西曆一千九百十年十月二十八號 星期五

本局設立北京東長安牌樓王府井大街

宣統二年九月二十六日第壹仟柒拾捌號

電話內城總局第二百零一號

政治官報

目錄

●宮門鈔○事由單●電報類○資政院接收湘省來電●摺奏類一○農工商部奏廣西潯州府設立商會請給關防摺○民政部奏運赴德國賽會物品請免稅片○閩督奏永春州師範簡易科畢業額作舟等給獎片●摺奏類二○督辦川滇邊務大臣奏征剿德格逆匪肅清出力員弁請獎摺併單○又奏關外辦學人員三年屆期成績卓著擇尤請獎摺○又奏關外辦學人員到差不齊請憑三年成績給獎片○又奏已故候選通判楊維藩因公殞命請卹片○川督奏撫卹被災各屬情形片○又奏已故灌縣令錢璋入祀名宦祠片○又奏已故成都縣舉人武謙請入祀鄉賢祠片○又奏彭水縣職員徐聯輝等助學請獎片○又奏嬌婦劉張氏捐自治局經費請移獎片○魯撫奏湖南附生王英備遵遺命捐書籍入圖書館請准建坊片○江撫奏請將陸軍部郎中張志潭等調江差委等片○鄂督奏補用道盛春頤期滿甄別片○察哈爾都統等奏擇尤擬保拿獲鬪匪出力文武各員摺併單○熱河都統奏挑挖河道在工人員循例酌保片●廣告○本局發售現行刑律定本廣告二則

政治官報 目錄

九月二十六日第一千七十八號

一

●宮門鈔●

九月二十五日 外務部 欽天監 侍衛處值日 濤貝勒等考試游學畢業生覆
命 恩存改爲著任謝 恩 祥普續假五日 外務部遞封奏一件代遞出使大
臣吳宗濂楊樞奏摺各一封 胡思敬遞封奏二件

召見軍機

九月二十五日內摺傳 旨事由單

●內閣奏驗放無員毋庸奏請 欽派事奉 旨知道了●法部奏查辦秋審緩決人犯事單十六件奉

旨依議○又片奏絞犯田三改發極邊事奉 旨依議○又片奏絞犯冷綱鑑等減等事奉 旨依

議○又奏駁議劉占鼐等命盜各案彙奏事奉 旨依議●內務府奏自鳴鐘討領銀兩事奉 旨知道

了●欽天監奏十月十六日月食半月前奏 聞事奉 旨知道了●領侍衛內大臣奏榮綿等或作爲

三等侍衛抑或作爲四等侍衛用請 旨事奉 旨以三等侍衛用○又奏施普清或作爲三等侍衛抑

或作爲四等侍衛用請 旨事奉 旨以三等侍衛用○又奏散秩大臣並無曠班事奉 旨知道了

●國史館進忠義傳奉 旨留●慶昌等奏考試陸軍游學畢業生監臨事竣覆 命事奉 旨知道

了○又片奏程恆式考時誤帶書籍勒停考試二年事奉 旨知道了

九月二十五日外摺欽奉 硃批事由單

●陳夔龍奏請以錫齡阿等調補保定守各缺摺 吏部議奏○又奏請將學部主事劉崇本留直辦學片

著照所請該部知道○又奏請將馬駿良補宜化鎮標游擊片 陸軍部議奏○又奏解京餉銀片 度支部

知道○又奏核明北洋陸軍學堂營隊元年分收支各款摺 該部知道○又奏山永協副將沙明亮丁憂開

缺片 陸軍部知道○又奏東海關欠解北運河銀兩請 飭部撥片 度支部知道○又奏青縣民犯李

三考因瘋殺死親父一案審擬摺 大理院覆判速奏●張人駿奏請以許安恩補吳淞營營將摺 該處議

奏○又奏請將挾妓飲酒之統帶陳懋修撤去統領任務等片 知道了○又奏查明命婦查金氏斯控一案情形摺 金保權著改爲降三級調用不准抵銷餘照所請該部知道○又奏兩匯縣五圍灘地一場訊結情形摺 該部知道○又奏委查江北麪粉公司饑民滋鬧情形分別辦理摺 著照所請該部知道○其樹勛奏本年上屆籌備憲政成績摺 該衙門知道○又奏擴造軍械新廠在事出力人員請獎摺 該部議奏軍併發○又代奏署兩韶連鎮楊發貴謝 恩摺 知道了○又奏請將已革清遠令李光襄開復原官片 李光襄著送部引見○又奏委許成熙署開建縣片 知道了○又奏香山令錢保壽病故開缺片 吏部知道○馮汝駮奏九江關監督承辦磁器用過銀兩摺 該衙門知道册併發○又奏保送游學專門人才趙士北赴部考驗摺 學部議奏○又奏補用令饒宗義繳清欠款請開復摘頂處分片 著照所請該部知道○又奏兩瑞哀臨道慶寬開缺修墓摺 吏部知道○又奏解賠款片 該部知道○俞明震奏署理甘肅提學使謝 恩請 陛見摺 著來見

●電報類

資政院接收湘省來電

●九月二十二日收湖南諮議局電 資政院鈞鑒楊撫奏辦公債未交局議違法侵權業經遵章電陳並郵寄印文呈請核辦在案局章仰稟聖謨薄海臣民咸宜恪守楊撫受任封疆有翊贊憲政之責煌煌欽章豈容不知知之而故以一奏嘗試其欺罔朝廷蔑棄憲典不僅本局職權被其蹂躪國家制定法律效力一失全國議局均無可遵守本局爲保守欽章起見不敢溺職貽誤大局全體議決誓以核辦與否爲去就敢再電瀆卽乞諭覆不勝悚惶待命之至湘議局叩養印

●摺奏類一

農工商部奏廣西潯州府地方設立商務總會等摺

奏爲廣西潯州府地方遵章設立商務總會並援案請給關防恭摺仰祈 聖鑒事竊臣部接准兼廣西巡撫魏景桐咨稱據試署勸業道胡銘槃詳稱據署潯州府彭言孝轉據商董陳朗階等稟稱潯州處三江總匯之區貨物交通商務繁盛非設總會不足以聯絡商情由商董等召集各行力陳公益公推熟悉商情之藍翎布政司經歷銜鄺晉旒爲總理四品封典鍾普和爲協理並擬章程二十二條及總協理商董各員職名清單請轉詳咨部給予關防等情咨請核辦前來臣等伏查潯州在梧州之西三江總匯爲全省之中樞商務殷繁與梧州相埒亟應設立商務總會以資聯絡提倡詳核所擬章程尙屬妥協總理鄺晉旒協理鍾普和既經公推應卽照准札派並援案刊給關防一顆文曰廣西潯州商務總會關防俾資信守仍由臣部責成該總協理等切實經理以期仰副 朝廷振興商務之至意所有廣西潯州府地方設立商務總會援案請給關防緣由謹恭摺具陳伏乞 皇上聖鑒訓示謹 奏宣統二年九月十二日奉 旨依議欽此

民政部奏運赴德國賽會物品請免稅片

再德意志撒克森國於明年舉行萬國衛生博覽會經 臣部奏派監督前往並在各省及南洋勸業會徵集有關衛生物品運赴賽會等因奉 旨依議欽此欽遵在案查赴賽物品經過關卡例應免稅此次赴德賽會物品或由南京運往上海或由北京經天津運往上海彙齊運德將來閉會之後所餘各物仍由赴會監督携回上海分途運還各省應請 飭下稅務處轉飭沿途各關一律免稅放行如蒙 俞允卽由 臣部行知稅務處遵照謹附片陳明伏乞

聖鑒謹 奏宣統二年九月十七日奉 旨依議欽此

閩浙總督松壽奏永春州師範簡易科畢業顏作舟等照章給獎片

再據福建提學使姚文倬詳稱前據永春直隸州知州李樹敏詳報該州官立中學堂附設師範簡易科兩學年學生舉行畢業試驗等因當經由司核飭遵照學部改定章程逕由該知州督同視學員暨該學堂監督教員照章分科認真考試嗣據將各生畢業試卷連同歷屆學期半年試驗平均分數表曠課時間表送司詳加覆核評定分數分別等第飭州列榜計畢業學生一十名內取列優等二名中等四名下等四名按照學部奏定官立初級師範科二年以上畢業獎勵章程應將此次考列優等之顏作舟楊維翰二名比照初級師範下等獎勵給予及格文憑令充小學堂及程度相當之各項學堂副教員俟義務年滿作為師範科貢生並給訓導銜其餘考列中等者准充小學堂及程度相當之各項學堂副教員考列下等者給予及格文憑以示區別至各該生畢業後應照奏定義務章程聽候派委從事教育倘有於年限內不盡義務未經照章稟請考查允准私自遷延至二年以上以及義務限內因事革除教員者均卽遵照定章將所給獎勵撤銷以杜取巧倖濫之弊合將送到表冊詳請 奏咨給獎等情前來 覆核無異合無仰懇 天恩俯准飭部照章給獎以資鼓勵除將表冊咨部外謹附片具陳伏乞 聖鑒訓示謹 奏宣統二年九月十三日奉 硃批學部議奏欽此

摺奏類二

督辦川滇邊務大臣趙爾豐奏征剿德格逆匪肅清出力員弁請獎摺併單
奏爲征剿德格逆匪一律肅清在事出力文武員弁繕單請獎恭摺仰祈 聖鑒事竊查德格逆番滋事臣

奉 旨督兵驅剿迭獲勝利全境一律肅清業將尤爲出力各員專摺請獎仰蒙 渥典優加立予甄叙並請將其餘出力文武員弁查明另行彙保在案伏查德格土司轄境荒遠形勢利便自爭襲之案起擾攘已十餘年漢番同罹毒痛瞻會恣其陽睽而該逆昂翁降白仁青兩次幽父逐兄並敢違背 諭旨擅據土職結倚藏贍稱兵擾亂實爲兇狡橫逆重滋邊患此次奉 旨驅剿復敢抗我 天討益肆披猖經

臣激勵士氣奮勇前攻威能敵愾同深屢獲戰勝收復數百村堡直取贈科犁其庭穴傾其根據該逆等逃至雜渠卡猶復聚衆扼隘以圖一逞查雜渠卡地處窮邊經年積雪山則瘴霧瀰漫過之頭痛水則堅冰凝結飲之腹疾該逆匪等負隅自固氣不少挫臣督率衛隊及前右兩營將士晝夜圍攻出奇搗隙苦戰於大漠之中追剿於甌脫之外殲除兇慙招撫流亡卒使德格全境肅清籬籬克固在事文武員弁深入不毛駢塚冰雪前後大小數十餘戰馳剿至八九月之久傷亡至百餘人之多或效命於疆場或致力於轉輸艱險備嘗邊功懋著均不無微勞足錄茲據各該營局查明在事出力文武員弁造冊請獎前來臣詳加覆核一再刪減委無冒濫除將保千總以下各弁咨部核獎外謹將擬保文武各員分別異常尋常勞績繕具清單恭呈 御覽合無仰懇 天恩俯准照擬給獎以重邊績而勸戎行出自 逾格鴻施除咨部外謹恭摺具陳伏乞 皇上聖鑒訓示謹 奏再此案因臣自上年督率邊兵分路護送川兵進藏防地太廣久勞於外是以查報稍遲合併陳明宣統二年九月十三日奉 硃批該部議奏單併發欽此

謹將擬保驅剿德格逆匪尤爲出力文武員弁繕具清單恭呈 御覽 計開 打箭直隸廳同知王典章擬請以知府在任候補 調川浙江候補知縣濟斌擬請以直隸州知州仍留原省歸候補班補用 候選鹽大使楊嘉瀛擬請免選本班以知縣不論雙單月儘先選用 候選道庫大使陳起澍候選從九傅傳餘擬請免選本班以縣丞不論雙單月儘先選用 同知銜郭崇德擬請以同知不論雙單月歸部銓選 通判銜文綺擬請以通判不論雙單月選用 州同銜孫德新擬請以州同不論雙單月選用 附生朱德芳擬請以府經歷不論雙單月選用 鹽大使職銜杜培榮石福齡擬請以鹽大使不論雙單月選用 運庫大使銜喬麟

書擬請以運庫大使歸部銓選 已革陝西庫大使馬惟浚請銷去永不叙用字樣 以上十三員均屬異常勞績 分省補用知府周祖祐擬請俟補缺後以道員補用 試用府經歷張剛擬請俟補缺後以知縣在任候選 候選府經歷張煊擬請俟選缺後以知縣在任候選 候選縣主簿寶琛擬請俟補缺後以縣丞在任候選 府經歷馮銜鍾永清陳棟樑楊德顯古兆瑜顧鳳高李開運吳啓新均請以府經歷不論雙單月歸部選用 縣丞銜張綽胡國清楊宣宸王極馮仁鐵雷鴻聲均請以縣丞不論雙單月歸部選用 附生彭德芳請以巡檢不論雙單月選用 文童盧樹勳陳萬青劉襄勳李國植雷統祥孫慶恒李澍均請以從九不論雙單月選用 以上擬保文職二十五員均屬尋常勞績 儘先補用遊擊顧占文擬請 賞戴花翎 儘先守備彭日昇擬請免補守備以都司儘先補用 儘先千總封國恩夏正典張紹昇劉筱亭擬請補千總後以守備儘先補用 以上擬保武職六員宜統二年九月十三日奉 硃批覽欽此

督辦川滇邊務大臣趙爾豐奏關外辦學人員三年屆滿成績卓著擇尤請獎摺

奏爲關外辦學人員三年屆滿成績卓著擇尤請獎以昭激勸恭摺仰祈 聖鑒事竊臣於光緒三十三年奏設關外學務局委在籍度支部主事吳嘉謨充當總辦該主事不以蠻地瘠苦熱心毅力選委員延教習購書器欣然出關其時蠻民新附智識未開一聞新設學堂羣皆疑阻且謂爲令其子弟支差不願就學該主事廣募通譯督同勸學員等奔馳於冰天雪地之中週歷遐荒多方勸導數日之後蠻民稍釋疑慮漸就範圍即於巴塘裏塘兩地有漢民居住之處先設學堂數所令塘民及商民與蠻頭人等子弟入堂給以衣服優以禮貌聯以情誼蠻民觀感皆有欣羨之心始行擴充校地光緒三十四年共設學堂三十餘校男女學生千有餘名咸知官話初識漢字該主事以學生可與直接言讀即乘機演說入學之益而蠻民聞風興起又見其子弟可與漢官直接言事不假繙譯於是紛紛求其設學惟關外教員難於延聘臣於去年正月由四川省城咨調藏文畢業生數十名出關派充教員於巴塘裏塘稻壩沙口鹽井鄉城等處已成立學堂六十餘所縱橫數千里開草昧而輸以文明羣蠻子弟皆知慕敬 朝廷嗚嗚向化每逢朔望悉排班向 闕叩頭與講忠孝之事羣皆歡欣鼓舞興學之功顯著成效而辦學勸導之力實較內地十倍其難現在德格春科高日一帶又經改

流學務亦將推廣而江卡乍了察木多左貢桑昂等處或已規定校舍將次開堂或正調查學齡陸續擴充查辦理學務人員迄今已滿三年而化梗頑爲良善成績昭著不無微勞臣於去年奏請將辦學之員三年期滿擇尤保獎經學部議奏請 旨允准在案惟三年之中或者不堪勞苦曾經請假或者不能勝任業已撤差均不准濫邀獎叙茲擇其辦事勤能已滿三年者數員各奏請給獎度支部主事吳嘉謨擬請免補本班以員外郎仍留度支部儘先補用並請 賞加三品銜通判職銜張卜冲請以通判不論雙單月歸部選用縣丞職銜李亨楊贊賢請以縣丞歸部選用文童呂秀生請以巡檢歸部不論雙單月選用文童魏仲餘廖明揚請以從九品歸部不論雙單月選用以示鼓勵而資觀感出自 鴻慈逾格所有關外辦學人員擇尤保獎緣由理合恭摺具陳伏乞 皇上聖鑒訓示謹 奏宣統二年九月十三日奉 硃批該部議奏片併發欽此

●又奏關外辦學人員到差不齊請憑三年成績給獎片 再關外辦學以求才爲最難欲使人才樂於效用惟恃獎勵之公以資激勵茲查學務人員到差先後不齊及時有甄別去取若拘定三年保獎一次恐屆滿之時或資格不足或及格人數太少未便瀆請然其中又往往有纔逾保獎之期已及三年之限而格於成案必待下屆方予彙案保獎則以六年之辛苦始邀一次之 恩施又覺稍有偏枯擬嗣後學務辦事人員數在七員以上實係已屆三年教育確有實效者由臣隨時奏請給獎不必以三年定限爲準而惟以三年成績爲憑庶足以示公允而昭核實理合附片陳明伏乞 聖鑒謹 奏宣統二年九月十三日奉 硃批覽欽此

●又奏已故候選通判楊維藩因公隕命請卹片 再查因公死事例有議卹之文茲有故員楊維藩自光緒三十四年隨 臣出關驅剿德格逆匪該故員在前敵尤爲出力去年於德格肅清案內經 臣隨摺奏保以通判歸部選用並請 賞加同知銜奉 旨允准在案嗣於去年十月 臣由德格移駐察木多照料川兵進藏該故員仍隨營辦事至本年三月准四川督 臣轉准軍諮處咨籌辦軍事交通調取輿圖查關外向無地圖即有亦影響模糊者多蓋由山路險阻人皆望而生畏大都諮詢土人以意附會故其圖多不足恃 臣特派該故

員前往各處測繪又准郵傳部電咨催修川藏綫路應查工程情形臣即飭令該故員於測繪之便一併詳查於五月初五日行至乍了之學窪貢地方該處道路崎嶇馬忽失足滾墜巖底該故員倒撞石上頸骨折斷由隨丁負行數里在途身故經乍了呼圖克圖遣人報知乍了把總梁鼎新轉報守備李文忠具報到案臣即派弁同該故員之子前往購製棺木將屍運至乍了暫殯並飭查明該故員在該處死事情形茲據回弁稟稱查看該山陡立逼仄下臨深澗從人皆勸折回該故員謂不過此山則彼地形勢無從得知繪圖又成虛偽且電綫於此能否取直亦應詳查若竟畏難不前此豈敬事之至意乃策馬先進該路亂石嶙峋遂致人馬顛墜頸斷項折情形實屬可慘同人無不落淚等語查該故員自到關外効力行間每逢戰陣無不奮勇爭先乃軍事初平委令測繪不辭險阻周歷遐荒竟以恪恭將事因公身殞迹其死事之慘實與陣亡者情形無殊未便聽其湮沒不彰合無仰懇 天恩俯准將該故員 飭部照例從優議卹以慰幽魂而資觀感所有故員因公殞命懇請優給卹典緣由理合附片具陳伏乞 聖鑒訓示謹 奏宣統二年九月十三日奉 硃批該部議奏欽此

四川總督趙爾巽奏撫卹被災各屬情形片

再川省地方山高土薄多歉少豐而沿江瀕河一帶又易被水蓋藏本非充裕去歲因湘鄂災荒由川運糧接濟輸出太多冬春之交各屬米價遂形昂貴加之禁絕種煙農民驟失大利生計愈覺困難滿望雨暘應時年穀順成或可藉資補苴詎三四五六等月迭據綿州梓潼彰明長壽巴縣江北高縣岳池彭山樂至合州安岳隆昌奉節叙永遂甯豐都清溪梁山長甯璧山中江資陽銅梁等廳州縣先後稟報久晴不雨裁插失時並據忠州南川酉陽秀山巫山黔江雲陽西昌彭水開縣平武打箭鑪江油簡州等處具報陰雨連綿河水盛漲或風雹蛟水相繼爲災田廬禾稼多被沖毀並有淹斃人畜情事而萬縣石泉及射洪縣屬之太和鎮資陽縣屬之合興場等處復被水災居民財貨多所損失民生窘迫何堪重茲困累節經臣分飭勘辦或酌撥款項散放急賑或動用倉穀平糶接濟或令就地廣籌捐款以資補助或准減派明年捐輸俾舒民力並飭委候補知府

奏本禮由重慶購運糧石前往西秀一帶災重之區會同地方官撫卹務使災黎悉沾實惠不致流離失所現在天氣暢晴秋禾將次登場糧價已見平減地方亦各安謐堪以仰紓 宸厪除仍由臣隨時體察情形相機妥爲籌辦並先咨部查照外所有本年撫卹被災各屬緣由理合附片具陳伏乞 聖鑒謹 奏宣統二年九月十三日奉 硃批知道了欽此

●又奏已故灌縣令錢璋請入祀名宦祠片 再前准禮部通行入祀鄉賢名宦同歸年終彙題應改爲每年八月前彙奏一次並將事實冊結送部由部核定准駁等語自應查照辦理茲查有已故署四川灌縣知縣錢璋治行懋昭循聲卓著倡修義塾興學踵文黨遺規捍築長隄引渠紹李冰成蹟既資教養宜報馨香據該縣紳耆造具事實清冊呈由該地方官結轉府道出看申司經布政使王人文加看請 奏前來合無仰懇 天恩俯准將已故署四川灌縣知縣錢璋入祀名宦祠以隆報饗而順輿情除將冊結咨送禮部查核外理合附片具陳伏乞 聖鑒訓示謹 奏宣統二年九月十三日奉 硃批禮部議奏欽此

●又奏已故成都縣舉人武謙請入祀鄉賢祠片 再前准禮部通行入祀鄉賢名宦同歸年終彙題應改爲每年八月前彙奏一次並將事實冊結送部由部核定准駁等語自應查照辦理茲查有已故四川成都縣舉人武謙儒術深操履純篤門題通德遐邇咸目爲鄉鄉齋立分經弟子爭輝於胡學既資坊表宜奉辦香據該縣紳耆造具事實清冊呈由該地方官結轉成都府出看申司經布政使王人文加看請 奏前來合無仰懇 天恩俯准將已故四川成都縣舉人武謙入祀鄉賢祠以式士林而光里閭除將冊結咨送禮部查核外理合附片具陳伏乞 聖鑒訓示謹 奏宣統二年九月十三日奉 硃批禮部議奏欽此

●又奏彭水縣職員徐聯輝等助學請獎片 再查戶部奏定新章凡報効學堂經費者准比照賑捐章程均按五成實銀核給銜封貢監翎枝等項歷經遵辦在案茲查有彭水縣職員徐聯輝於光緒三十年創辦小學捐銀七百一十兩零又劉洪盛創辦小學慨捐校舍價值銀八百五十餘兩並另捐銀三百五十餘兩均請移獎伊戚徐聯輝統計先後捐項共銀一千九百餘兩又廣元縣民張維城捐助該縣學堂田業一分價值銀七

百四十八兩另捐銀三百四十九兩共合銀一千零九十八兩又縣民侯珍國捐助學堂經費銀一千零九十六兩據各該縣將所捐田業校舍暨銀兩各項分別勘估驗明委紳接收先後詳請 奏獎前來經日飭司核議去後茲據布政使王人文詳請將徐聯輝由府經歷職銜獎給同知職銜加獎二級並給伊父母四品封典張維城侯珍國等由俊秀獎給監生加獎同知職銜各按所捐銀數照五成實銀核計均屬有益無細且覆核無異合無仰懇 天恩俯准敕部給獎以爲捐資助學者勸除將各項冊結送部外理合附片具陳伏乞 聖鑒訓示謹 奏宣統二年九月十三日奉 硃批該部議奏欽此

●又奏孀婦劉張氏捐自治局經費請移獎其子職銜片 再各屬設立自治研究所爲造就自治人才要政需款孔殷前據署彭縣知縣阮開銓詳該縣孀婦劉張氏捐田百畝共估計時價銀五千兩除壓錢合銀五百兩外實值銀四千五百兩悉撥作該縣自治研究所經費請給伊子劉述生獎勵等情當經行司核議茲據布政使王人文提學使劉嘉琛詳請具 奏前來查賑捐章程由俊秀獎作監生加獎道員銜並請四品 封典共該例銀六千一百九十六兩按五成核算共該實銀三千零九十八兩核計彭縣孀婦劉張氏捐田值銀之數尙屬有贏無細合無仰懇 天恩俯准將該孀婦劉張氏之子劉述生獎給監生加道員職銜並獎給四品 封典以示鼓勵而資觀感出自 鴻慈再劉張氏報捐田畝係在度支部賑捐章程以前是以仍照舊章以五成實銀核計合併聲明除冊結咨部外理合附片具 奏伏乞 聖鑒訓示謹 奏宣統二年九月十三日奉 硃批該部知道欽此

山東巡撫孫寶琦奏湖南附生王英備遵遺命捐書籍入圖書館請准建坊片 再據署提學使羅正鈞詳稱譯學館學生王英備係湖南瀏陽縣附生遵其故父山東候補知府王揚芳遺命將家藏書籍一百六十四種捐入山東圖書館在千金以上已飭館員核明驗收又故員王揚芳前在文登縣任內稟明以本署辦公之款提出制錢二千餘串作爲小學堂經費潔己奉公實爲近今所罕見擬請給予勳公異學字樣准王英備爲其故父在本籍自行建坊等情詳請具 奏前來日覆查已故候補知府王揚芳以

知縣起家素有廉吏之名不惜巨資具熱誠以興學復留遺命翰書籍於公家嘉惠士林洵屬深明大義查定章捐助善舉數逾千金者准其建坊合無仰懇 天恩俯准照擬給獎以資旌勸出自 鴻施除咨部查照外理合附片具陳伏乞 聖鑒謹 奏宣統二年九月十三日奉 硃批允行該部知道欽此

黑龍江巡撫周樹模奏請將陸軍部郎中張志潭等調江差委等片

再江省僻處邊徼久歎才難雖經疊次奏調人員終以地方寒苦半皆裹足不前當此新政繁多邊事緊迫非得才望素優之員相助爲理無以共濟艱難臣悉心搜訪查有陸軍部郎中張志潭吏部主事沈澤生帥培英法部主事狄樓海候選道李士鑑以上各員或才識優長留心政治或志行堅卓學有本原若令一併調江分別委用庶可得策力之資而收指臂之效裨益邊局當非淺鮮合無仰懇 天恩准將張志潭等五員調江差委出自 鴻施如蒙 俞允所調京員應請照章免扣資俸並懇 飭下各衙門迅飭各員來江以免懸事待人致滋延誤除分咨查照外謹會同東三省總督臣錫良附片具 奏伏乞 聖鑒訓示再張志潭沈澤生兩員已另摺奏派幕職叅事員差合並陳明謹 奏宣統二年九月十三日奉 硃批著照所請該部知道欽此

湖廣總督瑞澂奏補用道盛春頤期滿甄別片

再查各項分發補用人員經憲政編查館會同吏部奏定新章應自奉有差委之日起扣至一年期滿確實試驗開具差委事實冊咨部甄別奏留等語業經遵照辦理在案茲查有二品頂戴湖北候補道兼襲雲騎尉世職盛春頤年五十八歲係江蘇武進縣人由附貢生議叙同知捐指湖北試用到省委署當陽縣知縣先因光緒十四十五兩年海運出力奏保補缺後以知府用十九年捐歸知府班補用復加捐三品銜二十六年辦賑出力奏保以道員用二十七年剿捕自立會匪出力奏保以道員仍留原省補用均奉 諭旨允准二十八年九月請咨赴部十月初五日經吏部帶領引 見奉 旨著照例用欽此領照起程十一月十八日到省二十九年丁母憂回籍經升任山西撫臣岑春煊以勸辦案晉賑捐出力獎加二品頂戴七月十三

日奉 旨依議欽此三十一年十一月接丁父憂嗣以祖父盛應前在浙江殉難請優襲雲騎尉世職三十四年十一月起復到省宣統元年五月經調任督軍陳夔龍委充禁煙公所坐辦並督辦天潛河漢工賑又經臣委充本衙門會議廳審查員計自宣統元年五月十一日到差之日起扣至二年五月十一日供差一年期滿據湖北布政使王乃徵會同學法兩司及巡警道詳請甄別具 奏前來臣查該員盛春頤勤幹有為思理精密應列優等堪以繁缺留省補用除將事實清冊鈐印咨部查照外理合附片具陳伏乞 聖鑒敕部查照施行謹 奏宣統二年九月二十日奉 硃批覽欽此

察哈爾都統溥良等奏擇尤擬保拿獲著名鬍匪出力文武各員摺併單

奏為遵 旨會同擇尤擬保拿獲著名鬍匪出力文武各員繕具清單恭呈 御覽仰祈 聖鑒事竊

照宣統二年四月十八日 臣溥良等奏拿獲著名鬍匪審明懲辦懇將出力各員會同民政部酌量保獎一摺欽奉 硃批准其會同擇尤酌保餘著該衙門議奏欽此欽遵在案伏查該鬍匪患莖生等盤踞口外草地

白晝騎馬持鎗聚眾肆劫積案如山近更潛跡京城匿名設肆狡營多窟廣集黨徒迨經兵役往捕膽敢開鎗拒抗實屬巨無法紀非尋常盜犯可比且係中途行劫蒙古札薩克輔國公奉 旨交拿要犯訊供確鑿

証俱全怙惡多年始罹法網所有在事出力文武各員或奔馳載道或奮勇當先或擘畫機宜不遑眠食或鈎求信讞罔計晨昏謹擬分別異常尋常勞績擇尤酌保節經 臣等會商實核委無冒濫繕具清單恭呈 御覽合無仰懇 天恩俯准照擬給獎以勵勳事出自 鴻施逾格除其餘兵弁另由 臣等酌給外獎暨咨

部核獎並飭取各該員履歷咨送吏部陸軍部查核外所有會同民政部擇尤擬保拿獲著名鬍匪出力文武各員緣由理合恭摺具陳伏乞 皇上聖鑒訓示再此摺係 臣溥良主稿會同民政部辦理合併聲明謹

奏宣統二年九月二十一日奉 硃批該部議奏單併發欽此

謹將擬保拿獲著名鬍匪出力文武各員繕具清單恭呈 御覽 計開 花翎四品頂戴民政部補缺後以員外郎用候補主事丁軫擬請以本部員外郎遇缺先即補並 賞加三品銜 花翎四品銜察哈爾

右司員外郎候調理藩部員外郎恩祿擬請俟調缺後在任以本部郎中遇缺先前即補 四品頂戴大理院
 推事臧取知府聶夢麟擬請俟歸知府班後以道員分省補用 花翎員外郎銜農工商部候補主事潘承謀
 擬請免補主事以本部員外郎補用 禮部補用司務陳錫嘯擬請免補司務以主事分部補用 花翎同知
 銜大計卓異在任候補直隸州萬全縣知縣陳鈺擬請免補直隸州以知府在任候補 候選布理問李壽金
 擬請以同知分省補用 候選布理問張崑山擬請以同知分省補用 候補驍騎校普年擬請俟補驍騎校
 後免補防禦以佐領補用 直隸督標中營候補把總侯德山擬請以千總補用 以上十員擬請照異常勞
 績給獎 花翎四品頂戴在任候選知府得知府後 賞加三品銜以道員陞用察哈爾左司員外郎麟岱
 擬請俟陞道員後 賞換二品頂戴 法部候補主事周志中擬請 賞加四品頂戴 萬全縣張家口
 縣丞阮志復擬請在任以知縣補用 耐貢生直隸警察學堂畢業生孫蘭擬請以縣丞選用 縣丞職銜郭
 齊賢擬請以縣丞歸部不論雙單月選用 花翎都司銜候補守備李長貴擬請 賞換三品頂戴 天津
 鎮標藍翎大沽協中右營千總穆興起擬請以守備在任候補 花翎四品銜候補驍騎校補缺後以防禦補
 用奎祥擬請 賞換三品頂戴 以上八員擬請照尋常勞績給獎 宣統二年九月二十一日奉 硃
 批覽欽此

熱河都統誠勳奏挑挖河道在工人員循例酌保片

再卷查向章挑挖 國內水旱河道所有在工人員每屆三年擇尤酌保數員獎給虛銜頂戴以示鼓勵歷經
 前總管前都統等援案辦理奉 旨允准欽遵在案計自光緒三十一年酌保後至三十四年已屆三年
 例保之期前任都統廷杰因查點各處陳設未及核辦臣於上年冬間批任後又適值恭查陳設亦未敢遽行
 續請屆至本年已逾五載伏查每屆開工挑挖均在盛暑之際該苑丞苑副等逐日監工不支薪水不避暑熱
 洵屬已從公不無微勞足錄擬請援照奏准成案扣足三年仍歸三十四年例保之案擇尤酌保數員以符
 定章而昭激勵出自 逾格鴻施如蒙 俞允再由早查照向章核實酌擬另行具奏是否有當謹附片
 具 奏伏乞 聖鑒訓示謹 奏宣統二年九月二十一日奉 硃批准其 酌保數員欽此

西曆一千九百十年十月二十九號 星期六

本局設立北京東長安牌樓王府井大街

宣統二年九月二十七日第壹仟柒拾玖號

電話內城總局第二百零一號

政治官報

目錄

●宮門鈔○ 諭旨二道○交 旨二道○事由單●電報類○浙撫致憲政編查館電○憲
 政編查館覆浙撫電○資政院接收浙省來電●法部第一次考試法官等第名次分數單●摺奏
 類一○郵傳部奏陳明正太鐵路上年營業情形暨收支大數等摺○又奏萍昭鐵路改名萍株鐵
 路片●摺奏類二○東督奏海龍總管依撥阿請開底缺以副都統候 簡摺○署粵督奏已革
 新會令林玉銘被參冤抑請開復片○浙撫奏學務公所各員供差期滿請獎摺併單●廣告○本
 局發售現行刑律定本廣告二則

政治官報 目錄

九月二十七日第一千七十九號

一

●宮門鈔●

九月二十六日 吏部 翰林院 廂黃旗值日 補貝子請假十日 資政院遞封奏
一件 盛昆遞封奏二件

召見軍機

●諭旨●

監國攝政王鈐章

九月二十六日內閣奉

上諭署兩廣總督袁樹勛因病奏請開缺一摺袁樹勛著准其開缺欽此

軍機大臣署名奕劻毓朗那桐徐世昌

監國攝政王鈐章

九月二十六日內閣奉

上諭李國杰著充出使比國大臣並賞給二等第一寶星欽此

軍機大臣署名奕劻毓朗那桐徐世昌

●交旨●

九月二十六日

監國攝政王鈐章

軍機大臣欽奉

諭旨本日資政院具奏據順直各省諮議局及各省人民代表等陳請速開國會一摺又據錫

良等及陳夔龍恩壽電奏組織內閣欽頒憲法開設議院等語著將原摺電交會議政務處
王大臣公同閱看後預備召見欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨御史盛昆奏宗室侍衛升階壅滯請酌量變通一摺著該衙門議奏欽此

軍機大臣署名奕劻毓朗那桐徐世昌

九月二十六日內摺傳 旨事由單

●內閣奏勾到日期請 欽定事奉 旨圈出十月初八日戊寅 十七日丁亥 二十八日戊戌 十

一月初七日丁未 十四日甲寅 ●吏部奏議覆給事中張世培奏變通道府截取班選法事奉 旨依議

○又奏議覆直隸總督奏張夢筆補選安縣知縣議駁事奉 旨依議○又奏議覆山東巡撫奏張汝鈞升

補膠州直隸州知州議駁事奉 旨依議○又奏議覆東三省總督奏孟憲彝調補奉天府知府事奉

旨依議○又奏議覆東三省總督奏陳閻試署海龍府知府事奉 旨依議○又奏各省補同知等缺彙奏

事單一件奉 旨依議○又片奏錄用孝廉方正請免驗看事奉 旨依議○又奏核議山東等省道府

以下等官尋常議叙議處彙奏事單一件奉 旨依議○又片奏黑龍江巡撫周樹模等查級抵銷事奉

旨依議○又奏八月分京外官員丁憂等項彙奏事單一件奉 旨知道了○禮部奏 孝欽顯皇

后二周年禮事宜事奉 旨依議○又奏 孝欽顯皇后二周年禮節事奉 旨知道了○又奏

派三分之一之半人員前往行禮事奉 旨依議○又奏 德宗

景皇帝二周年禮事宜事奉 旨依議○又奏 德宗景皇帝二周年禮節事奉 旨知道了○

又奏 德宗景皇帝二周年請 派三分之一之半人員前往行禮事奉 旨依議○又奏恭辦

端恪皇貴妃差務完竣用過銀兩數目奏銷事奉 旨知道了○內務府奏月摺奉 旨知道了○廣

司蘇拉處官房租庫營造司造辦處各奏月摺均奉 旨知道了○茶膳房奏月摺奉 旨知道了○御

藥房奏本年夏季分藥價數目事單一件奉 旨知道了○領侍衛內大臣奏一品廕生榮綿富勒琿均作

為三等侍衛用述 旨事奉 旨是○又奏一品廕生施普清作為三等侍衛用述 旨事奉 旨

是○順天府奏玉粒告成擇吉納倉事奉 旨知道了○又奏邊員接充順天高等學堂監督事奉 旨

知道了○又奏併案詳議行政經費事奉 旨該衙門知道○又奏現審月摺奉 旨知道了○又奏京

師糧價錢價事單一件奉 旨知道了○又片奏建修習藝所變通辦法事奉 旨該部知道○太醫院

奏補七品吏目事奉 旨圈出朱曾潤 袁其銘

九月二十六日外摺欽奉 硃批事由單

● 檄岫庫魯固木札布榮恩奏援案查勘金山卡倫並無偷挖情弊摺 知道了○又奏查明三晉諾彥親王

之母弟家丁賄念黑經謀害親王重案請 飭部議摺 理藩部議奏○又奏何貝札薩克公病請續假摺

● 理藩部知道片併發○又奏札薩克頭等台吉車林多爾濟因病請假並派委署理片 覽○張人駿奏併

案籌議憲政經費摺 該衙門知道○又奏應襲世職周嵩齡等案彙奏摺 該部議奏○又奏清糧奏銷案

內參後續完分數並經征各職名請分別免議減議摺 該部知道單併發○又奏試辦預算切實裁減情形

摺 度支部知道○周樹模奏本屆大計仍難合例請援案緩辦摺 著照所請該部知道○又奏請以薛齡

錫魯大寶慶通判片 知道了○又奏遵議行政經費摺 該衙門知道○又奏查明各屬水災並賑撫情形

摺 知道了○袁樹勛奏病請開缺摺 另有旨

● 電報類

● 浙撫致憲政編查館電 憲政編查館鈞鑒諮議局公舉會議廳審查科議員業經遵貴館

咨行章程剗行加倍公舉覆選區二人如有辭職前次未經與選者可否作為無效再籌局是舉抑仍就原舉各紳中覆選補充所核覆增輾巧

●憲政編查館覆浙撫電 杭州撫台鑒巧電悉審查科並無議員之名至本省士紳應仍就原舉各紳覆選前次辭職及未經與選者自不得與憲政編查館漾

資政院接收浙省來電

●九月二十四日收浙江巡撫電 資政院鈞鑒浙江諮議局停議後經增輾迭次勸告為大局計總期竭力維持俾該局照常開議因於二十日邀正副議長到署剗切勸導並函告以三日內開議其各議員代表輿論委曲苦衷亦即擬電入告旋據該局呈送二十三日議事日程到院屆期增輾親蒞監督乃議事期間已到議長搖鈴開會各議員多數不入會場要挾增輾將前請代奏事件先行代奏方能開議查憲政編查館議覆于式枚摺內有陳請建議事件裁奪之權仍統諸督撫諮議局不得強督撫以執行等語現該局始則停議要求繼則以不入會場強迫實屬踰越權限除遵館電另飭停會並電館查照外謹奉聞增輾漾

●法部第一次考試法官等第名次分數單

最優等八十三名 誠允正紅滿畢業生 趙廣祥奉天優貢(以上均九十六分四釐) 廖儒宗直隸舉人 汪庚年浙江舉人 楊孝則奉天畢業生(以上均九十四分三釐) 朱毓珍浙江畢業生 王子敬山西拔貢 林子瑤河南拔貢 楊紹中河南拔貢 薛勉河南舉人(以上均九十二分六釐) 盧啟賢湖北直州判(九十二分九釐) 韓和協廣東畢業生 歐陽煦四川直州判 朱友英湖北拔貢 邊英儕河南畢業生 韓光祚山東畢業生

楊拱笏貴州畢業生(以上均九十二分一釐) 許家恒江蘇畢業生 畢殿槐湖北直州判

尙熬文河南畢業生 王虞耕山東畢業生(以上均九十一分四釐) 王植福建畢業生

銀公銓四川畢業生 牛葆愉河南拔貢 范學銘直隸直州判 陳克正奉天畢業生

簡文昭廣東畢業生(以上均九十分七釐) 王永槐四川拔貢 張鍾澤廣東畢業生 孫

志曾雲南畢業生 任祖棻浙江畢業生(以上均九十分) 李國瑜貴州畢業生 劉敬銑

湖北知縣(以上均八十九分三釐) 馬國文湖北畢業生(八十八分九釐) 劉澄湖北舉

人 張梯雲山東直州同(以上均八十八分六釐) 孟慶恩廂黃旗畢業生 喬從銳直隸

舉人 蘇敬廣東畢業生 沈啟熙浙江畢業生(以上均八十七分九釐) 謝盛堂四川優

貢 魯士貞安徽畢業生 林典浙江舉人(以上均八十七分一釐) 吳宗乾湖南州判

廖慎修廣東畢業生 方仁聲廣東畢業生(以上均八十六分四釐) 王樹的山東舉人

許勳元廣東畢業生 郭廉江蘇直州判 談海廣東舉人 唐藻芬廣東畢業生 彭延思

湖南舉人(以上均八十五分七釐) 鮑忠淇直隸畢業生 蔡光輝江蘇畢業生 朱德權

湖北畢業生 盧堯廣東畢業生(以上均八十五分) 顏希魯江西直州同 李琴鶴河南

畢業生 李瑞瑾河南舉人(以上均八十四分三釐) 黃鵬年廣西畢業生 伍嶽廣東舉

業生 李繼曾直隸畢業生 朱震修浙江優貢 劉豫瑤江蘇舉人(以上均八十三分六

釐) 張之桂直隸畢業生 蘇宗斌浙江畢業生 張俊章四川畢業生 薛鳳鳴山西知

縣(以上均八十二分九釐) 馮世凱奉天畢業生 秦德經山東拔貢(以上均八十二分

一釐) 高玉田河南拔貢 周景薰湖北畢業生 張錫康浙江畢業生 宋沅浙江優貢

樓金鑑浙江優貢 吳慶莪浙江刑幕(以上均八十一分四釐) 沈豫善河南典簿 楊
 樅雲南拔貢 梁載恩廣東舉人(以上均八十分七釐) 林子儒河南拔貢 陳炎浙江舉
 業生 陳賢忠廣東舉業生 盛時湖南舉業生(以上均八十分)
 優等一百九十三名 沈桂華湖北拔貢(九十一分四釐主要科不滿七十分) 盧維時奉
 天舉業生(九十分主要科不滿七十分) 薛雪江蘇拔貢 陳贊舜福建舉人(以上均八十
 八分六釐主要科不滿七十分) 唐浚霄四川舉業生 楊炳勳陝西舉人 孫如鑑安徽
 舉人(以上均八十七分九釐主要科不滿七十分) 朱錫塗廣東舉業生(八十七分一釐主
 要科不滿七十分) 陳昌謨廣東舉業生 方廷瑞安徽舉業生(以上均八十六分四釐主
 要科不滿七十分) 賀德深湖北舉業生(八十五分七釐主要科不滿七十分) 馬泰峯直
 隸舉業生(八十五分四釐主要科不滿七十分) 彭學浚江西舉人(八十五分三釐主要科
 不滿七十分) 臧著峻山東副貢 房金錡山東拔貢 徐文瀾浙江優貢 李鼎掄雲南
 舉人(以上均八十五分主要科不滿七十分) 羅兆鳳四川七品警官 楊資洲直隸直州
 判 紹銘正白旗舉業生 張鵬霄江西舉業生(以上均八十四分三釐主要科不滿七十
 分) 徐紹溥浙江舉業生(八十四分二釐主要科不滿七十分) 莫開瓊廣東舉業生 趙
 協曾浙江舉業生(以上均八十三分六釐主要科不滿七十分) 楊奉清湖北副貢 周起
 鳳廣東舉業生 胡權南浙江舉人(以上均八十二分九釐主要科不滿七十分) 王晉四
 川舉業生 凌璧安徽舉業生 宋如璋直隸舉人 林熙疇廣東舉業生 高崇四川州判
 (以上均八十二分一釐主要科不滿七十分) 姚壽衡湖南舉業生 鄭可經四川舉人

谷其俊河南畢業生 李沅湘廣東畢業生 傅師說浙江按經歷(以上均八十一分四釐
 主要科不滿七十分 張家駒四川舉人 吳奠南貴州優貢 鍾泰階湖南知縣 吳煊四
 川舉人(以上均八十分七釐主要科不滿七十分) 鄭中砥福建畢業生 徐柱石江西舉
 人 李鴻彬山西拔貢(以上均八十分主要科不滿七十分) 歐卓湖南舉人 唐鑑浙江
 拔貢 王文翰河南法政學生 梅兆泰河南拔貢 朱祖植浙江刑幕 馮文棟浙江舉人
 趙春芳直隸拔貢 馮同璟浙江畢業生 馬振濂河南直州判 師維祺河南副貢 陸
 麟紱河南舉人(以上均七十九分三釐) 于大僚湖南拔貢 孫百福山東知縣 侯福昌
 山西拔貢 杜甄山西拔貢 達善廂藍滿畢業生 孫熙澤安徽知縣 鄭詩燮福建畢業
 生 郭子選江西畢業生 劉紹瑀山西畢業生 雷作霖福建拔貢 汪貽夔浙江刑幕(以
 以上均七十八分六釐) 丁炯浙江副貢 周伯甲山東畢業生 崔正峰奉天畢業生
 周業鉅湖南拔貢 唐受潘四川舉人 江鎮三湖南畢業生 周魯廣東畢業生 陳漢芬
 湖北拔貢 劉鍾球江蘇通判 許宗謙直隸畢業生(以上均七十七分九釐) 左樹玉湖
 北知縣(七十七分六釐) 裘燊浙江畢業生(七十七分四釐) 李鴻鈞山東舉人 伊若
 璋山東畢業生 李世祿山東拔貢 袁蔭翹江西畢業生 孫鴻賓直隸拔貢 陳樹基浙
 江副貢(以上均七十七分一釐) 商建中河南拔貢 潘澄修廂白漢畢業生 冉翼道四
 川通判 葉承家廣東按經歷 徐拾元山西舉人 范一桂浙江畢業生(以上均七十六
 分四釐) 常述明直隸副貢 魏大名直隸刑幕 藍作棟四川畢業生 白源豫河南舉
 業生 王孝誠福建畢業生 麻席珍山西舉人(以上均七十五分七釐) 王庚堂直隸舉

業生 郭霖三直隸畢業生 林鍾儒福建畢業生 張愨山東畢業生 奉楷四川畢業生
 傅琳浙江畢業生 程松年四川優貢 許其襄河南拔貢 鄭春魁河南拔貢 紀春書
 直隸畢業生 毛鴻遠廣東畢業生 林稷村貴州舉人 王炎武河南畢業生 秦肇煌江
 蘇畢業生 余信芳浙江畢業生 劉樹勳四川州判 沈德濂浙江畢業生 周社河南舉
 人(以上均七十五分) 董敬修山西畢業生 劉廷弼吉林畢業生 張友伊河南拔貢
 蔡文炳湖南畢業生 楊華甫湖北刑幕 陳秉韶廣東畢業生 陳碩謨福建畢業生 史
 錫綬四川畢業生 郭慎五河南畢業生 廖雲禎河南刑幕 倪瑞芝浙江拔貢 張之炎
 江西拔貢 裕然廂紅漢優貢 邱淵福建畢業生 梁仕澄湖南舉人 陳樹藩湖北刑幕
 (以上均七十四分二釐) 董姓直隸知縣(七十三分九釐) 張濬源山東畢業生 韓國
 斌湖北直州判 危道濟湖南同知 劉鳳銘正紅漢直隸州 徐守常奉天畢業生 趙模
 浙江拔貢 孟廣鐸河南畢業生(以上均七十二分六釐) 劉毓崑四川舉人 邵驥浙江
 拔貢(以上均七十二分二釐) 陸培鑫廣西知縣 劉仁裕浙江直州判 曹元朗浙江舉
 業生 趙華漢浙江通判 秦汝梅山西舉人 吳柏年湖北畢業生 梁廷俊直隸舉人
 宋孟年浙江畢業生 林柏同廣西舉人 涂丙熙江西州同 黃裳福建畢業生 奚侗安
 徽畢業生 王用益四川畢業生(以上均七十一分九釐) 賂永詮河南拔貢(七十二分
 八釐) 高棠恩山東舉人 孫道恩山東拔貢 何謙章廣西拔貢 陳埜福建舉人 張
 書玉廣西優貢 張庭馥河南拔貢 程世濟江西州同 毛龍章直隸拔貢 章朝瑞江西
 舉人(以上均七十一分一釐) 陳人經江西拔貢(七十一分八釐) 何紹休江西副貢

政治官報 分數單 九月二十七日第一千七十九號 九

關瑞琛廣東畢業生 郭文先湖南州判 陳策河南拔貢 李敬之河南拔貢 楊恩培山東舉人 鍾之翰浙江畢業生 吳孝忱福建畢業生 鄧振廊湖北畢業生（以上均七十分四釐） 周輝遠山東拔貢 郭翰湖南拔貢 于宗周奉天畢業生 陳祥貽安徽州同 鄭彭黓廣東畢業生 唐獻湖南拔貢 余瑞鸞廣東畢業生 王藻湖北優貢 劉光藩四川拔貢 王性河直隸拔貢 張煥齊直隸舉人 王澤榮河南舉人（以上均七十分零七釐） 江天澤廣東畢業生 顏壽四川畢業生 李應桂廣西畢業生 張秩年湖南舉人 穆經畬江西知縣 邱桂樺山東畢業生 姚秉均山西優貢 宋祥英四川畢業生（以上均七十分）

中等二百八十五名 莊樞元福建畢業生（九十二分九釐主要科不滿六十分） 羅景福正白漢畢業生 石潤金湖南畢業生（以上均八十七分一釐主要科均不滿六十分） 孫桂森奉天畢業生 李鴻文山西知縣（以上均八十六分四釐主要科均不滿六十分） 彭頤江西舉人 劉子修廣東畢業生（以上均八十五分七釐主要科均不滿六十分） 裴子晏山東畢業生（八十五分主要科不滿六十分） 王荃薊山東畢業生 曹鼎汾浙江舉人（以上均八十四分三釐主要科均不滿六十分） 顧文郁江蘇畢業生（八十三分九釐主要科不滿六十分） 瞿鴻賓湖北畢業生 李琦湖北畢業生 王宗儒直隸拔貢 張翹漢廂黃旗畢業生（以上均八十二分九釐主要科均不滿六十分） 邵福祿江蘇畢業生（八十二分一釐主要科不滿六十分） 陳海超廂黃旗畢業生 潘學海江西畢業生（以上均八十一分四釐主要科均不滿六十分） 陳傳鈞河南畢業生 曾純陽湖南舉人

王容德河南知縣 劉通福建畢業生 包有魚安徽畢業生 王汝湘直隸舉人(以上均八十分主要科均不滿六十分) 彝勳正藍滿直州同 李秉超山東畢業生 沙兆鏞直隸舉人 鍾達福建畢業生(以上均七十九分二釐主要科均不滿六十分) 蕭益江西畢業生(七十八分九釐主要科不滿六十分) 左樹瑄湖北拔貢 蕭治馨四川畢業生 華國山東畢業生 楊灼熊廣東畢業生(以上均七十八分六釐主要科均不滿六十分) 駱永讓河南優貢 黃鳳蘇廣東知縣 章士濂浙江刑幕 孫高蔭山東主事 葉自純安徽副貢 王祖培直隸畢業生 王官壽江蘇畢業生(以上均七十七分九釐主要科均不滿六十分) 卜云吉陝西舉人 董毓琳直隸畢業生 劉泮廣東畢業生 胡修輔河南拔貢 鄧榮經河南通判 鄭幹材廣西舉人 王瑄四川畢業生 童培元福建優貢 吳榮萃江蘇畢業生(以上均七十七分一釐主要科均不滿六十分) 馬宗杰廣東畢業生 俞安壽浙江畢業生 增恩正白滿畢業生 鐘鳴正白漢畢業生 孫發緒直隸知縣 侯光第福建畢業生 施恩溥江蘇拔貢 胡兆沂江蘇畢業生(以上均七十六分四釐主要科均不滿六十分) 錢江浙江畢業生 鍾應德江西舉人 馬維麒陝西拔貢 孫佐廷奉天州判 趙鈺鉉江蘇拔貢 鄭鳳鏘福建畢業生 王兆熊福建畢業生 徐庭麟江蘇畢業生 楊遵路江蘇畢業生(以上均七十五分七釐主要科均不滿六十分) 李家祥直隸畢業生(七十五分四釐主要科不滿六十分) 邊寶田直隸畢業生 王其康江蘇拔貢 陳璋訓河南優貢 葉金揚江蘇畢業生 牟家夔山東副貢(以上均七十五分主要科均不滿六十分) 王錫九直隸畢業生 蕭輝錦江西舉人 何鳳升浙江刑幕 張棟銘山東直隸

州判 方應釗廣東畢業生 董建侯浙江畢業生 李煊福建畢業生 唐慎坊江西通判
 林盛勳廣東畢業生 陳永清廣東畢業生 石峻河南畢業生 李國權河南拔貢(以
 上均七十四分三釐主要科均不滿六十分) 黎培元直隸拔貢(七十三分八釐主要科
 不滿六十分) 瑞麒正藍滿舉人 徐沐三湖北舉人 陶緒長江西都事 楊如琮廣西
 拔貢 葉玉森江蘇優貢 馮美昌廣東優貢 李士藩湖北知縣 林祥熊福建畢業生(以
 上均七十三分六釐主要科均不滿六十分) 鄢耀樞福建直州同 賴汝松廣西舉人
 黎世澄四川拔貢 邵詒毅浙江畢業生 鄭思曾浙江畢業生 吳廣齡福建畢業生
 王占梅直隸畢業生(以上均七十二分九釐主要科均不滿六十分) 謝耀棠廣東畢業生
 (七十二分四釐主要科不滿六十分) 袁煥崙四川州判 易文藻廣西畢業生 秦樹勳
 廣西拔貢 方瀏生浙江畢業生 李蔭川直隸畢業生 余鳴謙福建畢業生 張慶珍安
 徽畢業生 周駿聲浙江畢業生 趙鈺浙江刑幕 鄭藻翔廣東畢業生 蕭日炎廣東畢
 業生 王日灝湖北拔貢 吳英翰湖南拔貢(以上均七十二分一釐主要科均不滿六十
 分) 黎家麟廣東拔貢 孫龍光廣東畢業生 曾國霖江蘇畢業生 張相江蘇拔貢
 任景亭山東畢業生 牛照藻山西畢業生 楊光憲直隸優貢 董書甲奉天優貢 馬宗
 蕪奉天直州判 振華鏡藍漢畢業生(以上均七十一分四釐主要科均不滿六十分) 孫
 雲澄浙江畢業生(七十一分主要科不滿六十分) 王璣璠鑲紅滿直州判 何鳳岐廣西
 拔貢 闕宗驥廣西拔貢 朱甘霖安徽畢業生 夏敬履江西畢業生 洪紹祖浙江畢業
 生 黃樂誠廣東畢業生 陳寅陝西知縣 劉傳猷河南直州判 鄒杰四川畢業生 霍

乃暉廣東畢業生 關思軾廣東畢業生 鄭堯勳廣東畢業生（以上均七十分零七釐主要科均不滿六十分） 曲著勳河南拔貢 林伯權廣東畢業生 孫曾蔭山東主事 葉葆彝浙江拔貢 張映竹山東畢業生 魏永康山東畢業生 趙克仁山西畢業生 鄭豐稔福建拔貢 董起桓福建畢業生 章友文福建優貢 陳世彬福建畢業生 魏莖江西拔貢 方毓麟安徽畢業生 翁捷三福建畢業生（以上均七十分主要科均不滿六十分） 武繩緒直隸州同 孔憲熙奉天優貢 楊彙貞江蘇畢業生 楊同翰福建畢業生 楊葆銘福建畢業生 姚斯盛四川拔貢 許實雲南舉人 劉崇先雲南拔貢 譚芝淦廣東畢業生 方壽恒安徽畢業生 姚恭宋河南拔貢 書年正黃滿畢業生 王尙震河南拔貢 周丕顯河南畢業生（以上均六十九分二釐） 杜承休湖北舉人 廖文洵四川畢業生 趙毓桂江蘇畢業生 饒光廣東畢業生 陳榮椅廣東舉人 劉楷陝西舉人 王錦文浙江拔貢 李炳堃河南主事 杜光橋湖北知縣 王右弼湖北畢業生 李樹霖吉林知縣 周晉旂直隸畢業生 王志新直隸知縣 黃祖周安徽畢業生 黃守藩福建畢業生 曾慶榜湖南刑幕 李續源湖南直州判 瞿璉鈞湖南直州判 董清嶸四川舉人 王作楨山西舉人 錢璜江蘇畢業生 王晉昌河南拔貢（以上均六十八分六釐） 何寶銓山西刑幕 劉毓漳山東鹽經歷 羅捷湖北刑幕 劉培焯廣東畢業生 王淦河南拔貢 關廣照廣東畢業生 譚奎午直隸直州判 李玉田直隸拔貢 李丙榮江西拔貢 李承鈞湖北直州判 李樊湖南刑幕 林德基廣西鹽經歷 吳朋復江西直州判（以上均六十七分九釐） 許登瀛浙江優貢（六十七分四釐） 寶學增鑲藍漢畢業生 王榮

政治官報

分數單

九月二十七日第一千七十九號

十三

甲正藍漢畢業生 董鑑堂陝西拔貢 孫鴻卓奉天畢業生 陳鶴年陝西畢業生 宿文
 奎奉天畢業生 胡登第直隸畢業生 周化南湖北畢業生 王士斌山東畢業生 姜運
 昌河南拔貢 張文翰黑龍江畢業生 伍玉堂廣東畢業生 何爾照四川知縣 吳繼高
 山東畢業生 邊徵恩山西優貢 徐連芳山東知縣 程鑑江蘇畢業生 曾香蓉山東拔
 貢 吳兆枚福建畢業生 趙麟浙江刑幕 陳承虞福建畢業生 盧中琛廣西畢業生
 何采銘福建畢業生 劉桂榮廣東畢業生 徐家駒貴州舉人 陳祖堯福建拔貢 鄭端
 杰福建畢業生 徐植春安徽優貢(以上均六十七分一釐) 華其淵福建畢業生 張宗
 良貴州直州判(以上均六十六分九釐) 呂森桂直隸拔貢 奎英廂黃漢知縣 林志宏
 福建畢業生 王家三河南優貢 林振聲廣東舉人 寇書成吉林畢業生 張業廣湖北
 知縣 邱祖德湖北優貢 石廷獻福建畢業生 黃行素江蘇畢業生 李經文福建舉人
 彭顯殷廣東畢業生 孫萃斌湖北直州判 德蔭廂藍滿畢業生 黃勗福建畢業生
 劉恒濟河南直州判(以上均六十六分四釐) 吳廷琪河南畢業生 賈慶春正黃漢畢業
 生 阮家雍浙江刑幕 高誦先陝西舉人 張慰祖江蘇通判 劉觀成直隸知縣 萬敷
 湖北畢業生 章永仁湖南拔貢 金鍾毓浙江刑幕 蕭紹雲四川優貢 周翊清河南知
 縣 崔寅彤河南州判 宋慶連河南拔貢 熊紹龍河南拔貢 劉青選河南舉人 嚴鴻
 翥廣東按經歷 張坊直隸畢業生 羅藏貴州副貢(以上均六十五分七釐) 陳國華江
 蘇畢業生 張崙河南直州判 文德昂廣西舉人 魯懋勳直隸畢業生 張應藩湖南拔
 貢 劉丕公河南畢業生 吳皋颺浙江刑幕 張萬城山西拔貢 董拔福建畢業生 馮

煥光廣東拔貢 楊鶚雲南拔貢 孫甲銘浙江刑幕 婁善鏡河南舉業生 林緝鐸福建舉業生 吳之愷安徽優貢 張聚慶直隸拔貢 方翰安徽舉業生 張之麒奉天舉業生 賈贊唐河南舉業生(以上均六十五分)

摺奏類一

郵傳部奏陳明正太鐵路上年營業情形暨收支大數等摺

奏爲陳明正太鐵路上年營業情形暨收支大數恭摺仰祈 聖鑒事竊正太一路成本過重客貨稀少遞年積虧情形迭由 臣部將籌畫補救各辦法奏明在案查鐵路營業之盈虧全視乎辦理經畫之得失該路東起石家莊西抵太原中經壽陽榆次等處雖非商務發達之區而接通京漢幹路實爲直晉通衢苟消息盈虛布置得宜客貨之流通自當日增月盛自上年以來節節飭令審度情形認真籌議減輕頭二等客票暨大宗貨物價目以廣招徠添行直達快車以便商旅此外復剔除各站弊端刪減員司薪費整理機廠核減工程以期節省綜計一千九百零九年全年行車進款銀元一百四十四萬九千餘元除續添成本外行車支款銀元八十二萬二千餘元比較上年進款實增收銀元十八萬八千餘元其所得餘利以之撥付大借款利息銀元九十二萬八千餘元尙不敷銀元三十萬一千餘元已由 臣部暫由交通銀行借撥據鐵路總局局長梁士詒轉呈前來 臣等伏惟該路歷年虧累太甚現籌辦法不過目前補苴之計若爲該路統籌長策非於東西兩綫設法展修終無自拔之日查由正定東至德州一綫 臣部前於光緒三十三年曾經派員勘估所需築路成本倘由京漢接築除應付利息不計外只需銀四百五十萬元成本既輕獲利自有把握逆計此路一成卽正太與津浦京奉一

氣貫通吸收客貨必且更多而各綫亦交資其益為效當非淺鮮現正由臣部籌商辦法應俟籌畫就緒後另案奏明辦理除飭該局長督同借款公司代表及總辦等將正太鐵路妥為經理隨時改良並將該路收支報銷細冊另行核造奏報外理合先將營業情形暨收支大數恭摺具陳伏乞 皇上聖鑒訓示謹 奏宣統二年九月二十二日奉 旨知道了欽此

●又奏萍昭鐵路改名萍株刊給關防片 再臣部所轄江西萍鄉至湖南醴陵鐵路原名萍醴派湖南候補道薛鴻年總辦在案前因議由株洲展至昭山於光緒三十四年三月奏明改稱萍昭刊發關防現在此路築至株洲為止自應改稱萍株另給關防以符名實擬由臣部刊刻木質關防一顆文曰總辦萍株鐵路事宜關防發交該路局祇領開用並將舊給關防照案繳銷前派總辦薛鴻年管理有年尙臻妥善擬仍派總辦該路以資熟手所有萍昭鐵路改名萍株刊給關防緣由理合附片具陳伏乞 聖鑒謹 奏宣統二年九月二十二日奉 旨知道了欽此

摺奏類二

東三省總督錫良奏海龍總管依凌阿請開底缺以副都統候 簡摺

奏為總管請開底缺以記名副都統候 旨簡放恭摺仰祈 聖鑒事竊據花翎記名簡放副都統海龍城總管依凌阿稟稱年六十六歲食俸餉五十三年由委官承襲雲騎尉遞升防禦佐領因援剿朝陽救匪克復黑城子出力保奏以協領儘先即補並加二品頂戴奉 旨允准嗣經遞放水師營協領調補漢軍正黃正紅旗協領調升海龍城總管兼署海龍府知府曾署理 興京副都統光緒二十年因帶隊赴朝鮮防護奏派吉字營統領復奏派統帶奉字營後軍馬步隊二十七年因獲盜出力奏保以副都統遇缺儘先請 旨簡放奉 硃批著照所請欽此二十九年復因剿滅王洛道大股賊匪厥功尤偉保奏奉 硃

批仍以副都統交軍機處存記欽此宣統二年以俸滿領咨於六月十九日經部帶領引 見奉 旨著
仍交軍機處記名欽此是月二十一日蒙 召見一次計先後保薦卓異奉 旨交軍機處存記二次

勞績奏保奉 旨交軍機處記名三次擬請援案開去總管底缺候 旨簡放等情稟請前來查該員

沈毅果敢謀勇兼優歷次防邊剿匪迭著勞績日俄一戰海龍正當其衝內憂外患所禦有方彈禍無形尤為
出力旋蒙理海龍府知府安民興利衆情感戴至今稱之實為安危可恃之才合無仰懇 天恩俯准開去

總管底缺以副都統候 旨簡放出自 逾格鴻慈所有總管請開底缺以 記名副都統候 旨

簡放緣由理合恭摺具 奏伏乞 皇上聖鑒訓示謹 奏宣統二年九月十四日奉 硃批依議阿著

開去總管底缺以副都統交軍機處記名簡放欽此

署兩廣總督袁樹勛奏已革新會令林玉銘被參冤抑請開復片

再已革廣東新會縣知縣林玉銘先於光緒三十三年間經前督臣周馥以該員新會縣任內監押多犯延不
訊辦命盜逸犯亦多未獲奏參欽奉 諭旨革職嗣於宣統元年欽奉 恩旨查辦廢員該員未及將

被參原由稟報前護督臣胡湘林因之亦未彙冊咨部進呈臣抵任後據新會邑紳舉人譚鑣等聯名赴稟該

革員在任審結人犯甚多與學辦警恤囚弭門並多善政原參實在冤抑懇請開復當經行司委查去後茲據

廣東布政使陳夔麟會同按察使俞鍾穎詳覆委查林玉銘係光緒三十一年九月初十日到任三十三年三

月初八日卸事任內接收前任移交及本任新收監押各犯共三百餘名訊明辦結二百餘名新舊命案十九

起已獲七起新舊盜案一百三十起已獲五十起均尚無延不訊辦及緝捕不力情事且在任與學辦警頗有

政聲士林尤多愛戴所稱被參冤抑似尚可信等情前來臣查州縣承審承緝各犯例有定限如果逾延不辦

不獲自應按例查參前督臣周馥蒞任以來以各屬監羈人犯每多積壓逸犯亦多未獲若不指參一二不足

以示懲儆惟地方有繁簡之殊審辦即有遲速之別新會為附省繁劇縣治逐日營員鄉約獲解各犯紛至沓

來鄉鎮繁盛港汊紛歧命盜案件亦較他屬為多歷任明幹之員每多日不暇詰林玉銘在任未及兩年現據

查覆實已審結人犯二百餘名命盜各犯亦已破獲多起其為並非延不訊辦及承緝不力尚屬可信前因未

及彙冊咨達未免向隅茲既據邑紳代陳寃抑並稱興學辦警恤因弭門足徵遺愛在民業已查明原案寃抑似未便任令沈淪合無仰懇 天恩俯准已革廣東新會縣知縣林玉銘開復原官原銜免繳捐復銀兩仍留原省補用悉出 鴻施除咨部查照外謹附片具陳伏乞 聖鑒訓示謹 奏宣統二年九月十五日

奉 硃批林玉銘著准其開復原銜該部知道欽此

浙江巡撫增韞奏學務公所各員供差期滿請獎摺 併單

奏為學務公所供差期滿稱職各員照章請獎恭摺繕單仰祈 聖鑒事竊照浙江濱海風氣開通較先於光緒三十二年十月經前提學使支恒榮遵章將學務處改設學務公所慎選員紳分任六課及省視學事宜旋於三十四年八月奉部飭改六課為六科亦經遵照辦理計至宣統元年下學期省內外專門實業普通各校陸續推廣增設者先後共二千餘所畢業學生共三千數百人以浙省財政奇絀籌措維艱數載以來幸能獲此成效現奉部頒學務公所獎勵辦法比照各學堂教員管理員成案其有實心任事不辭勞怨者屆滿三年有賦人員准其按照尋常保舉加銜無職人員參酌定章咨明吏部給予六七品職銜等因於本年七月間 奏蒙 俞允在案茲據署提學司袁嘉穀詳稱浙省學務公所人員到差年限已多合格查有圖書科科長揀選知縣祝震前圖書科科長揀選知縣舉人熊運昌總務科副長兩浙候補鹽大使成健會計科副長增生柳斌元均在公所供差三年有餘實心任事貫澈始終未便沒其勞動應請照三年給獎成例准予 奏請給獎等情前來臣覆查無異合無仰懇 天恩俯准照擬給獎以示鼓勵而昭激勵出自 逾格鴻施除將該員等履歷分咨查照外謹繕清單恭呈 御覽伏乞 皇上聖鑒訓示謹 奏宣統二年九月二十日奉 硃批該部議奏單併發欽此

謹將浙江省學務公所供差期滿稱職各員分別照章請獎敬繕清單恭呈 御覽 謹開 圖書科科長揀選知縣舉人祝震請以知縣儘先選用 前圖書科科長揀選知縣舉人熊運昌請以知縣儘先選用 總務科副長兩浙候補鹽大使成健請俟補缺後以知縣補用 會計科副長增生柳斌元請給予通判職銜

宣統二年九月二十日奉 硃批覽欽此

西歷一千九百十年十月三十號 星期日

本局設立北京東長安牌樓王府井大街

宣統二年九月二十八日第壹仟捌拾號

電話內城總局第二百零一號

政治官報

目錄

●宮門鈔○ 諭旨五道○交 旨四道○事由單○吏部選單●電報類○資政院接收各省來電四則●摺奏類○吏部奏酌擬請假逾限開缺人員銷假後收缺辦法摺○署粵督奏本年上屆籌備憲政成績摺○江督奏兩匯縣五團蕩地一案訊結情形摺○翰林院侍讀學士惲毓鼎奏劣董朋謀圖吞兩匯縣蕩地請 飭秉公訊結片●議案○運輸規則案附說明●廣告○本局發售現行刑律定本廣告二則

政治官報 目錄

九月二十八日第一千八十號

一

宮門鈔

九月二十七日 民政部 都察院 正黃旗值日 鄒嘉來 溥善各假滿請 安

熙彥服滿請 安 馮國璋請假一個月 都察院遞封奏二件 度支部 沈家

本 瑞良 貴銘各遞封奏一件

召見軍機 澤公

諭旨

監國攝政王鈐章

九月二十七日内閣奉

上諭熙彥現在服闋著補授農工商部左侍郎欽此

軍機大臣署名奕劻毓朗那桐徐世昌

監國攝政王鈐章

九月二十七日内閣奉

上諭沈雲沛著開去農工商部右丞以侍郎候補仍署理郵傳部左侍郎欽此

軍機大臣署名奕劻毓朗那桐徐世昌

監國攝政王鈐章

九月二十七日内閣奉

上諭農工商部左丞著祝瀛元補授袁克定著補授右丞左參議著誠璋補授邵福瀛著補授

右參議欽此

軍機大臣署名奕劻毓朗那桐徐世昌

監國攝政王鈐章

九月二十七日内閣奉

上諭兩廣總督著張鳴岐署理未到任以前著增祺暫行兼署欽此

軍機大臣署名奕劻毓朗那桐徐世昌

監國攝政王鈐章

九月二十七日内閣奉

上諭廣西巡撫著沈秉堃補授迅赴新任毋庸來京陛見欽此

軍機大臣署名奕劻毓朗那桐徐世昌

交旨

九月二十七日

監國攝政王鈐章

軍機大臣欽奉

諭旨都察院奏代遞浙江餘姚縣同鄉京官翰林院編修馮恩崐等以已故內閣中書銜舉人黃炳扈學行敦實臚陳事蹟援案懇請宣付國史館立傳呈一件著照所請該衙門知道欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨都察院奏代遞廣東候補道陳明遠敬陳管見條陳一件該衙門知道欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨沈家本奏法律學堂添招新班酌改辦法一摺著依議欽此

軍機大臣署名奕劻毓朗那桐徐世昌

監國攝政王鈐章

軍機大臣欽奉

諭旨瑞良奏邊地需人擬酌帶隨員以資差遣一摺著照所請該部知道欽此

軍機大臣署名奕劻毓朗那桐徐世昌

九月二十七日內摺傳

旨事由單

●民政部奏臚陳第三年第一次籌備憲政成績事奉 旨憲政編查館知道○又奏高等巡警學堂第二

班學生畢業錄用事單一件奉 旨依議○又片奏丁憂起復六品警官管象乾等仍留廳差委事奉

旨依議●都察院奏兩月彙奏事單二件奉 旨知道了●步軍統領衙門奏餉鞘進城數目事單一件奉

旨知道了○又奏現審月摺奉 旨知道了

九月二十七日外摺欽奉 硃批事由單

●李經羲奏省城外自設商埠成立摺 外務部知道單併發○又奏龍楊氏因姦謀殺本夫未死誤殺夫父

及夫堂叔二命審擬摺 大理院覆判速奏○又奏麥收分數摺 知道了○又奏丁德榮等請襲世祇彙奏

摺 該部議奏○又奏六月分兩糧情形摺 知道了○又奏晉甯州屬被災錢糧請蠲緩片 知道了以後

附片不得逾四件○又奏江川縣屬被災錢糧請蠲緩片 知道了○又奏陸涼州屬被災錢糧請蠲緩片 知道了○又奏賓川州屬被災錢糧請蠲緩片 允行該部知道○又奏蒙自縣貢生周嗣徽等助學請獎片 著照所請該部知道○又奏請借撥開辦商埠經費片 度支部議奏○又奏請 賞法員等銜名實單片 外務部議奏單併發●張人駿奏請以王安國補壽春鎮標六安營守備摺 陸軍部議奏○又奏補職缺額馬驥片 該衙門知道●張人駿程德全奏請以趙興雲補江浦令摺 吏部議奏○又奏辦理簡易識字學塾成績情形片 該衙門知道○又奏請以尙克鉞補清河令摺 吏部議奏○又奏師範學堂教員中書管祖式請免扣資俸片 允行該衙門知道○又奏請以鄺兆雷補海甯直州牧摺 吏部議奏○又奏飭劉燕翼赴滬道任等片 知道了○又奏試道吳瑒等送部帶引片 知道了●誠勳奏特委文武不職各員摺 著照所請該部知道○又奏巴林等旗報効蒙荒擬酌減原定荒價並委專員辦理摺 該部知道

吏部九月分選單

知府 湖南寶慶楊履晉山西甲 直牧 安徽涿州陳金臺河南甲 通判 安徽穎州文元廂紅人 州判 雲南南安徐起霖浙江監 巡檢 廣西宜山鄒春海江蘇鳳 典史 直隸饒陽吳樹松山東鳳 河南唐縣萬人南虞城申成允山西人 教諭 江蘇泰州汪紹基江甯廩 山東甯海州韓玉昺武定舉 河南唐縣萬人杰汝甯舉 陽武張雲從開封廩 福建甌甯胡詠琛福州舉 湖南道州麻焯鳳凰舉 四川簡州羅楮中龍安廩 訓導 江蘇高瀋徐公輔松江廩 四川峽眉朱榮邦瀘州舉 河南林縣申文運開封附 安徽廬州府汪鳳翥徽州附 山東萊州府山世傳登州附 山西長子丁士廉大同舉 陝西甘泉宋儒西安舉 甘肅會甯羅世俊秦州舉 江西袁州府徐運錦臨江廩 湖北竹谿李鑑朗德安廩 廣西南甯府唐錫極桂林歲 武緣何嚴恭梧州人 昭平陳炳章潯州附 陝西略陽閻德延安廩

電報類

資政院接收各省來電

●九月二十五日收奉天諮議局電 資政院鈞鑒預算案至今猶未交議迭經呈催總以度

支部未經出奏未奉部覆爲辭鈞院應議全國預算案經奉 旨交議本局應議本省預算同一律且閩鄂已交數冊本省獨異於理不解現在會期已過大半若再遲延不交何憑會議乞分催度支部本省督院即日交議以免貽誤奉諮議局叩敬

●九月二十五日收廣西諮議局電 資政院鈞鑒預算照章應交議現奉撫劄發係備參考並無交議字樣顯係剝奪議決權乞電撫交議禱切桂諮議局叩有

●九月二十五日收湖南諮議局電 資政院鈞鑒楊撫蒸電內稱上年湖北安徽奏辦發行公債亦未交局議決等語查鄂皖奏辦公債時諮議局尙未成立何得援以爲例現奉天擬辦公債錫督卽交局議况湘省饑亂之後本局五月曾開臨時會平時亦有常駐議員可備諮詢楊撫概不與議竟獨斷獨行其有意侵權違法顯而易見務懇鈞院顧全局章毋爲所惑不勝迫切盼禱之至湘議局叩有

●九月二十五日收湖北諮議局電 資政院鑒鄂地方豫算並全冊已發到局惟係先行逐項討論非交議決參考查試辦豫算已迨定期常會已屆強半設再遲交懼滋貽誤遵照局章深慮搖動請速主持解決電覆鄂議局

摺奏類

吏部奏酌擬請假逾限開缺人員銷假後收缺辦法摺

奏爲酌擬請假逾限開缺人員銷假後收缺辦法請 旨遵行事竊查奏定章程京員請假省親修墓遠省以四個月爲限近省以兩個月爲限逾限卽行開缺等因奉 旨允准在案所有請假人員應以限滿之日由各衙門知照開缺近年以來因免扣資俸各衙門請假之員

日多有限內銷假並未咨報經行查後方據補報者有已經逾限漏未知照由臣部查明開缺者凡逾限開缺人員銷假後遇有缺出不得不按照定例先儘補用惟該員因逾限開缺既不扣俸於前泊銷假候補又復壓班於後如不扣逾限日期即准收缺不特到班擬補之員致被擠壓且該員收缺後接算前俸亦恐有撓越之慮况京員升轉向以俸次爲先後設俸次稍素則升轉之途亦淆殊非慎重官缺之道臣等公同商酌擬請嗣後遇有請假逾限該衙門未經咨報經臣部查明開缺人員俟該員銷假後將逾限日期扣除方准收缺如逾限一個月開缺應自銷假之日起扣滿一個月遇有缺出再行照例補用其逾限日久者卽以此類推似此變通辦理於體恤之中寓限制之意庶於各衙門俸次缺分均無窒礙是否有當謹恭摺具陳伏乞 皇上聖鑒訓示謹 奏宣統二年九月二十二日奉 旨依議欽此

署理兩廣總督袁樹勛奏本年上屆籌備憲政成績摺

奏爲遵章臚列廣東省本年上屆籌備憲政成績恭摺仰祈

聖鑒事竊查憲政編查館奏

定考核專科章程九年籌備事宜每屆六個月應將籌備成績臚列奏聞並咨報憲政編查館查核歷經遵辦奉核准定在案自宣統二年正月至六月應辦事宜較前更爲繁曠經臣切實程督次第進行幸無貽誤茲屆奏報之期所有籌備情形自應詳晰臚陳以資考核伏查籌備清單第三年各省應辦之事凡關巡警教育司法戶籍自治財政諸大端共分九目其關於巡警者一曰廳州縣巡警限年內一律完備查粵省各廳州縣警務上年卽粗具規模其未設者僅信宜平遠感恩數縣本年疊經督催均據具報一律舉辦此外各屬設立既先皆已漸臻完備且有提前推及於繁盛鄉鎮者計添辦警局十三所巡長警二百三十餘名省城則舉舊設

之二十八局畫爲十區嚴定規章藉資整頓至各廳州縣巡警教練所屢經督催多因款絀未能設立現由巡警道參照前在桂省辦法酌量變通督飭籌辦計本屆具報成立者已十一處學生共五百餘名並於省城高等巡警學堂內添設簡易科兩班以備從速養成警官其現充警差堪資造就之員亦飭入堂補習此籌辦巡警力求完備之情形也其關於國民教育者一曰推廣廳州縣簡易識字學塾查此事先經提學司派委專員在省城試辦學塾二十處以爲各屬之倡旋因章程及各種課本陸續完備先後面飭辦理復恐各屬官紳於部頒學塾章程命意作用尙少體會究以師資難得經費難籌爲藉口飭由該司將原章各條逐加詮釋附及詳細辦法舉凡課本之應用教授之法程時間之支配進行之比較開辦經常至確極廉之預算稽查報告附表附例之說明件繫條舉纖屑不遺務使勇於任事者有轍可循憚於舉作者無詞可藉經_臣核准咨報頒行遵守計上半年開報成立者有四十八州縣設塾四百七十所得學生一萬二千四百四十六人連司署直轄之二十塾生徒一千八百零六人都凡學生一萬四千二百五十二人其未經報到各屬並經報到而塾數人數較少者仍從嚴督促實力擴充以期識字之人日多一日此籌備國民教育及時推廣之情形也其關於司法者一曰省城及商埠等處各級審判廳限年內一律成立查粵省各級審判廳辦法經_臣於二月內專摺奏報在案所有省埠各廳建築工程先後勘估明確省城應設高等地方兩廳現正加緊督造五處商埠亦分派委員會同地方官督率構造務趕於年內一律開廳惟因經費較多屢與度支部往返籌商一再核減尙未十分就緒各廳之看守所現尙懸工以待一俟商妥後即當撥工落成毋誤限期至司法研究館各班學員因法部頒行考試期限已迫先將推檢班學員辦理

畢業偕同應試資格相合之員共計一百餘人一併給咨送部應考其餘司法警察監獄檢驗吏典主簿各班均漸次畢業計期開廳亦不至有乏才之患此籌備司法刻期成立之情形也其關於戶籍者一日彙報人戶總數查粵省省會及外府首縣暨各縣之有商埠者凡一十三屬所有正附各戶細數已於上年依限查明咨部彙奏其全省人戶總數應在本年十月底前彙報民政部一次先經節次行催飭令趕辦完竣現據各廳州縣陸續具報計已得八十餘州縣惟新安大埔等縣因編釘門牌間有無知鄉民聚衆抗阻情事經臣飛飭營縣彈壓解散一面遴選幹員馳往該處督同地方官妥辦並多出白話告示剴切曉諭雖暫即安堵惟此事民間見少怪多尙宜斟酌情形變通辦理經臣另片奏陳在案其尙未報到之增城清遠廣甯西甯等十七州縣亦已嚴檄催辦統俟各屬一律報齊再行彙案辦理此籌備調查人戶正在程督之情形也其關於地方自治者二曰續辦城鎮鄉地方自治日籌辦廳州縣地方自治查粵省城鎮鄉地方自治上年九月曾經飭據自治籌辦處查照民政部補訂清單分別次第酌定本年先辦繁盛及中等城鎮兩項並飭有繁盛城鎮之各廳州縣先行設立事務所爲總匯機關半年內迭據各廳州縣稟報設立者計二十餘處至繁盛各城鎮初次調查共四十二處嗣因各該屬士紳間有變更前議者如新安縣之深訓黃松岡石城縣之安舖石嶺塞蓬青平等鎮均請改定爲鄉新甯縣城及石城縣城原擬定作中等繼請改爲繁盛之城海陽縣之東關廂鄉原係附城繼請改爲繁盛之鎮均經籌辦處陸續釐定其餘擬定之繁盛城鎮現方辦理調查選舉所有議事董事等會本年八月內一律成立至廳州縣地方自治照依部章先從省會兩首縣辦起以次推廣亦經於六月內擬定籌辦期限清單頒發各屬按期督催現計南番兩

首縣九月間卽當舉辦明年三月議參事會可先觀成惟自治程度各處容有不齊窒礙情形亦經_臣於議覆御史趙炳麟等條陳摺內奏陳在案其省城籌設之自治研究所因春夏間先後畢業卽將該所裁撤計得學生三百餘人成績尙優均經派回本籍地方充當各廳州縣自治研究所所長或教員及幫同地方料理籌辦自治事務現查各廳州縣開設自治研究所稟報有案者官立四十八所公立者十二所卽飭由該處派員分往各處考核成績以免冒濫此兩級地方自治分別續辦籌辦雙方並進之情形也其關於清理財政者三曰覆查歲出入總數曰釐訂地方稅章程曰試辦預算決算查粵省宣統元年各項季報前經分別咨部本屆彙總覆查明上年歲出入細數督率局員漏夜編冊送部查考至釐訂稅法之預備查清理財政章程第十條應將本省財政籌擬興利除弊方法區別正雜各款門類酌量何項應屬國家稅何項應屬地方稅研究性質劃分界限編訂詳細說明書送部粵省已經照辦咨報有案並准照憲政編查館電行將宣統三年預算總冊及上項說明書照繕一分咨送以備釐訂地方稅時參考之資其試辦預算照依部咨量入爲出粵省財政困難歷年出入相權不敷甚鉅現值籌備憲政期內擴充新政與收縮用度兩者意稍背馳然際此庫儲支絀仰屋興嗟不得不勉爲其難力圖撙節凡出款有近浮濫者悉裁除之可從減省及事涉次要者亦卽酌量歸併遞年推展而急於星火之款雖總冊未列亦予追加預算期在稍紓物力仍自無誤進行計此事所歷階級甚多至最後結束卒能收支適合實非_臣初念所及料其決算事項既經度支部奏明展至宣統四年試辦自應留以有待以歸各省一律此關係清理財政分別部居按款籌備之情形也以上各項皆屬籌備要綱或措理甫經就緒或致力方在審端或基礎已成如前矛

中權尤資後勁或晝夜不舍如決江放海尙待盈科現在籌備已屆第三年此後期限益加迫促事理益覺繁難稍縱即逝者可寶之光陰竭蹶相赴者兼程之情形惟是籌辦之經驗日積發現之困難愈多無事則財用已苦其艱有事則人才愈形其乏當變通以盡利敢畏難而苟安臣以病軀勉支艱鉅在事一日應負一日之責成毋操切以厲民毋粉飾以干譽已辦者隨時綜核以廣績爲進行待舉者堅忍圖功以緩急爲先後庶幾兼籌並顧急起直追仰副聖主宵旰憂勞注重憲政之至意所有疆陳廣東省本年上屆籌備憲政成績暨現在辦理情形除分咨查照外理合恭摺具陳伏乞 皇上聖鑒謹 奏宣統二年九月二十五日奉 硃批該衙門知道欽此

兩江總督張人駿奏南漚縣董佃控爭五團蕩地一案訊結情形摺

奏爲南漚縣董佃人等控爭五團蕩地一案謹將查訊斷結情形恭摺覆陳仰祈 聖鑒事

竊臣於宣統元年八月初三日承准軍機大臣字寄宣統元年七月二十一日奉 上諭有

人奏江蘇松江府南漚縣五團蕩地曾歸普濟堂承管該堂劣董陳錦柏等意圖併吞等語著張人駿按照所奏各節確切查明秉公訊辦據實覆奏毋稍徇隱原片著鈔給閱看欽此遵

旨寄信前來等因遵卽查案札飭蘇州布政使陸鍾琦按察使左孝同確查訊辦去後茲據該司等委員查明並行提本案人証督飭蘇州府知府何剛德訊明斷結由司詳復前來臣復加查核緣南漚縣五團蕩地係新漲沙灘同治十三年該前署縣金福曾詳准設立普濟堂將該蕩地撥歸該堂暫收租息收養孤貧擬俟田地堅實再行由佃價買升科光緒七年清理沙灘復丈出百畝有奇一併諭飭該堂董承買該堂因無款可籌由江蘇紳士費承蔭等出銀一千

九百七十餘兩報買升科另捐錢八千串歸堂發典生息以充善舉之用迨十二年費承蔭等因收租不便將該地及另買二團蕩地七百五十餘畝併歸普濟堂收管情願減價價值作錢一萬五千串堂董蘇學海等籌措不足因向武舉顧斯盛等商議遂由顧斯盛與樊鳳祥張國安顧餘慶唐留耕五人出錢五千串作為頂價許令永佃該地即以顧斯盛等五人為董佃由該董佃另立字樣分給各小佃承耕董佃遞年向各小佃收租每畝三百文至一千文不等而轉向普濟堂歲繳租錢共八百串繳蘆課錢二百千文厥後董佃以該蕩地逐漸成熟令各小佃層遞加租因而結訟成仇疊起弊端甚至請兵彈壓派員查辦於是有給還頂價收地歸堂之議復有設局召買之舉而轉頂董佃之蔡順舟等從中羈阻又有客紳陳枏等出頭插訟嗣經該前署縣吳熙會同紳士朱紫綬籌議擬令圩外之地賣給沙民圩內之地歸現種各戶承佃詳經前督撫臣批准即由朱紫綬與堂董陳錦柏等辦理旋據沙民黃金生朱錫卿等紛紛集股報買圩外之地所餘無幾陳枏與轉頂董佃之陳楚儒等心懷不甘疊次飾詞上控經前督臣劉坤一札行查辦陳枏因他家避匿陳楚儒等仍以董事賄縣朦詳為詞曉曉不已旋飭提省審訊兩造各執一詞其原承董佃之顧斯盛等復囑令其黨張隆生等疊向買戶朱錫卿等尋衅搶奪柴薪張隆生又糾率子姪張阿松張阿虎及雇工吳金成等多人至張阿妹宋德榮家滋鬧致被宋德榮張阿妹各自用刀戳傷張阿虎吳金成身死報縣詣驗獲犯訊詳張阿虎之母張鳳氏又控經步軍統領衙門咨解回蘇行提犯証到省訊明將宋德榮張阿妹分別擬抵旋各在監病故咨部議結嗣署督臣周馥飭將控案改發松江府就近訊斷顧斯盛等一味狡執經該府臧揚博採輿論酌擬辦法議令普濟堂產業悉歸堂董經理其圩外蕩地沙民

已經繳價者仍行賣給其未繳價之蕩與圩內熟田不許普濟堂出賣以保公產至董佃原照既有永佃字樣仍留董佃之名惟如小佃完租應向堂董直接其圩外蕩柴及蘆課等項悉由堂董經理不假董佃之手每年由普濟堂於所收租息內酌給董佃十成之一以示體恤詳經前督撫_臣批行藩臬兩司核准照辦嗣疊提顧斯盛等開導已願遵斷惟陳楚儒無禮混爭抗不具結暫行收押示懲旋即因病交保避匿不到此歷年構訟之情形也欽奉前因_臣查原奏情形核與原案尙有未盡符合者按此項蕩地係由各小佃墾荒成熟一切工費均小佃任之實於董佃無與而董佃乃坐享其利取於各小佃者甚厚繳納堂租甚微從前賦課雖曾代完亦於堂租扣抵似不能謂上賠糧賦下墊息錢陳楚儒本非原承董佃光緒二十八年始行出頭控爭當日原繳頂價並無其名秦始基曾與各紳聯稟請勿准變賣公產當不致有垂涎圖吞之事縣書沈彥先於光緒三十年正月病故堂董陳錦柏亦於宣統元年二月病故所指勾串並無確據傷斃人命者爲宋德榮張阿妹二人亦與黃金生無涉至謂陳楚儒等情願讓出四千餘畝歸堂稟經督撫_臣批准一節乃係川沙客董潘守勳等捏情具稟請將該蕩地按成分給沙民與頂佃承買閩邑紳士顧忠宣等即羣起與爭既非陳楚儒等將地讓出亦無准其照辦前督_臣端方更無判斷此案之事該地係屬堂產分給各佃承耕今並未奪以予人於數百戶之身命財產毫無妨碍其不滿意者祇董佃數人而已若任該董佃欺壓小佃必致訟端不息轉恐激成巨衅自非持平辦理不足以維公產而杜紛爭當經由司飭府開導再三顧斯盛陳楚儒等僉稱不願普濟堂酌給租錢情願酌量得地該司府以該蕩地頻年耕本雖係各小佃墾墾之力而當年購地之價實由該董佃湊集而成爰照松江府原斷量爲變通擬酌給蕩地十成之一各願遵斷具結應即由司委員會縣復丈明確按照全圩熟蕩數目核計分給

顧斯盛等一成定立界址給照管業前給永佃印照即飭取銷至董佃唐留耕名下各戶先經堂董陳錦柏給還頂價仍應於劃分蕩地內照數扣除其從前圩外新蕩除已賣給沙民黃金生等准其照契管業外其餘新舊蕩地統歸普濟堂掌管照舊分給各小佃耕種輪租由紳董另訂章程認真經理稟明立案俾資遵守如堂董辦理不善仍令地方官隨時撤換庶可免滋流弊永斷訟藤除飭行遵照外所有遵 旨查訊辦理情形謹恭摺覆陳伏乞 皇上聖鑒訓示謹 奏宣統二年九月二十五日奉 硃批該部知道欽此

翰林院侍讀學士惲毓鼎奏劣董朋謀圖吞南漚縣五團蕩地請 飭秉公訊結片

再 臣聞江蘇松江府南漚縣有五團蕩地九千七百餘畝曾於光緒八年由團董陳楚儒等募集民戶繳價升科稟准該縣給照完糧並因此地曾暫歸普濟善堂承管該頂佃等兼歲出息錢充該堂善舉之用當蕩地新丈之後本係荒灘該頂佃等籌集本錢築圩開墾上賂糧賦下墊息錢歷二十餘年始得化穉瘠為腴壤不意該堂劣董陳錦柏秦始基等垂涎產意圖併吞勾通縣書沈彥等私相轉頂縱容土棍黃金生等聚眾強奪傷斃人命多名陳楚儒等見衆情洶洶情願讓出四千餘畝歸堂以息爭訟曾經稟奉督撫 臣批准飭府照辦有案調任督 臣端方判斷尤為嚴明乃各劣董朋比不遵隱蔽松江府知府反將該頂佃陳楚儒等收押勒限退地具結了案伏思該蕩五千餘畝為佃民數十年之心血經營關繫數百戶之身命財產各有繳價永佃印照糧串為鐵憑豈甘聽令劣董朋謀無端攘奪銜冤含憤悲訴無門 臣所聞既確不忍見良農之受侮於豪強用敢據情上達 天聽可否飭下新任督 臣派員秉公訊結以重農功而伸冤抑謹附片上陳伏乞 聖鑒謹 奏

西曆一千九百十年十月三十一號 星期一

本局設立北京東長安牌樓王府井大街

宣統二年九月二十九日第壹仟捌拾壹號

電話內城總局第二百零一號

政治官報

目錄

●官門鈔○ 諭旨二道○交 旨一道○事由單●電報類○資政院接收川省來電●摺
 奏類一○續據奏保送游學專門人才趙士北赴部考驗摺○江督奏委查江北麪粉公司饑民滋
 鬧情形分別辦理摺●摺奏類二○度支部奏預撥甘肅協餉摺併單○川督奏川省餉源不繼請
 援案再辦捐輸一次摺○又奏預辦宣統三年新捐仍照十成銀數給獎虛銜片●議案○續運輸
 規則案附說明●廣告○本局發售現行刑律定本廣告二則

●宮門鈔●

九月二十八日 度支部 宗人府 正白旗值日 睿王等盤查金銀庫覆 命

署兩廣總督張鳴岐謝 恩 李國杰授出使比國大臣並得 賞寶星謝 恩

熙彥授農工商部左侍郎謝 恩 沈雲沛謝以侍郎候補仍署郵傳部左侍郎

恩 祝瀛元等授丞參謝 恩 阿聯服滿請 安 度支部 胡思敬 溫肅

各遞封奏一件 掌禮司奏初一日祭 奉先殿併貝子行禮 現換江獺冠爪仁

領銀鼠一套

召見軍機 李國杰 張鳴岐

●諭旨●

監國攝政王鈞章

九月二十八日內閣奉

上諭雲南布政使著世增補授欽此

軍機大臣署名奕劻毓朗那桐徐世昌

監國攝政王鈞章

九月二十八日內閣奉

上諭貴州鎮遠鎮總兵員缺著蘇元瑞補授欽此

軍機大臣署名奕劻毓朗那桐徐世昌

●交旨●

九月二十八日

監國攝政王鈞章

軍機大臣欽奉

諭旨寶篆電奏欽定憲法提前頒布等語原電著交會議政務處王大臣公同閱看欽此

軍機大臣署名奕劻毓朗那桐徐世昌

九月二十八日內摺傳 旨事由單

●宗人府奏世職章京照例請贖事單一件奉 旨依議○又奏已故奉恩將軍毓均之妻請食終身半俸

事奉 旨依議●度支部奏議覆湖廣總督奏紳士舒鳳章捐助學堂鉅款請獎事奉 旨依議○又奏

議覆浙江巡撫奏監生王宗堯捐資創辦學堂請獎事奉 旨依議○又奏議覆江西巡撫奏贛省預算出

入不敷請減解北洋海防經費事奉 旨依議○又片奏學部候補員外郎王樹藩派充武昌造幣分廠幫

辦事奉 旨依議○又奏議覆江西巡撫奏贛省庫款奇絀預算不敷擬將統稅改徵銀元事奉 旨依

議○又奏議覆廣西巡撫奏前辦統稅卡長收各員分別異常尋常勞績請獎會奏事奉 旨依議○又奏

核議湖北省光緒三十四年分漕項正隨各款奏銷事奉 旨依議○又奏核覆江西省光緒三十三年開

款奉銷事奉 旨知道了○又奏開放 乾清門侍衛等官例給銀兩事奉 旨知道了●鹽政處奏河

東鹽務霪雨為災池遭水患運途梗阻課項短絀各情形事奉 旨知道了○內務府奏十月初七日立冬

初八日孟冬禮敬 神照例令薩滿叩頭事奉 旨知道了○又奏查覈 西陵廣恩庫出入銀

兩數目事奉 旨知道了●中正殿奏十月初一日進 養心殿哮喘經喇嘛名牌事奉 旨知道了

●聯魁奏請以張紹伯補塔城同知摺 吏部議奏○又奏請以屠文沛補鄧善縣知縣摺 吏部議奏○又

奏查叅匪徒滋事疏防文武職名摺 著照所請該部知道○又奏游擊謝封申侵蝕薪餉請革職永不叙用片 著照所請該部知道○又奏二月分兩糧情形摺 知道了○又奏請以王炳堃升補伊犁守摺 吏部議奏○又奏副將周陞朝飭赴任片 知道了○又奏委署府廳縣各缺片 知道了○又奏烏什回部爵職現經分別查明懇 恩准予承襲摺 理藩部議奏○又奏委總兵易盛富等接充新省陸軍協統片 該部知道○又奏請添鑄為着府經歷兼司獄事印信片 禮部知道○又奏遵查北路光緒三十三年前民欠銀糧等數目懇 恩豁免摺 著照所請該部知道單併發●龐鴻書奏第四屆籌備憲政情形摺 該衙門知道○又奏六月分兩糧情形摺 知道了○又奏續裁綠營將弁暨分別移併員缺摺 該衙門知道單併發○又奏貴州考試法官事竣摺 知道了○又奏請以李平西補銅松協左營游擊摺 陸軍部議奏○又奏委陝廷樑署貫東道片 知道了○又奏請將補用知府江茹標暫緩送引片 允行吏部知道○又奏酌保陸軍小學堂在事出力各員摺 該部議奏單併發○又奏龍里縣被災田畝錢糧請分別豁免摺 著照所請該部知道○又奏清鎮縣屬被災田畝錢糧歸入歷年豁免項下詳辦片 該部知道○又奏鎮遠鎮范德元因病出缺請 簡摺 另有旨○又奏委叅將祁以德署鎮遠鎮片 知道了●孫寶琦奏預保陞勝審判檢察廳丞人員龔積柄等請存記摺 法部知道○又奏叅督辦下游河工道員何國禔等請革職片 著照所請該部知道○又奏新馮家暨七龍河陸陸沖缺情形片 知道了●陳昭常奏呈進頭次松子摺 知道了●文激奏補授提法使謝 恩摺 知道了●李寶書奏補授貴州提督謝 恩請 陛見摺 毋庸來見

電報類

資政院接收川省來電

●九月二十六日收四川諮議局電 資政院鈞鑒豫算必出入相衡四川僅交地方歲出冊表無從豫算依欽定清單本年為試辦豫算之期現會期已逾強半再遲深恐貽誤請速主持

解決蜀諮議局叩

摺奏類一

江西巡撫馮汝駿奏保送游學專門人才趙士北赴部考驗摺

奏爲保送游學專門人才赴部考驗恭摺仰祈 聖鑒事竊前准學部咨凡游學畢業合格

人員查明咨送到部由 簡放大臣覈定後引 見候 旨獎勵嗣因各省未經保到

者尙多續經學部咨催在案茲查有留美哥崙比亞大學畢業生趙士北留學美國歷二十六

年得有財政法律政治碩士學位光緒三十三年回國曾經籌辦海軍大臣薩鎮冰保薦由郵

傳部派充上海高等實業學堂英文法律教習宣統元年經 臣聘充江西高等學堂英文教習

該員於財政法律學有專長其宗旨一以忠愛爲歸不染近日囂張之習查近年東西留學歸

國者多不過十年以內少或五六年或三四年均蒙 甄錄該員留學歷二十六年之久覈

與部議各節尙屬符合無仰懇 天恩俯准送部考驗應如何優予獎勵之處出自

聖裁除咨學部外謹恭摺具陳伏乞 皇上聖鑒訓示謹 奏宣統二年九月二十五日奉

硃批學部議奏欽此

兩江總督張人駿奏委查江北麪粉公司饑民滋鬧情形分別辦理摺

奏爲江北麪粉公司前被饑民滋鬧委員覆查分別辦理情形恭摺具陳仰祈 聖鑒事竊

本年三月中旬海豐永豐等麪粉公司被饑民滋鬧各案先經 臣委員查覆業將大略情形會

同前護理江蘇撫 臣陸鍾琦於酌擬限制麪粉公司辦法案內恭摺 奏報嗣據各公司具呈

申辯力詆前委道員黎經誥所查之非又經札委江蘇按察使左孝同前往逐一覆查核辦亦

已附片陳明在案茲據左孝同查明稟覆前來臣復加查核緣海豐公司設在海州新浦地方距城十餘里平時所出麪粉均由海道運往煙台青島等處輾轉銷售豐年麥賤民亦安於不覺光緒三十二年大災之後二麥雜糧禁止出口惟公司麪粉無禁民間積不能平該公司遇有災歉亦曾赴他處購麥然購自本地者爲多從前麥價每市斗不過三四百文本年春間漲至二千六百文民不聊生成咎公司收麥過多所致上年該州復遭水患哀鴻遍野臣籌辦賑糶委道員洪榮駐州督率今春糧缺價昂州城貧民多苦乏食三月初十日官紳在南門外設廠施粥四鄉饑民聞風麇集聚至數萬一時難於徧給施煥恐其進城滋事遂於十三日暫行閉城饑民因就食不得向海豐公司求索途遇廣廣油坊豆餅船一艘向其詢問船戶託稱公司豆餅各饑民登船爬搶一空並攫取旁船柴薪數捆後來饑民見前者手持豆餅詢自何來僞稱公司散給於是紛紛前往索食矣該公司四面築牆開溝人不能近惟西北設有浮橋通至河口饑民先過橋面逼近公司者二三百人見公司門已關閉羣向喧鬧或毀其柵欄花墻及西北便門或於後門外取其麻袋焚燒並用磚石向內拋擊公司見人衆多卽於逼近花墻洋匠所住之洋樓接連開槍轟擊致斃饑民七命誤斃旁人二命受傷已驗者二十二二人傷輕未驗者尙無確數其時洋匠並未開槍事後道出清江經前署清河縣陳宗雍面詢無異各饑民亦並未執持槍械衆論僉同時有賴豐公司派往阻止開槍之蔣長勝一人被飛彈誤傷該公司遂藉口爲饑民所放並指蔣長勝爲該廠勇丁實則饑民並無開槍之事至饑民鳧水淹斃者或云七人或云四人傳言不一當時衆既退避至十四日又往報復適該管文武相繼而至該饑民等折至東溝砲台口遇公司麻袋由船起運回廠遂上前攔截用火燒毀或間有

奪取經文武擊獲四人衆乃解散該公司謂其機器拋棄水中查無目擊之人經左孝同查驗該廠內外置有小機器數件多已生銹損壞是否事後撈獲無從查悉其死傷各人該署州施煥於相驗後當散給恤錢每名或十餘串及數串不等惟誤斃之胡元三李樹樑兩家當時不受撫恤訪諸輿論謂事後由新浦董事李鴻軒等調處每家各給八五票錢五百串飭赴地方官具結經左孝同面訊屍親則稱由州給領情詞不無掩飾而給錢則信而有徵各屍親向左孝同具稟咸歸咎於該廠經理之許鼎馨主使據該州訪聞則以王興貴小劉成爲當日開槍之人左孝同飭令公司交出訊究並將受傷之蔣長勝送驗據該公司聲稱均往上海未能交案飭州守提亦日久未到此當時海州饑民滋鬧海豐公司被其開槍傷斃多人之實情也又贛豐餅油公司由南河購運豆船向歸淮關楊莊分口完稅轉運至廠經由永豐分口驗票放行遇有貨票不符應送淮關補稅本年自三月初四日起該公司豆船陸續開至永豐口驗票計先到五船內有陳立函蔡德成二船載重該關員司按票復行溢出七十石請示淮關總辦飭補不遵將其扣留餘均驗放迨初八日續到陳金標黃立俊常保明谷友邦吳朝榮五船均經驗放該五船因阻風未能開行尙有先經驗放之吳志來一船亦未開駛初九日午後卽有痞棍揚言永豐口有公司豆船停泊聳衆爬搶各饑民聞風而至約聚數千同至永豐關前先搶五船其餘三船乘風回駛比至距關相近之草庵地方饑民復由岸追及鳧水上船爬搶一空訪聞當時實有該關已革土差乘間爬取黃豆該公司事後遂謂該關索費不遂有意留難並指關差通同爬搶查當日押運豆船之司事黃履方於被搶後赴縣開摺具稟聲明蔡陳兩船運單被扣其餘六船運單均已給還可見扣留者實祇二船由於船戶溢載貨票不符之故

其餘六船既已驗放自因阻風遲開被搶實與該關無涉至該關從前曾有土差久經裁革另歸淮關派差按月輪值是月永豐口值役之人查無勾搶情事此案經清河縣拏獲六犯內有姚珍一名係屬已革土差因雙目俱瞽訊未到場爬搶業經取保餘犯由縣訊供詳辦惟尚有逸犯唐殿臣楊志金亦係曾充土差之人且在其家起出黃豆仍應飭縣嚴拏訊究此贖豐豆船被搶之實情也又宿遷民食專恃小麥同治光緒年間每石售錢不過二三千文近自清江海州等處各設麪粉公司派人在徐屬一帶購運於是奸商訂購青苗居奇壟斷麥價騰漲貧民度日維艱早已積怨成忿而永豐公司復在該縣設立益爲衆所集矢本年二月該公司總經理道員劉更年以機已裝齊出貨伊邇函請縣保護維時麥價奇昂民間咸謂公司收買致貴譎言四起該縣汪寶增照會公司商請暫緩開機未據具覆至三月初間麥價每石漲至七千有奇該公司又有三月二十五日開機之說羣情益形惶惑奸民從中鼓動謂官長受公司之賄任其設立永爲民害遂於三月初旬及十三四等日徧貼廣告有三月二十五日燒毀公司勿搶大戶之語汪寶增一再示諭查禁並於十五日親至公司商借存麥平糶遵緩開機劉更年允借千石而以漕斛交兌減價千文汪寶增因漕斛短市斛二斗雖減猶貴且因劉更年有仍須試機之約未能定議旋因赴鄉彈壓鬪案囑由商會總理張桐自治公所所長呂懋辰等復向公司商借該公司仍持前說並要索現錢統領巡防馬隊補用遊擊龔炳魁亦往相勸未允十八日上午適有清江大豐公司麥船四艘在城外宿關前盤至大船饑民見係糧食衆衆登船爬搶同時外圩周聚源漕坊及王馬氏家囤有雜糧亦被爬搶一空適汪寶增自鄉回城分赴彈壓解散因事機急迫當晚又向公司商議始允暫不開機先照市價糶麥千石如有

不敷再行通融汪寶增遂於十九日辰刻出示曉諭而已無及是日巳刻先有棍徒煽動饑民二三百人分向火油公司兩家強取火油蜂擁而往各處饑民聞風繼至比抵公司衆約千餘人先經營縣派巡防步隊三棚並舊統領龔炳魁派管帶俞忠勝前往巡查防護該公司見來勢洶洶即令兵丁放槍各兵未敢輕動惟在廠內堵禦衆見公司前門已閉後門有弁兵防守遂撞穿圍牆數處由已獲病故之余成泉徒手領首餘各分携洋油蘆柴入內登即縱火焚燒機樓一座儲麥棧房一所兵丁因衆寡不敵力弗能阻維時饑民已聚至數千乘機爬搶存麥營縣聞警馳至分投彈壓當場拏獲搶麥四人衆漸解散除被焚被搶小麥外尙存一百五十餘石嗣經徐州府知府田庚自省回郡順道前往勸諭該公司亦將存麥悉數交縣平糶諺始息此宿遷貧民爬搶麥船囤糧及焚搶永豐公司之實情也又清江大豐麪粉公司設於光緒三十二年所用小麥據稱向在山東安徽及本省徐州一帶採運開辦時業已稟明不購本地之麥民間究難盡信本年春間隣邑災荒糧少饑民四出求食麥價飛漲民怨遂集於公司該公司已將每日所出次麪麩皮就地平價售賣惟供求不能相劑閭閻疑其出售未盡奸民因而造謠煽惑謂公司有放賑之舉徧貼匿名揭帖約期同往借麥經前署清河縣陳宗雍一再諭禁迨三月初八日痞棍與貧民紛至適該公司麪麩售罄衆遂藉此滋鬧該公司將廠門關閉羣向拋擲磚石擊毀機房玻璃撞損圍牆三段經文武彈壓開導並當場拿獲數人饑民仍在廠外圍繞旋由前署江北提臣王士珍派隊鎮遏並諭飭官紳籌辦平糶衆始散去嗣經公司將存麥二萬數千石全數平價糶賣並派人赴滬代購麪麩源源接濟羣情始獲相安此清江貧民滋擾大豐公司實情也查以上情節雖與道員黎經誥原查稍有不符而大致尙

無出入海豐一案饑民初由就食而至衆雖萬數悉係徒手該署州施煥並不剴切曉諭乃輒倉皇閉城以致羣往公司要求而該公司又不慰以善言率行開槍轟擊傷殘多命咎實難辭雖饑民攀柵壞垣不無强悍然例以徒手爬搶亦祇於爲首滿徒況被害之人致死生事擾害之兇惡棍徒亦應科以徒罪饑民究非兇徒可比且係爬搶未成復有誤斃無辜之胡元三李樹樑二人更豈能置而不問倘謂死傷皆屬有罪之犯又何爲加以撫恤又何爲事後賄和臣於放槍之公司則飭令交兇於滋事之饑民則勒拿首要辦理並無偏抑乃該公司以此反對糾集各公司開會登報具呈條駁痛詆原查之員甚以飛彈誤傷之贛豐公司蔣長勝一名捏爲該公司勇丁又誣爲饑民槍傷而傷斃饑民多人先則謂諸司機洋匠所擊繼則謂廠勇放槍亦屬無罪一若公司生殺自由人命乃不應追究也者竊恐天下無此公理 朝廷亦無此法律至謂該公司曾經助賑饑民不應仇視然助賑之施惠無幾耗麥之病民實多德不敵怨理有固然當臬司左孝同赴州覆查之時控告該公司者尙二三百人則是否府怨抑又可知今被控主使之該公司經理許鼎馨匿不到案又不將開槍兇犯交出實屬藐視法紀署海州施煥當日措置乖方迨解散之後電稟臣署輒謂匪徒率領饑民數萬縱火行搶屢欲起事經該州督同文武撲滅等語誣民爲匪意存恫喝厥後延不將勘驗情形通報經臣電檄頻催遲至六月始行具詳仍以匪徒希圖起事爲言其於致死饑民則指爲格斃誤傷之蔣長勝亦指爲匪傷廠勇扶同捏報任意架虛實欲見好公司罔惜民命倘當日被其贊趨稍不加察難保不冤陷良民激成巨案似此顛倒是非有心朦混未便稍事姑容該員業經先行撤任相應請旨將三品銜道員用前署海州直隸州江蘇候補知府施煥及被控主使放槍之海豐公

司經理捐納縣丞許鼎馨一併革職仍飭現任海州將許鼎馨提案勒交下手槍斃人命之犯一併解司訊明按例詳辦一面購拿爲首滋事及爬搶豆餅柴薪之犯務獲併究以昭公允而服輿情賴豐豆船因貨票不符被扣致與阻風未開之船同被爬搶但富拿辦搶犯似難咎責關員雖有前充該關之土差夥同搶奪而既已裁革卽與平民無異應責成營縣一體嚴拿各逸犯究辦永豐一案當民怨沸騰之際迭經官商借麥平糶該公司未卽慨允致釀事端不能不咎其怪吝賈禍該管文武先已派兵防護因衆寡不敵未能堵禦亦不能以兵丁不敢放槍遂指爲救護不力惟痞棍煽惑饑民聚衆放火爬搶實屬強橫此風亦斷不可長現在首先入廠之余成泉雖已獲案病故餘亦拿獲數犯然非主謀首要緝捕乃營縣專責仍當勒限上緊拿究倘日久無獲並當分別懲處至該公司先請補助繼續請責賠償復又串出美商恒豐洋行以該廠機器尙未付價由領事具函干涉索債查商民被盜地方有司祇應拿犯追贓並無賠償之例至洋商機器既已售與華商卽使價目未清亦應另歸債務辦理不能牽入此案索賠均未便准予照辦大豐公司既聲明不購本地之麥乃因麩麩售盡致被滋擾實同无妄之災事後復盡出存麥代購麩麩以濟民食尙屬克盡義務奸民造謠鼓衆情殊刁惡今僅獲附和數犯而首要尙復在逃應飭營縣認真嚴拿懲辦以儆效尤所有查明江北饑民滋鬧麩粉公司致被槍斃多命分別辦理情形謹恭摺具陳伏乞

二十五日奉 硃批著照所請該部知道欽此

皇上聖鑒訓示謹 奏宣統二年九月

摺奏類二

度支部奏預撥宣統三年分甘新協餉摺併單

奏為預撥宣統三年分甘肅新餉恭摺仰祈 聖鑒事陝甘總督長庚奏撥案預估宣統三年甘肅關內外協餉等因一摺宣統二年八月初二日奉 硃批度支部知道欽此欽遵由內閣抄出到部查原奏內稱關內外協餉向章每年估銀四百八十萬兩庚子以後各省驟加償款籌辦新政兼顧不遑以致指定之餉日欠日多前經甘新兩省通盤核議力加裁汰截至光緒二十九年年底止關內外每年共裁減銀四十萬兩奏請自三十年正月共估撥銀四百四十萬兩仍由甘肅統收分解由部按照核減銀數估撥在案茲屆預估宣統三年協餉之期查關內外共應估銀四百四十萬兩內除應解償款甘肅三十萬兩新疆四十萬兩共銀七十萬兩請照上屆成案仍由代解各省關就近撥解滬關交納此項即由甘新兩省自籌提還協餉並庫

交補平銀兩匯滬清收其餘應解甘庫銀三百七十萬兩懇 恩飭部照數估撥分催承協各省務照定章分批掃數清解其歷年欠餉八百數十萬兩曾經奏明指為練兵的餉仍由部嚴催籌解免誤要需等語臣等伏查甘肅關內外協餉自光緒十一年起定為四百八十萬兩庚子後承協各省關積欠甚鉅經臣部奏令受協各處切實裁減嗣據甘新督撫於預估三十年協餉摺內聲稱與伊犁塔城竭力核減計關內外每年共減估銀四十萬兩歷經臣部奏准照數指撥在案今據陝甘總督奏請估撥宣統三年分關內外協餉仍照上屆減定數目奏撥自應准如所請辦理又查減估數內有新疆裁兵節餉銀六萬兩係提作江蘇省撥補贛金之用上屆已照案撥補此次仍應照辦計實撥給銀四百四十六萬兩相應按照減定各省關協餉數目及分支

提存數目分繕清單恭呈 御覽並請 旨飭下各省關除代解甘新兩省應還洋款妥籌辦理外其餘應解甘肅銀兩務當依限清解不得稍有帶欠致誤計授之需至各省關歷年欠解協餉亦應令遵照臣部歷次奏咨各案趕緊設法補解以濟要需而顧邊防所有預撥宣統三年分甘新協餉緣由理合恭摺具陳伏乞 皇上聖鑒謹 奏宣統二年九月初八日奉 旨知道了欽此

謹將指撥各省關減定甘肅新餉銀數繕具清單恭呈 御覽 計開 河南省撥銀五十六萬兩 山西

省撥銀七十八萬兩 河東道撥銀四十八萬兩 陝西省撥銀十九萬兩 湖北省撥銀三十萬兩 湖南

省撥銀十五萬兩 江蘇省撥銀十九萬兩代解新疆應認賠款銀十萬一千六百四十三兩撥補釐金銀六萬兩實應解甘銀二萬八千三百五十七兩 安徽省撥銀十九萬兩代解甘肅應認賠款銀二十萬兩計不敷銀一萬兩如何劃解之處應令陝甘總督妥籌辦理 兩淮撥銀十九萬兩代解新疆應認賠款銀十六萬九千四百五兩實應解甘銀二萬五千九百九十五兩 江西省撥銀三十三萬兩代解新疆應認賠款銀十三萬五千五百二十四兩實應解甘銀十九萬四千四百七十六兩 四川省撥銀九十一萬兩 閩海關撥銀十九萬兩代解甘肅應認賠款銀十萬兩實應解甘銀九萬兩 以上指撥宣統三年分甘肅新餉庫平銀四百四十六萬兩除劃解甘新兩省賠款及撥補釐金外其應解甘餉項均係確數不准絲毫短欠應照案截至宣統二年十二月底趕解三成以便來春接續供支截至宣統三年四月底再解三成下餘四成統限宣統三年九月底掃數解清各省籌餉之藩運各司及山西之河東道如能依限照解即由陝甘總督查取職名奏請獎叙其有藉端延欠即由臣部照例奏參至各省關報解及陝甘總督報收應令仍照向章隨時奏咨報部以憑稽考再查該督原奏內稱甘新賠款請由各省關協餉內就近劃撥銀七十萬兩應交補平銀兩由兩省按期匯解惟上屆劃撥賠款內新疆省銀數已有加平在內是以此案仍照上屆劃撥其甘肅省應補平若干即由陝甘總督自行解滬合併聲明

謹將預撥宣統三年甘肅關內外協餉分支提存各數目繕具清單恭呈 御覽 計開 甘新兩省轉運公用銀四萬兩 甘肅關內新軍綠營勇營俸餉糧料草折廉費製造軍火軍裝倒馬價值等項銀八十八萬兩 青海王公俸銀西甯辦事大臣甯夏涼州莊浪三滿營俸廉紙紅公費兵餉銀二十二萬兩 封儲甘肅藩庫銀二十八萬兩裁贖甘軍五營旗勇餉及子藥夫口糧在於此款內動支應令於年終將支存數目截算報部查核 新疆巡撫提鎮協各標營俸餉暨司庫例支不敷等項銀二百二十二萬六千兩 伊犁將軍標營滿蒙旗營俸廉餉乾軍裝器械等項銀三十四萬兩 塔爾巴哈台叅贊大臣標營滿蒙旗營俸廉餉乾軍裝器械等項銀十三萬八千五百五十兩 封儲新疆藩庫銀二十七萬五千四百五十兩沿邊營卡經費在

於此款內動支應令於年終將支存數目核算報部查核以上關內外分用甘肅新餉連提存共銀四百四十萬兩各省關按庫平報解甘肅按湘平分攤計扣出平餘銀十八萬三千餘兩應令於年終核算封儲甘肅藩庫報部查核毋得擅動合併聲明

四川總督趙爾巽奏川省餉源不繼請援案再辦宣統三年捐輸一次摺

奏爲川省撥款浩繁餉源不繼請援案再辦宣統三年捐輸一次以資接濟恭摺仰祈 聖鑒事竊查川省

額征條糧課稅以及各項釐金收數向來不敷供支惟有按糧捐輸一項歷年均援案奏辦在案乃旋收旋支仍屬入不敷出所有本省歲支臺藏各餉防邊防夷各軍月餉奉撥京餉新疆甘肅滇黔各協餉北洋練餉共需銀七八百萬兩加以近來派撥之款有增無已庫藏奇絀萬分爲難查川省糧賦本輕紳民好義歷年捐派無不樂輸值此帑項拮据不得不藉資民力應請援案再辦宣統三年按糧捐輸一次仍照歷屆章程於年內先解一半餘歸明春全完所捐之銀仍准照章給與議叙零星小戶及邊瘠州縣則酌量分別減免此外地方公事不准巧立名目濫派濫收違者官即撤參紳即提辦務期於餉有濟於民無擾據布政使王人文詳請具奏前來合無仰懇 天恩俯准川省援案再辦宣統三年捐輸一次以資接濟而應急需再中戶捐數不敷議叙者向係綜計講廣中額現停鄉試自應另給獎叙以昭激勵是否有當理合恭摺具 奏伏乞

皇上聖鑒訓示謹 奏宣統二年九月十四日奉 硃批該部議奏片併發欽此

●又奏預辦宣統三年新捐仍准照十成銀數給獎虛銜片 再查川省奉派庚子賠款數鉅期迫不得不多方籌畫經前督臣奎俊奏准加派新捐幸川省紳民尙義歷年均踴躍輸將力圖報稱茲擬援案預辦宣統三年新捐一次除有偏災各屬酌量減派以示體恤外其餘仍照常捐章程年內完半明春全完一切辦法毫無增減俾歸簡易如捐銀足數議叙仍准照十成銀數獎給虛銜等項若捐數零星向係請廣中額現停鄉試應另給獎叙以昭激勵據布政使王人文詳請具 奏前來除出示曉諭嚴禁私派浮收等弊外是否有當理合附片具陳伏乞 聖鑒訓示謹 奏宣統二年九月十四日奉 硃批寬欽此

西曆一千九百十年十一月一號 星期二

本局設立北京東長安牌樓王府井大街

宣統二年九月三十日第壹仟捌拾貳號

電話內城總局第二百零一號

政治官報

目錄

●宮門鈔○ 諭旨一道○交 旨一道○事由單●摺奏類一○專司訓練 禁衛軍大臣
 奏變通挑選步馬隊兵丁辦法摺○度支部奏張家口分銀行總辦調充山東分行總辦等片○江
 督奏試辦預算切實裁減情形摺○江撫奏本屆 大計仍難合例請援案緩辦摺○又奏查明各
 屬水災并賑撫情形摺●摺奏類二○都察院奏違議吏部主事李景綱等處分摺○川督奏上年
 通省地糧開銷銀兩數目摺○浙撫奏請將革命周延祚開復原官片○署粵督奏請將革命李光
 襄開復原官片●議案○續運輸規則案附說明●廣告○本局發售現行刑律定本廣告二則

政治官報 目錄

九月三十日第一千八百十二號

●宮門鈔●

九月二十九日 禮部 學部 正紅旗值日 黃瑞麒遞封奏一件

召見軍機

●諭旨●

監國攝政王鈐章

九月二十九日內閣奉

上諭雲南交涉使著夏偕復試署欽此

軍機大臣署名奕劻毓朗那桐徐世昌

●交旨●

九月二十九日

監國攝政王鈐章

軍機大臣欽奉

諭旨河南巡撫寶秦奏豫河霜降安瀾請獎尤為出力各員一摺所有開缺河南布政使朱壽
鋪前署開歸陳許鄭道南汝光浙道于滄瀾候補道許葆連現署提法使河北道石庚均著
交部從優議叙現署布政使提學使孔祥霖現任開歸陳許鄭道江瀚均著賞加二品銜餘
著照所議辦理該部知道欽此

軍機大臣署名奕劻毓朗那桐徐世昌

九月二十九日內閣傳

旨事由單

●軍諮處奏續派各省參謀人員事奉 旨知道了○又片奏請將樂元觀地地址改造軍官學堂事奉 旨知道了○禮部奏添鑄吉林琿春關監督關防繕模呈 覽事奉 旨知道了○又奏鑄江甯勸業

道關防繕模呈 覽事奉 旨知道了○又奏添鑄奉天昌圖府同江口分防經歷印繕模呈 覽事奉 旨知道了○又奏鑄江甯勸業

奉 旨知道了○學部奏預備立憲第三年上屆籌辦事宜事奉 旨憲政編查館知道○又奏河南省

城及禹州榮陽師範學堂簡易科畢業生請獎事單一件奉 旨依議○又奏派員直隸等省視學事奉

旨知道了○又片奏派員查看美屬等華僑學堂事奉 旨依議○又片奏彭應蕃充江蘇師範學堂教

務長免扣資俸事奉 旨依議○正紅旗滿洲奏參驍騎校德信因重染嗜好即行革職事奉 旨依議

九月二十九日外摺欽奉 硃批事由單

●陳夔龍奏報撥本年秋季 惠陵員役俸餉等款摺 該部知道○又奏八溝營守備鄧玉春久未到

任請開去底缺片 陸軍部知道○又奏七月分兩糧情形摺 知道了○錫良奏請以潘德荃等試署通化

令等摺 吏部議奏○又奏京官楊克坊等留奉辦學請免扣資俸片 著照所請該部知道○又奏試用令

郝炳燾未戒清請革職永不叙用片 著照所請該部知道○又奏職紳王迺斌違母命捐賑請准建坊片

允行該部知道○又奏續譯蒙學教科書繕訂成冊摺 知道了書留覽○又奏五月分兩糧情形摺 知道

了○蘇嚕岱奏巡查 後龍火道地方安謐情形摺 知道了○恩壽奏詳議陝省行政經費分年籌計摺

該衙門知道○又奏籌辦倉穀情形片 度支部知道○又奏七月分兩糧情形摺 知道了○又奏模範監

獄購定地基請豁免地糧片 著照所請該部知道○又奏尋常命犯張新林等案案由彙奏摺 大理院覆

判具奏○又奏請以周楠補定邊令摺 吏部議奏○又奏陝安道黃誥飭赴任片 知道了○又奏委徐德

修等試署審判廳丞各缺片 法部知道○又奏解還洋款片 該部知道○又奏季報委署府州縣各缺摺

吏部知道單併發○又奏遴選廳丞檢察長請 飭部存記摺 法部知道單併發○又奏酌定司道府

廳州縣公費摺 該部知道○又奏諮議局開會日期片 知道了○朱家寶奏元年分征收舊賦錢糧比較

上三年完欠分數摺 度支部知道單併發○又奏安徽正兵餉項循例估計摺 該部知道○又奏解新約賠款片 該部知道○又奏推廣警政經費未動公款請免咨部片 該部知道○又奏七月分兩糧情形摺 知道了○又奏考查元年分州縣事實摺 該衙門知道單五件併發●慶恕奏循例致祭會盟事竣摺 知道了○又奏札薩克喇嘛抗阻墾務請嚴議片 著照所請理藩部知道●李清芬奏補廣東交涉使謝恩請 陛見摺 毋庸來見●信勤奏開去差缺謝 恩摺 知道了●寶棻奏豫河霜降安瀾請獎出力各員摺 另有旨○又奏下南廳添築土牆支用預備金片 該部知道

●摺奏類一

專司訓練

禁衛軍大臣奏變通挑選步馬隊兵丁辦法摺

奏為擬請變通

禁衛軍挑選步馬隊兵丁辦法恭摺仰祈

聖鑒事竊查

禁衛軍第三

期編練各標營成立業於本年六月二十六日恭摺奏報奉

硃批知道了欽此欽遵在案

現在第四期應編營隊亟應按照預定辦法悉心妥籌剋期趕辦伏讀光緒三十四年十二月初三日

諭旨此項禁衛軍專歸 監國攝政王自為統轄調遣並准由各旗營兵丁內拔

取精壯認真訓練誠以 宮衛尊嚴根本至重必須選拔精壯方足以為建威強幹之資願

等體察近情旁採新制似猶有待變通籌議者查各國禁衛一軍大抵不自設徵選區域均由

各軍管區挑選所以昭雄武而萃精強意計至為深遠現值 朝廷振興武備此項軍隊復歸

監國攝政王自為統率風聲所樹遐邇奮興薄海臣民靡不以 禁衛執戈為軍人至優之

榮遇凡懷材抱武之士咸思自效其尊 君親上之忱 等仰體 朝廷同仁之意俯察羣

情囑嚮之殷所有 禁衛軍步馬隊挑選兵丁辦法擬請酌量變通以廣 德意而慰衆望

查步隊三標業經按期編成茲屆第四標從事編練之期擬將該標兵額由順直山東等處選

其身家清白賦性忠勇者限定格式照章拔取並仿照各國現行徵兵辦法兩年退伍俟第一期退伍後再推及他省一體選充此變通步隊兵丁挑選之辦法也又查蒙古世承游牧夙稱強勁其人民勇敢質樸於馬術尤擅專長如俄之哥薩克一經編成馬隊各國咸許爲勁旅上年_臣等赴察哈爾選馬親見蒙古人嫻熟騎藝幾若性成倘能編伍訓練其進步必較爲迅速惟本軍馬隊三營現已全數編成擬酌量在馬隊一標內選擇堪充礮隊兵丁撥出一營補充第四期礮兵即將馬營兵額專練蒙古馬隊仍定三年退伍遣送回蒙陸續徵選漸及邊遠其退伍各兵如有性質聰穎者並可酌留送入學堂肄習學有成就可擇派官長似於陶鎔蒙衆之道不無裨益此變通馬隊兵丁挑選之辦法也如此量爲變通則海內編氓咸仰大

同之盛治而藩封世屬益被化育之

仁施如蒙

俞允卽由

_臣等遵照試辦俟有成效

再行奏

聞所有擬請變通步馬隊挑選兵丁辦法緣由是否有當理合繕摺具陳伏乞

皇上聖鑒訓示謹

奏宣統二年八月二十三日奉

旨已錄

度支部奏張家口分銀行總辦調充山東分銀行總辦等片

再據大清銀行正監督張允言等呈稱山東分行總辦朱占科到濟四年辦理行務正資得力前以患病函請開差當以人材難得屢函慰留茲復據函陳詞意懇切未便再事挽留懇准開差派員接辦查張家口分行營業較簡現擬改爲北京分號由總行另派人辦理該分行總辦本部主事許涵修於銀行情形尙稱熟悉若以調辦山東分行人地均屬相宜等因_臣等伏查山東分行總辦朱占科既因病懇請開差自應派員接充應請以張家口分行總辦許涵修調充山東分行總辦其張家口分行請改爲北京分號由總行另派人辦理以專責成如蒙

俞允卽由臣部劉知銀行監督遵照辦理所有調充銀行總辦緣由理合附片具陳伏乞
聖鑒謹 奏宣統二年九月十八日奉 旨依議欽此

兩江總督張人駿奏試辦預算切實裁減情形摺

奏爲清理財政試辦預算切實裁減謹將辦理情形恭摺具陳仰祈 聖鑒事竊查度支部
奏定清理財政章程第十一條內開宣統元年起各衙門局所出入各款報告冊送清理財政
局彙編總冊按季呈由督撫咨部又第十四條內開宣統二年起預算次年出入款項編造清
冊由局彙編全省預算報告冊呈由督撫於五月內咨送又第十七條內開各省款項若有不
足於每年編訂預算報告冊時由各該督撫商同度支部設法籌措各等語並准度支部將預
算例言冊式表式咨行前來伏查財政爲庶政之基而江南財政頭緒紛躋清理不易預算尤
難臣上年六月抵任詳加考察始知外負賦政之名內處困難之實非及時梳剔就事裁減勢
將坐困當卽明定功過切實督催據將宣統元年春季報冊造齊隨將各季陸續造送其中要
政所關固屬省無可省而局所之駢立員薪之冗濫尤當極力裁併爲目前節流之計督飭司
道局所通盤籌畫先將營房工程局工料總所木釐總局軍械局萬頃湖屯墾局等處分別併
入財政等局及改歸皖南道辦理其餘督練公所財政局調查局自治局禁煙公所法政學堂
等三十八處均將委員薪夫切實裁減約計每年節省銀三十萬餘兩本年春季報告冊卽按
裁減後實數查造一面試辦宣統三年預算據清理財政局遵限造呈冊表共經常歲入銀二
千四百六十七萬四千七百五十一兩三分三釐臨時歲入銀一百六萬七千一百八十六兩
九錢二分四釐經常歲出銀一千七百四十八萬五千七百六十一兩六錢八釐臨時歲出銀

六百八十三萬九千一百三十三兩二錢五釐地方行政經費經常歲出銀一百八十九萬八千六百三十二兩八錢八分九釐地方行政經費臨時歲出銀五十七萬八千六百四十一兩二錢七分統計宣統三年歲入銀二千五百七十四萬一千九百三十七兩九錢五分七釐歲出銀二千六百八十萬二千一百六十八兩九錢七分二釐出入相抵計尙不敷銀一百六萬二千三百一十一兩一分五釐就中鹽務款項約餘銀十萬兩不在地方經費之列而丁漕災緩亦未能預爲剔除核實計之宣統三年不敷銀約一百五十萬兩而籌備新政尙不在內部咨本期於收支適合當此羅掘俱窮騰挪乏術卽欲勉求相抵驟亦無計可施且據該局以部限嚴迫款目紛繁恐有復漏惟勉依定限立待專咨當卽照章將原造冊表由臣送部一面分飭司道局所會同該局各就事款力求籌補旋准度支部電咨指令裁減歸併一百五十餘萬兩復經飭行籌議一面將臣衙門經費首先裁減七萬餘兩以爲表率隨據公同籌定遵照部電將兩淮運司江安糧道財政局洋務局巡警局江南製造局等二十六處共裁減銀約四十三萬八千餘兩連臣衙門所裁約共五十一萬兩另有部電歸併而節省尙無確數者有部電裁減而情形實難辦到者萬不得已復於部電所指之外在鹽務各署局及軍學界共十四處約裁銀三十一萬兩復將財政局經費臨時款剔除銀十三萬九千餘兩共計裁減剔除銀九十五萬餘兩內有軍事費各款應否裁節仍應遵照軍諮處陸軍部電咨由部處核定已於咨度支部單內聲明卽照現數統算宣統三年仍不敷銀五十餘萬兩如此大加撙節庶事已成欲窒之機卽欲竭力搜羅民力亦有難勝之勢况新政籌備需款尤多僅籌備五十萬卽能敷來年之用

在部定章程預算冊則由局核編呈由督撫咨送款有不足則由督撫商同度支部設法

籌措原未嘗強疆臣以所難然此時部庫各項同一窘絀就江南而論解款既無可停協款又多無著遑論再籌撥補開源則緩難濟急節流則搜剔已窮若至縮行政之範圍以就財力終必因財力之困乏致誤行政籌思再四殊切殷憂臣惟有竭力盡心隨時隨事勉爲設法咨商部臣主持辦理若夫塗飾以應目前培克以傷元氣則臣之迂拙不敢出此所有清理財政試辦預算情形除將冊表及裁減清單咨送度支部查核外理合恭摺具陳伏乞 皇上聖鑒訓示謹 奏宣統二年九月二十六日奉 硃批度支部知道欽此

黑龍江巡撫周樹模奏本屆 大計仍難合例請援案緩辦摺

奏爲江省本屆 大計仍難合例擬請援案展緩辦理恭摺仰祈 聖鑒事竊吏部奏請舉

行庚戌年直省 大計并變通卓異人員辦法一摺於宣統二年七月十五日具奏奉 旨

依議欽此欽遵咨行來江查原奏內開東三省均改行省自應與各省一律辦理惟所設員缺

尙未盡補有人能否按額舉薦應由該督撫另行奏明辦理等語查江省改建行省雖已三年

於茲然道府廳州縣各缺或隨時派署或就地改設均係陸續辦理是以在任各員署理者多

補授者少且歷俸已滿三年核計通省人員只餘慶縣一員按諸十五員保薦一員之例實有

未符至佐貳雜職亦屬員不敷額三載考績 大典攸關自未便稍涉遷就查上屆 大計曾

經調任撫臣程德全奏准展緩此次仍難如例舉行相應請 旨俯准展至下屆歸併核辦

以重 計典如隨時查有賢能卓著及有干六法人員自當分別舉劾藉資勸懲以仰副 朝

廷澄叙官方之至意所有江省本屆 大計擬請緩辦緣由除咨部查照外理合會同東三省

總督臣錫良恭摺具陳伏乞 皇上聖鑒訓示謹 奏宣統二年九月二十六日奉 硃

批著照所請該部知道欽此

黑龍江巡撫周樹模奏查明各屬水災並賑撫情形摺

奏爲查明江省各屬水災並分別賑撫情形恭摺具陳仰祈

聖鑒事竊江省本年五月下

旬連日大雨各處江水暴漲汎濫爲災當經據情電稟並懇將賑糶應用各款作正開銷欽奉

諭旨允准並蒙

恩賞給帑銀二萬兩散放災區欽遵辦理在案查江省連年災歉民

情竭蹶異常本年春融伊始雨澤調和農田播種及時滿擬得一豐收藉補積歉乃入夏以來陰雨過多至五月二十以後經旬累月久不放晴嫩江水勢暴漲所有上游之嫩江府東西布特哈下游之龍江府大賚肇州各廳並甘井子杜爾伯特旗等處沿江民居田禾均被淹沒爲災甚巨當飭各該地方官分投搶救幸人口尙無損傷其大賚廳屬境塔子城地方初因積雨過久地中生蟲蔓延五六十里食禾殆盡至是災蟲甫弭而江水瀾漫地畝盡付汪洋瓊瑋廳屬坤河水發淹沒十餘屯並雨雹寸餘禾稼傷損黑河府亦同時被水成災當經飭司撥發銀穀責成印委各員查明災戶趕辦急賑一面派員分赴呼蘭各屬採買糧石分由輪船火車運往被災各處俾資接濟其時蘭綏等處禾麥暢茂竊冀秋成豐稔以之應給災區尙可勉強支持緣本省糧產全恃東荒爲大宗故蘭綏各屬收成關係尤重不意至七月底大雨兼旬松花江又復盛漲於是沿江各屬並遭水災據報呼蘭府屬被淹十餘屯地畝六千餘响巴彥州屬淹沒地畝萬餘响木蘭縣屬沿江七八十里田禾房舍沖毀甚多蘭西縣屬地畝淹漬四萬餘响其餘綏化安達大通湯原各府廳縣低窪之區均因積潦浸灌各有損失惟災情較他處爲輕當飭分別查勘加意撫卹以慰窮黎伏念江省邊荒甫闢設治僅二十餘郡縣而先後受災

地方已逾強半實為向來未有之巨葭重以邊地早寒年只一穫不能補種晚禾須俟明年秋成方有接濟來日方長籌款匪易不得已乞賑鄰封賴各省督撫臣顧全大局量為協濟陸續寄江藉以稍資挹注微臣撫綏無狀致召災歎內疚實深惟有隨時督飭該管官吏查明極貧次貧各戶或辦理平糶或逕放錢米或酌貸房屋之費或量給牛種之費災情雖有重輕撫卹必求周徧總期妥為安集毋任流離失所以紓民困而廣皇仁現在各處水勢均已漸次退落惟大賚廳屬境地勢卑下尙未一律消退所有以上被災各屬來春青黃不接屆時再行察看情形分別籌濟至於各屬民情現仍安謐如常堪以仰慰宸厪除俟賑撫辦竣核明款目另行造銷並俟查明應行蠲緩各屬續行奏報外所有查明各處水災量予賑撫大概情形理合會同東三省督臣錫良恭摺具陳伏乞皇上聖鑒謹奏宣統二年九月二十六日奉 硃批知道了欽此

摺奏類二

都察院奏遵議吏部主事李景綱等處分摺

奏為議處具奏事准吏部稱本月初七日本部奏澳給事中員缺引見未到查明覆奏一摺本日奉旨依議欽此相應刷印原奏開具應議職名咨送查照辦理等語知照到臣衙門臣等查例載本章進呈後應行發出者如批本處未發內閣即行叅奏內閣未發部院即行叅奏將經手遺漏之員罰俸一年公罪又例載例無正條將例內情事相近者援引比照等語此案吏部帶領各項人員引見所有澳給事中一項因承辦司員於應行知照文件繕就漏未發行以致各道御史未克到班辦理實屬疏忽應請將吏部文選司管股候補主事李景綱刑育瓚比照本章遺漏未發將經手遺漏之員罰俸一年例各議以罰俸一年係公罪例准抵銷查該部候補主事李景綱任內有紀錄二次應銷去抵免罰俸一年候補主事刑育瓚任內並無紀錄可抵應實罰本任俸一年可否之處恭候 欽定所有臣等遵議處分緣由謹恭摺具陳伏乞 皇上聖

鑒謹 奏宣統二年九月十七日奉 旨依議欽此

四川總督趙爾巽奏上年通省地糧開銷銀兩數目摺

奏爲查明川省宣統元年通省地糧開銷銀兩數目恭摺具陳仰祈 聖鑒事竊川省支給旗糧銀兩數目應按年
漢官兵馬匹餉乾以及文職俸工並收支地丁錢糧魚課碾榨磨課雜稅牙行田房稅契各項錢糧例應按年
奏銷茲據布政使王人文詳稱宣統元年分舊管徵收本色倉斗米豆一萬四千七百九十三石一斗一升九
合六勺七抄新收元年分地丁火耗魚牙碾課田房雜稅一切雜折共應徵銀一百一十九萬二千六百三十
兩一錢六分九釐六毫二絲四忽七微五塵內夔關短徵銀一十六萬九千一百一十七兩八錢七釐係因重宜
兩關掛旗船隻販運洋土各貨免徵稅銀侵佔所致除各關收稅銀數未准咨行無憑劃抵外實在徵完銀一
百二萬三千六百一十二兩三錢六分二釐六毫二絲四忽七微五塵新收本色倉斗米一萬三千四百五
十四石七斗八升三合五抄舊管新收倉斗米豆二萬八千二百四十七石九斗二合七勺二抄開除各廳州
縣土司祭祀官役俸工驛站餉輸舖司救生船水手工食孤貧憲書工科及奉撥兵餉支發文武各官養廉等
項共銀一百二萬三千六百一十二兩三錢六分二釐六毫二絲四忽七微五塵共支過新舊倉斗米豆九千
七百一石四斗八升八合七勺七抄造具冊結詳請 奏咨前來臣覆核無異除加具印結並將清冊咨部核
銷外理合恭摺具陳伏乞 皇上聖鑒謹 奏宣統二年九月十五日奉 硃批該部知道欽此

浙江巡撫增韞奏請將已革黃巖令周延祚開復原官片

再已革浙江候補同知周延祚於光緒三十四年四月間經前撫臣馮汝睽以該員罔利取巧心術不端奏參
革職嗣據黃巖縣士紳以該員辦理地方要政勤求治理實無罔利營私稟請開復原官並據該革員以被參
冤抑請飭查昭雪前來即經批飭藩司確切查明核議詳辦去後旋由司札委署台州府知府啟續飭據署黃
巖縣知縣胡爲和吊核案據確查詳司前藩司顏鍾麟未及詳辦仰事茲據現任藩司吳引孫核明具詳查該
革員周延祚福建建陽縣監生由浙江試用縣丞加捐新班遇缺補准補烏程縣縣丞因海運出力保准以知
縣用旋遵例捐離縣丞開缺以知縣歸候補班補用辦理工賑出力保俟補缺後以同知用准補鎮海縣知縣

捐獎花翎因海運出力保俟得同知後以知府用委署黃巖縣知縣任內一切行政均實心任事見義勇爲碑所在衆論僉同該革員原稟所稱捐廉平糶增加洋價損已益民以及優給囚糧墊款籌辦新政皆有實績可考復查該革員兩任黃巖輿情愛戴爰爲察核原詳證諸輿論似與原稟情形未能悉合詳請 奏咨開復等情前來臣覆查無異合無仰懇 天恩俯准將已革前署浙江黃巖縣知縣候補同知周延祚開復原官仍留原省歸原班補用出自 逾格鴻施除飭取履歷咨送吏部查照外理合附片具陳伏乞 聖鑒訓示謹 奏宣統二年九月二十一日奉 硃批周延祚著開復原官該部知道欽此

署理兩廣總督袁樹勛奏請將已革清遠令李光襄開復原官片

再已革廣東清遠縣知縣李光襄於光緒三十一年經前署督臣岑春煊以貌似有才心術巧詐奏奉諭旨革職嗣於本年三月間據該革員以被參冤抑等情控准都察院咨查到粵經臣行司委查去後茲據廣東布政使陳夔麟會同署提學使沈曾桐按察使俞鍾穎詳稱案經行據廣州府知府嚴家熾覆該員李光襄係因稟覆已革清遠縣迴歧司巡檢華承榮被已革清遠營遊擊黃如山稟託案內經前署督岑春煊指爲有心巧取行司撤任隨奉奏參革職原參是否冤抑自應以李光襄原稟有無徇護華承榮爲定衡現經檢核原稟查係聲叙華承榮與黃如山構隙原因祇有華承榮緝捕動能常思振奮等語似尙非有心徇護且查李光襄爲原任浙江布政使李續賓湖北巡撫李續宜之胞姪李續賓等於咸豐同治年間轉戰東南以死勤事李光襄爲功臣子姪前在清遠縣任內正值土匪滋事動於緝捕地方賴安至今紳民稱道是其辦事認真應邀錄用等情詳請核辦前來臣查前署督臣岑春煊嫉惡如仇於查辦迴歧司巡檢華承榮被託一案意主嚴厲不欲稍涉寬假而李光襄就事覆陳因人牽累究屬情有可原既據查明詳覆尙無有心徇護情事臣維李光襄本功臣子姪家訓具有淵源在粵官聲亦好現准廣東水師陸路兩提臣咨商派辦增城博羅東莞龍川等縣清鄉事宜正資得力值茲吏治需才之際合無仰懇 天恩俯准將已革廣東清遠縣知縣李光襄開復原官原銜免繳捐復銀兩仍留原省補用俾供器使出自 鴻施逾格除咨吏部及都察院查照外理合附片具陳伏乞 聖鑒訓示謹 奏宣統二年九月二十五日奉 硃批李光襄著送部引見欽此

宣統二年九月分政治官報勸誤表

號數	葉數	行數	字數
同 一千七十	十七	同 四	二十三
一千七十二	三	十	二十六
一千七十三	三	十九	三十六
一千八十一	四	九	二十四
同	同	同	二十五

誤譯農縣茹標

正譯工頃若標

蘇子瞻
知
學
PDG

政治官報九月分目錄

咨劄類

憲政編查館咨各督撫釐訂諮議局議決各項文 初七日

法制章程類

資政院秘書廳辦事細則 二十五日

議案

學部奏地方學務章程請 飭交資政院議決摺

地方學務章程案附說明 十六日

民政部奏擬訂著作權律摺

著作權律案附說明 十七日

憲政編查館奏覆核報律請 旨交議摺

修正報律條文案附說明 十九日

運輸規則案附說明 二十八日



咨
劄

憲政編查館咨送各省督撫釐訂諮議局議決各項清單附單

爲咨行事查諮議局欽奉 特旨設立關係極爲重要原訂章程頭緒繁多條理細密迭據各省咨詢疑義業經本館隨時詳爲解釋並按期印有解釋彙鈔通行在案現在諮議局開辦已歷一年第二次開會之期又屆嗣後各該局遵章議定可行事件既經呈由各督撫公布後若不立見施行不惟無以副 朝廷好惡同民之懷抑且甚非官府綜核名實之計本年資政院第一次召集議員行將開院諮議局章程於權限爭議各條既定有由督撫咨送資政院核議或由諮議局呈請資政院核辦各明文設將來經由院核之件過多則文牘往返之繁官民隔閡之虞政務因循之弊勢必層見迭出在疆吏既不免蒙摧殘輿論之名在該局亦難免負侵越政權之責 國家歲糜巨款創設各諮議局原期於本省地方應興應革之利弊切實指陳使國民與聞政事負擔義務以示大公除實係踰越範圍違背法律者由督撫照章辦理外其應辦事宜若局中之議決盡託空談官吏之施行鮮求實效則該局直同虛設其何以資振飭而濟時艱本館體察情形特將該局議決呈請以及公布施行暨交局覆議各項辦法按照章程分別釐訂使遇事各有一定之程庶幾可以範圍不越至於局用豫算亦應力求畫一收支出入尤應嚴防冒濫以免紛歧而重公款相應逐款開列清單咨行貴 查照辦理並轉行該局遵照可也須至咨者 計開

一督撫對於諮議局議決呈請之件答覆過遲以致不能覆議不但諮議局議論多而成功少而使應興應革之件淹滯動逾年歲於政事尤多不利自以定明答覆期限爲是惟各項事件中實有非詳細調查不能答覆者此當分別三項辦理一督撫提交之案是必先已籌畫研究無待議決後始行調查此類議案可決後應限於呈到十日內答覆二諮議局提議之案於分配議事日表及草案之時應一面分呈督撫俾得交會議廳先事調查研究則議決呈請之後

決定答覆方針可不至多費時日此項議案限於呈到十五日內答覆三諮議局提議之案在各省各局署及會議廳並無案牘文報可稽必須行取勘查始能答覆者其通電及汽車輪船處所立須刻期派查答覆期限至遲不得過二十五日其事非詳細調查不能裁奪或不通輪電之地事實上無可如何者應將不能如期答覆緣由先行告知諮議局查照但於下期開會以前必須答覆 二督撫對於諮議局議案既無不答覆之理則答覆文中係非批准者無論有無交局覆議字樣諮議局得依據章程照督撫不以為然之件按章覆議再行呈請未便遽認為侵奪諮議局權限輒行呈請資政院核辦如有不依定章任意禁止及拒絕覆議明文或批駁取消者方得適用侵奪權限之條呈請資政院照章辦理 三凡議案自須指明一定辦法若但作策問之辭即不成為議案惟督撫對於諮議局有提議事件及諮詢事件之別割行時應於題目上標明提議或諮詢字樣除諮詢事件外若題係議案而尚無一定辦法或間作問辭者得由諮議局呈請指明辦法意旨然後付議 四督撫批准公布施行之件既由督撫行文文到後行政官吏亟應實力奉行惟須有限期與無限期之別如明定期限以到所定期限為斷不定期限之案以到次期常年會為斷如於各該限內而該管官吏未經聲明窒礙情形詳奉督撫批准展限在前故意延宕不行者該局得照局章二十八條指明確據呈候督撫查辦 五豫算年度所以統一國家會計諮議局局用亦不能獨異且局章並無以九月為豫算年度明文應於本年開會時從本年九月截至本年十二月特別造一豫算另於明年正月起至十二月止造列全年正式豫算以後即逐年遞推均以通行豫算年度為準至於經費出入本係按月清查一次則開會時對於議員即以按月實支數目造冊憑其審查而將九月以後應存應支數目按照本屆特別豫算附冊聲明嗣後對於督撫清報仍以一年為終始庶無含混之虞至該局預算案呈報督撫時仍應由督撫嚴核有無濫費以定准駁如決算不實得照例嚴行查辦



法制章程

資政院秘書廳辦事細則

- 第一章 分科職掌 第一條 秘書廳按照院章分爲四科如左 機要科 議事科 速記科 庶務科 第二條 機要科掌管左列事項 一 關於議員告假辭職及補缺之事 二 關於撰擬重要文牘之事 三 關於編製議事日表之事 四 關於議長指定特任股員之事 五 關於各項報告之事 六 關於發議知會之事 七 關於收受議案及質問陳請各說帖之事 八 關於分送議決案之事 九 關於編製議員簿及資政院要覽之事 十 關於議長委辦之事 第三條 議事科掌管左列事項 一 關於全院會議之事 二 關於調查議案之事 三 關於編製議事錄議決錄之事 四 關於編製記事摘要及先例彙纂之事 五 關於編製分股會及股員會議錄議事綜覽及先例彙纂之事 六 關於分股會及股員會調查文書之事 第四條 速記科掌管左列事項 一 關於編製速記錄之事 二 關於分送速記錄之事 第五條 庶務科掌管左列事項 一 關於職員進退履歷及招考雇用之事 二 關於分送議案陳請事件表之事 三 關於起草及調查例行文件之事 四 關於收發文件之事 五 關於保管院印之事 六 關於收支會計及保管財產物件之事 七 關於官報報告及統計之事 八 關於守衛及衛生之事 九 關於編製資政院日誌之事 十 不屬他科所管之事 第六條 秘書廳附設圖書室一所掌管左列事項 一 關於出納保管公文書類之事 二 關於購置圖書報章及其出納保管之事 三 關於調查編製參攷文書之事 四 關於編譯文書之事
- 第二章 辦事通則 第七條 秘書廳辦事時刻通常於上午十點鐘到院下午六點鐘退院星期日如無緊要事務得照廳示休息一日 第八條 秘書廳人員到院須於考勤簿上

畫到註明時刻 第九條 凡因特別事故不能到院者應呈遞告假書於祕書長 第十條
總裁副總裁祕書長在院時雖屆退院時刻亦不得逕行退院 第十一條 退院時刻以
號鈴報告之其有緊急事件尙未辦竣者雖聞號鈴亦不得逕行退院 第十二條 祕書廳
每日輪派祕書官一員書記二員值日住廳及辦退院後之事務於次日分別移交 第十三
條 退院後或星期日遇有應行辦理事務得隨時通知值日員照辦其有緊急文件需用院
印及廳印者仍應到院會同值日員用印 第十四條 各科所有文書櫃鑰必存置一定之
匣於退院時交值日員收管

第三章 文書之收發及保存 第十五條 凡到文由庶務科收拆摘由呈祕書長核閱後
分送各科擬辦 第十六條 凡本院發行京外文書應由主任科員具稿經科長修正後呈
祕書長核閱轉呈 總裁副總裁判行其以祕書廳之名發行者由祕書長判行 第十七條
前條之文書經總裁副總裁判行或祕書長判行後應由該科科長發交書記繕寫 第十
八條 繕寫已畢由該科校正連同原稿送庶務科校對發行 第十九條 庶務科校對應
發文件若有錯誤遺漏者得通知該科會同訂正 第二十條 庶務科發行文書之時應記
載文書件由於發文簿即行用印發送並將原稿送還 第二十一條 凡牽涉數科之事件
應由關係最重之科具稿會同他科辦理 第二十二條 凡本院收發各項文書稿件業經
辦畢者應交圖書室分類編檔妥爲保存其特別重要文件則留存機要科掌管 第二十三
條 凡應行刊登官報或他種報紙事項由各該科起草呈經 總裁副總裁或祕書長核閱
後由庶務科錄底分別發送刊登

第四章 附則 第二十四條 各科辦事分則由科長擬訂呈祕書長核定辦理 第二十
五條 本細則未盡事宜由祕書長隨時擬訂呈候 總裁副總裁核定施行



禱
錄

議案

學部奏酌擬地方學務章程請

飭交資政院議決摺

奏爲酌擬地方學務章程請

旨飭交資政院議決恭摺仰祈

聖鑒事本年五月三十

日軍機處片交查資政院章第十五條前條所列第一至第四各款議案應由軍機大臣或各

部行政大臣先期擬定具奏請旨於開會時交議等語現在開會有期此項議案應由各

衙門查照院章先期擬定以備屆期請

旨交議等因自應遵照辦理竊維教育行政經緯

萬端而因時制宜以注重小學爲尤要比年以來地方小學未能驟有進步揆其原因厥有

數端一則地方學費擔負未有規定也東西各國兩等小學多不徵收學費其辦學之款或取

諸原有公款公產或取之各種稅捐中國地方辦理學務向無專款地方稅章程尙未制定籌

集處理無成規之可循更未聞有所謂基本財產者然當學堂未設之時富家子弟延師有費

至百數十金者即貧民子弟附入義塾脩脯亦在千錢以外此項費用爲數豈少不過無所統

計故亦習焉而不覺今欲合私家之力以充公益之用惟恃國家有法律以規定之則人人知

地方辦學之費即父兄爲其子弟擔任入學之費責任實無可辭庶經費易於籌集矣一則鄉

僻地方辦學不易也辦理學堂自以地方之財力爲衡鄉僻之區或因戶口過少或因貧困無

力間有難於立學之處各國力求教育普及乃設爲學區連合及委託代辦之法以濟其窮惟

非有國家法律以規定之則教育事務委託於人者或有置身事外之嫌受人之委託者或有

爲謀不忠之弊則事務之管理處置之方法必有當受其成者矣一則地方辦學責成無所專

屬也臣部奏定勸學所章程勸學員於本管區內調查籌款興學事項勸令各村董事切實舉

辦原爲推廣學務起見但地方紳董熱心公益者恆不多見而責成不專良善者恆以袖手爲

高不肖者遂以武斷從事於地方教育實有障礙現在地方自治章程業經頒行勸學之區應

推諉庶熱心公益之人無所掣肘而地方學務日有起色矣臣等公同商酌擬定地方學務章程凡十八條大要以地方之財辦地方之學即以地方之人治地方之事於教育普及前途不無裨益應請 旨飭交資政院議決施行以重學務除咨憲政編查館核定並將理由書送館備查外所有擬定地方學務章程緣由謹繕摺具陳伏乞 皇上聖鑒謹 奏

地方學務章程附說明 (政府提出)

第一條 府廳州縣城鎮鄉地方學務應遵照奏定學堂章程及地方自治章程辦理 說明 地方自治事宜非止學務一端故自治章程中關於學務之規定不過略舉大端不能詳盡奏定學堂章程專為學務而設其規定較詳各處地方學務自應併遵以上兩種章程辦理現值預備立憲時代尤以教育普及為要設立初等小學及簡易識字學塾實為國家委任之事務地方自治職務須照章奉行

第二條 鄉之地處偏僻或財力薄弱者得照城鎮鄉地方自治章程第十三條設立鄉學連合會 說明 連合會見城鎮鄉自治章程第十三條而鄉學連合會為地方學務一種之連合也其必須連合之故一則就學兒童數目過少不足設立一堂或鄉中之一部有與他鄉往來甚便而於本鄉往來反不便者所謂地方偏僻是也一則鄉中貧困其資力不能獨任小學之設置必與他鄉連合力始能及貧富相併而貧困之鄉其負擔可以輕減所謂財力薄弱者是也遇有以上情形得由各鄉協議設立鄉學連合會

第三條 鄉學連合會當協議設立時所有連合會議之編制暨事務之管理經費之籌集處理方法均須一併議定 前項協議事件不能議決者得由該管府廳州縣系事會代議決之 說明 第二條立法之意在以鄉學連合會濟教育普及之窮本條所以定實行連合之法關係至為重要故當各鄉協議設立鄉學連合會時即須將連合會之編制暨事務之管理等項一一討議而規定之也本條第二項所定權限見府廳州縣地方自治章程第四

第十五條第六項所謂公斷和解城鎮鄉自治之權限爭議事件是也

第四條 城鎮鄉或鄉學連合會照章辦理教育事項得於各該區域內分爲數區 說明
城鎮鄉自治章程第十一條城鎮有區域過廣人口滿十萬以上者得分爲若干區並未及
定鄉之分區辦法按城鎮鄉自治章程第二條人口滿五萬以上者爲鎮人口不滿五萬者
爲鄉就鄉而論僻陋之鄉人數固有至少者然在定章之範圍內四萬九千餘人固亦謂之
鄉也有四萬九千餘人之鄉以每十人得學齡兒童一人計一鄉就學兒童應有四千九百
餘人每小學容學生二三百人一鄉應有小學堂十數所以此繁重之責務若概委之總董
及董事數人勢難兼顧鄉已如此城鎮更無論矣故今特定城鎮鄉及鄉學連合會關於教
育事項如遇宜於分區之時應一律准其分區

第五條 城鎮鄉或鄉學連合會及其區辦理教育事項凡在區域內居住與流寓者有土地
房產者設肆營業者均有設立維持之責如本區域內原有公款公產者除城鎮鄉地方自
治章程第九十五條所定外得就收入內先撥教育經費 說明 教育普及爲國家要政
所需經費必當由各地方負擔更無疑義凡在各區內居住者流寓者有土地房產者設肆
營業者均爲與本地方深有關係之人即對於本地方學務均有設立維持之責至本條所
云本區原有公款公產除城鎮鄉地方自治章程第九十五條所定外得就收入內先撥充
教育經費等語蓋謂除公款公產內係私家捐助當時指定作爲辦理某事之用者不得移
作他用外其餘一切公款公產之收入當先充作教育經費

第六條 城鎮鄉或鄉學連合會及其區經該管地方官之訓令應受他處城鎮鄉或鄉學連
合會及其區之委託代辦兒童教育事宜 說明 本條之意以國家謀教育普及必須設
種種變通方法使學齡兒童得受小學教育各地方有爲財力及其他事故所限不能自行
教育其兒童者故於鄉學連合會外特設委託代辦之法使兒童便於就學至某地方應受

某地方之委託代辦其兒童教育事宜則當以監督官府之訓令爲斷

第七條 鄉學連合會遇有左列情事而生財產上之紛議者由該管府廳州縣彙事會議決

之一 連合會解散 二 令連合會各鄉內之一鄉獨任小學堂一所或數所之設立

維持 三 令連合會各鄉內之一鄉獨任兒童教育之委託 委託兒童教育事宜須酬

金與否及酬金數目與其他必要事件如彼此協議不決者均照前項之例辦理 說明

鄉學連合會原爲一時取便興學而設各鄉連日後情形改變而財產之問題以生或因連

合解散而處理不無轉輾或因獨任學堂之設立維持與受兒童教育事宜之委託其負擔

不無偏畸斯皆事理之所恒有者也負擔務期平均財產處分務期允當苟經關係各鄉之

協議即能妥洽斯誠善矣否則應從府廳州縣自治章程第四十五條第六項之規定以處

之 第二項更詳定委託辦法其議決之權限與前項例同

第八條 府廳州縣城鎮鄉或鄉學連合會及其區關於地方教育事項均由已設之勸學所

執行 其未設勸學所地方在府廳州縣得以自治委員執行在城鎮鄉得以辦事員執行

說明 按城鎮鄉自治章程第一百零二條城鎮鄉自治職員各以該管地方官監督之

又勸學所章程第一條總綱各廳州縣各於本城擇地設立公所一處爲全境學務之總匯

第三條選舉職員勸學所以本地方官爲監督設總董一員綜核各區之學務由縣視學兼

充是城鎮鄉自治職與勸學所同受地方官之監督城鎮鄉自治職擔任一城一鎮一鄉一

區興學籌款之責勸學所總董綜核各區興學事務勸學所章程內所列學堂董事之責任

是即各區自治職之職任也所列勸學所總董之責任是即勸學所應執行之事項也至自

治委員見府廳州縣地方自治章程第四章第二節辦事員見城鎮鄉地方自治章程第八

十五條凡未設勸學所地方得由地方官委以執行教育事項之職任則責任固有所專屬

第九條 府廳州縣城鎮鄉或鄉學聯合會及其區因維持設立學堂及所有地方教育事項得置基本公產及儲備公款 說明 地方學務爲國家根本大計事在必行爲地方永久事業斷不容半途停止使無基本公產及儲備公款一切經費無不責之地方收入既易阻教育之發達而人民負擔亦永無輕減之一日故欲維持設立學堂及所有地方教育事項必不可無基本公產及儲備公款也

第十條 前條所列之公產公款籌集及處理須經監督官府核准惟依原定辦事宗旨動用儲備公款者不在此限 說明 地方自治體照章應受地方官之監督故前條所列之公產公款籌集及處理須經監督官府核准至依原定辦事宗旨所動用之儲備公款以此種款項其用法已核定在前故無取續請核准也

第十一條 基本公產原爲教育而設者其生息所入除教育事項外不得移作他用 說明 基本公產既爲教育而設此項公產所生之利息自應列爲教育專款別項自治費用不得移用此款也

第十二條 府廳州縣城鎮鄉或鄉學聯合會及其區有由私家捐助關於教育事項者應卽作爲基本公產惟捐款人指定作爲辦理某事之用者不在此限 說明 私家捐助關於教育款項既非地方經常收入可比自應特別存儲作爲基本公產以厚教育經費之根本若夫私家捐助既經指定所辦事件則應作例外冀合捐助者之本意也

第十三條 地方公立學堂及各項教育處所所收之學費公費使用費等項均得作爲基本公產或儲備公款 說明 學費如學生所納受業費之類公費使用費見府廳州縣自治章程第七十四條第三項此等費用除地方教育經費不足可以墊資補助外其餘均得作爲基本公產或儲備公款

第十四條 府廳州縣城鎮鄉或鄉學聯合會及其區得以歲出餘款作爲教育基本公產並

得酌增歲入若干作為公產或公款 說明 地方教育基本公產由積蓄而得者最為可恃府廳州縣城鎮鄉或鄉學連合會及其區之歲出餘款可用為積蓄之資者也作為教育基本公產於教育之進步關係至鉅至酌增歲入若干作為公產公款者以教育為永久事業此日雖稍有增加實即為異日輕減負擔之地可斟酌而行之也

第十五條 從前為地方學務所籌備之款項嗣因按照地方自治章程改充地方自治別項經費者自本章程實行三年以內得經府廳州縣參事會之議決分別撥還仍專作為學堂基本公產或公款 說明 我國創興學務在地方自治章程發布之先自治章程發布以來別項經費用學款改充者事所恒有而本章程頒布復在地方自治章程發布以後依本條所定向日所籌學款自仍應撥歸學務但本章程頒行之後各地方籌議一切實行辦法及清理款項尚須時日且府廳州縣參事會之成立期在明年故規定之时效亦即從寬以三年為限也

第十六條 關於地方教育事務之監督與懲罰及國家教育事務之委任經他項法令所規定者悉當遵照 說明 本條與第一條之意義互相關聯即國家先後所頒一切法令章程凡關於地方教育事務之監督與懲罰及國家教育事務之委任各條悉當遵守焉

附條

第十七條 本章程以奉 旨頒行文到之日起實行 說明 本章程關係於地方教育至為重要故實行期限務期從速

第十八條 府廳州縣參事會未經設立地方所有代議決事件暫由該管監督官府核定 說明 府廳州縣參事會有代議決城鎮鄉事件之權見府廳州縣自治章程第四十五條及本章程第三條府廳州縣參事會未成立之時本地方長官有監督之責故以代議決之權屬之監督官府焉

民政部奏擬訂著作權律摺

奏為擬訂著作權律繕具清單請 旨交議恭摺仰祈 聖鑒事竊維著作一端東西各國均設專律確立範圍保障權利故學問藝術日異月新現在豫備立憲國民程度正期繼長

增高欲謀思想之交通必得推行之無弊 臣部職司警政首在保衛治安而高等治安警察之中尤以集會結社新聞著作數端為最要所有報律結社集會律等業經 臣部奏請核定施行

則著作權之專律自當及時擬訂 臣等督飭司員悉心參酌謹擬成著作權律五十五條並疏

通證明加具按語咨送憲政編查館覆核茲據憲政館核訖咨覆到部敬謹繕具清單恭呈

御覽並請 飭交資政院議決照章辦理所有擬具著作權律緣由謹恭摺具陳伏乞

皇上聖鑒謹 奏

著作權律案附說明 (政府提出)

目錄 第一章 通則 第二章 權利期間 第一節 年限 第二節 計算 第三章 呈報義務 第四章 權利限制 第一節 權限 第二節 禁例 第三節 罰例 第五章 附則

第一章 通則 案本章揭明著作之範圍即著作權所由附麗凡應受檢定或審定之著作

物及有檢定審定各權之該管衙門俱以本章所規定者為準至檢定審定後之註冊尤為

享受保護之必要故亦列諸通則所以挈第二章以下各條之綱領也 第一條 凡著作

文藝美術等物而專有重製之利益者曰著作權 稱文藝者詩文曲本樂譜筆記說部戲

本皆是 稱美術者圖畫帖本照片雕刻模型皆是 案本條為揭明著作權之定義文藝

美術等物云云係採用概括主義文藝如詩文曲本樂譜筆記說部戲本等類美術如圖畫

碑帖照片雕刻模型等類此兩種爲個人精神勞力之產物無論何國法律皆置於同一保護之中本條所稱文藝美術雖可分別解釋然就保護一方面言則實無絲毫區別也 又按美利堅匈牙利等國著作權法規定著作於著作物有重製及發行之權然發行權本包含於重製之中不重製即不能發行無待辯也美匈等國既有重製又言發行不免爲重複之規定本條採德意志比利時立法主義故僅規定重製之權 第二條 凡著作物歸民政部檢定惟關於教科書籍歸學部審定之 說明 案本條爲規定檢定權限凡經呈報檢定者固應受本律之保護其未經呈報檢定者自不在保護之列至教科書籍於教育上關係最大故應由學部審定之既所以冀學術文藝之發達抑所以求教育宗旨之統一也 第三條 凡願受檢定或審定者應由著作者備樣本二分呈送民政部或學部其在外省者則呈送各該管轄衙門隨時申送各本部核辦 說明 案此條爲規定檢定或審定之方法凡願受檢定或審定者在外可將樣本送呈各該管轄衙門由該衙門申送民政部或學部核辦蓋中央地方行政各衙門既有一定系統核辦之權自應各受成於主管部也 第四條 著作物經檢定或審定後即由民政部或學部咨照農工商部註冊給照受本律保護 說明 案著作呈經檢定或審定後其權利即可作爲確定惟欲得本律完全之保護非經農工商部註冊不可蓋意匠商標特許各項註冊事隸農工商部職掌著作權係屬意匠範圍故本條規定咨照農工商部註冊給照即受本律保護之始期也

第二章 權利期間 說明 案本章爲規定著作權之權利期間凡權利無特別規定則繼續於永遠著作權雖可繼續而必定期限者良以立法精神固爲保護著作者個人之利益仍以不害社會之公益爲要設不特定期繼續期限則有著作權者勢必以壟斷之術故高

其價格使世之人不得受著作之利甚非所以謀學術之發達現今無論何國法律均以發行後經過一定年限其權利即作爲消滅得任人自由重製本章規定期間蓋亦原本此意也●第一節 年限 第五條 著作權歸著作終身有之又著作者身故得由其子嗣繼續至三十年 第六條 數人共同之著作歸數人公共終身有之又死後得由各子嗣繼續至三十年 說明 案各國規定著作權期間有最長者如西班牙著作終身後繼續至八十年法蘭西比利時著作終身後繼續至五十年有最短期如英吉利著作終身後僅繼續七年日本昔日版權法規定著作終身後繼續僅五年然期間失之長與偏於短或不免妨社會公益或無以勵競爭著作之心其弊均屬相等本律第五條及第六條規定係採用德意志奧地利匈牙利等國主義定爲著作終身後得繼續至三十年日本現行著作權法繼續期間亦以三十年爲限洵折衷至當之制也 第七條 著作者身故後子嗣將其遺著發行者著作權得專有三十年 說明 按本條爲規定著作者死後之著作權繼續期間世固往往有若干著作終其身不及刊行而待後之子孫始克公於世者故本條特表而出之皆國家所以獎擬著作之微意也 第八條 凡以官署學堂公司局所寺院所出名發行之著作權得專有至三十年 說明 按官署學堂公司局所寺院會所等類在法律上認爲無形人格就理論言無形人格似不能著作然官署等類發行著作實際上往往見之如各部院統計表冊鐵路公司報告卽其例也 第九條 凡不著姓名之著作著作權得專有至三十年但當改正真實姓名時卽准用第五條規定說明 按著作物揭載著作姓氏與否爲著作之自由故不揭載真實姓氏但遵照本律呈報者亦得受本律保護 第十條 照片之著作權得專有至十年但專爲文書中附

屬者不在此例 說明 案照片之得有著作權其期間必較他種著作物縮短者因照片係依光綫作用而成爲事尙易非若他種著作物須費幾許意匠經營也故照片著作權僅規定爲十年惟附屬於文書中之照片既非主物則不適用本條之規定也●第二節 計算 第十一條 凡著作權均以註冊日起算年限 說明 案註冊爲權利確定之始期故計算年限應自註冊日起 第十二條 編號逐次發行之著作應從註冊後每號每冊呈報日起算年限 說明 案編號逐次發行之著作如雜誌報告書等類是此種著作或多或少本無定限故計算應自每號每冊呈報日起 第十三條 著作分數次發行者以註冊後末次呈報日起算年限其呈報後經過二年尙未接續呈報即以既發行者作爲末次呈報 說明 按分次發行之著作如字典講義錄之類接續發行一部分合全部分始成一冊是已此種著作既須俟各部分完備後始成爲一種著作物自應由末次呈報日起算年限其發行後經過二年尙未接續即以既發行之部分作爲末次呈報者因呈報後經過時過久仍未接續呈報若不加以制限必生無窮弊端故二年後所發行之物應作爲新著作另行註冊所以示呈報後之限制也 第十四條 第五條規定以子嗣呈請立案批准之日起算年限 說明 案子孫發行先人遺著其先人既故本無終身可言故計算應自該子嗣呈請立案批准之日起 第十五條 第六條規定以數人中最後死者之子嗣呈請立案批准之日起算年限 說明 案本條爲規定數人共有著作物其年限應如何起算譬如甲乙丙三人共著一物其中乙死最後即以乙死後其子嗣呈請立案批准之日爲起算標準也

第三章 呈報義務 說明 案凡著作既依於本律而享有各種之權利即應依於本律

而負有一定之義務此種義務係聽許者而非強制者實與人民普通對於國家之義務不同蓋不願受檢定或審定以行使其著作權即可不行呈報但不能享受本律保護之權利而已此義務與權利相互之通例也 第十六條 凡願受檢定或審定之著作呈報時應用本身姓名其不著姓名之著作呈報時亦應記出本身真實姓名 說明 案著作物掲載著作之真實姓氏與否原屬著作之自由惟呈報時應記出本身真實姓名其權利始能確定本條規定係專指呈報非謂著作必掲載其真實姓氏於著作物也 第十七條 凡以學堂公司局所寺院會所出名發行之著作應用該團體名稱附以代表者姓名呈報 其以官署名義發行者除服第三十一條第一項規定外應由該官署將著作物於未發行前分別咨報民政部或學部存案 說明 按本條爲規定官署學堂等呈報方法蓋官署學堂等所發行之著作物與私人著作不同則呈報之法自不能無所區別故本條第一項規定凡學堂公司等出名發行之著作應用該團體名稱附以代表姓名呈報第二項規定以官署名義發行者則不別咨報各本部可也 第十八條 凡擬發行無主著作者應將原由預先登載官報及各埠著名之報限以六個月內無出首承認者准呈報發行 說明 按無主著作物事實上在所必有若不明確規定往往有業經發行後有出首承認爲己有者則彼此爭執其權利遂難於確定而訟爭因之而起本條於擬發行無主著作物者令其將原由預登官報及各埠著名報紙公之於衆並定以六個月爲限若於六個月以內不出首承認則法律止可推定爲拋棄權利雖確係原著作亦不能再向發行者主張也 第十九條 編號逐次發行之著作或分數次發行之著作均應於首次呈報時預爲聲明以後每次發行時仍應呈報 第二十條 第五條第七條規定其子嗣當繼續著

作權時應赴該管衙門呈報 第二十一條 將著作權轉售抵押者原主與接受之人應連名到該管衙門呈報 第二十二條 在著作權期限內將原著作重製者應赴該管衙門呈報並送樣本二份 第二十三條 凡已呈報註冊者應將呈報及註冊兩項年月日載於該著作之末幅但兩項尚未完備而發行者應將其已行之項載於末幅 說明 案右各條皆屬於呈報方法之規定著作者不能怠於此等義務也

第四章 權利限制 說明 案著作權既可行於終身而子孫又得繼續至三十年若竟漫無限制勢必致趨重個人之私益而公益將受無形之影響非國家獎勵著作保護私權之本旨也故本章特先聲明權限庶著作之應否享其權利各有一定範圍其次則設禁例再次則設罰例凡以使主張著作權者其利害不致涉及他人而侵損著作權者其懲罰不能稍爲寬縱亦納民軌物之深意也 ●第一節 權限 第二十四條 數人合成之著作其中如有一人不願發行者應視所著之體裁如可分別即將所著之一部分提開聽其自主如不能分別應由餘人酬以應得之利其著作歸餘人公有但其人不願於著作內列名者應聽其便 說明 案數人合成之著作數人應有平等權利固不待言然以一人之異議而牽動全體不特餘人受其拖累其害且影響於公益法律於此不能不加以制限故規定能分別之著作聽其提開不能分別者給以相當之酬庶免爭執而昭公允 第二十五條 蒐集他人著作編成一種著作其編成部分之著作權歸編者有之但出於剽竊割裂者不在此例 第二十六條 出資聘人所成之著作其著作權歸出資者有之 第二十七條 講義及演說雖經他人筆述其著作權仍歸講演者有之但經講演人之允許者不在此例 說明 案右各條皆係著作權介於兩者之爭點本律分晰規定其權利乃各

有所屬也 第二十八條 從外國著作譯出華文者其著作權歸譯者有之惟不得禁止他人就原著作另譯華文 說明 案各國於繙語多視為重製之一種方法包括於著作權中如日本著作權法第一條即揭明此義我國現今科學多恃取資外籍不能不審量國情變通辦理故本條揭明從外國文著作語成華文者其譯本之著作權歸譯者有之 第二十九條 就他人著作闡發新理足以視為新著作者其著作權歸闡發新理者有之但略加修正或加入音訓句讀註解圖畫者不在此例 說明 按本條規定所以杜勸襲他人著作之弊其能就原著闡發新理者自屬別費心思法律當予以同一之保護也 第三十條 凡已註冊之著作權遇有侵損時著作權者得向該管審判衙門呈訴 說明 案已註冊之著作權其權利業經確定遇有侵害自應向該管審判衙門呈訴以為私權就濟之途 第三十一條 凡著作不能得著作權者如左 一 法令約章及文書案牘 二 各種善會宣講之勸誡文 三 各種報紙記載政治及時事上之論說新聞 四 公會之演說 說明 案凡不應享有著作權之物而聽令一私人之專利其妨阻社會文明者甚大故本條為設限制也 第三十二條 凡著作視為公共之利益者如左 一 著作權年限已滿者 二 著作者身故後別無子嗣者 三 著作久經通行者 四 自願將著作任人翻印者 說明 按著作權固為個人之私然而有應視為公共利益者法無明文爭論必多故本條有此規定也 第二節 禁例 第三十三條 凡既經呈報註冊給照之著作他人不得翻印仿製及用各種假冒方法以侵損其著作權 第三十四條 接受他人著作不得就原著加以割裂改竄及變匿姓名或更換名目發行但經原主

允許者不在此例 第三十五條 他人著作權期限已滿之著作不得加以割裂改竄及變匿姓名或更換名目發行 說明 按右各條所以申明禁例凡對於有著作權之物或應視為公有者而翻印仿製改竄更名皆法所不許也 第三十六條 不得假托他人姓名發行己之著作但用別號者不在此例 說明 按著作物不用真實姓氏發行本律固未禁止惟以己之著作假託他人姓名發行則在本律禁止之刊本條假託云者即未得他人允許之意也 第三十七條 不得將教科書中設問之題擅作答詞發行 說明 按教科書中所設問題原係為學問上之研究且必已為學部所審定者若擅作答詞發行無論所答是否正確皆在禁止之列 第三十八條 未發行之著作非經原主允許他人不得強取抵債 說明 按著作權為財產權之一種既有金錢上之價格即可為抵債之用本條規定未發行之著作未經原主允許不得強取抵債是專從禁止一方面言若已經原主允許即以之抵債本律固未嘗禁止也 第三十九條 左列各項不以假冒論但須註明原著作之出處 一 節選衆人著作成書以供普通教科書及參考書之用者 二 節錄引用他人著作以供己之著作考証註釋者 三 仿他人圖畫以為雕刻模型或仿他人雕刻模型以為圖畫者 說明 按假冒他人著作本律已設為禁例惟假冒範圍若涉於太廣則以他人之文藝或美術供參考之用者將不免動輒觸法本條將不得以假冒論者逐條揭出庶解釋本律者有所遵循也 第三節 罰例 第四十條 凡假冒他人之著作料以四十元以上四百元以下之罰金知情代為出售者罰與假冒同 說明 按本條規定假冒者與知情代為出售者應受同一之罰四十元以上四百元以下不過定罰

金之最多數與最少數而已總之至多不得過四百元至少亦不得減至三十九元本條僅定多寡範圍而不確指一定全額者蓋假冒情節重輕各有不同當由審判官臨時斟酌定之現行法令亦多同此法例也 第四十一條 假冒他人著作權時除照前條科罰外應將被損者所失之利益責令假冒者賠償且將印本刻板及專供假冒使用之器具沒收入官 說明 案本條爲規定假冒者之附加處分凡假冒他人著作權除照前條科罰外假冒者所得之利益卽被損者所失之利益責令賠償於理固宜至印本刻板及供假冒使用之器具沒收入官亦當然之理也 第四十二條 違背三十四條及三十六條規定者科以二十元以上二百元以下之罰金 第四十三條 違背三十五條及三十七條之規定又三十九條第一項第二項而不載明出處者科以十元以上一百元以下之罰金 說明 案右二條規定皆係對於違及禁例之處罰伸縮範圍不同因情節各有輕重也 第四十四條 凡侵損著作權之案須被侵損者之呈訴始行准理 說明 案本條規定侵損著作權之案須被侵損者之呈訴始行准理被侵損者指有著作權之著作者或其法應繼續之子孫或有抵押權者而言蓋因侵損本無一定標準往往有此以爲侵損彼以爲非侵損且事屬私權難保無自由拋棄之人故本條規定有呈訴權者以彼侵損之各本人爲限 第四十五條 數人合成之著作其著作權遇有侵損時不必俟餘人同意得以逕自呈訴及請求請賞一己所失之利益 說明 案數人共有之權利若一己損失必受共有者之束縛非息爭之道故本條有此規定 第四十六條 侵損著作權之案不論爲民事訴訟或刑事訴訟原告呈控時應出具甘結存案承審官據原告所呈情節可先將涉於假冒之著作暫行禁止發行如審明所控不實應將禁止發行時所受損失責令原告賠償 說

明 按侵損私權之案應分兩種如因數人共有或子孫事繼及其他適用民律之損害賠償者則爲民事如因假冒而侵及著作權事屬詐欺及觸犯本律應予科罰者爲刑事本條規定不論爲民事訴訟或刑事訴訟原告呈控時應出甘結存案者蓋因原告如所控不實依法賠償此一定之理也 第四十七條 侵損著作權之案如審明並非有心假冒應將被告所已得之利償還原告免其科罰 說明 按假冒出於無心原在可以宥恕之列惟不應得之利益仍應償還本人始爲平允 第四十八條 未經呈報註冊而著作未幅假填呈報註冊年月日希圖朦混者科以三十元以上三百元以下之罰金 第四十九條 呈報不實者及重製時不呈報立案者查明後將著作權撤銷 說明 按右二條皆規定未經呈報及呈報不實者處分之法一則量科罰金一則僅予撤銷情有輕重故罰例亦有等差也 第五十條 凡犯本律第四十條以下各條之罪者其呈訴告發期限以二年爲斷 說明 案本條爲規定呈訴及告發期間凡犯四十條以下各條之罪者限於二年內准其呈訴或告發若已過二年雖有觸犯本律四十條以下各條之罪其呈訴告發均作無效

第五章 附則 說明 案施行期限明揭於本章乃立法之通例惟著作之爲物非必緣施行本律而始發生吾國文化發達遠在數千百年未有此項法律以前著作之屬於文藝美術者蓋亦美不勝收若以年代綿渺之著作濫事更張或人物並存之著作聽其湮沒均非扶翼人文之道故本章酌定年限使舊有著作及業經翻印仿製者各有一定之程章未增以徵費及呈報各格式亦所以求利便推行之意也 第五十一條 本律自頒布文到日起算滿三個月施行 說明 案施行期限所以規定三個月者蓋恐行之太驟人不週知

呈報之義務無從履行故也 第五十二條 自本律施行前所有著作經地方官給示保護者應自本律施行日起算六個月內呈報註冊逾限不報或竟不呈報者即不得受本律保護 說明 案地方官給示保護皆因未有本律以前特以官廳命令爲保護之具自本律施行後此種保護效力自應作爲消滅惟限期不能過促以免有碍推行本條限於本律施行後六個月內准其呈報註冊自係酌中之制若至六個月逾限不報與竟不呈報者是自拋棄其著作權而并息於呈報之義務即不得受本律之保護也 第五十三條 本律施行前三十年內已發行之著作自本律施行後均可呈報註冊 說明 案距今三十年內之著作即以本律繩之其本人終身及子孫繼續年限尙未經過准其保護亦當然之義也 第五十四條 本律施行前已發行之著作業經有人翻印仿製而當時並未指控爲假冒者自本律施行後並經原著者呈請註冊其翻印仿製之件限以本律施行日起算五年內仍准發行過此即應禁止 說明 案本律施行前翻印仿製之件其著手時並不得視爲違法予以五年發行之限亦保護私人財產之通義也 第五十五條 註冊應納公費每件銀數如左 一檢定費銀五元 二審定費銀五元 三註冊費銀五元 四呈請繼續費銀五元 五呈請接受費銀五元 六遺失補領執照費銀三元 七將著作權憑據存案費銀一元 八到該管官署查閱著作權案件費銀五角 九到該管官署抄錄著作權案件費銀五角過百字者每百字遞加銀一角 十將著作權憑據案件蓋印費銀五角 說明 案本條係規定應納公費之數呈報註冊領照等項皆爲享有著作權之根據即不能不納一定之費用此亦中外公同之例也

著作權呈請 檢定呈式

具呈 姓名

為呈請著作權 檢定事竊某人有 某種著作 照著作權律隨送樣本呈請轉咨農工商部註

冊給照一體保護伏乞

學政部 查核施行須至呈者

年 月 日 籍貫住址姓名押

呈請繼續著作權呈式

具呈 姓名 為呈請繼續著作權立案事竊 某人有 某種著作 業於某年 月 日呈報

檢定並蒙轉咨農工商部註冊在案現在著作者某已於某年 月 日身故理應遵

照著作權律呈請繼續著作權一體保護伏乞

學政部 查核施行須至呈者

年 月 日繼續人籍貫住址姓名押

呈請接受著作權立案呈式

具呈 姓名 為呈請接受著作權事竊 某人有 某種著作 業於某年 月 日呈報 檢定

並蒙轉咨農工商部註冊在案現在願將著作權 轉售 與某人接受照著作權律呈請接受

著作權一體保護伏乞

學政部 查核施行須至呈者

年 月 日 原註人籍貫住址姓名押

憲政編查館奏覆核報律請 旨交議摺

奏為覆核報律請

旨交議恭摺仰祈

聖鑒事宣統二年二月十三日軍機大臣欽奉

諭旨民政部會奏酌擬修正報律草案加具按語開單呈覽一摺著憲政編查館覆核具奏欽此由軍機處抄交前來查原奏內稱前定報律關係較鉅應行修正者約有二端一關於發行報紙之檢查非出版前期所能猝辦一關於違犯報律之訴訟非行政衙門所當裁判應即分別酌量增改此外如發行及記載之限制保押及處分之重輕又復體察現在情形參攷各國法例詳加釐定取便施行至原律文辭挂漏應刪潤補益之處亦經逐條更訂律文改為四十一條別為附條四條並各加具按語聲明理由等語臣等督飭館員就該部會奏草案反覆核議其所陳改正檢查制度及明定審判管轄各節均屬扼要凡所斟酌損益亦係體察現情可期推行便利間有文義未認之處業經逐條釐正定為律文四十條別為附條五條謹將此項法律案繕具清單照章請 旨交資政院議決奏請 欽定頒行臣等竊維方今朝廷籌備憲政孜孜以採擇輿論為翊贊治化之原各該報紙果能濬淪新知發據正論地方有司方且獎進扶翼之不暇何致以過量之干涉阻社會之文明乃比年以來直省開設各報館緣事被封者已數數見各該報館不自咎其記載之逾越範圍而羣以官府侵害言論自由為口實是皆法令之界限不嚴遂使官民之遵行多舛茲既將報律重加核訂嗣後處罰及禁止各項均應責成該管衙門依律奉行不得意為輕重各報館亦應懍遵國法不得故犯科條庶上以副 國家納民軌物之意而下以策報館代表輿論之功所有覆核報律請 旨交議緣由謹恭摺具陳伏乞 皇上聖鑒謹 奏宣統二年八月二十三日欽奉 諭旨著依議欽此

修正報律條文案附說明 (政府提出)

第一條 凡開設報館發行報紙者應由發行人開具左列各款於發行二十日前呈由該管官署申報民政部或本省督撫咨部存案 一名稱 二體例 三發行人編輯人及印刷人之姓名履歷及住址 四發行所及印刷所之名稱及地址 按本條就原律第一條酌量修正該管官署原律作該管地方官衙門查檢查報紙為巡警官署之責各省警政由地方官管理而京師則另設專廳與順天府並立凡在京師內外城開設報館者自應分別向內外城巡警總廳呈報茲改稱該管官署語意似較賅括又申報民政部或本省督撫咨部存案一節原律作申報本省督撫咨明民政部存案查京師內外城巡警總廳歸民政部直轄凡在內外城總廳呈報之件自可由該廳直接申報民政部毋庸由督撫轉咨茲加修正庶與事實相符

第二條 凡本國人民年滿二十歲以上無左列情事者得充報紙發行人編輯人印刷人

一精神病者 二處監禁以上之刑開釋後未滿三年者 按本條就原律第二條酌量修正原律凡曾處監禁以上之刑者均永遠不得充發行編輯印刷人按照新定各律監禁之刑有輕至二十日者本律即多有此例此種犯罪情節必不甚重若一蹈微眚雖經開釋仍終身奪其言論之權限制似未免太嚴茲酌附年限以三年為期庶較平允

第三條 編輯人印刷人不得以一人兼充 按本條就原律第三條酌量修正原律有發行編輯得一人兼任等語係屬贅設茲從刪節

第四條 發行人應於呈報時分別附繳保押費如左 一每月發行四回以上者銀三百元 一每月發行三回以下者銀一百五十元 其專載學術藝事章程圖表及物價報告等項者免繳保押費 按本條仍原律第四條之舊惟金額比原報所定減少五分之二俾籌措較易則樂從者多庶不失提倡之道又原律第二項有宣講白話等報確係開通民智者

得由官鑑定毋庸繳費之規定查此種小報多無價值其中所載率係閭巷瑣碎之談而業此者輒藉口開通民智呈請免繳此端既開將使辦報者相率避難就易尋出一途而正宗報紙永無發達之望茲從刪節免滋流弊

第五條 第一條所列各款呈報後如有更易應於二十日內重行呈報 發行人有更易時在未經呈報更易以前以假定發行人之名義行之 按本條仍原律第五條之舊惟第二項假定發行人原律作代理人查法學上所謂代理人其定義甚嚴性質與此不同茲改稱假定發行人以杜歧義

第六條 每號報紙應載明發行人編輯人及刷印人之姓名及住址 按本條仍原律第六條之舊

第七條 每號報紙應於發行日遞送該管官署本省督撫及民政部各一分存查 按本條就原律第七條酌量修改原律規定遞送時刻窒礙難通原奏業經聲明茲加修正以便實行

第八條 報紙登載錯誤若本人或關係人聲請更正或送登更正書辨駁書應即於次回或第三回發行之報紙更正或將更正書辨駁書照登 更正或登載更正書辨駁書字形大小須與記載錯誤原文相同 更正書辨駁書字數逾原文二倍者得照該報登載告白定例計字收費 若更正辨駁詞意有背法律或不署姓名及住址者毋庸登載 按本條大意仍原律第八條之舊惟第二項係屬增設其餘文詞亦酌加修改意義似較完密

第九條 登載錯誤事項由他報鈔襲而來者雖無本人或關係人之請求若見該報更正或登載更正書辨駁書應即於次回或第三回發行之報紙分別照辦但不得收費 按本條大意仍原律第八條之舊

第十條 左列各款報紙不得登載 一冒瀆 乘輿之語 二淆亂政體之語 三妨害

治安之語 四敗壞風俗之語 按本條係原律第十四條原律詆毀 宮廷字樣似嫌

徑直茲參照日本新聞紙法之文酌加修改查新擬刑律草案第九十二條凡對於乘輿車

馬有不敬之行爲者處二等或三等有期徒刑原注稱本條所謂不敬之行爲係指因言語

文書舉動而故意干冒乘輿之尊嚴者而言是現行律例所未備而實不敬之大者也各國

立法之例於此無不設有專條等語是此項犯罪應入刑律範圍毋庸規定於報律惟目前

新刑律尙未頒行而現行律例又無適當條文可資援用自以仍就本律規定爲宜又原律

擾害公安字樣範圍廣漠解釋頗難確定茲改爲妨害治安較有標準

第十一條 損害他人名譽之語不論有無事實報紙不得登載 按本條係就原律第十五

條第一項第二項槩括而成查此項犯罪處分亦屬刑律內應行規定之事修正刑律草案

第三百四十條凡揭示事實公然侮辱人者不論其事實之有無處四等以下有期徒刑拘

留或三百元以下罰金又第三百四十一條凡流布虛偽之風說或用其餘偽計而損他人

或其業務之信用者處四等以下有期徒刑拘留或三百元以下罰金即指此項犯罪而言

蓋名譽爲立身處世之要端妄加侵害實與傷害生命自由無異各國刑律均有誹毀之罰

故報律內無庸特設專條惟吾國現行律例無處罰明文而新刑律頒行尙需時日本律之

必設此條其理與前條第一款之規定同惟原律以受賄挾嫌爲成立此罪之要件尙欠允

洽又顛倒是非字樣亦無一定之標準茲改爲損害他人名譽意義似較該括

第十二條 諭旨章奏及一切公文書電報關係秘密未經公布者報紙不得登載 按本

條大意係仍原律第十三條之舊惟於文詞酌加修正

第十三條 外交海陸軍事件經該管官署禁止登載者報紙不得登載 按本條係原律第

十二條

第十四條 豫審事件於公判以前報紙不得登載 按本條係原律第十一條

第十五條 訴訟或會議事俾按照法令禁止旁聽者報紙不得登載 按本條大意係仍原

律第十條之舊查新定諸議局章程資政院院章於會議事件多有禁止旁聽之規定遇有此項會議自應遵依法令一律禁止記載以保秘密

第十六條 在外國發行之報紙有登載第十條所列各款者不得在中國境內發賣或散布

按本條係採取原律第四十條之意而設本律體例係先行爲後定處分原律於此項犯罪獨不用此例又所定處分僅止查禁銷燬更無他項刑名亦似疏漏茲析爲兩條先以本條定發賣散布之禁更於三十條定違犯處分之法庶與本律各條義例相符

第十七條 論說譯著係該報創有註明不許轉登字樣者他報不得鈔襲 按本條係原律

第三十八條惟文詞酌加改正

第十八條 不照第一條第五條第一項呈報發行報紙者處該發行人以五元以上五十元

以下之罰金 呈報不實者處該發行人以十元以上一百元以下之罰金 按本條係原律第十六條及第十八條原律於不行呈報之處分重而於呈報不實之處分輕查呈報不實意存欺詐情節較重其處分亦當視不行呈報者爲嚴方昭平允茲將兩條處分互易併爲一條以便省覽

第十九條 不具第二條所定資格充發行人編輯人或印刷人者處該發行人以五元以上

五十元以下之罰金其編輯人印刷人詐稱者罰同 按本條係從原律第十七條內析出原律處分較輕茲改與不行呈報者同罪又原律於此項犯罪專坐發行人自係明定責任之意惟編輯人印刷人若另有詐稱合格情事亦未便置諸不問應與發行人同一處罰

第二十條 違第四條第一項者以未經呈報論 按本條係對於不納保押費者之制裁原
律漏未規定茲特增入

第二十一條 第四條第二項所指各報其登載有出於範圍以外者處該編輯人以五元以
上五十元以下之罰金 按本條係仍原律第十九條之舊

第二十二條 違第六條第七條者處該發行人以三元以上三十元以下之罰金 按本條
係從原律第十七條內析出所定處分與原律同

第二十三條 違第八條第一第二項或第九條者處該編輯人以三元以上三十元以下之
罰金 前項之罪若所登載係屬私事者非經被害人告訴不論 按本條係原律第二十

條原律以被害人呈訴為處罰之要件查此項犯罪亦有關涉公事照章得請檢察官起訴
者不必盡由被害人告訴也茲酌加區別將原律此條析為兩項第一項係指關涉一切公

事者而言第二項指關涉個人私事者而言似此分別辦理較原律規定似更周密
第二十四條 違第十條登載第一第二第三款者處該發行人編輯人印刷人以二月上

二年以下之監禁附加二十元以上二百元以下之罰金其印刷人實不知情者免其處罰
按本條係就原律第二十三條第一項第二項刪併而成原律此條監禁處分以六月以

上二年以下為率最重與最輕之差僅止四倍查本律所定刑名上下之差多以十倍為限
此係近世各國刑法通例蓋同一犯罪而情節輕重萬有不齊即不得不於同一處罰之中

寬定等差以便審判官之臨時酌度原律於此項監禁處分獨有異例實與全律主義不符
日本舊新聞條例於此項處分為二年以上二年以下之禁錮茲參酌規定改為二月上

二年以下庶為允洽又原律有情節重者仍照刑律治罪之文查報律為特別法之一種本
無變更刑律之效力各種犯罪刑律內如有處罰規定者自應照刑律辦理初不待言此語
係屬贅設茲從刪節

第二十五條 違第十條登載第四款者處該發行人編輯人以二十日以上六月以下之監禁或二十元以上二百元以下之罰金 按本條係從原律第二十二條內析出所定處分與原律相同

第二十六條 違第十一條者處該編輯人以二十日以上六月以下之監禁或二十元以上二百元以下之罰金 前項之罪非經被害人告訴不論 本條第一項之罪若編輯人係受人囑託者該囑託人罰與編輯人同其有賄賂情事者得按賄賂之數各處十倍以下之罰金若十倍之數不滿二百元仍處二百元以下之罰金賄賂入官 本條第一項之罪除涉及私事者外若被告人能證明其專為公益起見並無惡意者得免其處罰 按本條第一項第二項係就原律第十五條第一項第二項及第二十四條第二十五條鑷括而成原律禁止罰金更無監禁之例茲為保護人民名譽起見酌量增入又本條第三項為原律所無查侵害他人名譽固為法律所當懲而報紙監督社會若專為公益起見即持論稍激其情亦尚有可原若一律科以誹毀之罪未免太苛茲量加區別以專為公益不涉惡意者為限免其處罰至摘發個人陰私者仍不在此限但須親告乃坐席於尊重名譽及保障言論自由之旨兩得其平

第二十七條 違第十二條第十三條第十四條第十五條者處該編輯人以二十日以上六月以下之監禁或二十元以上二百元以下之罰金 按本條係就原律第二十一條第二十二條修改而成原律所定處分彼此輕重不同查本律第十二條至第十五條所規定均為保障秘密而設違犯該數條規定者並係侵害秘密之罪性質相同即處罰不應有所出入茲併為一條與以同一之處分實當然之理也

第二十八條 違第十六條者處該發賣人散布人以二十日以上六月以下之監禁或二十

圓以上二百圓以下之罰金報紙入官 按本條與第十六條相爲呼應說詳該條按語
第二十九條 違第十七條者處該編輯人以三圓以上三十圓以下之罰金 前項之罪非
經被害人告訴不論 按本條爲原律所無查本條第十七條即原律第三十八條既有禁
止鈔襲之規定即應有違犯此項規定之制裁若無處分明文則該條規定便同虛設茲酌
量增補以臻完密

第三十條 犯第十八條第一項之罪者至呈報之日止該管官署得以命令禁止發行 按
本條係從原律第三十七條引伸而成原律凡未經按律呈報者郵局概不遞送輪船火車
不得運寄語近掛漏茲改爲呈報或更正以前禁止發行較爲簡明又原律三十七條於按
律呈報之報紙有准令照章減收郵費電費即予郵送遞發之文此爲郵電章程內應行規
定之事本律無庸贅設茲從刪節

第三十一條 犯第二十條之罪者至繳足保押費之日止該管官署得以命令禁止發行
按本條爲原律所無查應繳保押費之報紙若任意不繳即與未經呈報無異茲定爲於繳
費以前禁止發行似與前條立法之意方爲一貫惟三十二三十三兩條之禁止發行或停
止發行係因判決結果而生其未受審判衙門之判決者自不能率予禁止或停止致報館
過受損失然呈報繳費等事既由各該官署辦理則凡未經呈報未經繳報費之報紙自應
許該管官署逕行禁止以示限制而期捷速故本條及上條分別規定至呈報不實應俟判
決後令其更正原呈不必用禁止之手段似較平允若不更正原呈則原呈爲無效亦可照
本條辦理

第三十二條 犯第二十四條之罪者審判衙門得以判決永遠禁止發行 按本條大意係
仍原律第二十九條之舊惟違犯報律既應審判衙門審理則該報紙之應否永遠禁止發

行自應以所犯是否確鑿爲斷若不經由判決殊非正辦日本新聞紙條例亦以認定應否禁止之權寄諸裁判所故本條及次條有此規定也

第三十三條 犯第二十五條第二十七條之罪者審判衙門得按其情節以判決停止發行前項停止發行日報以七日爲率其他各報每月發行四回以上者以四期爲率三回以下者以三期爲率 按本條第一項大意係仍原律第二十七條之舊其第二項係仍原律第二十八條之舊

第三十四條 呈報後延不發行或發行後至應行發行之期中止逾二月者若不聲明原由作爲自行停辦 按本條係仍原律第三十一條之舊

第三十五條 犯本律各條之罪所有訟費罰金及應行入官之款自判決確定之日起逾十日不繳者將保押費抵充不足者仍行追繳保押費已被抵充者該發行人應於接到通知後十日以內將保押費如數補足違者至補足之日止該管官署得以命令禁止發行 按本條第一項係仍原律第三十二條之舊惟於文詞酌加修正第二項禁止發行之規定係屬增設其理與本律第三十一條同

第三十六條 永遠禁止發行或自行停辦者得將保押費領還註銷存案 按本條係仍原律第三十三條之舊

第三十七條 凡於報紙內撰登論說記事填註名號者其責任與編輯人同 按本條係仍原律第三十四條之舊

第三十八條 假定發行人之責任與發行人同 按本條大意係仍原律第三十五條之舊又按原律第三十五條之後有報館出資人及雇用人等應均無涉之文爲第三十六條查刑法通則處罰以法律有明文者爲限出資人及雇用人等本律並無處罰之文其爲無涉

初不待言該條係屬贅設茲從刪除

第三十九條 犯本律各條之罪者不適用自首減輕再犯加重數罪俱發從重之例 按本條係仍原律第四十一條之舊

等四十條 關於本律之公訴期限以六個月為斷 按本條大意係仍原律第四十二條之舊

附條

第一條 本律自頒行文到日起一律施行 按本條定施行期日與原條第四十三條為相當之條文原律施行之期以文到後兩個月為限當時因報律初頒一切準備尙多未完故特寬與限期以便籌辦現在報律頒行已久改用新律無須預故即以文到日為施行之日

第二條 關於本律之訴訟由審判衙門按照法院編制法及其他法令審理 未經設立審判衙門地方暫照舊例辦理 按本條定違犯本律訴訟案件之管轄權為原律所無茲照原奏增入

第三條 本律各條之罪若新刑律內另有規定者至新刑律施行之日悉照新刑律辦理 按本律第十條及第十一條之規定多為刑律所應行規定之事新擬刑律草案即已列有專條將來此項刑律 欽定頒行則本律第二十四條及第二十六條第一項第二項所定處分即應改照刑律辦理

第四條 本律施行以後所有光緒三十四年二月十二日頒行之報律即行作廢 按新法頒行舊法廢止為立法之通例本條特設規定義與原律第四十五條同

第五條 在本律施行以前發行之報紙所繳保押費數目與本律規定不符或按照本律無免繳保押費之規定者應於本律施行後三個月以內按照本律更正或補繳

運輸規則案附說明(政府提出)

第一章 總則

第一條 凡商人或公司違章呈請註冊設立運送店棧或公司代他人辦理轉運事業者謂之運送承辦人 說明 運送承辦人爲居閒營業之一種立於發貨人與運送營業者之間代辦運送事務并代結運送契約者也 運送承辦人有以他種商人兼營者且非許可營業原無強令註冊之必要惟開設店棧公司以代客辦理運送爲專業者應於開辦之始呈報註冊其註冊辦法悉照註冊章程辦理

第二條 凡開設店棧公司於陸地水面以運送貨物及旅客爲業者謂之運送營業者 說明 運送營業者爲近世商業中重要之補助機關即自有運送器具於陸地水面專以運送貨物搭載旅客爲業者也 運送器具大之如輪船火車小之如貨車駁船之類水面之範圍如內河湖川長江內海皆包含之

第三條 不論名目如何惟其營業性質實係運輸者均適用本規則 說明 運送承辦人不限於開設店棧公司如旅館代客之運送營業者亦準用運送承辦人之規定 運送營業者不限於輪船鐵路公司如內地車船行之裝運貨物亦準用運送營業者之規定

第四條 本規則係規定普通運輸事宜其有輪船鐵路特別運輸事隸郵傳部職掌者得由郵傳部自訂規則施行 說明 輪船鐵路爲特別之運輸機關屬於郵傳部管轄應由該部別訂航路各專律其有專律所未及者概照本規則辦理蓋本規則係定普通運輸事項應列入於商律中商行爲編現在商律尙未增訂故暫作單行規則

第五條 運送承辦人運送營業者如令使用人或他人處理運送事務應由本人自負責任
說明 運送事業往往經由數人之手始可達其目的故運送承辦人或運送營業者不能自行處理一切事務必委託使用人或他人代爲之惟委託他人及代理行爲自應由本人自負責任

第二章 運送承辦人

第六條 運送承辦人於貨物之交收起卸存留均有切實照料之責倘有遺失毀損遲到等事苟不能證明實非自己及使用人之過失不得免損害賠償之責 說明 本條規定運送承辦人之責任極爲嚴重蓋發貨人不自委託運送營業者而委託運送承辦人原欲貨物之安全速達也萬一有損失遲到等事除因發貨人之過失或其他不得已之事由外自不能免損害賠償之責

第七條 運送承辦人如有數人時遇有貨物遺失毀損遲到等事各承辦人同負責任 說明 辦理運送如經過數人時其於中途發生事故欲明發生之原因及發生於何時何地何人極非易事故令各承辦人同負責任以免彼此諉卸之弊

第八條 運送承辦人關於運送貨物之運費報酬及曾受發貨人之委託墊付或挪借款項未經發貨人償還者得於貨物中擇其價值相當者暫爲留存 說明 債務未能清還留存貨物作抵就債權論之原屬當然之措置惟其債權須於運送之貨物有直接之關係者否則發貨人不知其留存而收貨人全因自己無關係之事實致被損害於理未爲當也

第九條

運送承辦人如有數人接續承辦時後之承辦者應代前者行使其權利并負擔其

義務 後之承辦人如將前者應得報酬代爲墊付者即取得前者之權利 說明 接續承辦者如由上海運貨至北京託上海之運送承辦人與招商局訂約運至漢口再由承辦人轉託漢口運送之承辦人與京漢鐵路局訂約運至北京斯時漢口之運送承辦人應代上海之運送承辦人向收貨人領取運費及墊付之費用如遇第六條情事亦應代負賠償之責任

第十條 運送承辦人若將運費代墊付於運送營業者即取得運送營業者之權利 說明 本條之規定與前條第二項同一理由皆欲免計算之錯雜圖實際之便利也

第十一條 運送承辦人既將運送之貨物交付於運送營業者非約定由收貨人交付運費即向發貨人領取運費 運送費或地方有定章或臨時面同約定除別有特約外不得另索報酬 說明 貨物之買賣者將運費加入於原價由賣主代墊者有由買主自付運費者故不約定由收貨人交付即應由發貨人交付運送承辦人既爲人辦理運送事務自應領取報酬惟此項報酬通例已含於運費之內故除有特約外不能另行要索也

第十二條 運送承辦人亦可自行運送此時承辦人之權利義務與運送營業者無異 說明 發貨人既委託運送承辦人代爲運送於運送機關之選擇及運送契約之締結概不過問故由運送承辦人轉託運送營業者與運送承辦人之自行運送二者毫無所擇惟運送承辦人自行運送時其權利義務須照運送營業者之規定辦理耳

第十三條 運送承辦人之責任經過一年即可消滅若運送品之全部遺失時從應行交貨之日起算 但因運送承辦人之故意致有損失遲到者不在此例 說明 運送承辦人

之責任消滅其所以規定極短期之時効者因其平日辦理之件數甚多不能常保其證據且使用人之數必多亦不能無所更動設令永續其責任非運送承辦人所能堪也惟運送承辦人有惡意時不在此例 其責任之起算期限在毀損遲到及一部遺失者從收貨人接收之日起算在全部遺失者因無所謂接收日應照應行接收之日起算如上海到北京通例七八日可到即從七八日後起經過一年發貨人或收貨人不行使其權利則其責任即因時効而消滅也

第十四條 運送承辦人對於發貨人收貨人之債權經過一年即行消滅 說明 權利消滅之時効亦與前條同所以保彼此之均衡也其期限從得行使其權利之時起算

第三章 運送營業者

第一節 貨物運送

第十五條 發貨人交貨於運送營業者可併付以運送委託書此書由發貨人署名並記明事項如左 一所運貨物之種類重量容積及其包裝之種類件數並記號 二到達地 三收貨人之姓名或店號 四作此運送委託書之地及年月日 說明 買賣之契約有明約者有默約者默約時無一定之證據即明約時亦無一定之方式故作製書狀與否悉聽自由但即因一方之請求而作製者應將重要之條件載明以爲他日履行之據

第十六條 運送營業者收到貨物及運送委託書可將提貨單或提貨證據交付發貨人以便到達時按據收貨提貨單上由運送營業者署名並記明事項如左 一前條一二三所揭之事項 二發貨人之姓名或店號 三運費 四作此運貨單之地及年月日 說明

運送營業者於收到貨物時有交付以提貨單者有僅交付以簡單之證據如銅牌竹籌之類者後者僅爲提貨之證據物前者兼作運送之契約書

第十七條 凡運送一切事項運送營業者與執提貨單者均照提貨單中所定條件辦理

說明 運送營業者無作製提貨單之必要但因委託者之請求或營業之習慣交付提貨單時應將彼此特約之條件載明於提貨單中俾免異日之爭議

第十八條 提貨單之反面印有買者賣者之空格當買賣時可將姓名填寫蓋印依此方法則買賣此券與買賣現物有同一之効力 說明 近世買賣之方法有以代表貨物之證券爲買賣之目的物者其法於證券之反面書明買賣兩方之姓名以表示權利移轉之意故本規則三十八條規定執提貨單者不限於運送委託書中指定之收貨人即因提貨單可以買賣脫讓也

第十九條 運送營業者非有法律上正當理由不得拒絕發貨人之委託或有留難檢察情事 說明 所謂法律上正當之理由者係指第二十條之違禁物品第二十一條之包裝不固及易於損傷腐敗之物而言此外之品物除因實係滿載不能代運外均不得無故拒絕之

第二十條 發貨人以違禁品物朦委運送經官廳查出者如查明運送者實不知情由發貨人自任其責 但運送者明知其爲違禁品物而代客運送者應查照刑律辦理 說明 違禁物品如鴉片炸藥及禁止出版之書籍等以不准代運爲原則但運送時如包件甚多不能一一檢查之設中途由官廳查出應分別查明運送者知情與否照刑律辦理

第二十一條 發貨人以包裝不固及易於損傷腐敗之物經運送人指明或駁還仍委託運送者倘有破壞情事運送營業者不任其責 說明 貨物運送中運送營業者應負安全保管之責但以包裝不固或易於損傷腐敗之物朦運或既駁回仍委託運送則以後貨物之漏損及腐敗自與運送營業者無涉

第二十二條 發貨人以金銀及各種貴重貨物委託運送者如不明告其種類及價值倘有遺失情事除按照委託書賠償外運送營業者不任其責 說明 金銀及貴重貨物之運費均較尋常運費昂貴發貨人如因吝惜運費隱瞞其種類及價值時倘有遺失情事運送營業者祇能照契約書中明訂之貨物及價值賠償

第二十三條 運送貨物之全部或一部如因天災及其他不可抗禦而遺失者運送營業者不得向索運費若已收運費之全部或一部須即退還 說明 例如運送途中遭遇戰亂車輛馬匹均被虜劫斯時運送之貨物既不能使運送營業者賠償而運送之費用亦不能向發貨人或收貨人要索蓋彼此均遭遇不幸應分担損害方為平允

第二十四條 運送貨物之全部或一部如因第二十一條第二十二條之情事將貨物遺失或毀損時仍得向索運費之全額 說明 本條之規定係因發貨人之過失故雖遺失毀損時亦不能免除義務也

第二十五條 運送營業者自承受運送起至收貨人接收止於運送之貨物遇有遺失毀損或遲到情事如不能證明非自己或使用者或運送承辦人之過失均不能免損害賠償之責 說明 參照第六條

第二十六條 運送之貨物若因運送營業者之故意致令遺失毀損者運送營業者當任一
切損害賠償之責 說明 損害賠償之價額照三十二條一二項之規定係因運送營業
之過失放於貨物遺失或毀損後不須支付之運費及其他之費用可自市價中扣除之若
因運送營業者之故意則不能照此辦理一切損害應悉負賠償之責

第二十七條 如有數人接續運送時於運送之貨物有遺失毀損或遲到情事各運送營業
者同負損害賠償之責 說明 數人接續運送如鐵道之聯絡運輸如日本郵船會社與
上海大阪公司之聯絡若不使各當事者負連帶責任則對於所生之損害欲指摘爲何人
之過失極非易事勢必至無從主張其權利也

第二十八條 運送之貨物如未約定到達之期限亦無特約者自提貨單作成之日起照通
常應可到達期限延不運到時即謂之遲到 說明 到達之日恒預先約定係特別速達
者運費昂貴係候便車便船代運者運費低廉故到達之遲速不可以通常例也 但在未
經明約者應自提貨單作成之日起照通常可以到達之日運到否則即謂之遲到所謂通
常可以到達之日者如上海到北京至遲約十日天津至北京至遲約二三日是也

第二十九條 貨物運到之損害賠償如無特約照運費三分之一償之但發貨人等據理以
爲不相當時得酌量增減 說明 商品價值變動靡常於應可到達之日遲不運到收貨
人即受損失應由運送營業者賠償之惟其賠償之價額本規則雖明定適中之率究竟遲
到之日期或長或短發貨人收貨人或運送營業者以爲不相當時均不妨酌量增減之

第三十條 運送之貨物如有一部遺失或毀損者其餘部分若仍可使用或出賣時可自全

額中減其賠償之價額 說明 運送之貨物全部遺失或毀損者應賠償全部之價額若損失祇及於一部當視下餘之部分仍可使用與否如機械之類失其一部致全體均無價值仍應賠償全部之價額本條規定係指損失之貨物各部分不相連續者如某物百包遺失二十包或某物八十箱毀損十箱之類祇須賠償其遺失或毀損之一部分也

第三十一條 遲到之貨物及因一部遺失毀損致全部不能使用或出賣者或其價額已減少至四分之三者可將其貨物全交於運送營業者向索全部價額之賠償 說明 遲到損害及一部遺失之損害應按照二十九條三十條賠償之惟其損害價額過大如因遲到而貨物腐壞或因遲到而價格陡落時又如因一部遺失而貨物殘缺或因一部遺失而價格低減時應將貨物之全部交付運送營業者向索全部價額之賠償此蓋仿照損害保險損害一部時對於下餘部分之辦法也

第三十二條 損害賠償之價額在一部遺失時照其餘部分到達之日市價計算在全部遺失時照應可到達之日當地市價計算 其遺失或毀損之部分應支付之運費及其他費用應自賠償額中扣除之 說明 損害賠償之價額按照到達日當地之市價計算極為平允惟一部遺失下餘之部分倘有到達之期若全部遺失則無物可以到達故應照通常可以到達之日當地市價計算 市價原包含運費及其他之費用在內故關於遺失或毀損之部分應由市價中剔除運費及其他之費用

第三十三條 運送之貨物因損害之多寡及損害之價額兩面有爭議時可延請公正人判決其公正人或由兩面公請或由地方官委任如提貨單上已載明物價者仍照單計算

說明 貨物損害之多寡及賠償價額之高低易起兩面之爭議故本條規定可請公正人判決公正人於商會中或同業公所中依兩面同意選任之不同意時由地方官委任

第三十四條 運送之貨物如有易於毀傷他人之貨物者隨時可令發貨人起卸如已爲之運送可照收最高之運費但毀損他人貨物時或損壞運送器具仍可向發貨人索取損害賠償 說明 毀傷他人貨物時運送營業者難免賠償之責損壞運送器具時運送營業者自受意外之損故本條規定以不能代運爲原則萬一朦運則運送營業者對於發貨人除因損害要求賠償外應照收最高之運費

第三十五條 發貨人可以請求運送營業者停止運送或反還運送貨物此時須按照既運之路程照算運費并支付其他之費用但運送之貨物已送交收貨人時則其請求無效 說明 如貨物發送後改變其到達地或因他之原因中止其運送時不妨請求解除契約但須按既運之路程照付一切費用若貨物已到達於所指地時則其請求無效

第三十六條 收貨人於收取貨物後如無特約即有照約交付運費及其他費用之義務 說明 收貨人本有支付運費及其他費用之義務但有特約由發貨人支付者不在此例 參照第十一條

第三十七條 既作提貨單必執此單方可接收運送之貨物 說明 提貨單之作用有二 收貨人執持此單可爲提貨之證據運送營業者收回此單可爲運到之收條况此單既可買賣脫讓與現物無異尤不能不憑單取貨也

第三十八條 執單取貨不限於運送委託書中指定之收貨人 說明 運送委託書中有

指定收貨人者有不明記收貨人者又有因買賣脫讓變更原定之收貨人者故於收貨之際只以提貨單爲憑不限於原定之收貨人

第三十九條 如不能訪知收貨人之住所而收貨人又延不來取則運送營業者可將其貨物寄存堆棧或商店若寄存需費可向將來收貨人或原發貨人索取 遇有前項情事運送營業者應催告發貨人定一相當期限詢明如何處置并登報聲明若發貨人經過期限無回答時即將貨物拍賣但拍賣時仍須先行通知發貨人 說明 運送營業者於貨物到著時應通知於收貨人請其提貨但收貨人之住所有遷移或其他情事無從尋覓者祇有代爲供託之一法所謂供託者卽代寄存於貨棧也寄存需費由將來之收貨人或原來之發貨人承認 供託之後定一期限其期限約當郵政來回之期限催告原來發貨人問明如何處置并一面登報聲明倘經過期限收貨人仍無從訪覓發貨人亦並無回答即將該貨物拍賣 在拍賣時仍須先行通知發貨人所以防發貨人於拍賣後忽來處分之回答也

第四十條 前條之規定收貨人於收貨時如有爭執亦準用之 運送營業者於拍賣之先預定一相當期限從速催其收貨如過期不收應速催告發貨人 說明 收貨人因運送之貨物有瑕疵或數量不足等拒不收貨時運送營業者不必待其爭議之結果卽爲之供託 於此時先限期催告收貨人如到期不收更限期催告發貨人如到期不答方照前條辦理將該貨物拍賣

第四十一條 遇前二條之情事如確係易於損敗之貨物不須催促卽可拍賣 拍賣之款

除充運費及一切費用外餘者存儲候領 說明 易於損敗之貨物應即時拍賣因催告
回答遷延時日倘該貨物減其價值彼此均受損失也 拍賣之款應於其中扣除運費運
送營業者代墊之費及因供託拍賣等種費用下餘之款爲之供託於銀行以待領取

第四十二條 運送營業者之責任自收貨人接收貨物并支取運費及其他之費用後即行
銷滅但運送貨物之毀損或一部遺失一時不易發見者收貨人由接收之日起二星期內
仍可通知於運送營業者追究損失之件 前項之規定運送營業者如有故意損失時不
在此限 說明 運送營業者之責任消滅約分三種(一)貨物交割清楚即行銷滅(二)
貨物之毀損或一部遺失即時不能發見者二星期後消滅(三)如有故意損失時仍照一
般債權消滅之期限 照(一)(二)辦法其消滅期限似乎太短然運送營業者對於該貨
物所負責任祇在完全運到至關於買賣之契約及承運之契約尙有發貨人及運送承辦
人擔負責任也

第四十三條 第八條第十三條第十四條之規定運送營業者亦準用之 說明 第八條
係規定留置權第十三條係規定責任消滅之時効第十四條係規定權利消滅之時効可
參照各本條 惟第十三條與前條之規定表面似有衝突其實前條之規定係貨物收到
後責任消滅之時効第十三條之規定係收貨人應收不收或遲到或全部遺失時責任消
滅之時効也

第二節 旅客運送

第四十四條 旅客之車船票如其票爲記名式或附特別之條件者不得轉賣於他人 說

明 記名式證券以不能脫讓爲原則能脫讓爲例外故票據及貨物代表證券等爲便於流通或買賣起見准行脫讓者法律上特明定之 附特別之條件者如車船之免票及特別減折之票等因特別之原因而明訂者倘使私相授受殊背乎明訂之本意也

第四十五條 旅客所帶之行李如不超過章程所載重量或約定之範圍不得別索運費 說明 車船載客章程上必規定行李之件數重量自雇車船習慣上必約定行李之件數重量故於不超過規定或約定之範圍者應負附帶運送之義務

第四十六條 旅客對於運送營業者之義務如不能履行不妨扣留其行李但旅客之身體及隨身衣服不得扣留之 說明 旅客之乘車乘船應照支付運費倘有不履行其義務者在貨物運送可以扣留相當之貨物在旅客運送亦可以擬留相當之行李蓋行李附屬於旅客均爲被運之目的物也 身體及隨身衣服不便扣留亦尊重人權之意

第四十七條 旅客於運送途中因意外之危險致受傷害者運送營業者苟不能證明非自己或使用人之過失不得免損害賠償之責 說明 天災事變非人力可以抵抗者旅客縱受損害亦無要求賠償之理若因運送營業者及其使用人之不經意或重大之過失如可以防避而不預先防避可以抗禦而不設法抗禦之類則其責任即無可逃卸也

第四十八條 前條損害賠償之額如協議不諧即就近呈訴該管審判廳審理 其未設審判廳地方由該管地方官審理 說明 貨物之損害賠償或依市價或由公正人判決旅客之損害賠償法律上極難預定因需斟酌被害者之情況及其家族之情形如醫療費調養費等在死亡時則喪葬費撫卹費等均在應行賠償之列故雙方協議不諧即由官廳審

理

第四十九條 旅客死亡時運送營業者即就近稟明地方官廳驗明會同旅客親族收領併須以最有益於其家族之方法處分其行李 說明 旅客自行死亡應稟報地方官驗明收殮時於其遺留之行李即死亡者財產之一部如其親族在場即隨時交附之否則或託人寄回或即時拍賣或寄存候領均斟酌情形以有益於其家族之方法爲之處分

第五十條 旅客之行李雖不別付運費但運送營業者與運送貨物負同一之責任 說明 旅客之行李亦附屬於旅客者於章程或約定不超過之範圍應負連同運送之義務故其責任亦與運送貨物同

第五十一條 行李至到達地旅客延不來取運送營業者應將其行李存寄催告旅客定一相當期限來取並登報聲明如到期仍不來取即行拍賣但於拍賣時仍當通知於旅客如旅客之住所或居所不明無可通知時祇須登報聲明經過期限不須催告 說明 參照四十二條惟旅客之行李無發貨人之關係蓋旅客於託運行李時不啻自爲發貨人自爲收貨人也 旅客上陸後延不來取其住所居不明亦無法通知惟有登報聲明到期不取即付拍賣之一法也

第五十二條 旅客之行李如未交明運送營業者遇有遺失毀損情事除自己或使用者過失外不任損害賠償之責 說明 旅客行李交明運送營業者後無論別付運費與否仿佛一種之寄託行爲應負安全保管之責如自行攜帶並未交明遇有遺失毀損情事實由於自不注意與運送營業者無涉

第五十三條 旅客於車船應開行時因事自誤不及起程者運送營業者又無久待之理此時旅客即已付運費概不退還 說明 旅客自誤不及起程其運費如非先付或祇付一部者本無所謂退還本條云云如發賣車船票概不退票即其例也

第五十四條 旅客於未起程前已交出運費一半如臨時有事故發生不能起程者運送人不得向索全數若既起程後非將全數交付不可 說明 本條係規定旅客運送契約之解除須分別已未起程已起程者絕對不能解除欲解除之非照付全費不可未起程者祇須交付半費已足此半費非類於普通買賣契約罰金之性質蓋實際上賠補運送營業者運送準備之費用及其他損失也

第五十五條 如於途中修理運送器具或因他事不能運送時祇可照已經運送之路程算收運費或另託他運送營業者代送至到達地 說明 中途因事阻隔致不能運送時或照已運之路算費或另託他運送營業者代運旅客絕無反對之理蓋旅客之目的在於運至到達地照上辦法並未違反其目的也若自願出費另雇車船者應聽其便

附則

本規則於議准後請 旨施行

本規則係屬暫行將來增訂商律時或即歸入商律或為永遠單行規則應俟酌量情形奏明辦理

本規則如有應行修改之處隨時酌量情形奏明辦理

●本局新印考察政治大臣編譯各書廣告

日本統計釋例 每部二册 價銀六角

日本憲政略論 每部一册 價銀三角

駐奧使館報告書 每部一册 價銀三角

日本議會誌 每部二册 價銀八角

比國政治要覽 每部二册 價銀三角

日本憲法疏證 每部二册 價銀六角

日本官制通覽 每部一册 價銀三角

新出英國政府問答 合訂一册 價銀一角五分

以上各種均為講求法政最要之書 北京琉璃廠上海棋盤街商務印書館內均有代售 總發行所北京王府井大街政治官報局

批五十部以上九折 百部以上八折 千部以上七折 外埠郵費照遠近酌加

●本局新印現行刑律發售廣告

修訂法律大臣編定之現行刑律 經憲政編查館覆加核訂於去冬奏請頒行是書進呈案

語為法律漸圖改良之要素 凡問刑衙門均應普通購閱 俾可明悉法制 原委本局現已排印

成書計大清現行刑律案語二十册 核訂現行刑律案語二册 合計每部售價十元 十部以上

九折 五十部以上八折 百部以上七折 存書無多 購幸從速

●本局新出各種要書 (彙批照章折扣)

奏定各省諮議局並選舉各章程 一册 大洋一角五分

已出八册 每册大洋壹角

分○資政院議員選舉章程 一册 大洋一角

○欽定府廳州縣地方自治章程 一册 大洋一角

○憲政分年籌備事宜表 一册 大洋貳角

○京師地方自治章程 一册 大洋一角

○憲法大綱 一册 大洋一角

○憲法大綱 一册 大洋一角

政治官報 告白

●本局新印 考察政治大臣編譯各書廣告

日本統計釋例 每部二冊 價銀六角

日本憲政略論 每部一冊 價銀一角

駐奧使館報告書 每部一冊 價銀三角

日本議會誌法 每部二冊 價銀八角

比國政治要覽 每部一冊 價銀三角

日本憲法疏證 每部二冊 價銀六角

日本官制通覽 每部一冊 價銀三角

英國政府問答 每部一冊 價銀一角五分

以上各種均為講求法政最要之書北京琉璃廠上海棋盤街商務印書館內均有代售

●本局新出各種要書 (彙批照章折扣)

奏定各省諮議局並選舉各章程一冊大洋一角五分

已出八冊每冊大洋壹角

分○奏定城鎮鄉地方自治章程一冊大洋一角

○資政院議員選舉章程一冊大洋一角

●本局新印現行刑律發售廣告

修訂法律大臣編定之現行刑律經憲政編查館覆加核訂於去冬奏請頒行是書進呈案

語為法律漸圖改良之要素凡問刑衙門均應普通購閱俾可明悉法制原委本局現已排印

成書計大清現行刑律案語二十冊核訂現行刑律案語二冊合計每部售價十元十部以上

● 本局新印 考察政治大臣編譯各書廣告

- | | | | |
|-------------|------------|-----------|------------|
| 日本統計釋例 | 每部二册價銀六角 | 日本憲法說明書 | 每部一册價銀四角 |
| 日本憲政略論 | 每部一册價銀一角 | 譯書提要 | 每部一册價銀一角 |
| 駐奧使館報告書 | 每部一册價銀三角 | 日本政治要覽 | 每部二册價銀六角 |
| 日本議會誌法 | 每部二册價銀八角 | 法國政治要覽 | 每部一册價銀三角 |
| 比國政治要覽 | 每部一册價銀三角 | 日本丙午議會 | 每部一册價銀四角 |
| 日本憲法疏證 | 每部二册價銀六角 | 英國財政要覽 | 每部一册價銀三角 |
| 日本官制通覽 | 每部一册價銀三角 | 出新 英國議院答問 | 每部一册價銀二角五分 |
| 出新 英國政府臣民答問 | 合訂一册價銀一角五分 | | |
- 以上各種均為講求法政最要之書北京琉璃廠上海棋盤街商務印書館內均有代售總批五十部以上九折百部以上八折千部以上七折外埠郵費照遠近酌加
- 總發行所北京王府井大街政治官報局

● 本局新印現行刑律定本發售廣告

大清現行刑律定本於九月初三日經修訂法律大臣會同憲政編查館奏進頒行是書為最後奏定之本自頒行以後京外問刑衙門審判案件引用律例一以此次定本為準凡坊肆刻本一概不得援用以免錯誤從前兩館案語並勸誤表修正清單條文間有異同此次定本皆逐條訂正類若畫一司獄者均應家置一編以為圭臬本局現用毛邊紙大字精印校讎審毫無訛奪後附禁煙條例秋審條款每部裝訂十二册定價京平足銀二兩七錢百部以上九折各省定購甚多存書有限欲購者請至本局交價付書可也

● 學部圖書局售發處書賣籍廣告 ●

右列各種書目均已出版近印之書甚多俟出版後陸續廣告總發行所在京都五道廟街學部圖書局售發處分售處在廊房頭條胡同京師第一勸業場內本京琉璃廠各大書坊均認寄售如蒙各省購取以上開列書籍請函知總發行所豫繳書價當由郵局寄到不誤郵費照加凡購本局以上各種書籍每種過五部者九折過十部者八折過三十部者七折過五十部者七折過百部者六折見各處學堂本局贈有購書券者雖購買零冊亦按九折計算再本局為各處便利起見分教員學生每學期應用各書籍自為一份凡整購一份書籍者價值較為從廉茲列價目於後

- 第一學期學生用書 初等小學堂五年完全科修身教科書第一冊 國文教科書第一冊 習字帖第一冊 圖畫教科書第一冊 共價大銀元二角四分
- 第一學期教員用書 初等小學堂五年完全科修身教科書第一冊 國文教科書第一冊 樂歌教科書第一冊 算術教科書第一冊 共價大銀元七角二分
- 第二學期學生用書 初等小學堂五年完全科修身教科書第二冊 國文教科書第二冊 習字帖第二冊 圖畫教科書第二冊 共價大銀元二角三分
- 第二學期教員用書 初等小學堂五年完全科修身教科書第二冊 國文教科書第二冊 手工教科書第二冊 算術教科書第二冊 共價大銀元五角五分
- 第三學期學生用書 初等小學堂五年完全科修身教科書第三冊 國文教科書第三冊 習字帖第三冊 圖畫教科書第三冊 共價大銀元二角四分
- 第三學期教員用書 初等小學堂五年完全科修身教科書第三冊 國文教科書第三冊 手工教科書第三冊 算術教科書第三冊 共價大銀元五角九分
- 第四學期學生用書 初等小學堂五年完全科修身教科書第四冊 國文教科書第四冊 習字帖第四冊 圖畫教科書第四冊 共價大銀元二角四分
- 第四學期教員用書 初等小學堂五年完全科修身教科書第四冊 國文教科書第四冊 手工教科書第四冊 算術教科書第四冊 共價大銀元七角

高等實業學堂示諭

爲示諭事所有在京報名投考之曾經中學堂畢業生業准 農工商部造冊照送到堂著於本月二十八日早八點鐘備帶中外筆墨至西四牌樓迤北翊教寺西口外本學堂內聽候考試如有報名時未曾呈驗文憑相片者并於是日備帶呈驗是爲至要此諭

高等實業學堂示諭

爲示諭事照得本學堂招考新班前經 農工商部出示曉諭在案嗣因報考學生有未經中學堂畢業者本監督念其有志實業已咨呈商明農工商部於本堂正班外附設補習科兩班限於中學堂學生領有六學期以上修業文憑者補習二年得有八學期以上修業文憑者補習一年畢業考試及格升入正班爲此示諭各該生除前經報考交有文憑相片業經造冊外如領有此項文憑有志來堂肄業者迅即携帶文憑並相片圖結履歷一併於九月二十八日以前到西四牌樓迤北翊教寺西口本學堂報名呈驗以憑造冊備卷定於十月初一日早八點鐘來堂携帶中外筆墨聽候考試切切此諭

資政院廣告

本院前因速記錄尙無出版之議故所出議事錄體例於記事之外間及議員言論勢必不能詳盡現擬將速記錄發印以昭詳實其議事錄從本號起專取記事體例所有議場言論則全歸速記錄記載至本號以前之議事錄暫仍其舊俟全部告成之日再行改歸一律

本院公啓

高等實業學堂示諭

爲示諭事所有在京報名投考之曾經中學堂畢業生業准農工商部造冊照送到堂著於本月二十八日早八點鐘備帶中外筆墨至西四牌樓迤北翊教寺西口外本學堂內聽候考試如有報名時未曾呈驗文憑相片者并於是日備帶呈驗是爲至要此諭

高等實業學堂示諭

爲示諭事照得本學堂招考新班前經農工商部出示曉諭在案嗣因報考學生有未經中學堂畢業者本監督念其有志實業已咨呈商明農工商部於本堂正班外附設補習科兩班限於中學堂學生領有六學期以上修業文憑者補習二年得有八學期以上修業文憑者補習一年畢業考試及格升入正班爲此示諭各該生除前經報考交有文憑相片業經造冊外如領有此項文憑有志來堂肄業者迅即携帶文憑並相片圖結履歷一併於九月二十八日以前到西四牌樓迤北翊教寺西口本學堂報名呈驗以憑造冊備卷定於十月初一日早八點鐘來堂携帶中外筆墨聽候考試切切此諭

● 本局新印現行刑律定本發售廣告

大清現行刑律定本於九月初三日經修訂法律大臣會同憲政編查館奏進頒行是書爲最後奏定之本自頒行以後京外問刑衙門審判案件引用律例一以此次定本爲準凡坊肆刻本一概不得援用以免錯誤從前兩館案語並勘誤表修正清單條文間有異同此次定本皆逐條訂正類若畫一司獄者均應家置一編以爲圭臬本局現用毛邊紙大字精印校讎審毫無訛奪後附禁煙條例秋審條款每部裝訂十二册定價京平足銀二兩七錢百部以上九折各省定購甚多存書有限欲購者請至本局交價付書可也

再本局用進呈現行刑律原本縮小石印現已成書字本精良最便舟車携帶價值格外從廉每部十二册僅取工料大洋貳元如有躉莊批發照章折扣

[General Information]

书名=奏设政治官报 (37)

作者=

页数=570

出版社=文海出版社

出版日期=1965

SS号=12577776

DX号=000007593648

URL=<http://book.szdnnet.org.cn/bookDetail.jsp?dxNumber=000007593648&d=D1F634F09DF2D208BC670FFEFF8C4ED4>